

UTL AT DOWNSVIEW



D RANGE BAY SHLF POS ITEM C
39 12 06 12 01 004 2

BP
165
K39

Kāzım, Mūsā
Küllīyāt

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY





1945/6

کتابیات

شیخ الاسلام

کاظمی

دینی، اجتماعی مقالہ

Kāzım, Mūsā, 1858-1919
Külliyāt



اوقاف اسلامیہ مطبعہ سی

۱۳۳۶

99

BP
165
K39




1032710

مدنیت صحیحہ

و

دیانت حقہ



مدنیت صحیحہ - دیانت حقہ

« مدنیت » بر شہرہ ، بر گویدہ ، نرسہ اولورسہ اولسون بر محلدہ طویلو اولہرق یشامق دیمکدر . بودہ نوع بشرک مقتضای خلقت وطبعیدر . چونکہ معیشت انسانہ معیشت حیوانہ کی بسیط وسادہ دکلد . انسان یشایہ بیلسمی ایچون باشلی باشنہ تدارک ایدہ میہ چکی بر طاقم شیلرہ محتاجدر . بناءً علیہ انسانلر تا ابتدای خلقتدن یری بری برینہ یاردم ایدرک وبر یردہ طویلو اولہرق یشایہ کلشردرکہ انسانک طبعاً مدنی اولمنسک معناسی دخی بودر .

ایشته انسانلر طبعاً مدنی اولدقلری ایچون ہر عصرہ بر نوع مدنیت رونما اولمش واولمقدہ بولنمش ایسہدہ مدنیت کاملہ یہ مظهریت ہر قومہ نصیب اولمامشدر . عجایب ؛ بو مدنیت کاملہ دنیلن شی بر قومک ، علوم طبیعیہ وریاضیہدہ ترقی اتمسی وانواع صنایعی اختراع ایلمسی ؛ واپورلر ، شومندوفرلر ایجاد ایدرک نقلیات ایچون بونجہ تسہیلات کوسترمسی ؛ بیوک شہرلر ، واسع جادہلر ، عالی بنالر وجودہ کتیرمسی وسائرہسی دکلی ؛ اگر بونلر ایسہ بو کی شیلرہ نائلیت پک چوق اقوامہ نصیب اولمش والحالہ ہذہ اولمقدہ بولنمشدر .

خیر ! یالکز بونلر دکل . چونکہ مدنیتدن مقصد اصلی بالجملہ اہالینک رفاہ وسعدت اوزرہ یشامسیدر . حالوکہ علوم وفنون وضنایع مذکورہ نیک الہ چوق ترقی ابتدیی یرلردہ بو رفاہہ ، بو سعادتہ نائل اولانلر انجق یوزدہ بر نسبتہدر . متباقی اہالی بارکران دردومعیشت التندہ ازلمکدہ ، حتی ایکی اوطہلی بر خانہ بہ بیلہ مالکیتدن محروم براقلمقدہدر .

بو حالہ مدنیت صحیحہ انسانلرہ ہر درلو اسباب سعادت ورفاہیتی بخش ایدن بر مدنیتدرکہ اودہ ہر ایشدہ استقامت ، ہر خصوصدہ عدالت ، بنی نوعہ معاونت ، بتون معایب عقلیہدن مجانبت ایلہ حاصل ، بونلردہ انجق دیانت حقہ ایلہ قائمدر . زیرا انساندہ حسب الخلقہ برطاقم قوای حیوانہ ومبادی شہوانہ واردرکہ اگر انسان کندیسنی بر تربیہ معنویہ آلتندہ بولندرماز ؛ نفسک بر قوہ غالبہ ، بر قدرت قاہرہ یہ قارشی محکوم

اولدیغنی تصدیق ایتمز ایسه یالکیز قوا و مبادی مذکورده نیک مقتضیاتی تحصیله سعی ایدوب ملکه عقلیه سنک مقتضیاته اصلا اهمیت ویرمز .

بونک بویله اولدیغنه صفات عالیه و اخلاق فاضله ایله متصف و متخلق اولان ذواتک پک نادر اولدیغنی شهادت ایتمکده ایسه ده بالجمله عقلا نزدیکه مسکرات و بالجمله مکیفاتک، قار و امثالی انواع لعیبات و سفاهتک مضر صحت و مضر اخلاق اولدقلری بلاشک معلوم و مسلیم ایکن بومضر شیلره اچوق مبتلا اولانلرکینه عقلا صنفدن اولدقلرینی اخطار ایدرایسه ک ارتق مدعامنرک حقیقته هیچ شبهه قائلز ، صانیرم .

حالبوکه انسان دایما قوای حیوانیه و مبادی شهوانیه سنک مقتضیاتی تحصیله سعی ایدر و هوسات نفسانیه سنه مغلوب اولور ایسه هر خصوصده کندی منافع شخصییه و مطالب خسیسه سنی نظر اعتباره الهرق غیرک ضرر و زیانی خاطرینه بیله کتیرمز . کتیرسه بیله « بنم مطلوب حاصل اولسون ده باشقه سنی نه اولور ایسه اولسون » دیمکدن هیچ ده چکنمز . چونکه بومقوله کیمسه نزدیکه سعادت دینلین شی بو حیات فانیه ده هر ارزو ایتدیکنه نائلیدن عبارتدر . بوکا نائل اولمدق دناصکره او حیاتک ده اصلا دکری یوقدر . فعل اتحارک اچوق دینسزلر میاننده وقوعی دنجی بوکا ایروجه بر دیلدر .

بناء علیه دینسزلره کوره هر فعل و قولده استقامت ، هر خصوصده عدالت ، لدی الایجاب نبی نوعه معاونت ، بوتون معاییدن مجانبیت کبی شیلرک هپ او هام و خیالات قیلندن اولدقلری درکار و بو حالده کندی مطالب ذاتیه و منافع خسیسه لرینی تحصیل ایچون عندالاقضاهر درلور ذائل ارتکابدن نکول ایتیه جکلری بیداردر . شمده بر قوم ، بر ملت فرض ایده لم که هپسی دینسز اولسونلر . عجب بونلرک تشکیل مدنیت ایدرک رفاه و سعادت اوزره یاشایه بیلملری قابل اوله بیلیرمی ؟ هیهات ! زیرا بویله هر کس کندی مشبهاته ، کندی هوساته مغلوب اولهرق لدی الایجاب هر درلو قائلنی ارتکاب ایده جک اولور ایسه اوقوم ، اومت آراسنده منازعه ، مناقشه ، حتی مجادله ، مقاتله حکم فرما اولمزمی ؟ و بو حالده روح ملت و اسباب مدنیت اولان علمه ، معرفته ، زراعته ، تجارتنه ، صنعته خلل طاری اولهرق اهالی رفاهدن ، سعادتدن بالکلیه محروم قائلزمی ؟

اگر دینتیرسه که : بز اوقومده علوم و معارفک ده تعمم ایتدیکنی فرض ایدر ایسه ک اسباب مدنیته خلل طاری اولق شوپله طورسون ، بلکه لها ترقی و تکمیل ایدر . انلر دین و مذهب یرینه « انسانییت » نامنه هر فعل و قولده استقامت ،

ہر خصوصاً عدالت و یکدیگریہ معاونت، غیرک حقوقہ تجاوزدن و بتون معاہدن بجانب ایدرک کمال رفاه و سعادت اوزرہ یشارلر .

بوکا ایکی درلو جواب ویریرز: اولاً دیرزکہ : تعمیم معارف دیمک هر کسی بر حکیم ذی فنون ایتمک ایسه بو ایکی وجهله مردوددر :

۱ — بر انسانک حکیم ذی فنون اولسی انحق بتون حیاتی، بتون اوقاتی تحصیل علوم و فنونہ حصر ایله اوله بیلیر . حالوکه انسان بر طاقم احتیاجات مدنیه و مبرمیه محکوم اولدیغندن بر قومی، بر ملتی تشکیل ایدن افرادک جمله سی بتون زمانلری، بتون وقتلری علوم و فنونی تحصیلہ حصر ایدہ منزلر . چونکہ بو تقدیرده کندیلری اعاشه، احتیاجلری ازاله ایدہ جک کیمسه بوله مازلر .

۲ — انسانلر احوال سائرده اولدیغی کبی درایت و استعداد جهتله ده یکدیگریہ مخالف اولدقلرندن بر قومی تشکیل ایدن افرادک جمله سی بالفرض بتون زمانلری تحصیل علوم و فنونہ حصر ایتمه لر بیله ینه هپسی او مرتبه عالیہ یی احراز ایدہ منزلر . بلکه بیکده بری او رتبه یی نائل اولور ایسه ده متباقیسی ینه کندیلری بهیمتدن قورنارده منزلر .

یوق، اگر تعمیم معارف دیمک هر کسه او قویوب یازمق او کره تمک، بر ازده مقدمات فنونی تعلیم ایتمک دیمک ایسه — بونک امکانده دخی شبه اولماقہ برابر — بوده حصول مقصدہ کافی اوله مز، بونکله ده مدنیت صحیحہ حصوله کله مز . چونکہ انلر بو تقدیرده ترویج مرام و تحصیل مقاصد ایچون بر طاقم جیل و دسائس یوللری تعلیم ایتمش، احتراصات نفسانیہ و شہوات حیوانیہ لری ده ا زیادہ توسیع ایلش اوله جقلرندن کندیلرینک انسانیتی سیانتدن زیادہ منافع خسیسه لرینه خدمت وانلرہ نائیت ایچون مشروع، غیر مشروع هر درلو واسطه یی مراجعت ایدہ جکلری اشکاردر .

ثانیاً دیرزکہ : او قومک کافه افرادی حکمدان اولسه بیله مادامکہ آنلر الوهیت و نبوتی، معنویات و امور آخرتی منکرلردر، مادامکہ هوسات نفسانیہ و شہوات حیوانیہ لری ده مقتضیات عقلیہ لرینه بلا شک غالبدر؛ فرصت الویوردیکی یرده منافع ذاتیہ لری اوغورنده کندیلری ارتکاب دنائتدن هانکی شی منع ایدہ جکلر ؟

« انسانیت » می؟ ہم بویله بر قوری « انسانیت » نامیله هر دینسزک بی

تو عنقه فارسی اظهار حمیت و ابراز مروت ایدرک هر درلو فداکارلقده بولنه جفنه، حتی فرصت الوردیکی رده بیله منافع خسیسه سنی، هوسات نفسانیه سنی تحصیل ایچون ارتکاب دنائت ائیمه چکنه هیچده عقلم ایرمور. زیرا بنجه «انسانیت» دیمک استقامتی، جدیتی، مزحمتی، شققتی، عاطفتی، هر خصوصده عدالتی، الحاصل کافه اخلاق عالیه و صفات فاضله بی مستلزم اولان «انسانلق» دیمکدر. بوا یسه دینک، مذهبک، اعتقادک تفرعاتنددر. بناءً علیه دینی، مذهبی، اعتقادی اولیان هر هانکی بر شخص کندیسنی بهیمیتدن خلاص ایده مزکه او اخلاق عالیه ایله تخلق، اوصفات فاضله ایله اتصاف ایسونده منافع شخصییه سی او غورنده ارتکاب دنائتدن اجتناب ایلسون. شه کیم بر چوق دینسر فلاسفه نیک پدر و مادر لرینه، همشیره و برادر لرینه بیله اثر مرحمت و اثر شققت کوستر مدکاری، حتی آخلاقدن اولسه لر بیله اصلا متأثر اولدقلری اکثریا کورلمکده و تواتراً ایشیدلمکده دو. بویله کندی اقباسنه، کندی عالیه نه مرحمت و شققت اثری کوستر مین کیمسه لک اجانبه فارسی ابراز مروت و اظهار حمیت ایده جکاری، هوسات نفسانیه لرینه غالب کلهرک هر خصوصده استقامت و عدالتدن انحراف ائیمه جکاری، لدی الایجاب بی نوعندن ممکن اولان هر درلو فداکارلقی دریغ ایله میه جکاری قابلیدر؟ شبهه یوقکه قابل دکدر. او یله ایسه هر نه حالده، هر نه صفتده بولنور لر ایسه بولنسونلر دینسر آدم لک بر یرد کلهرک بر مدنیت صحیحه تشکیل ایده بیاملری دخی قابل دکدر. بناءً علیه مدنیت صحیحه نیک انجق اخلاق فاضله و اوصاف عالیه ایله، بولنلرکده دیانت حقه ایله حصول پذیر اوله جفی هر درلو شههدن آزاده در.

ترجمان حقیقت: ۱۱ تموز ۱۳۱۴

بکن هغه نشرینه اجتناب ایله بکم «مدنیت صحیحه و دیانت حقه» عنوانی بر مقاله عاجزانه ده «مدنیت صحیحه» نیک اخلاق فاضله و اوصاف عالیه ایله، بولنلرکده دیانت حقه ایله حصوله کلجکینی اثباته چالیشوش. بو بابده خیلی ادله سرد و اتیان الیش ایدم. حد ذاتنده درکسر اولقله برابر مقاله مذکورده نیک بعض معتبر غزته لر طرقتدن اخذ و اقتباس اولدقینی، علی الخصوص ادب شهر عزیزلو عمود کمال بک افندی برادریمزک داعیارینه خضایا نشرینه و «ترجمان حقیقت» غزته معتبره من ایله ایکی کون نشرینه همت بیوردقلری نه «مدنیت صحیحه» عنوانی بر مقاله بلاغت اساله لر یله مقاله عاجزانه مزک توسیع و توضیحه عنایت و یوسلر یله — بر شینه مقتدر اولدقیم حالده حق داعیانده بک چوق آثار تشویق کازی به اجاله خامه فضیلت بیورهش اولدقلری کورنجه بوندن طولانی میز مومی ایله

پورجلی اولدینغ تشکر داعیانہ می علنا ایله برابر خیمت اهمیتنه بنام بومشایه داتر حکمای اسلامیه دن برذات فضائل جاتک مطالعه سنی دخی بروجہ آتی بیانہ جسارت آلمہ ایسته او ذات معالی صفات دیورکه :

طرف الیهدن السانہ تودیع اولنمش برطاقم قوای حیوانیه وهوسات نفسانیه وارددر . هرکس او قوتلرک ، او هوسلرک مقتضیاتی طبعاً ، خاتمہ تحصیله مجبوردر . انلری تحصیل ایدمه مدیککی وانلره نائل اولمه مدینگی تقدیرده او هوسنی تسکین ایلک ، شدت نفسنی کسر ایتمک کننیدینه ممکن دکلددر . بو ایسه برام وجدانی ، بزمراض نفسانیدرکه هوس و آرزو اولنان شیلرنه دن عبارت ایسه انلره وصلتدن بشقه بر شی ایله تداویمی غیر قابلدر . حالبوکه طبیعتده او مطلوبه وصلت ایچون حق ، باطل ، فتنه و فساد کبی برچوق طرق و وسائل موجود ایسه ده طبیعت بونلردن هانکیسینه سلوک ایدلدیکی حالده دائره عدالت و حقانیتده اولدرق مطلوب مذکورک حاصل اوله جغنی و اولم وجدانی و او مرض نفسانیک ینه اولد آردده اولمق شرطیه ازاله ایدیله جکنی تعیین ایتمه مش و بلکه بو باده انسانی حصول مقصده مدار اولمق اوزره بوجه آتی امور اربعه تک بریسی اختیار و ترجیحده مخیر قلمیشدر :

برنجیسی مدافعہ نفس در . یعنی هرکس کندی حقوقنی محافظه ، کندی نفسنی مدافعہ ایتمک صورتیدر . بو ایسه هر فردک ، هر شخصک انواع مهالکه قارشی طورمی و کچه کوندوز سلاح بدست اولسیله ممکن اوله بیلیر . حالبوکه اگر هرکس بو صورتله یشامق مجبوریتده بونور ، کندی غوائل نفسانیه سی ایچنده محصور قالیرایسه انسانلرک یکدیگرینه تجاوزات و تعرضاتده بولنه جقلری درکار اولدیغندن نعمت عظمای مدنیته نائل اولمق شویله طورسون ، روی زمینده فتنه و فساد نمایان ، بتون سحرالر انسان قانیه بویان ، هر فرد مدافعہ نفس و محافظه حقوق یولنده قربان اولور . زیرا بو تقدیرده قویلر ضعیفلری پریشان ، اقران اقرانی دوچار خذلان ایدر . بو حالده نوع بشر بر بوزندن زائل اولوب کیدر .

ایکنجیسی شرف نفس در . اولاشرف نفسک معناسنی بیله مده بعده انک مدار مدنیت و میزان عدالت اولوب اولیه جغه نقل کلام ایدم : « شرف نفس » انسانده بر صفتدوکه صاحبنی افعال ذمیعه بی ایاندن و حرکات قیحه بی اجراند منع ایدر .

(شرف نفس) که شوذکر اولنان معناسنی کورن بر کیسه یک نظرده انک میزان مدنیت و معیار عدالت اوله بیله چکنه حکم ایدر ایسه دهه بر از تعمیق افکار ایدنجه حقیقت حاکم بشقه اولدیغنه کندیسینده قناعت کامله حاصل اوله جنی شبهه سزدر . زیرا (شرف نفس) دنیلن شیئک بر حقیقت معینه سی یوقدر . مزاجک ، زمانک ، اقوامک اختلافیه اوده مختلفدر .

بر جوق شیلر وازدرکه بعض قوم عنندنه شرف و فضیلت عد اولدیغنی حالده دیگر قومه کوره خست و دنائت صاییلر لر . غضب و نهب اموال و استرقاق احرار کی که بونلر بادیه نشین اولانلر نزدنده بر فضیلت ، بر شرافت و بونلرده کسب مهارت ایتیش اولانلر لایق بلندرتبت اولوب اهل امصار و اهل قرا عنندنه ایسه بونلردن هر بری بر ذالت ، بر نمونه و حشدر . حیل و دسائس دخی عینی بو حکمده اولوب بعض قوم بونلری خست و دنائت ، دیگری ایسه عقل و حکمت عدایدر . الحاصل طبقات ناسه ، عادات اقوامه ، اختلافات امکانه و ازمانه کوره (شرف نفس) دخی مختلف اولوب هر قوم و هر طبقه کندیلر نجه بر شیئی شرف عدایتشیلر ، دیگرینک کنه او عنوانی و برمه مشلر در . بونک ایچون هر کس کندیسینک صاحب شرف اولدیغنی ، بناء علیه نفسک شاعتدن ، دنائتدن بری بولدیغنی و حائز اولدیغنی صفتک دیگرینک حائز اولدیغنی صفتدن دها عالی اولدیغنی زعم ایده گلشدر . بو حالده اگر (شرف نفس) صفتی میزان مدنیت و معیار عدالت قیلنجه جق اولور ایسه بونک بر حقیقت معینه سی اولیوب هر کس کندی زمانه ، کندی مکانه ، کندی اقران و امثالنه کوره بر شیئه (شرافت) عنوانی و برمش و بشقه سنک شرفنه (دنائت) نظریله باققده بولمش ، یا خود او شرفک کندی شرفک مادوننده اولدیغنی زعم و اعتقادینه دو شمش اولدیغندن هر کس کندی شرافتی نامنه اوله رق جلب منافع و دفع مضاره چالیشیر .

مع هذا بوده هر شخصک (شرف نفس) نامنه اوله رق هر حالده ، هر خصوصده ابراز جدیت و کندی زعم نجه اظهار حمیت ایده چکنه کوره در . اما اگر (شرف نفس) دینان سی بر قوری سوزدن عبارت اولور و هر کس کندی منفعت تخصیصی جاب مقصدیه ظاهر اوصفتله ترین و تجمل ایلدیگی حالده باطناً منافع خسیسه سی او غورونده شاعت و دنائت خفییه یی اجرا و ارتکابدن هیچده چکنمز ایسه (شرف نفس) که میزان مدنیت اولسنه بدل ، بروسایه و هشت و دنائت اوله جفته

شہہ یوقدر . زیرا مجرد سعادتہ ، رفاہیتہ ، وسعت معیشتہ ، کثرت ثروتہ نائیت مقصدیہ زی شرف ولباس عقندہ کورون بر آدم بر کرد وسعت معیشت وکثرت ثروتہ نائل اولدقدنصر کردہ کندینسک بردہا صفت دناستہ اشتہار ایتیمہ جکنہ قطعاً امین در .

بناء علیہ ارباب عقولک (شرف نفس) ی میزان مدنیت و معیار عدالت اتخاذ ایسی لایق اوله مز . بر صاحب عقل بوصفتک هر کسه حدینی بیلدیره جکنہ ، هر شخصی کندی حقتہ ارضا ایله جکنہ ، هر دلو تعرضاندن و تجاوزاندن منع ایده جکنہ احتمال ویرمز .

برسی چیقوبده : « شرف نفس محبتی هر کسک قلبه ثابت جدی و صمیمی اولدق یرلشمشدر . بناء علیہ بو محبت قلبه هر شخصی او شرفله ترینه سوق ایدر . بو حوالده هر انسان نفسنی دناستدن ، رذالندن تنزیه و تبعید ایله . » دیرایسه بو سواله ایکی وجهه جواب ویریز :

اولا : بین الناس موجب مدوحیت و باعث محمدت اولان شی ایله - که شرف نفسدر - هوسات نفسانیه و مقتضیات قوای حیوانیه تعارض ایتدکده یعنی ایکیمی اجتماع ایلدکده هپ انسانلرک برنجی بی ایکنجی به همه حال ترجیح ایده جکلر بی تسلیم ایتمز . چونکه طبقات و احوال ناسه امعانه نظر اولدقدده کوریا بر که اکثر ناسک مغلوب شهوات نفسانیه ، مجلوب مقتضیات قوای حیوانیه اولدقلری بلاشک نابتدر .

ثانیاً : بین الناس موجب مدوحیت و باعث مفخرت اولان « شرف نفس » دکل ، بلکه کثرت ثروت و بلند رتبتدر . زیرا مناصب صاحبی برطاقم ذوات حقتده قصیده لر تنظیم ایدن ، مدحیه لر سویلین شعرا و مؤرخین او مدح لره ، اوستا یلره سوق ایدن شی تمدوح لر نده کوردکلری ثروت و بلند رفعتدر . اگر بو ایکی فضیلتی ایلرده کورماش اولسه لر ایدی شہہ یوقکه کندیلر بی مدح و ثنا ایتیمه جکلر ایدی .

اکثر ناسک انحق بو ایکی فضیلتی تحصیله بدل مقدرت ایتدکده بوندقلری باشقهنه اصلا اهمیت ویرما مکده اولدقلری دخی شومد عامزی تأیید ایدر .

مدار مدنیت و میزان عدالت اتخاذ اوله بحق سیرلک او حیجیدی ده حکومت در . واقعا حکومتسز هیچ بر قوم ایشایه مز . چونکه احتیاق حق ، دفع مظالم ، مقابله اعدا و محافظه مملکت حکومتسز ممکن اوله مز . اگر حکومت اولسه

اقویا ضعفاً ، اغیا فقرانی امحا و اعدا ممالکی استیلا ایدر . صاحب سعادت
 اقدامن حضرت تلیرنک « سلطان روی ارضده بر ظل الهیدر . هر مظلوم اکا
 التجا ایلر . » مآئده کی بر حدیث شریفلری دخی بوکاصورت قطعیه ده دلالت ایلر .
 فقط معلوم یا ، خنایای امورده وقوف علام الغیوب حضرت تلیرنه مخصوص
 اولدیغندن « نحو حکم بالظواهر » فجوی منیفجه حکومت انحق مظالم ظاهره
 و مفاسدینه بی دفع و ازاله یه مأموردر . بوا یسه مدنیت حقیقه و صحیحه نك حصول
 و دوامده غیر کافدر .

مدار مدنیت اوله یله جک اشیا نك دردنجیسنه کنجه اوده ربانت و الرهیتی
 اعتقاد درکه اجمالی شودر : بو عالمک بر صانبی واردر . او صانع مضمرات
 قلبی و خنایای اموری علیمدر . عالی القدرت ، واسع القوتدر . خیر و شر
 انجون مکافات و مجازات تقدیر ایتشدر . بو حیاتدن صکرده هر کس بر حیات
 ابدیه مظهر اوله جق و اوراده هر شخص اعتقاد و عملنه کورده مکافات و یا
 مجازات ایدله جکدر .

ایشته بو اعتقاد ایله ترین ذات و صفات ایتک انسانى مقتضای شهواتدن
 وغیره تجاوزاتدن بلا شک منع ایله جکی کبی اثر عذر و ماده تدلیسی دخی محو
 و ازاله ایده جکندن احقاق حق و سائلنک افضلی ، ازاله عذر و دفع مظالم
 اسبابنک اشرفی اولوب هر حالده جالب امن و استراحت ، باعث عیش و سعادتدر .
 شو قدرکه بالاده بیان اولنان اسبابه مبنی بر قومک ، بر ملتک یشایه بیلیمی
 هر حالده بر حکومتک تأسیسنه و امامت عامه نك موجودیتنه وابسته اولدیغی کبی
 و قومی ، او ملتی عدالت و حقیقت طرفدارى ایدرک سعادت ماده و مغنوبه لرینه
 باعث اولان دین و اعتقادک بقا و حمایتی ده بر حکومتک تأسیسنه متوقفدر .
 بناء علیه مدار مدنیت صحیحه دین و اعتقاد ایسه ده انی حمایه و ابقا ایدن دخی
 بر حکومت مشروعه اولدیغندن « مدنیت صحیحه » نك دین و اعتقاد ایله
 حصوله کله جکی ، بونك ده انحق بر حکومت مشروعه ایله بقا پذیر اوله جتی
 شهیددر .

دیانت حقہ

ہوندن اولیکی مقالہ لریزده (مدنیت صحیحہ) نك انجق دیانت حقہ ایہ حصولہ کلبیلہ جکنہ دائر مطالعات وافیہ ذکر و بیان ایتمش ، فقط او مدار مدنیت و میزان عدالت اولان دیانت حقہ بہ متعلق معلومات کافیہ سرد و آیان ایلماش ایدک . خالوکہ بو جهت دخی مہما امکان تفصیل اولندقہ مسئلہ بہ ختام ویرنش نظریہ باقیہ میہ جنی درکار اولدیغندن اکادائر اولان مطالعاتی زده بیانہ شروع ایدیورز .

(دین) لغتدہ اطاعت ، جزا و عوض ، دأب و عادت کبی بر جوق معنارہ موضوع اولوب اصطلاح شرعده ایسہ (السانلری کندی اختیار وارادہ لریلہ امور خیریہ و افعال حسنہ بہ سوق ایدن بروضع الہی و بر قانون سبحانی) معناسندہ مستعملدر . طرف الہیدن بویلہ بر قانونک وضع اولنسی حساب حقت کندی ذاتہ عائد بر منفعت ، بر مصلحت ایچون دکلدز . چونکہ حق تعالی بتون عوامدن مستغنی در . بناء علیہ نہ بر کیمسہ نك اطاعتندن مستفید ، نده بر شخصک معصیتندن متضرر در . اطاعتہ مترتب اولان فائدہ و معصیتہ لازم کنن مضرت ہیہ فاعانہ عائددر .

فقط حق تعالی بتون عوامدن مستغنی اولمقہ برابر علینسک رب و خالق و باجملہ راحینک ارحمی اولدیغندن باعث خلقت کوان ، مدار زینت کون و مکان اولان نوع انسانی حفظ و حمایہ حکمتہ مبنی طرف سبحانیدن بویلہ بر قانون وضع اولمش و بو قانونی خلقہ نشر و تبلیغ ایچون ینہ نوع بشردن (انبیاء) عنوان جنابی التئدہ بر جوق ذوات کرام بعث و ارسال بیورمشدر کہ باجملہ ارباب ادیان و اهل اسلامہ معلوم اولدینی اوزرد بونلرک اولی آدم ، آخری دہ صاحب زرسول اکرم و نبی محترم (صلواتہ اللہ علی نبینا و علیہم اجمعین) افندیلریمز حضر آتیدر .

— «السانلر کندی عقلماریلہ ، کندی فیکر لریلہ کندیلری حفظ و حمایہ ایدرلر؛ بو سایہ دہ سعادت مادیدہ و معنویہ لرینی تأمین ایلرلر؛ بناء علیہ نہ طرف الہیدن بویلہ بر قانونک وضعنہ ، نده او قانونی خلقہ نشر و تبلیغ ایچون بر نینک بعث و ارسالنہ محتاج اولمازلر. » طرزندہ بز اعتراض وارد خاطر اولیور ایسہ دہ

اولکی مقاله لریمز بو اعتراضک جوانی مع زیاده متضمن اولدیغی ، بوده قارئین کرامه معلوم بولدیغی جهتله بوراده تکرارندن صرف نظر ایلم .

انجق شوراسنی اخطار ایدهلم که : نوع بشر روی زمینده هان ظهور ایدر ایتمز کندیلرینه بویله بر قانون تبلیغ اولمندی . « قانون تدریج » هرشیده اولدیغی کبی بو خصوصدهده حکمنی اجرا ایتدی . بونک سببی ایسه اولانسانلرک هنوز هوسات نفسانیله لرینی تکثیر واحتماسات حیوانیه لرینی توسیع ایده مامش و بناء علیه غایت معصومانه بر حال سکونت اشتالده امرار اوقات ایتکده بولمیش اولملری ایدی .

بعده انسانلرده هوسات نفسانیله تکثیر واحتماسات حیوانیه توسع ایلدی . بغض وعداوت ، حقدو حسد کبی شیلر ارالرنده ظهور ایتمکه باشلادی . بو حال نهایت انلری اختلافه ، شقاقه دوشوردی . ایشته اوزمان جناب حق حاللرینه مناسب بر قانون مقدسه کندیلرینه بر نبی بعث وارسال ایدوب بینلرنده کی اختلاف ونزاعی رفع وازاله ایتدی . بو امر بعث تازمان محمد قدر دوام ایلدی . نهایت او خورشید عالم تاب ظهور وقرآن حکمت نصاب دخی نزول ایدنجه ارتق احکام شریعت تمامه و امر بعث ختامه رسیده اولدی . قارئین کرام شو سوزلریمزک کندی محصول قریحه من اولدیغنه ، بلکهده خلاف شرع شریف بولدیغنه ذاهب اولمامیلدرلر . بو سوزلریمزک مأخذی بعض آیات قرآنیه ایله انلری تفسیر صدندده اجله مفسرین طرفلرندن سرد و آیمان ایدلمش اولان بر چوق مطالعات عرفانیه در . از جمله سوره بقرهده « انسانلر امت واحده ایدی . مؤخرآ اختلافه دوشملری اوزرینه کندیلرینه انیسا بعث وارسال اولندی » مأنی افاده ایدن بر آیت کریمه واردرکه (۱) مفسرین عظامدن (قفال) رحمه الله بو آیتی تفسیرده شو یولده بیان مطالعه ایشدر :

« انسانلر اولادین واحد اوزره ایدیلر . او دینده الله ایمان و حق اذعاندن عبارت ایدی . کفر و طغیاندن عبارت دکل ایدی . نته کیم (فبعث الخ) قول شریفی دخی بوکا دلالت ایلدی . زیرا بو قول ، بین الناس اختلاف ظهور ایتیمی اوزرینه بعث انبیایه باشلانمش اولدیغنی اقتضا ایدیور . اگر انسانلر قبل اختلاف حق و ایمان اوزره دکل ، بلکه کفر و طغیان اوزره

اتفاق ایتش بر امت ، بر ملت اولسہ لرایدی او زمان دخی کندیلرینه انیسا کوندرملک ایجاب ایلرایدی . چونکہ انسانلرک بر قسمی محق ، دیگر قسمی مبطل اولدینی بر زمانده - کہ زمان اختلافدر - کندیلرینه انیسا بعث اولتمق اقتضایلر ایسه هبسی مبطل اولدینی بر زمانده - کہ زمان اتفاقدر - کندیلرینه انیسا بعث اولتمق اقتضایله جکی اولویتده قالیر .

ینہ بو آتی تفسیر مقامنده اصولین ومفسریندن ابو مسلم خراسانی ایله اجله اهل تفسیردن قاضی همدانی دخی بیانات آتیده بولمشلردر :

انسانلر اولا امت واحده اولوب شرایع عقلیه تمسک ایدرلرایدی . اوشرایع عقلیهده صانع عالمک وجود وصفاتی اعترافدن ؛ عقله موافق بر صورتده اکا خدمت ونعمته شکر ایله اشتغالدن ؛ ظلم ، کذب ، جهل کچی قبایح عقلیهدن اجتنابدن عبارت ایدی . بوکاده « النیین » قولیه « فبعث » قولنده کی « فا » حرفی دلالت ایدی . زیرا « النیین » لفظی عموم واستغراق ، « فا » حرفی ده « تراخی » معناسنی افاده ایتش اولدیغندن نظم کریم بالجمله انیسانک بعثلری ، اولادکل ، بلکه بین الناس اختلاف ظهور ایتد کدنصکره وقوعه ککش اولدینی افاده ایدر . بو حوالده او امت واحدهدن عبارت اولان ناسک اول امرده ، یعنی قبل الاختلاف ، انیادن غیر مأخوذ بر شریعت اوزره اولملری لازم کلیر که اوده قریباً بیان ایلدیکمز شرایع عقلیهدن عبارتدر . برده خالقه طاعت و عبادتک ، مخلوقه احسان و مرحمتک ، منعمه شکر و محمدتک ، هر خصوصده عدالت و حقانیتک کوزل ؛ کذبک ، ظلمک ، جهلک ، عبثک دخی چیرکین برشی اولدینی هان هر زمان هر کسه بلاشک معلوم اولمغه اول امرده انسانلرک ایشته بوشرایع عقلیه تمسک ایتش اولملری ، مؤخرآ بر طاقم اسباب خارجینک ظهوریه اختلافه دوچار اولمش بولملری پک ظاهر برشیدر .

بوندنصکره قاضی مطالعات سابقهسنه بر سؤال وجواب دخی علاوه ایدرک دییورکه :

« اول ناس ادم علیه السلام اولوب اوده نبی دکلیدی ؟ بو حوالده بعثت رسلدن مقدم شرایع عقلیه تمسک بر قومک وجودینی اثبات نصل صحیح اوله بیلیر ؟ » دیه بر سؤال ایراد اولنور ایسه جواباً دیرزکه : ادم علیه السلام اولا اولادیه برابر شرایع عقلیه تمسک ایدیلر . صکردهدن بینلرنده اختلاف ظهوره کلسیله مشارایه اولادینه بعث و ارسال اولدی .

ایشته کوزیلورکه هر حکمی عین حقیقت، عین حکمتدن عبارت بولان قرآن معجز بیان بومسئله ده دخی حقیقی میدان قویمش، «العلماء ورثة الانبياء» حدیث تریفک سرینه بحق مظهر اولان مفسرین دخی حکم قرآنه موافق بر صورتده بیان مطالعده بولهرق شو مسئله ده بزم ایچون براساس متین تشکیلنه عمت بیورمشلردر.

*
* *

شمدی حسب الاقضا بعثت انبیانک وقوعیه انسالره تبلیغ اولمش اولان بوقانون الینک احکامنه نقل کلام ایدلم :

بوقانون مقدسک احکامی اول امرده ایکی قسمه منقسمدر : بریمی احکام اصلیه، دیکری ده احکام فرعیه در . احکام اصلیه اعتقاد، احکام فرعیه ده عمله متعلقدر .

احکام اصلیه نک خلاصه سی : — کچن هفته کی مقاله مزده بیان اولندیغی وجهله — «بوعالمک برصانی وارددر . اوصانع مضمرات قلوب و خفایای اموری دخی علیمدر ، عالی القوه و واسع القدرتدر . خیر و شری تقدیر ایتشدر . انلره مقابل بر دار مکافات، بر دار مجازات دخی احضار ایتشدر . هر کس بو حیات فانیه دنصکرده بر حیات ابدیه به مظهر اوله حق ، ایشته اوزمان هر شخص کندی عمل و اعتقادینه کورده مکافات و یا مجازات ایدیله جکدر.» کبی حکملردن عبارتدر . بو حکملرده ازمنه نک ، امکانه نک ، امرجه نک اصلاحی اولمدیغندن بونلر هیچ بر زمان و هیچ بر مکانده تبدل و تغیره معروض اولمامش ، بلکه بتون انبیا عینا بو حکملری تبلیغده یکنزبان بولمشدر .

لکن احکام فرعیه بویله اولیوب انلرده اختلاف ازمنه نک ، اختلاف امکانه نک ، اختلاف امرجه نک از حقوق دخلی وارددر . بناء علیه اونه دنبری احکام فرعیه ده وقوعه کلن جزئی و کلی تبدلات و تغیرات شریعت احمدیه ایله تقرر ایتش و بوده «تکامل» و عدده سه تمایله موافق دوتمشدر . یعنی احکام فرعیه ابتدا پاک ساده بر صورتدن باسلامش و بعدده انسانلر تکامل ایتدکجه احکام مذکورده دخی اولستبدده تعالی ایتش ، بوسیلله باسقه صورتلره افران اولنه اولنه نهایت عقل و فکر بشرک از هر جهت دور تکملانه مصادف اولان قرآن حکمت بیانک احکام جایله فرعیه سننده فرار قیلمشدر .

فی الواقع کتب تورات مطالعہ اولنور ایسہ اولیہ سادہ حکملرہ تصادف ایدیلیرکہ انسان انلرہ « احکام الہیہ » نامی ویرمکہ جسارت ایدمز . بونکہ برابر انلری استہزا واستحقار ایتکہدہ کلر .

اوت ؛ بو کون کتب توراتیہدہ مصادف نظر من اولان بعض احکامک سادہ لکنہ باقوبدہ انلری استہزا واستحقار ایتاملیدر . زیر احکام توراتیہ ایہ مکلف اولان انسانلرک بوندن اوچ بیک سنہ اول گلش اولدقلری و بناء علیہ بشریتک هنوز ازمئہ طفولیتی دیمک اولان عصر لردہ ظهور ایلیش بولندقلری تأمل ایدیلیر ایسہ او ، غریب کوردیکمز احکامک اوزمانلردہ ، او انسانلرہ کورہ موافق حکمت ومصاحت اولدیغندہ پک دہ شہہ ایدیلہ من .

چونکہ عبادت و طاعاتی وضعدن مقصد قلوبک او وجود اعظم و باقی اقدم حضر تلرینہ انجذاب و میلانی ، محبت الہیہ نیک سویدای قلبہ حلول و سریانی اولوب بوکوسیلہ اولہ بیلہ جک شیلرک ایسہ ہمہ حال عادات و استعدادات ناس ایلہ متناسب اولملری لازم کلیر . بناء علیہ بر قوم نہ کبی شیلری واسطہ تعظیم ومدار تکریم عدایدیورلر و اجرایہ مستعد بولنیورلر ایسہ کنیدیلرینک او شیلرہ مشابہ عبادت و طاعت ایلہ مکلف اولملری اقتضا ایلر . تا کہ عبادت و طاعانہ ترتب ایدہ جک اولان او انجذاب و میلان ، او حلول و سریان قلوب انام و سویدای انساندہ حاصل اولسون .

بز او انسانلری کندیمزہ ، او عصر لری عصر مزہ قیاس ایلیورزدہ انک ایچون توراتدہ تصادف ایتدیکمز و پک سادہ کوردیکمز بعض احکامہ « احکام الہیہ » نامی ویرمکہ جسارت ایدہ میورز . حالبو کہ توراتدہ کنیدیلرینہ بلا تردد « احکام الہیہ » عنوان جلیلی ویرہ بیلہ جکمز احکام دخی موجوددر . قصاص و جہاد کبی کہ عالم بشریت انلردن ہیچ بروقت مستغنی اولہ میہ جقدر . بونلر احکام قرآنیہ عدادینہ دخی داخل اولمش و « شرایع من قبلنا تازمنا اذا قصھا اللہ اورسولہ بلا انکار علی انہا شریعہ لرسولنا » قاعدہ اصولیہ سنجہ رسولنرک شریعتی اولوق اوزرہ انار ایلہ عمل ایتک بزہ دخی لازم کلشدر .

بعضیلری قصاص و جہاد کبی شیلرک عالم بشریتہ لزومی شویلہ طور سون بلکہ بونلرک مغایر شیمہ انسانیت ، حتی انلردن ہر برینک بر نمونہ وحشت اولدیقی فکرندہ بولمشلر و بو بادیہ دورودراز برچوق مطالعات سردو اتیان ایلملر ایسہدہ

اندر بو مسئله ده بداهته قارشی سوز سویله بهرک حقیقت حال و نفس الامر دن فرسخ فرسخ تباعد ایتمشدر .

زیرا ایشته کوریلور که بوکون دنیاده موجود اولان ملل متمدنه دخی کرک قصاصدن ، کرک جهاددن هیچ ده مستغنی اوله میورلر . هپسی او حکم لری مدار مدنیت اتخاذا ایلورلر . هر ایکسینی ده اجزادن اصلا کری طور میورلر . حتی جهاد یعنی حرب ایچون نیجه مصارفات و تدارکات تحمل فرسای بیله اختیاره مجبور اولورلر .

فی الحقیقه حکم قصاص انسانی محافظه و مدنیتی حمایه ایچون محض حکمت و عین مصالحتدر . زیرا فیاض قدرت افراد بشری بی سیم و صدا جهتیله بر برینه مخالف اوله رق یاتمش اولدینی کبی فکر و اخلاق اعتباریله ده یکدیگری نه مغایر اوله رق خلق ایش و حالبوکه حلب حیوانیه هر شخص کندی شهوتنه ، غضبیه مغلوب اولمق استعدادینی حائز بولمش اولدیغندن انسانلر علوم و فنونده ندرجه لره واریرلر ایسه و ارسونلرینه یکدیگری نه تعرض و تجاوزدن ، بر برلیله جدان و قتال دن مصون قاله میه جق لری درکاردر . انلری بوکبی معامله و وحشیه دن مهما ممکن منع ایده جک ، قوای غضبیه و مشتهیات حیوانیه لرینک شدت و سورتی کسر ایله بیله جک شو ایسه هیچ شبهه یوقکه انجق حکم قصاصک اجرایی و اعدام جزاسیدر که «ولکم فی القصاص حیوة یا اولی الالباب» آیت جلیله سی دخی شو حکمتی بر صورت معجزکارانه ده بیان ایش ؛ بناءً علیه بو بایده بتون علما و حکمای ، بتون فصحا و بلغایی سرفرو برده حیرت قلمشدر .

جهاده کنتجه : بوده همان عینی سبیلره ، عینی حکم تله مبنی مدار مدنیت و حامی ملیت اولمغله مشروع اولمش و معقول کورلمشدر . چونکه بر قومی تشکیل ایدن افراد - قومی ، ملیتی اعتباریله - شخص واحد حکمنده اولدیغندن افراد انسانیه ک فکرآ و اخلاقاً بر برلرینه مغایرتی و حسب البشریت هر شخصک هوسات نفسانیه و احتیاسات حیوانیه سنه مغلوبیتی و بو سبیله فرصت بولدقجه هم جنسک مالنه ، جاننه ، عرضه تجاوزه جرئت عادتاً بر امر طبعی حکمنده اولدینی کبی اقوام بشریه ک ده بویله یکدیگری نه تعرض و تجاوزه جرئت ایشی و بعضلری صالح و مسامت طرفداری اولسه لر بیله دیگر لرینک توسیع مملکت و تربید ثروت داعیه سیله انلر ایله محاربه و مقاتله به جرأت ایشی عادتاً بر امر

طبیعی ، بر امر ضروری حکمنده در . بونک اوکنه چکمت، صاح و مسانتک حد
 ذاتنده کوزل بر شی اولدیغنی هر کسه آکلاقم غیر قابلدر . بونک ایچوندرکه
 (حاضر اول جنکه اکر صاح و صلاح ایستر ایسهک) سوزی مثل سائر حکمنی المشدرد .
 الحاصل ایشته بوکبی حکمنتره مبنی امر جهاد دخی آیات توراتیه ایله ایم سالفیه
 فرض اولدیغنی کبی نصوص قرآنیه ایله بزه دخی فرض اولهرق « جهاد قیامته
 قدر باقیدر » مآلنده بر حدیث شریف ایله ده الی یوم القیام تأبیدی تصریح بیورلمشدرد .

* * *

واقعا کتب توراتیه ده عقل و حکمته بالکلیه مغایر شیلدرده یوق دکادر .
 هله انبیای سالفیه متعلق قصص و اخبار او قدر غریب و عجیبرکه بر انسان انلرک
 وخی الهی ، خبر سماوی اولدقلرینه اصلا احتمال ویره من .

چونکه کتب مذکورده ده الکز حضرت موسی علیه السلام بر درجه یه قدر
 استنا ایلدیگی حالده متبقی انبیای عظام حضراتنه اولیه منهی، اولیه معاصی اسناد
 ایلمشدردکه انلری ارتکاب « نبوت » کبی اقصای مراتب قدسیه یی و منتهای
 مناصب معنویه یی احراز ایلمش اولان ذوات علویت صفاته دکل ؛ الوهیت ، امور
 آخرته ایماندن بشقه بر مزیت دینه سی و بر فضیلت معنویه سی بولنمان آحاد ناسه
 بیله ممکن اوله ماز . اوت انبیای عظام حضراتندن حسب البشریه بر زله نلک یعنی
 سهوا بر صغیره نلک صدوری جائزدر . فقط آحاد ناسدن براهل ایمانک بیله جرئت
 ایده میه چکی کبارک انلردن ظهوری وجوه آتیه یه بناء قطعیا جائز دکادر .

اولا : انبیای عظام حضراتی رهبر هدایت انام اولدقلری ایچون هر قول
 و فعللرنده کندیلرینه اتباع ایتمک بعث اولندقلری ایم واقوامه با امر خدا فرضدر .
 بناء علیه اکر بر نبی عمداً و قصداً بر معصیت صغیره ، یا خود کیره ارتکاب ایدرسه
 بعث اولندیغنی قومکده اکا اتباعاً او معصیتی ارتکاب ایتمی لازم کلیر و بو حالده
 جناب حقت هم اونجی لسانیه قوم مذکورری ارتکاب معاصیدن منع ایتمش،
 همده انلری ارتکاب معاصی یه مأمور ایتمش اولمی اقتضا ایلر . بولیسه بدیهی
 البطلاندر .

ثانیاً : انبیای عظام حضراتی عبادات و طاعاتی آمر و سنناتی ناھی اولدقلرندن
 اکر کندیلری ارتکاب سیأت ایدرلر ایسه قوللرینک فعللرینه مطابق اولمامسی

و بوسیله ناسک انلره اتباع ایتماسی اقتضایلر و بوحالده بعثت رسیده کی حکمت ضایع اولور کیدر .

ثالثاً: انبیای فخام حضراتی ، عقول بشرک ماهیتی تعیندن عاجز قالدیغی مرتبه علیای نبوتی احراز ایتمش و بوجهتله ینه عقول بشرک تعین و تحدیدندن خارج نیجه لذاند معنویه سرمدیه ایله تلذذ ایتمکده بولنمش اولدقلرندن انلرک لذاندحسیه حیوانیه بی لذاند معنویه سرمدیه به ترجیح ایده جکلرینه هیچ بر عقل ، هیچ بر فکر احتمال و یردمنز .

ایشته شو ذکر اولنان وجود ثلاثه کبی ذها برچوق اسبابه بناء هیچ شبهه ایتمز که کتب تورآیه ده انبیای عظام حضراتنک احوالنه دأر ذکر اولنان او کبی شیرلر او کتابلرک مندرجات اصلیه سندن اولیوب بلکه صکرده دن بعض ملحدین و منکرین طرفلرندن علاوه ایدلمشدر . ملحدینک بوندن مقصدلری ایسه ؛ حظوظات نفسانیه لرینی قولایجه تحصیله مدار اولمق ایچون « ایشته انبیا دخی شویله یابدیلر ، بویله ایتدیلر » دیه برضاقم منیاتک کویا مشروع اولدیغنی بیان و یاخود او کبی قبایحی انبیای عظام حضراتنه اسنادله کویا انلرک قدر و شرفلرینی بالتزویل طرفلرندن تبلیغ اولنمش بولنان ادیان و احکامک هپ او هام و خیالاتدن عبارت اولدقلرینی خلقه نشر و اعلان ایتلکدر .

چونکه بالجمله تاریخ شناسانک معلوملری اولدیغی و قوم یهودجه دخی مسلماندن بولندیغی اوزردنخی اسرائیلک پک چوق دفعه لر دوچار فلاکت و اسارت اولدقلری ائزاده کتب تورآیه دخی بالدفعات ضایع اولمشدر . بویله مکرراً ضیاعه اوغرامش اولان برآردن برچوق شیلرک غائب اوله جغنی و دیگر برچوق شیلرک ده اکا علاوه ایدیله جکی ایسه امر طبعیدر . هله قریباً بیان ایلدیکمز و جهله بوضیاع مسئله سنه برده غرض فلسف منضم اولور ایسه آرتق او اثرک نه حاله کیرمسی لازم کله جکنی دوشونمیلدر .

یهودیت اوچ بیک سه لک بر دین اولدیغی حالده بوکون دنیاده نهایت اون بر عصر دن اول یازلمش بر تورآیک بیهله موجود اولماسی نظر اعتباره النور و موجود اولان نسخ تورآیه نک دخی یکدیگرینه مخالف و معاریتی تأمل ایدیلور ایسه معروضات سابقه منرک مقارن حقیقت اولدیغنده شبهه قالماز صانیرم .

الحاصل هر نبی هادی امت و حامی انسانیت اولمق اوزره طرف الهیدن بعث

اولدینی جہتہ انبیای عظام حضراتی موجب نفرت و باعث مذمت اولہ حق ہر درلو قوں و فعلدن بری اولوب جملہ سی انسانیتہ بحق خدمت ایتشلر و انسانلر انحق انلرک تبلیغات و تعلیمات محقانہ لری سایہ سندنہ نائل رفاه و سعادت اولمشلر درر . بناء علیہ کرک عبادتہ ، کرک معاملاتہ متعلق اولان احکام فرعیہ تورانیہ نک - عمومی قی اعتباریہ اوزمانلر دہ و باخصوص اواراضیدہ کی اقوامک احوال و امرز جہ سنہ و عادات و اخلاقہ تامیلہ موافق اولدینی و اقوام مذکور دنک ہر نوع احتیاجنی دفعہ و مادی ، معنوی اسباب ترقی و مدنیہ لری نی تحصیلہ مع زیادہ کافی بولدینی ہان مرتبہ بداہتہ وار مقدمہ در .

بنی اسرائیلک ایکی عصر دن زیادہ فراغ نہ نک ربقہ اسارتی و تحمل فرسا برطاقم تکالیف شاقہ سی آئندہ از یلوب محو اولمقدہ ایکن مجرد بر لطف الہی اولہ رق ایچلر دن ظہور ایدن جناب موسای صاحب بیضا و خوارق نمائک نعمت و دلالت نبوت پناہیلری سایہ سندنہ بالجملہ اولاد و عیالریہ ہیچ بر تہلک کیہ معروض اولمقسزین بر کیجہ مصر دن خروج و فرداسی بر صورت خارق العادہ دہ . بحر قلم دن مرور ایدرک ایدئی ظلم دن فک رقبہ اسارت ایللری و بر مدت صکرہ دخی ال بیوک بر دولت واک مدنی بر ملت اولدق لری بتون دنیایہ تصدیق ایتدیر مکہ موفق اوللری دخی کندیلرینہ احسان اولنان احکام الہیہ نک اوزمانلرہ نسبتہ مکملیتہ و بناء علیہ کندیلرینہ مع زیادہ کفایتہ و او عصر لردہ مرعی الاجرا اولان بالجملہ قوانین موجودہ بہ ازہر جہت فائقیتہ بیوک بر ہان تشکیل ایتمکدہ در .

فی الواقع بنی اسرائیل مصر دن خروج و بحر قلم دن مرور ایتد کد نصکرہ باعث نجات و سبب حیاتلری اولان اوہادی معظم و متبوع مفخملری طرف دن کندیلرینہ تبلیغ ایدیلان بر امر الہیہ امثال ایتدکاری ایچون بو سیئہ لریہ مجازات الہیہ اولمق اوزرہ بر خیلی زمان تیہ صحر اسندنہ و فاران چولار ندہ متحیرانہ جولان ایتشلر ایدیسہ دہ مؤخر آیینہ مظهر عفو الہی اولوب اوزمانلر « جنۃ الدنیا » اطلاقہ شایان اولان بلاد شام و ارض فلسطینی ضبط و استیلا و اور لردہ کی جبار دی ازالہ و امحا ایلہ « مدنیت » عنوانہ حقیقہ لایق یکی بر مدنیت تشکیل ایتشلر ایدی . حتی حضرت سایمان زمانندہ (دولت یہودیہ) او درجہ توسع ایتش ایدی کہ مصر و یمن کی بعض حکومتات مستقلہ نی تحت تابعیتہ الیدی کی حائز اولدینی حکمت و سطوتیہ حکومتات سائرہ نی دخی نفوذ سیاسی آئندہ

بولوندورمغه مجبور قلمش و بوايسه بشقه برشی ايله دکل، انجق. مکلف اولدقلىرى احکام تورائيه يه تمسک وانقياد سايه سنده حصوله کلمش ایدی. زیرا بنی مشارالیهک و فائیه مات موسویه احکام دینه و اخلاق ملیه لرینی محافظه ایدمه مدکلری ایچون هان اختلافه دو شمشلر و بو اختلاف نتیجه سی اوله رق بریسی « دولت یهودیه » دیکری ده « دولت اسرائیله » ناملری التنده ایکی حکومته ایرمشلر و ایشته او زماندن اعتباراً اسبب انقراض یکدیگری بنی ولی ایتمکله پیدر بنی جانبک تعرضات و تجاوزاتنه هدف اوله اوله، اسارتدن اسارته انتقال ایدمه نهایت قیامته قدر بردها عودت ایتمک اوزره حکومتلرینه، استقلاللرینه خامه چکمشلردر .

حالبوکه بوکون دخی هر موسوینک بلاشک تصدیق ایلدیکی وجهه ای کرانلر حضرت سلیمان علیه السلامک و فائندنصکره دخی احکام دینه لرینی و اخلاق ملیه لرینی محافظه ایدرک ظلم و تعدی یوللرینه صانمیش و هوسات نفسانیله لرینه مغلوب اولمیش اولسه لر ایدی نه بیلرندمه اختلاف ظهور ایدمه جک، نده شو اختلاف نتیجه سی اولان احوال مذکورده ملالت اشمله دوچار اوله جقلر ایدی. بلکه کتدیجه ترقی و تعالی ایدمه جکلر، احتمالکه او قوت و شوکت سايه سنده از زمان صکره بتون دنیای استیلا ایلمه جکلر ایدی .

اوله ایسه برمدنیت صحیحه نیک انجق دیانت حقه ایله حصول پذیر اوله بیله جکی و برمدنیت انجق احکام دینه سی محافظه ایله بقا بوله بیله جکی بنی اسرائیل احوالنه عائد اولان و حقایق تاریخیه مستند بولنان شو معروضات مجمله من ایلده تعین ایتمکده در . زیرا ایشته کورنیلورکه بنی اسرائیل احکام دینه و اخلاق ملیه لرینی محافظه سايه سنده کون بکون ترقی و تعالی به، حتی حضرت سلیمان علیه السلام زماننده غبطه بخشای جهان اولان برمدنیت مکمله به نائل اولدقلىرى حالده بنی مشارالیهک و فائنی متعاقب بو رابطه معنویه زائل اولمغه باشلانجه اسباب تدنی پیدر بنی ظهور ایتمش و نهایت قوم مذکور بالکلیه برباد و پریشان اولمشدر .

* * *

احکام تورائیه دن بخته بوراده ختام و یرده لمده برزده احکام انجیلیه دن بحث ایدم : بر بنی طرفدن تبلیغ ایدیه جک اولان احکامک همه حال اونینک بعث اولدیغی قومک حال و شانیه، اخلاق و اطواریه متناسب اولسی مقتضای حکمت اولدیغنی سابقاً سوبش و احکام تورائیه بنی ایشته بو نقطه نظر دن اجمالاً محاکمه ایتمش ایدک . سمدی احکام انجیلیه بنی دخی بو نقطه نظر دن محاکمه به بدأ ایله

دیرزکہ: بالادہ بیان اولدینی اوزرد سلیمان علیہ السلام وفات ایدینجه بنی اسرائیلک احکام دینیه و اخلاق ملیه لرینی محافظه ایدمه ماملرینه و بو سیبله بیلرندہ اختلاف ظهور ایدوب ایکی حکومتہ منقسم اولمیرینه منی بالطبع اسباب تدنی دخی باش کوسترمش و کوندن کونه روح ملت و جسم دولته ضعف و فتور عارض اوله رق اجانبک پیدرپی هجومه هدف اولمشلر و اولاد دولت ایرانیه، ثانیاً دولت یونانیه، ثالثاً دولت رومیه تحت اسارت و تابعیتہ کیرمشلر ایدی . فقط بونلر عن اصل بیوک برملت و مجسم بر دولت عالمه سی افرادندن بولندقلری و حتی کندنی زعملرینجه طرف الھیدن منتخب برملت اولدقلری وارده صرہ ایچلرندن ظهور ایدن انیادندہ ہممه حال کندیلرندن اولو العزم بر پیغمبرک ظهور ایدہ جکنه وانلری اجانبک تابعیت و اسارتندن خلاص ایلہ جکنه دائر بر طاقم خبرلر طویدوقلری ایچون بونلر هر زمان بویله بر خلاصکارک ظهورینه منتظرلر ایدی .

ایشته بویله بر امر عظیمک ظهورینه شدت انتظارلری ائناسندہ ایدی که حضرت عیسی علیہ السلام (خلاصکار) عنوانیله ایچلرندن ظهور ایلدی و کندیسنه انجیل شریف احسان بیورلدیکه بو انجیل شریفک احکامی دخی انلرک حال و شانلرینه تامیله موافق ایدی . فقط آنلر بو حقیقتی تقدیر ایدمه مدیلر . مقصد عیسانی سوءتفسیر ایدرک بر طاقم مناسبتر ایشلرہ تشبث ایتدیلر . مع هذا بو بایده یابدقلری شیلری هپ کندنی علملرینه یامش اولدیلر . عیسی علیہ السلامه هیچ برشی یاپمه مدیلر . چونکه انلرک مقصدلری دیانت عیسویه نك نشرینه مانع اولمقدن عبارت اولدینی خالدہ بو مقصدک بتون بتون عکسی ظهور ایتدی . اندنصرکہ یہودیت همان بالکلیه دینہ جک قدر محو اولوب عیسویت ایسه کوندن کونه اقطار عالمه انتشار ایتمکه باشلادی و نہایت ایشته شو کوردیکمز درجه یه واصل اولدی . اوت ، انجیل شریفک احکامی یہودیلرک او زمان کی احوالہ ، اطوارینہ پک موافق ایدی . چونکه اوزمانلر یہودیلر روما دولتک تحت اسارت و تابعیتدہ بولندقلری جهتہ انلرک بوسارتدن ، بو محکومیتدن خلاص اولملری ایچون دولت مشار النہایہ فارشی حرب و جدال کی تکالیف شاقہ ایله مکلف اولمیرینه بدل حلم ، تواضع ، محویت ، اخوت کی اخلاق ملکناہ ایله متخلق اولملری و بو وجہله عقد اخوت ایدرک ، بی نوعہ فارشی دائماً حلم و تواضع کوستررک نفوذ معنوی لرینی توسیع و تزئید ایتملری ایجاب ایدیور و انجیل شریف ایسه انلرہ بو طریق نجاتی

تماماً کوستریویرایدی. زیرا انجیل شریف تورانک حرب و ضرب و سائرہ کبی شیلرہ دائر بر طاقم احکامنی نسخ ایدوب انلرک یرینه ذکر اولنان حلم ، تواضع ، اخوت، محویت کبی برطاقم اخلاق عالیہی امر ایتمش وبوصورتہ بنی اسرائیلک ایادی اجانبندن خلاص اولمق چارہ سنی کوسترمش ایدی. واقعا یہود اولسون، نصاری اولسون کتب الہیہدہ نسخک جواز وقوعہ قائل اولیوب بونی شدتہ رد ایتمکدہ لر ایسہدہ کتب سالفہ الہیہنک ہپسندہ بونسخک وقوعی مصرح ومثبت اولدیغندن انلرک بو مسئلہی رد وانکارلری مکابردن بشقہ بر شی دکلدز .

* * *

(نسخ) مسئلہ سی اوتہ دنبری علمای یہود ونصاری ایلہ علمای اسلام ارسندہ بیوک بر معرکہ تشکیل ایتمش وشمدی یہ قدر بو مسئلہ یہ دائر طرفیندن پک چوق شیلر سویلمش ، پک چوق اثرلر یازلمش ایسہدہ مسئلہنک موضوع بحمزہ مناسبی بولدیغنه بناء بورادہ ینہ اوسویلمش سوزلردن، یازیلان اثرلردن خلاصہ ایدرک بروجہ اتی بر قاچ سوز سویلمکی مناسب کوردم .

(نسخ) لغتہ بر شیئی ازالہ وتغیر وتبديل ایتک معناسہ موضوع اولوب ارباب شریعت ایسہ بو کلمہی (صکرہ نزول ویا صدور ایدن بر دلیل شرعی ایلہ اندن اول مشروع وافعال عبادہ متعلق اولان بر حکم شرعینک انقضای مدتی اعلام و بیان) معناسندہ استعمال ایشلردرہ ایشته بومعنادہ مستعمل اولان نسخ ایکی نوعدر : بریسی بر نینک شریعتندہ اولان بر حکمک ینہ اونینک شریعتندہ اولان دیگر بر حکم ایلہ نسخ ایدلمسی ، دیگر ی دە بر نی سابقک شریعتندہ اولان بر حکمک نی لاحقک شریعتندہ بولنان دیگر بر حکم ایلہ منسوخ اولمیدر .

شو ایکی نوعک ایکیسی دە عقلاً و نقلاً جائزدر . چونکہ احکام فرعیہ بر خستہ یہ ویریلہ جک ادویہ مثابہ سندن اولدیغندن بر طیب حاذقک استعمال ادویہ دە خستہنک مزاجنہ ، زمان ومکاننہ رعایت ایدرک اکا کورہ تداوی ایلمسی ولدی الايجاب تبدیل دوا ایلمسی موافق مصلحت اولدیغی کبی اسرار مکونات وامور کائناتہ علم محیط ازلیسی اولان علام الغیوب حضرتلرینہ دخی احکام فرعیہی تشریح وتکلیف خصوصندہ مصالح عبادہ رعایت ایلہرک ازمنہنک ،

امکنہ نك ، امرجہ نك ، استعدادك اختلافیہ بعض احكامی زیادہ ویا نقصان ویا خود بالکلیہ الغایہ نسخ ایسی البتہ موافق حکمت ومنفعتدر .
 (نسخ) نقلاً دخی جائز وواقعدر . زیرا عهدعتیق وعهدجدید کتابلرندہ برحوق احكام الہیہ نك یکدیگری نسخ ایتمش اولدینی کورلمکده در . بعضلری بروجه آتی ذکر اونور :

اولاً : تورانك سفر تکوینك یکرمنجی باینده تصریح ایدلیدی اوزره شریعت ابراهیمه ده لابل قزقزندانسی نکاح ایتمک مشروع ایدی . حتی بی مشارالیک زوجہ سی سارہ کندیسنک لابل قزقزندانسی ایدی . شریعت موسویہ ده ایسہ کرک یالکز بابا ویا انادن اولسون ، کرک ہم انادن ہم بآدن اولسون قزقزندانسی نکاح ایتمک حکمی نسخ اولندی . تورانك برحوق آیتلریہ بومثللو نکاح زنادن عدایدلیدی . حتی بویله برشیئہ جرأت ایدنلرک قتلری واجب اولدینی بیدیرلیدی . ثانیاً : ینہ سفر تکوینک طقوزنجی باینده ذکر اولدینی وجہلہ نوح علیہ السلامک شریعتده کافہ حیوانات ، نبات کی حلال اولوب حالبوکه موسی علیہ السلامک شریعتده خنزیر وامثالی حیوانلری اکل حرام اولدینی سفراعدادك اون برنجی وسفر استنانك اون دردنجی بابلرنده تصریح اولندی .

ثالثاً : ینہ سفر تکوینک یکرمی طقوزنجی باینده ذکر اولدینی اوزره یعقوب علیہ السلام دایسنک ایکی کریمہ سی نکاحده جمع ایتمش ایدی . شریعت موسویہ ده ایسہ بو حکم دخی نسخ ایدلیدی .

رابعاً : شریعت موسویہ ده هر نه سببه منی اولورسه اولسون بزواج زوجہ سی تطایق ایدیبیلہ جکی وزوجہ سی دخی طلاق ایله زوجدن آریلوب خانہ سندن چققدن نصکره دیگر برادر وارمغه صلاحیتی اولیبیلہ جکی سفر استنانك اون دردنجی آیتده مصرح ایکن شریعت عیسویہ ده زنادن بشقہ برسبیلہ برادرنک کندی زوجہ سی تطایق ایتمی جائز اولمیه جفی وشاید تطایق ایدرسہ اومطلقه نك نکاحی زنادن معدود اوله جفی تصریح اولندی .

خامساً : شریعت موسویہ ده پک چوق حیواناتک اکلی حرام اولدینی حالده شریعت عیسویہ ده بو حیوانلرک اکلی مباح اولدینی ذکر ایدمش ، (پولوس) ک فتوایله مأکولات ومسروبانہ دائر هر شیئک اباحہ سی ثابت اولمشدر .

سادساً : شریعت موسویہ ده جمعه ایتسی کونہ تعظیمک واجب اولدینی

و حتی او کوئنده برایش ایله مشغول اولنلرک قتلاری لازم کلدیکی پک چوق ایات توراتیه ایله مثبت ایکن شریعت عیسویه ده بو حکم دخی نسخ ایدلمشدر .

سابعاً : شریعت موسویه ده ختان واجب اولوب حتی حضرت عیسی علیه السلام دخی ختان ایدلمش ایدی . حالبوکه صکره دن (پولوس) ک مکتوب و فتوالریله بو حکم دخی نسخ اولمش و انده هیچ بر فائده اولدیغی بیلدیرلمشدر .

ثامناً : اعمال حواریونک اون بشنجی باینده مندرج بر مکتوبده تصریح ایدلدیکی اوزره حواریون برچوق مذاکره و مشاوره ایتدکدنصکره اصنام ایچون ذبح ایدلمش و یا بوغولمش حیوان و قان و زنانک حرمتلرندن باشقه توراتک کافه احکام عملیه سنی نسخ ایلشدر .

ایشته نسخک جواز و وقوعی شرایع سابقه تک هپسنده دخی مصرح اولدیغی حالده عامای یهود و نصارانک بونی انکارده اصرار ایتلمری پک آچیق و پک بدیهی اولان شیملری انکار قیلندن اولغله مقاله سابقه مزک ختامنده انلرک بوانکارلرینه مکاره نامی ویرمش ایدک . الحاصل بر شریعتی وضعدن مقصد انسانلرک سعادت مادیه و معنویه لرینی تأمین اولوب بوا یسه انلرک حال و اقتدارلرینه و مزاج و استعدادلرینه کوره بر نوع احکامه تمسک ایله حصوله کله چکندن ، بو حال ، بواقدار ، بو استعدادک ایسه ازمه نک ، امکانه ک ، امر جه نک اختلافلریله مختلف اوله جملری امور طبیعیه دن بولندیغندن حق تعالی حضرتلری هر قومه کندی حاللرینه ، کندی زمانلرینه ، کندی مزاجلرینه موافق احکامی ویرمش و بوشیلرک اختلافیه بعض احکامی دخی تبدیل ایلشدر که حکمه اوفق و ایق اولان دخی بودر .

فقط هوسات نفسانییه مغلوبیت مقتضای طینت بشریت اولدیغندن ازمانک تبدیلیه بعض احکامک ده تبدل ایلیه چکی بداهت درجه سنده اولدیغی و بو حالک کندی کتابلرنده کثیر الوقوع بولندیغنی کوردکلری حالده یهود و نصارا عامای مجرد کندی منافع خسیسه لرینی حفظ و حمایه مقصدینه مبنی بویه بر امر ، بدیهنک جواز و وقوعی انکار ایتملر ، بو صورته هم ضال همده مضد عنوانی ایلشدر . اوله یا کتب توراتیه و انجیلیه ده بونجه احکامک یکدیگرینی نسخ ایتمش اولدیغنی کوردکلری حالده (احکام الهیه دیکشمنز بناء علیه شریعت بردر . دنیاده ایکی شریعت اولماز) دیه اعلان صوت ایتلمری تعصبن ، تعذدن ، مکاره دن ، هوسات نفسانییه مغلوبیتدن بشقه نهیه حمل اوانه بیلور .

حتیٰ بوعلما کتم حق خصوصندہ اودرجه یه واردیلرکه قرآن کریم نازل اولوب اوصاف محمدیہ دائرہ تورات وانجیلده آیتلر موجود اولدیغنی خبرویرنجہ اوآیتلری تحریفه بیلہ جرأت ایلدیلر. فقط امل مراملارینی تامایله اجر ایلده مدیلر. چونکہ بو آیتلر اوقدر تحریفاته دوچار اولدقلری خالدہ ینه اوصاف محمدیہ اشعار و اخبار ایتکده دزلر. اما انلر او آیتلری تأویل ایدیورلر ایش؛ آیات مذکورنک بعثنی تبشیر ایتدیکی ذاتک حضرت محمدن بشقه بریغمبر اولدیغنی ادعا ایدیورلر ایش. وارسون ایتسونلر حقیقت میدانده!

* * *

حضرت عیسان صکره رسول اکرم افدمز حضرت تلرینک بعث وارسال بیوریله جنی بروجه آتی ایکی وجهه پک طبعی برشی ایدی :

اولاً : جناب حق انسانلری هیچ بروقت باشی بوش اوله رق برآمدی ، ارده صره اقتضا ایتدجه کندیلرینی تعلیم و تبشیر ایدیجی برطاقم ذوات قدسیت سات کوندرمه یی عادت ایدندی. زمان بعث محمدیہ ده ایسه برنینک بعث وارسالته شدت احتیاج وار ایدی. زیرا اوزمان؛ زمان فترت اولوب انسانلر بتون ضالته دم قالمش ایدی. واقعا حضرت عیسانک تأسیس ایتدیکی دین کوزل بر دین ایدی. حضرت عیسی بودینی انبای سائرہ کبی توحید وامشالی مثللو احکام اصلیه حقہ اوزرینه بنا قالمش ، حواریون ده بو مسلکی پک کوزل تعقیب ایش ایسه ده بالذات نبی مشارالیه طرفدن یازلمش برانجیل شریف اولمدیغندن عروجلرندن یکریمی بش اوتوز سنه صکره بعض حواریون طرفدن انجیللر یازلمغه باشلامش وبوانجیللر ده ایسه حق باریده محال اولان حلول واتحاد کبی شیلری مشعر برطاقم آیات متشابه بولتمش اولسنه مبنی صکره کلنلر بو حلول واتحاد اعتقادینه صامشلر ونهایت میلاد عیسان ایکی اوچ عصر صکره (تثلث) اعتقادینی میدانہ قویهرق بتون نصاری بواعقاده محکوم ایشلرایدی. اقوام سائرہ ایسه بتلره، فلانلره طایفه رق عادتاً نه یابدقلرینی بیلمیورلر ایدی. بناء علیسه بوکبی عقائد باطله یی ندیادن ازاله ویرینه حقایق حقہ یی افامه ایدجک بر نبی اخر زمانک وقت ظهوری ارتق کیش ایدی .

ثانیاً : حضرت عیسا علیه السلامک تأسیس ایش اولدیغنی دین کندی زمان وموقعنه کوره پک مناسب، پک کوزل بر دین ایدیسه ده انک موقت بر دین

اولدینی میدانده ایدی . چونکه مقاله سابقه مزده اجمالاً بیان ایلدی کمزوجهه قوم یهود اوزمان روما دولتنک تحت اسارت و محکومیتنده اولوب بوسارتدن ، بو محکومیتدن خلاص اوله نیک چاره سی ایسه شریعت سابقه نیک احکامنی بالکلیه اجرا ایله دکل بلکه ، انلرک برچوغنی نسخ ایله یرلرینه کندیلرینه مناسب دیگر احکامی اقامه ایلک و بواحکامه لایقوله اتباع ایتمک صورتی ایدی . چونکه بو طریق ایله بی اسرائیل نفوذ معنوسنی توسیع ایده جک و نهایت کندیلرینی محکومیتدن ، اسارتدن قورتاره جقلر ایدی . لکن بی اسرائیل بو حکمتی ، بومنفعتی تقدیر ایدم دیلر . بی مشارالیه حضرتلری حقنده درلو مفتربانه و سائرده جرات ایدرک اندن استفاده یه بدل کندی کندیلرینی برباد و پریشان ایلدیلر .

بونکه برابر احکام انجیلیه برقومک ، برملتنک هر درلو احتیاجنی دفعه کافی دکل ایدی . چونکه احکام انجیلیه تورانک برملته ، برده لته اولدقجه کفایت ایده بیله جک احکامنی بالکلیه نسخ ایتمش و برقومک ، برملتنک بوکی احکامسز برمدیت کامله تشکیل ایدمه جکی ایسه بداهت درجه سنده بولتمش و ایشته بوجهتله دخی حضرت عیسان صکرده همه حال مکمل برقانون ایله برنینک ظهور ایده جکی محققات امور صررسنه کیرمش ایدی . ایشته بوکی حکمتاره بناء میلاد عیسان آتی عصر صکرده اوخورشید عالمتاب مکمه مدرمه ده ظهور ایدرک خلقی طریق حقه دعوتنه باشلادی . کندیسنه احسان بیوریلان قرآن معجز بیانی صدق نبوتلرینه برهان اوله رق میدانده قویدی . بوسایه ده اقطار جهانی احاطه ایتمش اولان ظلمت جهالت یواش یواش محو و نابید اولمغه یوز چویردی ، نهایت بر معجزه خارق العاده اولمق اوزره ینه کندیلرینک خبرورمش اولدقلری وجهله نوراسلام معموره ارضک اکثر قطعانی تنویر ایلدی .

چونکه بو کتاب حکمت نصاب انسانلرک هر درلو اسباب رفاه و سعادتلرینی تأمین مع زیاده کافی اولدیلندن هر هانکی برقومه بونک احکام منیفه سی تبلیغ و کوزلجه تفهیم اولوندیسه او قوم همان ازلد و جان قبول اسلام ایلدی . کندیلرینه قرآن تبلیغ و کوزلجه تفهیم اولنان هیچ برقوم (بو کتابک احکامی بزم اخلاق و عادتمزه ، مدنیت و قومیت مزده موافق دکلدر) سوزینی سویله مدی . چونکه حق جل و علا حضرتلری الی قیام الساعه بالجمله انسانلرک سعادت و رفاهنی تأمین ایده جک احکام متینه آیات بینه ایله بو کتاب خوارق نصابی انزال بیورمش ایدی .

فی الواقع قرآن کریم کتب سماویہ ساثرہ نک ہیچ بریسنہ مقبس اونیوب الفاظ شریفہ و معانی دقیقہ سیلہ حائر مرتبہ اعجاز، مضامن لطیفہ واحکام متینہ سیلہ دہ ازہر جہت ممتازدر .

قرآن کریمک واصل مرتبہ اعجاز اولدینی فصحا وبلغاء عربک مثانی ییاندن عاجز قالمیرلہ ثابتدر . فی الحقیقہ بو کتاب مبین فصاحت و بلاغت اوزرد ایراد کلام ایتمکی اک بیوک فضیلت واک عالی مزیت عد ایدن وحتی زاده طبعلری اولان جواهر کلامی تعلیقہ صدر کعبہ علیادن بشقہ مناسب بر محل بولہ میان فصحا وبلغای عربیہ قارشو نازل اولمش وینجه آیات بیناتلہ انلره تحدی ایدرک یعنی میدان اوقویہ رق مجموعنہ مقابلہ شویله طورسون اقصر سورسنہ بیله بر نظیرہ یایتمدن جملہ سنی عاجز بر اقصدر :

بلغای عربک اقصر سور قرآنیہ نظیرہ یایتمدن عاجز قالمری ایسه وجوه آتیہ یه میندر .

اولا : عربک فصاحت و بلاغتی آت ، دوه ، جاریه و حرب و سائرہ کبی مشاهداتی وصفہ منحصر اولوب قرآن کریم ایسه بومثلو اشیا بی وصف و بیان ایتمدیکندن فصحا ، بین العرب فصاحت و بلاغتلری مشهور و متفق علیہ اولان الفاظی قرآندہ بولہ مامشدر .

ثانیاً : عربلرک (احسن الشعر ا کذبہ) قول مشهورلری منطوقجه برشعرک ، اک کوزلی اک کاذبی اولدیغندن کذبی ترک و صدق التزام ایدن بر شاعرک شعرندہ ، برمنشینک کلامندہ افصحیت و ابغیتک تنزل ایدہ جکی امرطبیعدر . حتی لیدین ربیعہ الیہ (حسان) رضی اللہ عنہماک داخل دائرہ اسلام اولدقلرندن سوکره شعرلرینک تنزل و تدنی ایتمش اولدینی ارباب وقوفہ معلومدر . قرآن کریم ایسه هر آیتندہ صدقہ کمال درجه رعایت اولنقلہ برابر فصاحت و بلاغتك مرتبہ قصواسندہ اوله رق نازل اولمشدر .

ثالثاً : بر شاعر نه قدر فصیح ، نه قدر بلیغ اولورسه اولسون انک بر قصیدہ سندہ انحق بر ویا ایکی بیت بلیغہ تصادف اولنه بیلور . چونکه (بلاغت) کلماتک فصیح اولسیله برابر کلامک مقتضای حالہ مطابقی دیمک اولوب احوال و مقامات کلام ایسه متفاوت و متخالف اولدیغندن هر کلامی کندینه مخصوص بر مقامده ایرادایتمک و او مقامه مناسب اولان امورک جملہ سنہ رعیت ایلمک قدرت بشریہ نک

خارجند. در . حالبوکه قرآن کریم کلام وجهه سی کنیدینه مخصوص اولان حال و مقامده سوق اولمش و اومقامه مناسب اولان امورک کافه سنه رعایت ایدلمشدر .

رابعاً : زهد و تقوی ، مسائل فقه و فتوی ، ذم دنیا و مدح عقبا کی شیلر دائر و تشبیهات بلیغه و استعارات دقیقه یی شامل بر مقاله بلیغه ، بر قصیده فصیحه یازمق و یا سویک هیچ بر شاعر و منشی به ممکن دکل ایکن قرآن کریمده بوکی مباحث عالی کمال فصاحت و بلاغت اوزرده ذکر اولمشدر .

خامساً : محققدر که بعض اشیا یی تصویرده کوزل شعر انشادینه مقتدر اولان بر شاعرده بشقه شیلری وصف و ذکرده اوقدرت شاعرانه سی لایقیله کوسترمک ممکن دکلدر . نته کیم (امری القیس) ک شعری آت و نسا کی شیلری وصفده ، (نابغه) نک شعری خوفده ، (اعشا) نک شعری ده خبر یاتده کوزل اولوب بشقه شیلرده ایسه اوقدر کوزل دکلدر .

حالبوکه قرآن کریم ترغیب ، ترهیب ، وعظ ، زجر و سائرده کی پک چوق مباحث و مسائل مختلفه یی جامع ایکن جمله سنده غایت فصاحت و نهایت بلاغت اوزرده وارد اولمش و هپسنده حسن ذاتیسی بر صورت خارق العاده ده اظهار ایلمشدر . سادساً : کنیدسنده علی التوالی بر مضموندن دیگر مضمونه انتقال ایدیلن و یا بر طاقم اشیا یی مختلفه نک بیاتی مشتمل بولنان بر کلامک اجزاسی ارسننده حسن ارتباط اوله میه جنی و بناء علیه کلام مذکورک درجه عالی بلاغتن سقوط ایده چی درکار اولدینی حالده قرآن کریمده بر قصه دن دیگر قصه یه ، بر مضموندن بر بشقه مضمونه متوالیا انتقال ایدلمش و امر ، نهی ، خبر ، استخبار ، وعد ، وعید ، توحید ، نبوت ، معاد ، ترغیب ، ترهیب کی نیجه مضامین مختلفه نک بیاتی متضمن بولمش ایکن ینه حسن ارتباطی کمال فصاحت و بلاغتیله محافظه ایلمشدر .

سابعاً : (ولکم فی القصاص حیوة یا اولی الالباب) آیت جلیله سی کی بر چوق آیات بیناتک و با خصوص (ص) سوره شریفه نک سر ایشهاد تدریله قرآن کریم کثر مواضعنده الفاظ قلیله ایله معانی کثیردی غایت بلیغانه و فصیحانه اوله رق افاده ایتشددر که بونک ده قدرت بشریه به نسبتله بر امر محال اولدینی ارباب و قوفه نمایاندر . ثالثاً : انتخاب بلاغت و فصاحت معلوم اولدینی اوزرده بر کلامده جزالت ایله

عذوبت و لطافتی وجہ لایق اوزرہ جمع اتمک درجہ استحالہ دہ اولدیغی خالدہ قرآن کریم پک چوق ایات بینائی بوایکی کیفیت متضادیی وجہ لایق اوزرہ جمع ایشدر .
 ناسعا: قرآن کریم رکاکت ، قیاسه ، قاعدہ یہ مخالفت و تنافر حروف و کلمات کی محل فصاحت اولان امور دن بالکلیہ خالی اولمقله برابر تأکید ، اطلاق ، تقدیم ، تأخیر ، فصل ، وصل و سائرہ کی بلاغت کلامدہ رعایت اولنسی لازم کلن امورک کافہ سنی مشتمل درکہ هیچ بر بلیغک کلامدہ بونک مثلی کورلماش و کورلمک احتمالدن دخی پک بعید بولنمشدر .

ایشته بوکی اسبابہ بناءً فصحا و بلغا قرآن کریمک انک قیصہ برسورہ سنہ بیاه نظیرہ یا یمقدن عاجز قالمشدر و نہایت جملہ سی اوکلام معجز بیاه قارشو سرفرو بردہ حیرت اولمشدر در . قرآن کریمک معجز اولنسی و بتون بلغایہ قارشو توحدی ایلسی ، میدان او قوموسی کندی زمان تزولنه مخصوص اولیوب بیک اوچ یوز بو قدر سنہ دنبری بوتوحدی یی اتمکده و بومیدانی او قومقدہ در . واقعا کلامدہ فصاحتک ، بلاغتک ، جزالتک ، عذوبت و لطافتک نہ دیمک و نصل اولدیغی بیلمیان بعض خصمای دین و بر طاقم سفهای کوتہ بین قرآن کریمک بعض یا کش و ناقص ترجمہ لرینہ باقہرق انک فصاحتہ ، بلاغتہ ، اجزاسی ارد سنندہ ارتباطہ دأثر بر چوق ہذیانلر سولمشدر ایسہدہ انلرک بو ہذیانلری عوعوہ قیلندن اولوب شایان استماع بیلہ دکلدر . چونکہ قرآنک درجہ علیای بلاغتدہ اولدیغی بیلمک یا فصحا و بلغای عربدن اولمغہ و یا خود فن معانی و بیاندہ مہارت کاملہ سی بولمغہ متوقف اولدیغندن اولسان عذب الیاندن او علوم مبین الاحکامدن بیکانہ اولانلرہ قارشو قرآنک بلاغتتی و آیات بینائی ارد سنندہ کی حسن انسجام و ارتباطتی اثباتہ قالمشقی عبث ایلہ اشتغالدر .

ہلہ بعض علمای روحانیہ نک - کو یا قرآنی اکلا یورلر مش کی - او کتب مینک مضامن قیجہ یی متضمن اولدیغنہ دائر سولہ دکلری ہذیانلر اغرب الغرائدر . عجبا قرآن کریم کندی کتابلری کی انبیای عظام حضر اتہ بر طاقم فحشیاتی اسناد ایشوب بالعکس مشار الیہ یی اوکی نقایصدن تنزیہ و تقدیس ابتدیکی ایچونمی مضامن قیجہ یی متضمن اولمشدر ؟ انلر امین اولسونلرکہ قرآن کریم لایعد و لایحیی مضمونلری افادہ ایلدیکی خالدہ هیچ بر یسنندہ عقل و حکمتہ مغایر برشی کورلماشدر . ایشته مال و مرجع مضامین قرآن شونلردن عبارتدر :

توحید و تنزیه ذات ، ذکر و تفرید صفات ، توحید خالصه دعوت ، شرکدن و بالخاصه تثلیثدن شدتله نبی ، انبیای سالفه فی ذکره انلری شان نبوتله لایق اولیه جق تقایصدن تنزیه ، انبیایه ایمان ایدنلری مدح و ثناء ، منکرین انبیای ذم و تقییح ، انبانک جمله سنه و علی الخصوص عیسی علیه السلامه ایمانی تأکید ، نهایت مؤمنلرک مشرکینه غالب اوله جق لرینی وعد و اخبار ، قیامتک و اوکوند ه مرکسک کندی اعمالله کوره مکافات و مجازاتک حقیقتی بیان ، ذم دنیا و مدح عقباء اشیانک حلال و حرامنی بیان ، سیاسته ، تدبیر منزله ، اداره مملکتله متعلق بالجمله احکامی بیان ، الله ، اهل الله محبتله تشویق ، وصول الی الله و سیله اوله بیله جک تیلری بیان ، ادانی و اسافل ایله مصاحبتدن منع ، عبادات مالیه و بدنیله ده خلوص نیتی تأکیداً بیان ، ریا و سمعه دن قطعاً زجر ، تهذیب اخلاق مفصلاً و مکملاً بیان ، اخلاق ذمیمه اصحابی تهدید ، حلم ، تواضع ، کرم ، شجاعت عدالت ، جدیت ، استقامت ، عفوت و سائره کبی اخلاق حسنه نی مدح ، غضب ، تکبر ، بغض ، کین ، ظلم و سائره کبی اخلاق قبیحه نی ذم ، تقوایه ، ذکر الله و عبادة الله ترغیب . امدی مضامین قرآنیه نیک خلاصه و زبده سی ایشته بو ذکر اولنان شیلر اولوب بونلر ایسه بلاشک عقلاً و نقلاً مدوح و مقبولدر . بوجهتله جناب حق انلری قرآنده صور و اسالیب مختلفه حسنه و مقبوله ایله تکرار تکرار بیان ایشمش و محافظه اولنلرینی صورت قطعیه ده فرمان بیورمشدر که نوع بشرک سعادت ماده و معنویه سی تأمینه بحق کافی اولان بوقدر مضامین لطیفه و مقبوله نیک هیچ بر کتاب مپاویده بر منلی دهاکور و لمامشدر .

الک قیصه بر سورده سنک مثانی آیان ایتک قدرت بشریه نیک فوقنده بولندیغنه و بناء علیه هیئت مجموعه سنک بیکارجه معجزات باهر اتدن عبارت اولدیغنه نظراً قرآن کریمک کرک الفاظ بلیغه و اسالیب بدیعهنی ، کرک معانی دقیقه و احکام مبینهنی بحق تصویر ایتک و اوزمین عالیده کرکی کبی تحریک خامیه جرأت ایتک بزم کبی نو هوسانک و ازهر جهت ، صاحب نقصانک دائره و سعندن بیرون و حدود عرفاندن پک چوق افزون ایسه ده بر خیلی زماندنبری قرآن کریم حقیقه برطاق مناسبتر کفت و کولرک کیتدکجه تراید ایلمسی بزلی حسب المسلك سو موضوع عالیده تحریک خامیه مجبور ایشمش اولدیغندن بو بابه کی نقصانی عرفانتره باقیه برق هم حقایق قرآنیه دن بیکانه اولان اخوان دینخری اولدیغنه

ایفاظ ایتک، ہمہ خصماء دین مینمزدہ قارشو ممکن مرتبہ مدافعہده بولنق مقصد خیر مرصدیہ قرآن معجز بیان حقندہ مسرودات سابقہ ومعروضات اجمالیہ مزہ علاوہ مباحث آتہیہ ایان ایتکی دخی اقدم وظائفندن عد ایلدک .

*
*
*

مبحث اول : رسول اکرم صلی الله تعالی علیہ وسلم اقدمز حضرت تلمری بوندن بیک اوچیوز بو قدر سنہ اول علوم ومعارفندن بالکلیہ دینلہ جک درجہده محروم اولان وحقی [قوم امی] نامنی المش بولنان براہالی ایچندہ ظهور ایتمش وهیچ بر فرد آفریدہ طرفندن تعلیم وتربیہ دخی کور مامش اولدینی حالده کندیسنہ نازل اولان قرآن کریم اوزمانلرده دنیاده موجود اولان علوم متنوعه ومعلومات بشریہ نیک کافہسنی جامع اولدینی کبی او عصر لرده هیچ کیمسه نیک خاطر وخیالنه کلمه مش اولان نیجه معارف کونیہ وحقایق فنیہی دخی حاوی وبوایسه انک منزل من عندالله بر کتاب خوارق نصاب اولدیغنه پک بیوک بر برهان قاطعدر . از جمله کرؤ ارضک ساکن اولیوب بلکه علی الدوام شمشک اطرافنده سیر و دوران یلدیکی ، شمشکده کندی محور ومحمل قرارنده جریان ایتکده اولدینی کشفیات اخیرہ جمله سندن ایکن قرآن کریم [تقدیر عزیز وعلیم ایله شمس کندی محور ومحمل قرارنده جریان ایتکده در] و مآلنده کی (والشمس تجری مستقر لها ذلک تقدیر العزیز العلیم) و [سن بو طاغری ساکن کور یورسک ، حال بوکه انلر بلوطلر کی مرور وعبور ایتکده در] مفادنده کی (وتری الجبال تحسبها جامدہ وهی تمر مر السحاب آیت کریمہ لری ایله شو حقیقی بوندن بیک اوچیوز بو قدر سنہ اول بیان واعلان ایتمش وبوصورتلده صدق نبوت محمدیہ شہادت ایتمشدر . کذلک [کون وفساد] قانونی فلاسفہ قدیمه ک زعم ایتدکلری کبی فلک قرک جو فندہ بولنان عنصریات عالنه مخصوص دکل ، بلکه اوقانونک حکمی ارضیہ اولسون ، فلکیہ اولسون بالجمله اجسامده جاری اولوب بو عالم حس ومادیدہ هر شیک تبدل وتغیرہ معروض اولدینی وبناء علیہ هیچ بر جسمک کندی صورت مخصوصه سنی ابدی اولدق محافظه ایدمه جکی محققات امور صرسته کیردیکی مختراعات جدیدہ وکشفیات اخیرہ جمله سندن بولدیغی حالده قرآن کریم بواسرار کونیہ ودقائق طبیعیہی دخی [روز قیامتده بالجمله اجسام ارضیہ واجرام علویہ بشقہ صورتلره تبدل ایدہ جک وایشته اوزمان انسانلر واحد قهارک سطوت

وعظمتی عیناً مشاهده ایله جکر در. [معانسنده کی (یوم تبدل الارض و السموات و برزو الله الواحد القهار) آیت جلیله سی ایله اخبار ایتمش و (تبدل) لفظیله ده یته کشفیات اخیرده دن معدود اولان] بو علمده برشی محو اولماز [قاعده حکمیله سنه اشارت ایشدر .

کذلک اکثر اجسام سناویه نیک کره ارضمز کبی مسکون اولدیغنه وانلرده دخی انسانلر، حیوانلر بولندیغنه دائر حصوله کلن نظریه لر دخی کشفیات اخیره جمله سندن اولدیغی خالد قرآن کریم [جناب حقتک اجرام علویه و سفلیه یی شو طرز بدیع اوزره خلق ایدیشی و هرایکسیسنده ده انواع حیواناتی نشر ایلیشی کندیسنک موجودیتیه ، وحدانیتنه دلالت ایدن براهین قاطعه جمله سندندر] مآلنده کی (ومن آیاته خالق السموات و الارض و ما بئ فیهما من دابة) آیت حکمت غایتیه شو سرعجیبه دخی بوندن بیک اوچیوز سنه اول نظر دقتی جلب ایتشدر . کذا سیارات ساثره کبی ارضک دخی فی الاصل شمسدن قویمش بر پارچه اولدیغی نظریات جدیده و کشفیات اخیره مسائلندن ایکن بوندن اون اوچ عصر اول بومسئله فیه یه دخی قرآن کریمک [منکرلر تأمل ایتلمز می که سموات و ارض فی الاصل بیتاشیکدی ؛ صوکرده بز انلری بر بوندن ایدرق ، وحی اولان هر شیئی صودن براندق . ایددی بونلری دوشونوبده ایمان ایتلمز لازم کلزمی ؟] مآلنده کی (ان السموات و الارض کانتا رتقا ففتقناها و جعلنا من الماء کل شی حی أفلا یؤمنون) آیتیه اشارت ایدیشدر .

ایشته قرآن معجز بیان بویله حجه حقایق فیه و اسرار کونییه متضمن بولنش و بوجهتله فنون مادیه صحیحه و علوم بشریه حقیقیه یه مخالفت شویله طورسون ، بلکه معاونت بیله ایش ایکن غریبدر که بزرا و کتاب مبینک بو کبی آیات بیناتی فنون حاضرده یه توفیقه و بوضورتله ارباب فندن اولان و ذهنلری بر طاقم تشوشات ایله مالی بولنان اولاد و ظنمز ی شریعت غرای احمدیه احکامنی سوه سوه قبوله سوق و تشویقه صرف همت ایتیموز . بالعکس انلرک نظر لر نده کسب قطعیت ایتمش اولان فنون حاضرده یی شریعت ، دین نامنه رده چالیشیورز که بونک تولید ایتکده اولدیغی مضرانک درجه سنی ارتق قارئین کرام تعیین ایتسونلر .

قرآن کریم فنون قدیمه نیک اکثر مسائله طبان طبانه ضد اولدیغی خالد فنون مذکورده عربجه به بالترجمه بین الاسلام اتاشار ایتدیکی زمان بعضلری علوم

مذکورہ نك ہر مسئلہ سے حقیقت نظر یہ باقہ رقی بونلرہ مخالف کوریان احکام و اخبار قرآنیہ دن تباعد ایتمکہ باشلانجہ بوحال اسف اشتمالی کورن اسلاف کرام حضراتی مجرد ہم جنس لرینک عقائدنی زیع و ضالادن محافظہ غیر تیبہ فنون مذکورہ نك، بطلانی پک ظاہر اولان مسائلی کندی دلیلار یلہ رده و متبایسنہ مخالف کوریان آیتلری ده تاویله وایکیسی اره سنی توفیقہ بذل همت و صرف غیرت ایتمش لروایسته بوصورتہ عالم اسلامہ پک بیوک خدمت لرایتمش لردر۔ حالبوکہ فنون حاضرہ ایله آیات قرآنیہ آرہ سنده همان هیچ ده مبانیت اولیوب بالعکس بینلرنده موافقت کاملہ بولندیغی جہتہ ایکیسی بینی توفیق خصوصندہ اصلا کلفت یوق ایکن بزم بوندن تعافل بالادیشمزہ، حالا اکثر مسائلی تخیلات صرفه دن عبارت اولان علوم قدیمہ بی بالالزام آیات قرآنیہ ایله بینلری تالیف و توفیقہ چالیشمہ مزہ نہ معنی ویرد جکمزی بیلمیورز۔

* * *

مبحث ثانی : ہر خصوصہ اجرای عدالت ، حقوق ابویہ رعایت ، اولادہ شفقت ، اقریایہ مرحمت ، ہم جنسہ معاونت کبی شیلر سعادت بشریہ و مدنیت صحیحہ نك اس الاساسی اولوب بونلر ایسہ برخالق متعال و برقادر لایزالک موجودیتہ اینانغہ ویر محکمہ کبرانک حقیقتہ قانع اولغہ متوقف ایکن کتب سماویہ سائرہ بوایکی مطالب عالیہ نك هیچ بریسی عقول کاملہ نك قبول ایده بیله جکی بر صورتہ اتیان و اثبات اتمامش وایمکہ بونلری اوزمان کی انسانلرک درجہ لیاقت و مرتبہ درایتلرینہ کورہ ذکر و بیان ایتمشدر۔ ہلہ کتب تورانیہ در آخرت بجئی اولیوب مطیع لرم دنیوبہ ایله تبشیر، عاصیلر دہ افات کونیہ و مصائب دہریہ ایله تنذیر اولغش ، ذات اللہ و صفات اللہہ دائر ایتلر ایسہ ہب حق بازی دہ محال اولان برطاق اوصاف تقیصہ نی مشعر و مفید بولان برچوق نصوص متشابهہ دن عبارت بولتمشدر۔ کتب انجیلیہ یہ کانجہ فی الواقع بونلر دہ امور آخرت بجملاً بیان اولغش ایسہ دہ ذات اللہ و صفات اللہہ دائر ایتلر کتب تورانیہ دہ اولدیغی کبی همان علی العموم متشابه اولوب هیچ بریسی جناب حقل ذاتی ، صفاتی لایقلہ بیان و تعریف ایتمہ مشدر۔

حالبوکہ قرآن کریم کرک الوہیتی، کرک امور آخرتی ہر عقل سلیمک قبول ایده جکی براسلوب عالی و برطرز بدیعہ مکمل و مفصل بیان ایتمش، حتی

بویکی مطالبه دایر شرفزول ایدن آیات بینات قوجه بر علم کلامه سیله مأخذ اولمش و علم مذکورک براهینی دخی او آیتلر ایله تأیید ایدلمشدر . قرآن کریمک مأخذتی یالکیز علم کلامهده منحصر قالمشدر . تصوف، اخلاق، اصول فقه، صرف، نحو، لغت و سائر علوم و فنون اسلامیة ک کافه سی قرآندن اخذ و اقتباس ایدلمشدر . حتی قرآنده علم طب دخی موجوددر . بوبابده بر فقره مشهوره دخی وارددرکه بوجه آیدر :

اطبای نصارادن بریسی اجله اسلامیة دن برذاته : [علم ایکی نوع اولوب بری علم ادیان دیکری ده علم ابداندر . حالبوکه سزک کتابکزده علم ادیان مکملأ موجود ایسهده علم ابدانه دایر برشی یوقدر . ا دیمه سی اوزرینه عالم مسلم] بزم کتابمزده جناب حق علم طبی بر آیتک نصیله بیان بیورمشدر [جوابی ویرر . طیب نصرانی او نصف آیتک بیان ایتسینی عالم مسلمدن طلب ایدر . اوده] سزده حلال اولان طعاملری ییکز . طاهر و تمیز اولان صولری دخی ایچیکز . فقط بوبابده اسراف ایتیکز که الله مسرفلری سومز [مآئنده کی] کلوا و شربوا و لاتسرفوا انه لایحب المسرفین] نصف آیتی قرأت ایدر . بونک اوزرینه طیب نصرانی حضرت رسول اکرم طرفندن دخی بوبابده بر حدیث شریف ورود ایدوب ایتمدیکنی سؤال ایلر .

عالم مسلمده بو سؤاله جواب اولهرق [معده هر خسته لغک ماوی و منشیء، حمیده هر دوانک یکانه رئیسدر . وبدنه آیشدیردیغک هر غذا و اسباب بقای ویرماید .] مآئنده اولان (المعدة بیت الداء الخ) حدیث شریفنی اتیان ایدنجه طیب نصرانی «الحق نیکز و کتابکز حفظ الصحه نک و ازاله مرضک باشی اولان شیلری بیان ایدوب جالینوسه اصلا احتیاج براقامشدر » کلام منصفانه سیله مقابلهده بونور .

فی الواقع قرآن کریمده بدن انسانه نافع و مضر اولان شیلرک جمله سی مکملأ بیان اولدقدن صکره اطعمه نافعیه ای کبزه و اشربه طاهره یی شریمزده علی طریق الاباحه فرمان صدور ایتمش و حق الانصاف حفظ الصحه دخی بوندن عبارت بولتمش اولدیغندن قرآن کریمک علوم سائرده کبی علم طبی ده جامع اولدیغنی و بناء علیه جالینوسه دکل، هیچ برطیبه حاجت براقدیغنی شبه سزدر . ایسته بوده او کتاب مینک صدق رسالت احمدیه ده دلالت ایدن معجزات باهره جمله سندن اولدیغنی اثبات ایتکدهدر .

متنوع مقالات

فضائل علم

فضیلت علمه متعلق شمیدی به قدر از باب قلم طرفدن بك چوق مقاله لر نشر اولمش و بناء علیه علمك فضیلت و مزیتی تقدیر ایدمه بك بر فرد قالمش ایسه ده بومطلب مهمه دائر نه قدر سوز سویه نیرسه سویانسون ینه فاندودن خالی قائمه جفی جهته دیانت اسلامیه نقطه نظرندن فضائل علم حقتده شو برفاچ سطرلی مقاله عاجزینك دخی انظارقارئین کرامه عرضنی مناسب کوردم .

فضیلت علم حقتده طرف الیهدن « بیانلر ایله بیلیمیانلر مساوی اولورمی ؟ — ظلمات جهل ایله نورانیت علم برابر طوتیلورمی ؟ — خدای متعال از باب علمی درجات عالیاته رفع واعلا ایلر — الله تعالی دن انحق علما خوف و خشیت ایدر . » مآئنده ودها بونلرک امثالی بك چوق آیات بینات نازل اولدینی کچی حضرت رسول اکرم اقدمز جانبندن دخی [اسلامك سعادت ماده و معنوبه لری ایچون تحصیل علم ایدن کیمسه نك درجه منی درجات انبیا دن یالکمز بر مرتبه اشاعدر] ، [بر کیمسه نك ابواب علمدن بر باب تعالیم اتمسی جبل ابوقیس قدر آلتوقی اولوبده آنی الله یولنده انفاق و تصدق ایلمسندن دها خیر لیدر] ، [حق تعالی نك نارحیمدن آزاد بیوردینی قوللرینه باقق ارزو ایدن کیمسه تحصیل علم ایدنلره باقلیدر] ، [بشیکدن مزاره قدر علم طلب ایتمیدر] . فهومنده ودها بونلرک ماثل بك چوق احادیث حکمعات شرفورود و صدور ایلمشدر .

بوادله شرعیهدن بشقه ادله علیه دخی فضیلت و مزیت عامه دلالت ایتمکده درکه بعضیلری بوجه آتی ذکر اولنور :

۱ — علمك صفت کمال ، جهلك ایسه صفت نقصان اولدینی عقلايه بالبداهه معلومدر . بونك ایچوندرکه برجاهله [سن عالمك] دنیلدکده کنديسك عالم اولدینی بیلورایکن بوسوزدن خوشلانور و برعالم ذاته [سن جاهلسك] ديه توجیه خطاب اولدقدده بوسوزك یالان اولدینی و بناء علیه اندن کنديسسه برقیصه عارض اولیه جفی بیلورایسه ده مجرد شو صفت نقصان اولان جهل کنديسسه اسناد اولدیتندن متأذی و متأم اولور؛ که بونلرک هبسی علمك بالذات شریف و مرغوب ، جهلك ده بالذات کره و منفور اولدینه دلیلدر .

۲ — علم تردهه و کیمده بولنیور ایسه صاحبی محترم و مکرم اولور، مخلوقات نظرنده مهیب و معظم کورینور . حتی بر حیوان نقدر قوتلی اولور ایسه اولسون انسانی کوردکده و انسان اله کچدکده انسانده کی کرامت علم و شرافت عقل موهبه الهیه می سببیه او حیوان اکا اطاعت و اقیاده مجبور اولور .

۳ — شبهه یوقکه انسان حیوانات سا زهدن افضلدر . بوافضلیت ایسه انسانک قوت و صوتی ایچون دکادر . زیرا قوت و صوتده حیوانلرک بعضیسی انسانه مساوی، بعضیسی ده انساندن زائددر . اکر سبب فضیلت قوت و صوت اولسه ایدی فضیلتجه حیوانلرک کیمیسی انسانه مساوی ، کیمیسی ده اندن زائد اولور ایدی . بوا یسه بالبداهه باطل اولدیغندن بوفضیلتک سبی انحق علم اولدیغی شبهه سزدر .

انسانک بومزیت نورانیه و لطیفه ربانیهیه اختصاصی اولوب انکله حقایق و ماهیات اشائی ادراک و اکا اطلاع و عبادت مولی ایله اشتغاله استعدادی حصوله کلدیکی ایچوندرکه جناب حق (وما خلقت الانس و الجن الیعبدون) یعنی [انحق بی بیلسونلر و بکا عبادت ایلسونلر دیه انس و جنی یزادتم] بیوردی .

۴ — عالم، اقطار ملکوتده طیران و سیاحت و بحار معقولانده سیران و سیاحت ایدر بر حالده بولندیغندن معدوم ایله موجودی، واجب ۱۱۱ ایله ممکن [۲] و محالی مطالعه ایلر . بعده ممکنک جوهر و عرضه ، جوهرکده بسیط و مرکبه انقسامی تذکر ایدر . انلردن هر برینی کندی نوعلرینه ، هر نوعی افرادینه ، هر فردی ترکب ایله یکی عناصره ، هر عنصری اجزای فردهسنه ، هر شیئی مابه الاشتراک و مابه الامتیاز اولان جزو لرینه تقسیم ایتدکدنصکره هر شیئک اثرینی، مؤثرینی ، معلولانی، عاتنی ، لازمی، ملزومی، کلیسی، جزئیسی، واحدینی، کثیرینی، خاصه لازمیسی ، خاصه مفارقهسی ادراک ایلر و بو واسطه ایله انک عقلی تفصیل و اقسامیه کافه معلومات کنیدیسنده ثبت و قید اولان بر نسخه کی اولور که ارتیق بو نسخه نادیدهیه نانیلت سعادتک فوقنده بر سعادت دهات تصور اولندمز .

۵ — بر انسان علم سببیه شودرجه کاله رسیده اولدقدن انک سایهسنده بر جوق

۱۱۱ واجب .. وارفی کنیدیسندن بشقه بر شیئه محتاج اولیان شیدر: حق تعالی کی .

۱۲۱ ممکن .. وارفی و یوقنی کنیدیسندن بشقه بر سبب خارج و عات خارجهیه محتاج

اولان شیدر : انسان و سایر مخلوقات کی .

نفوس جاهله دخی شرف علم ایله مشرف اوله رق سعادت ابدیه و حیات حقیقیه نائل اولور. چونکه انک نفس زکیه سی شمس تابان کی نشر ایله یکی اشعه نورانیه سیله نفوس سائر دنک بدنلرینه حیات بخش ایله. زیرا علم، عین روح، بلکه ده روح الروح و حدر. مفسرین کرام قرآن کریمک مواضع متعدده سنده ایراد بیوریلان «روح» کلمه سی بعض محله ده علم ایله تفسیر ایتشلر درکه سبی ده شودر: روح سز بدن میت و فاسد اولدینی کی، علم سز بدن ده میت و فاسددر. بناء علیه «علم» روح الروح و نورالنوردر. فنا و تغیردن مصون و محفوظ اولوب دوام و ثبات دخی انک خواصنددر. چونکه نفوس مفارقه کامله و مجرد دنک تصورات کلیه سی زوال و تغیردن آزاده در.

۶ — پیغمبر آخر الزمان و ملاحظه اجماله نام سیدنا و مولانا رسول اکرم و نبی محترم اقدمز حضرت تبری مزیات عالیه و اخلاق فاضله دنک کافه سی جامع ایدی. نصل که (وانک لعلی خلق عظیم) قول شریفی اکا دلالت ایتدی. مع هذا جناب جق قرآن کریمک بک چوق یرلرنده او سوکیلی پیغمبرینه اول باول بالخاصه فضیلت علم ایله امتنان بیوردی. اکر علمدن اشرف برمزیت ده اولسه ایدی اولان وبالذات امتنان الهی انکله شرفورود ایله ایدی.

۷ — منصب نبوت ایله سرفراز، عقل و حکمت ایله جمله دن ممتاز اولان انبیای عظام حضرت انک کافه سی اول عمر لرندن آخر عمر لرینه قدر نظر و استدلال مسلک عالیسه سلوک ایدرک تعلیم و تفهیم طریقله خلقی معارف حقه یه تشویق و ارشاد بیوررلر ایدی. نصل که هپسنک قصه سی قرآن معجز بیانده اولوجهله ایراد بیورلدی. تعلیم علمدن افضل برمسلك عالی بولسه ایدی انبیای مشارالیه مک او یوله سلوک بیورملری اقتضا ایتمی ایدی.

۲۴ تشرین ثانی ۳۱۱

عقائد دینیّه و عبادات شرعیّه

دلایل آفاقیه و شواهد انفسیه دنک دلالت و شهادت لرله عقول سایمه ازبانه یقیناً معلومدرکه بو سلسله کائناده کیف مایشاء اجرای حکم ایدن بر ذات واجب الوجود اولوب ذراتدن شمسسه قدر هر شیئک وجود و بقا سی، ابتدا و انتهایسای الحق او ذات فیاض مطلق حضرت لرندن فیضان ایتش، عد و احساندن

خارج انواع نعم و صنوف کرم دخی محض آنک الطاف صمدانیه سندن ظهورم
کشدر . بناء علیه سو الطاف مالانهایه سبحانیه لرینه مقابل حق جل و علا
حضرتلرینی توقیر و تعظیم و درگاه مسجد الوهیتنه شکر و ثنای تقدیم هر کسه
وجیه ذمت و فریضه عبودیت اولمشدر . چونکه صاحب نعمت اولان برذاتی
تعظیم و توقیرک وجوبنه عقل دخی شهادت ایتکدهدر .

حالبوکه جناب حقه قارشی ایفا ایده جکمز شکر و محمدتک و بارگاه احدیتنه
عرض ایله جکمز تعظیم و عبادتک نصل و نه یولده اوله جفی ینه آنک جانب
اقدسندن مقتبس برشرع شریفک بیاننه متوقفدر . چونکه انسانلرک حق تعالی یه
اطلاقی جائز و مستحسن کوردکلری لغات عند باریده مستهجن ، وسیله تعظیم
دیه ایفا ایلدکلری عبادات اکا کوره موجب توهین ، اجرا ایلدکلری توصیفات
دخی اکا نسبة باعث دم و قدح اوله بیلیر . ایشته عبادک هم بوشکر و محمدت
و عبادت فریضه مقدسه سنی مطلوب الهی وجهله ایفا ایتسی ، همده انک ضمننده
برجوق ثمرات مادیه و معنوییه اقتطاف ایلسی ایچون هرری برلطف مخصوص
اولمق اوزره طرف سبحانیدن شریعتلر اعطا اولمش وانلرکده اک آخر واک
کاملی اوله رق شریعت غرای احمدیه احسان بیورلمشدرکه نع الهیهنک اجل
واعظمی ، اعز و اکرمی ده انجق اودر .

چونکه بوشریعت مقدسه ، علوم اولین و آخرنی جامع ، حیات ابدیه
و سعادت سرمدیهنک اسباب و وسائلنی حاوی اوله رق انسانک محتاج اولدینی
احکام دنیویه و اخروییه ، هر درلو فوائد مادیه و معنوییه برصورت معجزکارانده
بیان و ایضاح ایتمشدر . بوشرع منیفک احکام جلیله سندن بالخاصه اعتقادات
و عبادات قسملری نوع بشرک اک زیاده مدار سعادتلری اولمغله بونلره دائر
آئیدهکی ایکی مبحثک انظار قارئین کرامه عرضنی مناسب کوردم :

مبحث اول : اعتقاداته دائر

اعتقادات — ایمان تفصیلیدن عبارت اولوب اوده رسول اکرم افدمن
حضرتلرینک طرف الهیدن کتیردیکی یقیناً معلوم اولان شیلرک جمله سنی دلیل ایله
اقرار و لقب ایله تصدیق ایتمک ایله حاصلدر . علمای اصول «ایمان» آیات قرآنیه
واحدیت بیوبنک شهادت ایتسی و هر فرض مطلقک موقوف علیهی بولمسی سببیه

نقلاً واجب و فرض اولدینی کبی بو عالمک حادث اولمسی و هر حادثک بر محدثه احتیاجی درکار بولمسی جهتیله ده عقلاً دخی فرض و واجدرد. « دیشلر بوسوزلریله ایمانک فرضیتی ایچون حدوث عالمک سبب اولدیغنی بیان ایتشلردر . فی الواقع شو مکنونات بدیعه و نظامات عجیبه دقت و امعان ایله نظر اولندقده انلرک برصانع عظیم و قادر حکیمک صنع و ایجادیلله حصول پذیر اولدقلرنده قطعاً اشتباه ایدیله مز . بناءً علیه باب ایمانده بر عقل سلیم صاحبی قبول ایله عدم قبول ارسنده تردد اصلاً محل کورده مز . هر حالده حق تعالی نك وارلغنی، بر لکنی قبول و تصدیقن بشته کندیمی ایچون بر یول بوله مز . واقعا بعض عقول سقیمه اربابی بونلرک مقتضای طبیعت اوله رق حصوله کلدکارینی اعتقاد ایدیورلر ایسه ده بو اعتقادک بطلاننده شک ایدیله مز . اصل شک ایدیورکه مؤثرک اوردن ده اعلی، ده کامل اولمسی و اثرک مؤثره محتاج بولمسی بدیهیات اولیه دن اولدینی حالده بونلر شو آثار بدیعه و عالیله ک، باخصوص علم و اراده کبی صفات کلبینی حائر اولان، بناءً علیه حقیقه بر نسخه کبری اطلاقه شایان اولان انسانک خلقت و ایجادلرینی عقل و ادراک شانندن اولمیان، حتی کندی موجودیتنده بیله آثار مذکورده به محتاج اولان طبیعتله اسناد ایدیورلر .

طبیعتک حس و ادراکدن خالی بر قوت، بر صفت اولدیغنی، بناءً علیه وجود و بقا سنده بیله غیرک وجود و بقا سنده محتاج بولدیغنی؛ ادنانک عالی نی، غیر مدراک مدراکی، عرضک جوهری، محتاجک محتاج المهنی خلق و ایجادلرینی محالات قطعیه دن اولدیغنی دوشونمورلر . واقعا بو عالم فایده جناب حق هر شیئی بر سببه ربط ایلشدر . فقط بزم کوردیکمز اسبابک اسباب حقیقه دکل، بلکه اسباب عادیه دن بولدیغنی و هر سببک مسببی، هر اثرک مؤثری انجق حق جل و علا حضرت تبری اولدینی قریباً ذکر ایلدیکمز برهانلر مثالی نجه بر همین قاضه ایله ثابت اولمش و بناءً علیه خالقیت صفی خدای متعال حضرت تبریینه منحصر اوله رق فالمشدر . ایمانک حکمت و فائده سی ایسه دنیا و آخرت سعادتلرینی تحصیلدر . زیر اعدالت، عفت، استقامت، مرحمت، سفتت، حقوقه رعایت، خالقه عبادت، بی نوعه معاونت کبی اخلاق فاضله نیک کافه سی ایمانه مترتب اولوب بو قدر کلائی حائر اولان بر ذاتک دنیا و آخرتده نائل نجات و مظهر سعادت اوله جتی ایسه سمسندن اظهر، قردن اجلادر .

موت نالی : عبارات متعلقہ

عبادتک جناب حقہ مخصوص اولدینہ نصوص قرانیہ واحادیث نبویہ صراحتاً دلالت ایستیکی کبی بروجه آتی وجوه عقلیہ دخی دلالت وشهادت ایتمکده در .

اولا : عبادت منتهای تعظیمدر . بولعظیمده اقصای انعام کنديسندن صدور ایدن برذات کریم الصفاته لایقدر . اودات ایسه حق جل وعلا حضرتلریدر . اگرجه مظهر توفیق الهی اولان اغنیای شا کریندن دخی انعام صدور ایدرایسهده انلرک بوانعاملری ینه جناب حقک اقدار و تمکینیه اولقله برابر قدرت بشر دائرہسندہ حاصل وانعام باری ینه نسبتله بتون بتون قاصردر . بناء علیه اللهدن بشقهسنه عبادت وطاعت غیر جائزدر . مع هذا هرکس انعام واحساننه نائل اولدینی کیسه لردهده عرض شکران ایتمه لیدر . چونکه رسول اکرم افدمز بر حدیث شریف لرنده [ناسه شکر ایتمه من اللهده شکر ایتمز] بیورمشدر .

ثانیاً : مساواة اللهدن هیچ بر شیک - غناء ذاتیسی اولدینی جهته - هیچ برشی کندی کنديسنه موجود اوله میوب همه حال بر موجوده بر مؤثره محتاجدر . حالبوکه وارلغنده غیره محتاج اولان هر هانکی برشی باشقه سنک وحتى کنديسنک احتیاجنی دفعه غیرمقدردر . چونکه غناء ذاتیسی اولمان بر شیک کرک کنديسنک ، کرک غیریسنک هر احتیاجنی دفعه قدرت یاب اوله میه جفی وارسته اشتباه ومستغنی ایضاحدر . غناء ذاتی ایسه حق تعالی ینه مخصوص اولدیی ایچون دافع الحاجات مستحق عبادات دخی انحق اودر .

ثالثاً : عبادت الذی بک تعظیمدن عبارت اولدینی جهته اجرام علویه وسفاهی خالق وایجاد الیک وهر برینی کندی مدار ومستقر مخصوصنده جریان ایتدیرمک وبو واسطه ایله انواع مخلوقاتی ساحه وجوده کتیرمک کبی بر قوت قاهره و قدرت بالغه صاحبنه قار - و اجرا اولنحق لابد ولازمدر . اوده انحق حق جل وعلا حضرتلریدر . بناء علیه باب عبادتده انسانک حیوان ، جمادات ، نباتات کبی مخلوقات ایله حق تعالی ینه مساوی قیامسی هیچ بروجهله تجویز وتحسین ایدیه مز . چونکه ناقص ایله تام ، خسیس ایله نفیس بینی مساوی طومتق قدر سفاهت وجهالت تصور اولنه ماز .

اهل تحقیق بیانتری اوزره عبادتک اوج درجه سی واردر : برنجیسی ثوابه نائل و عقابدن خلاص اولمق مقصدیه اللهه عبادت ایتک اولوب عندالناس « عبادت » تسمیه اولتان دخی بودر . فقط عرفاً زردنده عبادتک بودر لوسی درجه اعتباردن بالکلیه ساقطدر . زیرا بو مقصد ایله عبادت ایدنک معبودی حقیقت و نفس الامرده ثواب اولوب شو مطلوبینه دخی مطلوب بالذات اولان جناب حق و سیله قیامشدرکه بونکله اسقاط فریضه ایتمش اولور ایسه ده بونک جداً و حقیقه بیوک بر خساست اولدیغنده شبهه یوقدر .

ایکنجیسی جناب حقه عبادت و یاخود تکلیف لری قبول و یا اکا اتساب ایله تشرف ایتک ایچون اللهه پرستش ایتکدرکه بونوع عبادت درجه اولی دن اعلی ایسه ده بونده دخی مقصود بالذات الله تعالی اولمیوب بلکه اکا عبادت و اتساب و تکالیفی قبول ایله تشرف اولدیغندن حد ذاتنده بودخی غیر کاملدر .

اوجنجیسی حق تعالی خالق و اله اولوب عبده انک قولی بولندیغی ، حالبوکه الوهیت هیبت و عزتی ، عبودیت ایسه خضوع و ذلتی موجب اولدیغی ایچون الله تعالی به عبادت ایتکدرکه بونوع عبادت اعلائی مقامات و اشرف درجات اولوب اصل عبودیت نامنه مستحق اولان دخی بودر .

عبادت و طاعتیه میل و رغبت انک متضمن اولدیغی فوائد و مزایای بیلیمیه متوقف اولدیغندن برارده انلردن بحث ایدلم . اولاً : معلومدرکه صفت کمال بالذات محبوب و مرغوبدر . سعادت اولمقده اکمل احوال ایسه عبادت ایله اشتغالدر . چونکه عبادت ایله اشتغال ایدنک قلبی نورالهی ایله تنور ، لسانی ذکر و قرائت ایله تشرف ، اعضاسی جمال خدمت الهی ایله تجمل ایلر . بو احوال ایسه مراتب انسانیه و درجات بشریه نیک اشرف و اعلاسی در . بو احوال حصولی دنیاده اعظم سعادت انسانیه یی موجب اولدیغی کی اخیترنده اکمل مراتب علمیه یی مقصددر .

ثانیاً : برایت کریمه ده بیان بیورلدیغی اوزره عبادت الملهک نزه براماتیدر . امانتی ادا ایسه عقلاً و شرعاً واجبدر . تنکم جناب حق برایت جالبه مننده الله تعالی سزه امانت لری اهل و جالبینه ادا ایتمه کزی امرایدیور بیورمشددر . حالبوکه ادای امانت دخی صفت کمال و محبوب بالذاتدر . برده احد طرفیندن امانتک ادا اولمشی جناب آخردن ده ادا اولمشه سببدر . بناء علیه عبد طرفندن

ادای عبادت ایدینجه معبود جانبدن ده ایفای اجرت بو یورله جعی شبهه سزدر .
 ثالثاً : عبادت‌اشغال تام غروردن عالم سرورده و خلق ایله اشتغالدن حق ایله اشتغاله
 انتقال اولوب بو ایسه کمال لذت و بهجتی موجبدر . مقام معراجده حق تعالی نك
 حیب اکر منی عبودیتله توصیف بیورمسی دخی عبادتک اشرفیتده دلالت ایتمکده در .
 زیرا اکر انسان ایچون عبودیتدن دها عالی بر مقام اولسه ایدی حق تعالی
 حیب اکر منی معراجک الک عالی مقامنده عبودیتله توصیف بیورمز ایدی .

ایمدی شو ادله عقلمیه ایله دخی ثابت اولدیکه انسان ایچون الک شرفلی
 بر خدمت وار ایسه اوده عبادتله اشتغال ایتک ، الک عالی بر منصب وار ایسه
 اوده مقام عبودیتده بولمقدردر . فقط بو عبادت ، بو عبودیتی سوا استعمال ایتمیلیدر .
 یعنی هر کس کندی زعمنجه بر مقام عبودیت ، بر فعل عبادت اختراع ایتمه مایدر .
 بو باده شریعت محمدیه نه دیمش و بونلری نصل تعریف ایتمش ایسه اکا کوره
 توفیق حرکت ایتلیدر . شریعتک قباحث طانیدیغنی قباحث ؛ عبادت طانیدیغنی
 عبادت بیاملیدر .

۲۸ شباط ۳۱۱

حسن مطلق و ذوق سلیم

[قلاسیقر] مسئله سنه دأر ترجمان حقیقت غزیه سیله نشر اولنان مقاله لردده
 بحث « حسن مطلق » ایله « ذوق سلیم » ک حقیقه وجود و عدم وجود لری مسئله لری نه
 دخی انتقال ایتمش بو بو ایکی مسئله نك حسب المسلك بزده تعلق بولتمش
 اولدیغندن بو باده طرف عاجزانه مدن بوجه آتی بعض مطالعات سر دینه مجبوریت
 حاصل اولمشدر : انجق برشینک احوالندن بحث اولا اوشیتمک حقیقت و ماهیتی
 تعریفه توقف ایله یکی جهته بزده مقصوده شروعدن اول شو ایکی مسئله نك
 متضمن اولدیغنی کمالک حقیقت و ماهیت لری تعیین ایدن تعریف لری ایتان ایدوب
 بعده [حسن مطلق] و [ذوق سلیم] ک حقیقه موجودیت لری ، یوقسه عدم
 موجودیت لری لازم کله جکسی بیان ایتکی و جیه دن عد ایلدم .

کتب کلامیه و اصولیه ده بیان اولندیغنی اوزره کوزده لک دیمک اولان
 « حسن » کله سی دوت معناده مستعملدر : برنجیسی - برشینک صفت کمال اولسی :

علم و شجاعت کبی که بونلرک بر صفت کمال اولملری کندیلری ایچون بر کوزللك اولوب «علم» کوزل برشیدر. «دینلدیکی زمان [علم بر صفت کالدر] دیمک اولور. ایکنجیسی — بر شیدک منفعت و مصاحته و یا طبیعته ملایم و موافق کلسی: عدالت و خلوت کبی که برنجیسنک منفعت و مصاحته، ایکنجیسنک ده طبیعته ملایم و موافق کلسی کندیلری ایچون بر کوزللك اولوب [عدالت کوزل برشیدر] [خلوت ده کوزل برشیدر] دینلدیکی زمان [عدالت] منفعت و مصاحته، خلوت ده طبیعته موافق و مطابق دیمک اولور.

اوجنجیسی — بر شیدک متعلق ثواب اولسی: صلات و صیام کبی که بونلره اجر و ثوابک تعلق ایلمسی کندیلری ایچون بر کوزله لکدر.

دردنجیسی — بر شیدک عندالله ممدوح اولسی: ینه صلاة و صیام کبی که بونلرک عندالله و عندالناس ممدوح اولملری دخی کندیلری ایچون بر کوزله لکدر. علما بو درت معنادن برنجی و ایکنجی معنارجه حسنک یالکز عقل ایله مدرک و مثبت اولدیغنه اتفاق ایتمکدنصکرده اوجنجی و دردنجی معنارجه حسنک عقل ایله می، یوقسه نقل ایله می مدرک و مثبت اولدیغنده اختلاف ایشلر و هربری برجهتی الزام ایله هر فرقه کندی مدعاسنی اثبات ایچون بر جوق تفصیلاته کیرشمشلدرد که بوراده انلر ایله اشتغال بلا فائده تطویل مقالی موجب اوله جفتدن تفصیلات مذکورده دن صرف نظر ایلدم. زیرا مباحثه نك صورت جریانی بوراده «حسن» کله سنی اوجنجی و دردنجی معنارله جمله مساعد دکادر که علمانک او معنارله دائر سرد ایتمکاری مطالعات و مباحثاتی بز دخی سرد و آیینان ایده لم. بوراده او معناری ذکر ایدیشمز ایسه [حسن] کله سنک قاچ معناداستعمال ایلدیکنی و قریباً ذکر اوله جنی وجهله او کله نی بوراده هانکی معنارله حمل اتمک لازم کله جکنی بیان مقصدینه منی در.

«مطلق» کله سی ده «اطلاق» مصدرندن براسم مفعولدر. «اطلاق» لغتده برشی برباغ ایله باغلامیوب صالیویرمک معناسنه موضوعدر. بوحالده «مطلق» لفظی برباغ ایله باغلامیوب صالیویرلمش برشی دیمک اولور. بعده بوکله [برقید ایله مقدم اولمیان برحقیقت و برماهیت مجرد] معناسنه نقل اولمشدر که افراد کثیرده شموانی، انلر اراده سنده اشتراکنی عقلمن تجویز ایده بیله جکی بر مفهوم کلی و بر معنای عمومی دیمکدر.

بو ماهیت ایکی قسمدر : بریسی [مطلقه حقیقه] ، دیگر یی ده [مطلقه اعتباریه] در . مطلقه حقیقه - بر معتبرك اعتبارندن و بر فارضك فرضندن نظری قطع ایله نفس الامرده ثابت و محقق اولوب شامل و صادق اولدینی افراد خارجه حقیقه و کر چکدن موجود اولان بر ماهیتدر .

[انسان] ماهیت مطلقه سی کی که بونک ثبوتی بریسی فرض و اعتبار ایتسه ده ، ایتسه ده نفس الامرده کنیدیسی ثابت و محقق اولوب شامل اولدینی افراد خارجه حقیقه موجود و بو سبب ایله کنیدیسی ده دائماً انلرک ضمننده متجلیدر .

مطلقه اعتباریه - ثبوت و تحقق بر معتبرك اعتبارینه و بر فارضك فرضنه تابع اولوب کنیدیسنک خارجه بر فردی بیله حقیقه و کر چکدن موجود اولیان ماهیتدر . [عقا] ماهیتی کی که خارجدن نظری قطع ایله عقل انک ثبوتی و افراد کثیریه شمولی و انلر ارسنده اشتراکنی تجویز ایده بیلیر ایتسه ده بو ثبوت ، بوشمول ، و اشتراک مجرد عقلک فرض و اعتبارینه تابع اولمغله بونک خارجه بر فردی بیله حقیقه و کر چکدن موجود دکلددر .

ایشته شو تفصیلاته بناءً [حسن مطلق] تعیری [هر زمان هر برده هر طبعه ملایم کوزللك] دیمک دکل ، بلکه « علی الاطلاق - یعنی بر قید ایله مقید اولدینی حالده افراد کثیریه شمولی ، انلر ارسنده اشتراکنی عقلک تجویز ایده بیله چکی کوزللك » دیمک اولور که بوده بر ماهیت کلیه و بر حقیقت مجرد اولمغله خارجه باشلی باشنه موجود اوله مزایسه ده حقیقه اولدیغنه کوره افرادی ضمننده دائماً متحقق و متجلیدر . فقط بو ماهیته و بو حقیقه [بر ماهیت مطلقه حقیقه] می دیه جکیز ، یوقسه [بر ماهیت مطلقه اعتباریه] نامی می ویره جکیز ؟ بوراسنی تحقیق لازم کدیکندن دیرزکه : [لیس فی الامکان ابداع مما کان] قضیه صادقیه سی منظوقجه مصنوعات الهیته نک هر بری بر معناه حقیقه حائر حسن اولدقلری کی جناب شهاب الدین بک افندی برادر یمزک دخی دیدیکی وجهله « علم » و « عدالت » کی صفات عالیه دخی حقیقه حسنی حائر در لر . فی الواقع صرف کوره نکه عابد بر طاقم شیلرده واردر که انلر حقیقت و نفس الامرده بالاده ذکر اولنان معالرك هیچ بریسنجه کوزل اولدقلری حالده نصل ایسه خلق انلری کوزل اعتبار ایتشلر درر . بو اوقدر طوغری بر حقیقتدر که اثباته لزوم بیله یوقدر . دیمک اولدیکه [حسن] ماهیت مطلقه سی ایکی قسم اولوب بریسی [حقیقه] ، بریسی ده [اعتباریه] ایش . شمدی

آثار صناعيه و ادبيه ده « حسن مطلق حقيقى » اولوب اوله ميه جنى و اولديغى تقديرده بو حسنى هانكى معنايه حمل ايتمك لازم كله چكى مسئله لرينه نقل كلام ايدلم :

مسئله اولى

معلومدر كه بو عالم مدنيتده هر شى بر قانونه تابع اولديغى كجى بر اثر صنعت و يا بر اثر ادبى ده بهمه حال بر قانونه تابعدر . بناءً عليه ياپيله جق بر اثر صناعى ، يا خود يازيله جق بر اثر ادبى بهمه حال تابع اولديغى قانونه توفيقاً يايلى و يازمليدير . اكر بويله اولمز ايسه او اثر مقبول اولماز . اما بوكا قارشو دينيرسه كه : واقعا آثار صناعيه بويله ايسه ده آثار ادبيه بويله دكلدر . بز اوقواين ادبيه توفيقاً سوز سويلمكه ، يازى يازمغه مجبور دكلز . بز كندى افكار يمزى ، كندى حسياتمى ايسته ديكمز صورته سويلر و يازارز .

بزده ديرزكه : غالباً سز اوقواينى بر طاقم صنايع لفظيه دن و تعبيرات عتيقه دن عبارت ظن ايدىورسكز . حالبوكه ايش اوليله دكل . باقكز بزم «قوانين لسانيه» ديديكمز شيلرك بعضلرني ذكر ايدلمده اكر انلرك خارجه چيقمق الكزدن كلير ايسه چيقلز . ايشته اوبعض قوانين شونلردر :

اولا : « سويلنه جك بر سوزده طبعك ، ذوقك خوشلانمديغى كلمات ثقيله اولماملى » ، ثانياً : « تقديم ، تأخير و يا بر طاقم لوازم بعيدى اتيان ايله معنای مقصودى اخلاص ايتماملى » ، ثالثاً : « سويلنه جك سوز مقتضای حاله موافق اوله رق سويلنملى يعنى مخاطب و يا قارئك حاله ، موقعه ، استعدادينه كوره ايراد كلام ايللى . »

شمى انصاف ايدلم ، شوقانونلر خارجه دن سويلنن و يايازيلان سوز مقبول اولورمى و بوقانونلر هيچ بروقت تغير ايدرمى ؟ مادامكه سن بر خطيب و يا بر محررسك ، البته سويلنه جكك و يايازدجفك بر كلامده طبعك ، ذوقك خوشلانميه جنى كلمات ثقيله وغير مانوسه يي بولنديرميه جتسك . البته تقديم و تأخير و يالوازم بعيدى اتيان ايله معنای مقصودى اخلاص ايتمه جكسك . البته مخاطب و يا قارئك حاله ، موقعه كوره ايراد كلام ايله جكسك . هله برنجى و ايكنجى قانونلر بعته مجبور اولديغى سن دخى بلاشك اعتراف ايدوب اويغى قانونه بعته حمله كنه براز تردد ايدرسك . فقط ازا جق تأمل ايتدكده كصكرده انى ده لسانم و قبول ايدرسك ظن ايدرم . چونكه مخاطب حاله ، موقعه ، استعدادينه مناسب و موافق

اولیان برسوزی سويك عادتاً تنها بريرده كندى كندينه سويلنمك كيدر. اكر بومقبول ومعتول برشى ايسه اوده مقبول ومعتول برشيدر .

اويله ايسه ياپيله جق بر اثر صناعتينك همه حال تابع اولدينى قانونه توفيقاً ياپمى لازم و لابد اولدينى كې يازيله جق بر اثر ادبينك ده همه حال تابع اولدينى قانونه توفيقاً يازمى لازمكلىكى ثابت اولدى . بويله كندى قانونه توفيقاً ياپمى ويا يازمى بر اثر ك ايسه قريباً ز كر اولنه جق معالرك برينسجه حسن مطلق حقيقى نى حائز اوله جغنده شك يوقدر !

مسئله نانيه

يوقاريدده، بحثك ، «حسن» كلمه سنى بوراده اوچنجى ايله دردنجى معالزه حمله مساعد اولديغى سويله مش ايدك . شمدي ده ديرزكه آثار صنعت وادبده حقيقه «حسن» اولديغى تقديرده بو حسننى ايكنجى معنايه حملك صحتنده شك يوقدر . زيرا تابع اولديغى قانونه توفيقاً ياپمى بر اثرده . «بواثر كوزلدر» دينلديكى زمان «بو اثر مصاحته ويا طبيعته موافقدر» معناسى ذهنه سرعتله كليركه «حسن» كلمه سنك ايكنجى معناسى ده بو ايدى .

حسن مذكور برنجى معنايه ده حمل اولنه بيلر . واقعا برنجى معناجه «حسن» برشيك صفت كال اولمى ديمك اولوب بر اثر صنعت ويا بر اثر ادبى ايسه «صفت» دكل ، «ذات» اولديغندن طوغرىدن طوغرويه اكا او معناجه «كوزل» عنوانى ويريله مز . فقط او اثر كالى حائز اولديغى تقديرده صفتك اسمنى موصوفه اطلاق قىلندن اوله رق اكاده «كوزل» دينيله بيلير . شمدي آثار صنايعيه وادبويه عطف نظر ايدلم :

عجا بونلرك ايچنده «حسن مطلق حقيق» نى حائز هيچ بر اثر يوقيدر ؟ شبهه ايتمزكه بو سئواله «واردر» جوانى ويريلىر ، «يوقدر» جوانى ويريله مز . زيرا آثار صنايعيه ايچنده منسوب اولدقلىرى فنونه تاميله موافق اوله رق ياپمى بر طرفى على بنلر ، مكمل واپورلر ، متين شمندوفرلر واردركه بونلرك مصاحته ومنعته ويا طبيعته ملايم اولمق ، يا خود صفت كالى حائز بولمق معناسجه صاحب حسن مطلق حقيقى اولدقلىرى كيمسه انكار ايتمز . ايتسه ده حكمتى اولماز . زيرا مادامكه بونلرك طرز انشاءلرنده ازهر جهت مكمليت واردر ، مادامكه بونلر

مصاحبت و منفعت و یا طبیعت موافق‌لر در ؛ بو حالده بریسی انلرک شو بمعناجه حائر
حسن مطلق حقیقی اولدقلرینی فرض و اعتبار ایتسه ده ایتسه ده « حسن » ماهیت
مطلقه سی انلرک ضمنده متحقق و متجددرکه « حسن مطلق حقیقی » نی حائر
اوله نك معناسی دخی بوایدی . اما بیلریده بونلردن دهامکمل آثارصناعیه وجوده
کله جک ایتسه ده اوزمان بونلره اعتبار اولمیه جق ایتسه . اوراسی بزه لازم دکلدر .
بز « حسن مطلق حقیقی » نك بعض افرادی ضمنده ابدی قاله جغنی ادعا ایتدک .
وارسون بوکی اثرلر ایلریده وجوده کلسون . او وقتده حسن مطلق حقیقی
انلرک ضمنده تجلی ایدیورر . هله تلغرافلرک « موافق مصاحبت اولمق » معناسجه
حائر حسن حقیقی اولدقلرنده هیچ شبهه یوقدر .

کذلک آثار ادبیه میاننده ده حائر حسن مطلق حقیقی اولان آثار موجود
اولوب بونلرده اوچ قسمدر : قسم اول - او اثرلردرکه تا زمان تألیفلرندن بو
آنه قدر کندی حسن حقیقیلرینی محافظه ایتسه لر والی ماشاه ایده جکلردر .
سلیمان دده مولود شریفی کی که بو اثر عالی فنون لسانییه تماماً موافق اونقاه
برابرمضامین دقیقه و تشبیهات لطیفه فی متضمن اوله بیلتری حاویدرکه او قویانلری ده ،
دیکه بیلتری ده مقنون ایدر .

قسم ثانی - او اثرلردرکه تا زمان تألیفلرندن بو آنه قدر حسنلرینی محافظه
ایده ماش ایتسه ده بر چوق زمانلر حسن مطلق حقیقی کندی بیلری ضمنده تجلیسه
مظهر اولمشلردر . و بیلرک ، ترکسیلرک بعض آثار بلیغه و فصیحلهری کی .
بو اثرلرک شمعی یه قدر حسنلرینی محافظه ایده ماشلریده حائر حسن مطلق اولملری
لازم کلر . زیرا بالاده بیان اولدیفی وجهله (حسن مطلق حقیقی) دیمک (بر معتبرک
اعتباریه و بر فارضک فرضیه تابع اولمیه رق حد ذاتنده ثابت و محقق اولان علی الاطلاق
کوزلک) دیمک اولوب بو ماهیت مجرد حقیقیه ایسه بر چوق زمانلر آثار
مذکورده ضمنده متجلی و متحقق ایدی . چونکه آثار مذکورده کندی زمانلرنده کی
طرز انشا و شیوه افادهیه تمامیه موافق اوله رق یازلمش و حالبوکه بر اثرک حائر
حسن حقیقی اولمسی ده انجق بو صورته حصول بذر اوله بیلرکی بوقارنده
سویانمش ایدی . لکن هر عصرده طرز انشا و شیوه افاده واضح بدل و تغیر
ایلدیکندن آثار مذکورده حائر و متضمن اولدقلری (حسن مطلق حقیقی) نی

بوآنه قذر حفظ وحمایه ایده‌مدی . شمدی بو حسن انلردن دیگر آثاره انتقال ایلدی .

قسم ثالث — عصر حاضرده ادبای فصیحه وبلیغه طرفلرندن یازلمش بعض اثرلردر . زیرا بو اثرلرده قوانین لسانییه تمامیله موافق اولدقلری کبی طرز انشا وشیوه افاده‌لری دخی هنوز تبدل وتغیر ایتمدیکی جهته الیوم (حسن مطلق حقیق) انلرک ضمنده تجلی وتحقق ایتمکدهدر .

الحاصل آثار صناعیهده اولسون، آثار ادبییهده اولسون، ذکر اولنان معنلرک بریسنجه « حسن مطلق » ماهیتی متضمن پک چوق آثار موجود اولوب بونلردن کیمیسی تازمان ایجادندن ویازمان تألیفندن، بوآنه قدر حسنی محافظه ایتمش وایلریده الی ماشاءالله ایده‌جکی دخی درکار بوللمش، کیمیسی ده بوزمانده دکل ایسه‌ده کندی زماننده حسن حقیقیه مظهر اولمش، کیمیسی ده بوکون حسن مطلق حقیقی حائر اولدیغی حالده ایلریده نه حال کسب ایده‌جکی هنوز معلوم اولماشدر .

اما جناب بک برادریمزک دیدیکی کبی « حسن مطلق » لفظنه « هر زمان هریرده هر طبعه ملام کوزدللک » معناسی ویریلدیور ایسه واقعا بومعناجه دنیاده حائر حسن اوله‌جق هیچ برائر صناعی ویا برائر ادبی بولتمق احتمالی یوقدر . چونکه بودعوانی اثبات ایچون میرمومی الیه طرفندن سرد ایدیلن ادله‌نک کافه‌سی واقع ونفس الامرده موافق اولوب هیچ بریسی قابل اعتراض دکلدر . لکن کله مذکورده اومعنائی میر مومی الیهدن بشقه کیمسه ویرمه‌مشدر .

ایشته « حسن مطلق » مسئله‌سنه دائر اولان مطالعات عاجزانم بوندن عبارت اولمغله « ذوق سلیم » مسئله‌سنه دائر اولان مطالعات قاصرانمی دخی بوجه آتی سرد واتیان ایدیورم :

ذوق سلیم

« ذوق » نعتده برنوع طعمی ادراک ایتمک معناسندهدر . صکره اهل بلاغت بوکله « کلامات لطائف ووجود محسناتی تعیین ایدن برقوت » معناسنه نقل ایتمش وبو قوتک مرتبه کالنه « ذوق سلیم » عنوانی ویرمه‌شلردر . شو حالده

لفظ مذکورک فن بلاغت اربابنه مخصوص بر اصطلاح اولدیغی تعین ایدر . بو قوت هر کیمنده بولتور ایسه بلا تکلف کلام بلیغی ایراده مقتدر اوله جغندن یعنی تنافر کلمات و تعقید لفظی و معنوی کی محل فصاحت اولان شیلردن خالی وبری اولماق . برابر مقتضای حاله مطابق اولان بر کلامی عادتاً بر امر طبیعی کی سویله بیله جکندن آکا « بلیغ » عنوانی ویریلیر . برانسانه بوقوتک حصولی ایسه فطرت صحیحه و خلقت سلیمه اوزره طوغمش اولسی شرط اولماق برابر ارباب لسان ارسنده مرعی الاجرا اولان اصول مخاطبات و اسالیب ترکیاته توفیقاً ترتیب کلام مسلکنه سلوک ایتمک و بومسلك اوزره ایراد کلام ایله بر جوق زمانلر اشتغال ایلمک متوققدر . بونک اچوندرکه اکثر علمانک بو قوتدن نصیلری اولماز .

دیمک اولدی که لسان ادباده « ذوق سلیم » لفظی « ملکه بلاغت » معناسنده مستعملدر .

بوخالده « ذوق سلیم انکار ایدیله مز . چونکه ذوق سلیمی انکار دنیاده اهل لسانک وجودینی انکار دیمک اولوب دنیاده اهل لسانک وجودینی انکار ایسه بالبداهه باطل اولدیغندن اومسلكنک وجودینی انکار دخی بالبداهه باطدر . واقعا میر مومی الیهک دیدیکی کی ذوق سلیمک نه دیمک اولدیغی بیلمین عجزه بونی برسلاح اولمق اوزره استعمال ایدرک بر اترك حائر حسن اولدیغی ذوق سلیمک مستحبی اولسیله ، ذوق سلامتتی ده انتخاب ایلدیکی اترك حائر حسن اولسیله اثبات ایدرلر و بوضورتیه کندیلرینی « دور » ، « مصادره علی المطلوب » کریوه لرینه دوشورلر . لکن بویولده کی استدلالک بطلانیله « ذوق سلیم » ک بطلانی لازم کلز . مباحثه هانکی اترك کوزلالکی حقدده ایسه او ائرده کی کوزلالک بطلانی لازم کلیر .

۱۰ تشرین اول . ۱۳۱۳

مدافعه و مقابله

کچن هفته ترجان حقیقت غزته سیله « حسن مطلق » و « ذوق سلیم » مسئله لرینه دائر بعض مطالعات عاجزانه مزی حاوی بر مقاله نشر ایتمش و بومقاله ده او ایکی مسئله نک عائد اولدیغی علوم و فنونه توفیقاً من غیر حد حله چالشمش

ایدم . بویکی مسئله‌ی میدانه قویان ادیب شهیر جناب شهاب‌الدین بك افندی
 حضر تلمی اولدیغندن اولیابده کی مطالعات عاجزانه مه انک طرفدن جواب ویرلسنه
 منتظر ایکن مذکور غزته نك کچن جمعه کوننه مصادف اولان نسخهنی آلوب
 او قودیغ صروده « هر زمان کوزلاکینی محافظه ایدن حسن مطلقده بولندی »
 سرلوحه‌لی برورقه مخصوصه کوزیمه ایلشدی . مقاله‌ی او قومغه باشلامه دن
 وامضاسنه کوز کزدیرمه دن اول مجرد اوسرنامه نك دلالتیله بوورقه نك یامیر
 مومی الیه ویا انک هم مسلک لرندن بریسی طرفدن یازلمش اولدیغنه حکم ایتدم
 ایسه ده مؤخرأ مقاله‌ی او قویوب برده امضاسنی کورنجه انک کندی مسلک داسلر یازدن
 برذات فضائل سمات طرفدن یازلمش اولدیغنی تعین ایلدی . او ذات معالی صفات
 بوورقه سنده عاجز لرینه دخی براییک وجهله اعتراض ایتمش اولدیغندن اول امرده
 او اعتراضلره مدافعه ایدوب بعدده مقابله بلئل قاعده سنه رعایه ورقه نك بر قسم
 مندرجاتنه دائر بعض تنقیدات اجرا ایتکی دأب مناظردهیه موافق کوردم .

برنجی اعتراض :

« بر اثر حائز حسن ایکن اخیراً بر مؤثر ده ا یوسنی اصدار ایدر ایسه شمعی حسن
 مطلق اسکینندن انتزاع ایله صکره کینک ضمننده متجلی اولور دیمکه لزوم یوقدر . زیرا
 بو اثرلر یکدیگر نك جنس ونوعندن اولیوب بشقه بشقه زمینده ایسه لر بر کره بونلر
 بیننده قیاس ونسبت جریان ایدهمیه جگندن بونلری موقع موازنه یه قویق زیدک سخاسیله
 عمر وک حلفی ، یا خود بردلبرک جلا دشمنه سیله او بردلبرک عذار کلکوتی مقایسه ایتکه
 بکسر . یوق بونلر ایکیسی بر نقطه نظر نتیجه سی و بر زمین محصولی ایسه لر ایکنجینک
 فوقیله اوکجه کی ینه حسندن مفارقت ایتز . غایبی اولکندن حسن زائل اولیوب یالکیز
 صکره کنده احسنیت تجلی ایدر . بشمز ایسه احسنیت مطلقده دکل ، حسن مطلقده در .
 ویندها بون بعید »

مدافعه

علم منطقه ده بیان اولدیغنی اوزره بحسب ماده دلیل ، بش قنمدر :
 برهان ، جدل ، خطابه ، شعر ، مغالطه . برهان - قضایای یقینده دن ، جدل -
 قضایای مشهورده دن ، خطابه - قضایای مظلونه دن ویا کندی حقه ده حسن اعتقاد
 اولنور برذات ممدوح الصفتدن صادر قضایای مقبوله دن ، شعر - نفسک رغبت

ويا نفرت ایدہ جکی قضایادن ، مغالطہ - یا حتمہ ویا مشہورہ شیہ اولان، یا خود صرف وہم و خیالک ایجاد کردہ سی بولنان مقدمات کاذبہ دن ترکب ایدر . بوبش قسم دلیلن « برهان » عمدہ اولمقلہ برابر یرینہ کورہ « جدل » « خطابہ » ایہ دخی استدلال جائز ایسہدہ « شعر » ، « مغالطہ » ایہ استدلال غیر جائز اولوب انرلہ برشیئی اثباتہ چالشمق عادتاً عبث ایہ اشتغال قیلندندر .

بوراسی معلوم اولدقدہ دیرزکہ : صاحب ورقہ نک « بر اثر حائز حسن ایکن الخ » دعواسنی اثبات ایچون سرد ایتدکاری « زیرا اکر بو اثر لر » دیہ باشلایان دلیل بالادہ ذکر اولنان ادله مقبولہ دن اولمایوب بلکہ کندیسیلہ استدلال ، عبث ایہ اشتغال قیلندن اولان واقسام مذکورہ نک بشنجیسی تشکیل ایدن مغالطہ نوعندندر . چونکہ بودلیل ایکی شقی اولہرق تقریر اولتمش و شق اولہ کورہ بو ایکی اثری موقع موازنہ یہ قومق زیدک سخاسنی عمروک حامنہ قیاس کبی اولہجنی و شق ثانی یہ کورہ دخی اوکجه کینک ینہ حسندن مفارقت ایتمیوب غایتی صکرہ کندہ احسنیتک تجلی ایتمش بولنہ جنی لزومی کوسترلمشدرکہ بریسی ، بودلیہ سطحی برنظر ایہ نظر ایتدکده « اولہ یا ، بشقہ بشقہ زمیندہ یازلمش اثر لر یکدیگریہ قیاس ایدیلورمی ؟ کذلک ایکیسی بر زمین محصولی اولدقلری حالده صکرہ کنک تفویقہ اوکجه کیندن حسن مطلق بالکلیہ زائل اولورمی ؟ » دیہ حکم ایدر ایسہدہ مؤخرأ برده مقاله عاجزانہ می دقلہ مطالعہ ایدرک مندرجاتہ و قوف تام حاصل ایتدکده اولدلیک طوغری یہ مشابہہ برطاق مقدمات کاذبہ دن ترکب بردیلن فاسدالمادہ اولدیغنی ، اکلا رکہ « مغالطہ » نک معناسی دخی بوایدی .

فی الواقع بو ایکی مقاله یان یانہ کتوریلہرک قرائت اولدقدہ بزہ شو سوزمزک حق اولدیغنی بلا شک تحمق ایدر ایسہدہ قارئینی زحمتہ دوچر ایتمک ایچون ایکی شقیہ برابر اولدلیک فاسدالمادہ اولدیغنی تشریح و توضیحہ ابتدار ایدیلورم :

شق اولک فسادی

صاحب ورقہ « شق اولہ کورہ او اثر لرک ینندہ نسبت و قیاس جریان ایدمہ جکندن بولری موقع موازنہ یہ قومق زیدک سخاسنی عمروک حامنہ قیاسہ بکزرہ » دیور دکلی ؟

زده دیرزکہ: بورادہ زیدک سخاسیلہ عمروک حامنہ تشبیہ ایدیان شیر نہدر؟

بو اثرلك حسنلردن فلانلردن نظری قطع ایله مجرد کندیلریمی، یوقسه حائر اولدقلری حسنلریمی :

اگر کندیلری ایسه بوتشیه ایکی وجهه باطلدرد: اولاً — او اثرلك کندیلری حقیقه و یا حکماً جوهر اولوب — سخا ایله حلم ایسه عرض اولدقلردن تشیه مذکور دائره عقلمن بالکلیه خارچدر .

ثانیاً — بخدمز اثرلك کندیلرندده اولیوب حائر اولدقلری حسنلرده اولدیغندن بحئی اثرلك یا لکیز کندیلرینه نقل ایتمک قانون مناظره نك خارجه حیقموق دیمک اولدیغی جیتله صاحب ورقه نك « قانون مناظره به رعایت اولنیمور » دیه قوباردیغی فریادلر هب کندیسینه عاقد اوله جغنده شك یوقدر . یوق اگر زیدك سخاسیله عمروك حلمه تشیه اولنان شیلر او اثرلك کندیلری دکلده حسنلری ایسه بو تشیه یینه باطلدرد . چونکه بخدمز مختلفه الحقایق برطاقم انواعه شامل اولان « حسن مطلق » ماهیت جنسیه سنده اولوب برماهیت جنسیه ایسه علم منطقه بیان اولدیغی اوزره کافه انواع وافرادی بیننده مشترك برجزو اولدیغندن بشقه بشقه زمینلرده اولدیغی فرض ایدیلن اثرلرده تجلی ایدن « حسن مطلق » آری آری شیلر دکلردرکه بریسی زیدك سخاسه ، دیکری ده عمروك حلمه تشیه ایدیله بیلسونده « بویکی اثری موقع موازنه به قومق زیدك سخاسنی عمروك حلمه قیاس کیدر » دیمک صحیح اولسون .

دیمک اولدیگه بوتقدیره کوردهده صاحب ورقه موضوع بخدمز اولان « حسن مطلق » ك برماهیت جنسیه اولدیغنی وبوماهیتهك بین الانواع والافراد برجزو مشتركدن عبارت بولندیغنی دوشونمکسزین یعنی ماده نراعی تعیین وتحریر ایتمکسزین اعتراضه قاتمش وبالاخره کندی اعتراضه ینه کندیسنی هدف الیشدر .

شق ثانیك فیادی

صاحب ورقه بو شقی تقریرده دییور ایدی که: « اگر بو اثرلر ایکسی ده بر نقطه نظر تیجه سی و بر زمین محصولی ایسه لر ایکنجینك تفوقیه اوکجه کی ینه حسدن مفارقت ایتمز . غایتی صکره کنده احسیت تجلی ایدر . بخدمز ایسه احسیت مطلقده دکل، حسن مطلقده در. »

برده دیرزکه : بوشده کی «ایکیسی ده بر نقطه نظر نتیجه سی و بر زمین محصولی»
 سوزلرینک دالترلیه صاحب ورقه نك بو اثرلردن مقصدی ادبی اثرلر اولدیغی
 تعین ایدیور دکلی ؟ حالبوکه بز مقاله مزده صکره کی بر اثر ادینک اوکجه کی
 بر اثر ادبی به تفوق ادعاسنده بولنماش ایدک که او ادعایه بناءً اوکجه کینک
 حسندن مفارقت ایتامسی و غایه الامر صکره کنده احسینک تجلی ایسی لازم
 کلسونده حدود مناظره دن چقلمش اولسون .

واقعا بن کندی مقاله مدده بر اثر ادینک حائر حسن حقیق اولمسی انحق
 منسوب اولدیغی قوانینه توفیقاً تألیف ایدمش بولنمسیله تحق ایده بیه جکنی
 سوبله دکدن و بونی ده ائمه بلاغتك « برکلامک حسن ذاتی و حقیقی انحق
 فصاحتیه اولوب او حسنک تعالیسی ده کلام مذکورک مقتضای حاله مطابقتیه در » [۱۱]
 مألده کی رأی و حکم لرینه بنا ایلد کدنصکره بعض آثار ادبیه دن اولجه حائر
 اولدیغی حسن حقیق زائل اولوب دیگر آثاره انتقال ایلدیکنی دخی ذکر
 ایتمش ، بوکده ویسیلرک، زکیسیرک بعض آثارینی مثال اوله رق ایراد ایش ایدم .
 اکر صاحب ورقه نك مقصدی مقاله مزک او جهته اعتراض ایتک ایسه بوبلاشک
 مند فعدر .

زیرا بو اثرلر طرز تحریر و شیوه جه مسلك جدید ادبیه همان بالکلیه
 دنیه جک قدر مخالف اولقله برابر مشتمل اولدقلری الفاظنک چوققلری ده
 بوکون ادبامز میانده غیر مستعملدر . بو حالده اولجه حائر اولدقلری حسن ،
 مؤخرأ کندیلردن بالاترأ آثار ادبیه جدیده منضمند تجلی ایتمش اولمز می ؛
 و « خیر بو اثرلر حسن لری حالا محافظه ایتکده درلر » دیر ایسه ک علامت
 معلولک ، سبب مسببک وجودینه قائل اولمه من لازم کلزمی ؟ اکر « بو اثرلر
 کندی زمانلرنده کوزل دکل ایدیلر » دیه اعتراض اولتور ایسه جواباً دیرزکه :
 خیر بونلر اوزمان حقیقه کوزل ایدیلر . چونکه بونلر اوزمانک مسلك ادبیه
 تمامیه موافق اوله رق یازلمش اولوب کرک طرز تحریر و شیوه افاده لری ، کرک
 الفاظ مندرجه لری هر ادیب طرفدن آقیشلره مظهر اولیورلردی که انلره

[۱۱] خطیب دمشقیک تألیف نام آرمده کی « وارتاخ شاهه الکلام فی الحسن و القبول
 بمطابقتیه للاعتبار المناسب الخ » قولنه و بوقوله دائر علامه تفتازانی وسائر نک توضیح
 و تحقیق لرینه مراجعت اولنه .

داثر یازمش اولان تقاریض عیدیه بوکا شهادت ایتمکده در. مع هذا بورمثالدر.
 مثاله مناقشه ایسه ذاب محصلیدن دکدر. هایدی فرض ایدلم که بو اثر لر
 اوزمان دخی کوزل دکل ایدی. فقط بوندن مدعامتک بطلانی لازم کلز.
 مدعامت نه ایدی: بعض آثار دن اولجه حائر اولدینی حسنک زوالی مسئله سی
 دکلی: بونک وقوعنده شبهه ایدیلیور. ظن عاجزانه مه قالیر ایسه بو مسئله ده
 شبهه اولیوب اصل شبهه، بر اثرک حائر اولدینی حسنی محافظه ایده بیلمسی مسئله
 سنده در. زیرا بعض مشاهیرمترک دیدیکی وجه ایبه لسانلر بر حالده طور میوب
 جزئی، کلی تبدلاته اوغرامقده در.

وقتیله مأنوس اولان برکله بوکون غیر مأنوس اولدینی کبی شمعی مأنوس
 اولان برکله ده ایلریده غیر مأنوس اوله بیایر. بناء علیه اکر ویسیلرک، ترکیسلرک
 اثر لری بو بایده بزده مثال اوله مازلر ایسه بزده باقینک، بهشتینک تیغی بکک:

او دلربا قاردی باشنه مرغک چنده کل — شبنم صو وارمیدی سحر دن قولاغنی
 باقی

رشت رو بکدن شود کلو کچه کر بان اولدی کیم — سبلمکیله یکمدی پروانه شمعک یاشنی
 بهشتی

— غیر عشرت انجاری شکست ایتدی فلک — حمد لله صیدی شمدن کبری شیطان ایاغنی
 تیغی بک

بیتلرینی مثال اوله رق کتوره بیایر ز. اکر بوده اولمز ایسه معترضمه
 قوجه مصطفی پاشا جوارنده کوچک افندی ذرکاه شریفنده محفوظ اولان تورکجه
 بر تفسیر شریفه مراجعت ایتسنی توصیه ایدرز، چونکه معترضم او تفسیر شریفه
 مراجعت بیورر ایسه لسانمز اولجه نه حالده ایش، شمعی نه حاله کیرمش.
 بوراسنی کوزیله کورده جک و بناء علیه بعض آثار دن مقدا حائر اولدینی حسنک
 زوالی بلا شک اکلا به جقدر. ایشته او تفسیر دن سورده اخلاص ایله سورده کوثر
 ترجمه لرینی نقل ایدمده باقکنز.

ترجمه اخلاص

« ایت اول تکرری برور. تکرری حاجب اولنور سروردر. طوغرمدق طوغرمدق.
 دق اولدق ملک بکدانی کیمسه. »

ترجمه سوره کوثر

« باقی و بردك سكا . اوچاغدغ ایرماق یا چوق خیر پس نماز قیل جلابك ایچون .
یعنی بشی ویا بیرام نمازی . دق دوه بوغازلا باقی دشمن ضویجی سنی کوچکدر . »

شیمدی بوراده اوچ قیضه واردر :

قضیه اولی : « بو ترجمه لر هم شمدی هم ، کندی زمانلرنده کوزلدره . »

قضیه ثانیه : « بو ترجمه لر نه شمدی ، نه ده اول کوزلدره . »

قضیه ثالثه : « بو ترجمه لر کندی زمانلرنده حقیقه کوزل ایلیسه ده شمدی
کوزل دکلدر . »

هیچ شبهه ایتمیز که برنجی وایکنجی قضیه لری قبول ایده میزه . چونکه او ترجمه لرده
کندی زمانلرینه ، کندی ادبیاتلرینه کوره محل فصاحت برشی اولدیغی حالده
زمانمزه و ادبیاتمزه نسبتله بونلرده « غرابت » می ایسترسک ، « تعقید » می ایسترسک ،
همی واردر . اوله ایسه اوچنجی قضیه یی قبوله مجبوزیت حاصل اولدی که مدعا من
دخی بوایدی .

اعتراضه نالی

عند المتکلمین پکده صالحه اولمیان (نیس فی الامکان ابدع ما کن) قضیه سیله تأیید
مدعا یه احتیاج یوقدر .

مدافع

بز او قضیه یی بر متکلمه قارشو ایراد ایتش اولسه ایدک اوزمان بلیکه بویله
بر اعتراضه محل اولور ایدی . حالبوکه بز او قضیه یی بر متکلمه دکل ، بر حکیم ذو
فنون قارشو ایراد ایتش و بو صورتله هم مدعا منزی تأیید ، هم ده مباحثه منزی
« وجدلهم . . » امر شریفه توفیق ایتش اولدیغیمزدن سو اعتراضه محل
اولدیغی اعتقاد نده تیم .

صاحب ورقه نك بز عائد اولان اعتراضلری و بو اعتراضلرك جوابلری
بوراده ختام بولمش اولمغله ورقه نك دیگر مندرجانه دائر طرف عاجزانامدن
ایدیان مقابله دخی بوجه آتی ایراد اولتور .

مقابلہ اولیٰ

صاحب ورقہ نفس الامر دائمی ولایتیغیر اولوب بر اثرک حائز حسن اولمی امرنده انی اساس ایدتمک لازم کلدیکنی وحقی حسان « رضی الله عنه » کء متینیک بعض ایاتی و « الحکمة ضالة المؤمن » قول شریفی نفس الامرده کوزل اولوب هر عصرده هر یرده ایدی تداولده رواجدن ساقط اولدقلرینی و بو حکمتیه بناء علمای اصول کتب منزله احکامنده نسخی تجویز ایتدکلری حالده حکمیات عقلیه و غیوبدن اخباره دائر اولانلره نسخک عدم جوازینی تصریح ایلدکلرینی و « الک شاعرانه واک مقبول بیت الک زیاده طوغری اولاندر » قضیه سنک حسن مطلق انکار ایده نلره قارشی بر ماده ناقضه اولدیغنی سویله مشدرکه بو سوزلرک هر بری برجهتله منقوض و مجروح اولدیغندن انلری برر مسئله صورتیه بالا فراغ هر مسئله نک جهت منقوضیت و مجروحیتنی کنندی ذیلنه درج ایتکی مناسب عد ایدوب بروجه آتی سوزه باشلایورم .

مسئله ۱

« نفس الامر دائمی ولا یتغیردر »

جهت مجرد صحتی

معلومدرکه بر شیئه « شوشی شوینلدر » دیه حکم ایتک ایچون اولا اوشینک کندیسنی بیلیمک لازم اولدیغندن بوراده دائمیت ولا یتغیریت ایله حکم دخی اول امرده « نفس الامر » ک نه دیمک اولدیغنی بیلیمکه متوققدر .
بو حالده « نفس الامر » لفظنک معناسنی اولابیللمده بعده اکر ممکن ایسه کندیسنه او حکمی ویردم . شارح مشهور قاضیمیرک علم حکمتدن « هدایه » نام اترده کی حکمتک تعریفنی شرح و توضیح ایتدیکی صردهده تعریف مذکورده کی « فی نفس الامر » قیدینی دخی تحقیق ایلدیکی وجهله « نفس الامر » لفظی « کنندی » معناسنه اولان « نفس » کله سیله « شی » دیمک اولان « الامر » کله سندن مرکب بر ترکیب اضافی اولوب « برشینک کندیسنی » معناسنی مفیددر . بناء علیه (فلان شی نفس الامرده موجوددر) دنیلدیکی زمان (اوشی نفسنده وار اولوب

انك وارلغى برفارضك فرضنه و بر معتبرك اعتبارينه تابع دكلدر . يعنى بريسى انك وار اولديغنى اعتبار ايتسه ده ايتسه ده ينه اوشى كندى كندينه واردر) ديمك اولور كه بز لسائمزده بومعاندن (حقيقه) و كرچكدن واردر) ديه تعبير ايدرز . اويلاه ايسه (نفس الامر) ديمك (بر شيثك كيمسه نك فرض و اعتبارينه تابع اولميان نفس و كندى) ديمك ايش .

شمدى (نفس الامر) ك نه ديمك اولديغنى اكلادق يا؟ عجا بوكا (دائمى ولايتغيردر) ديه حكيم ايدميه جكمى ز؟ شبهه يوق كه ايدميه جكز . چونكه بو حكم بديهى البطلاندر . زيرا بو حكم صحيح اولسه ايدى هيچ بر شيثك نفسى و كندى تبديل و تغيره معروض اولميوب هر شى ابدى و دائمى اولمق لازم كلير ايدى . حالبوكه (ذات الله و صفات الله) دن بشقه تغير و تحوولدن منزله ابدى و دائمى هيچ بر شى اولديغنى بياندن مستغنى در .

مسئله : ٢

« بر اترك حائر حسن اولسى امرنده نفس الامرى اساس انخاذ ايتك لازمدر . »

مهرت مجزوميتى

قارئين كرامك معلوملريدركه جناب شهاب الدين بك افندى هيچ بر اثر صنعت و ياد بك نفس الامرده جائز حسن اولديغنى ادعا ايتش ، عاجز لر يده بودعوانك خلافى بالانزام علمائى بلاعتك بيانلوى وجهله كندى مدعائى اثباته چالشمش ايدم . ديمك اوليور كه بر اترك نفس الامرده حائر حسن اولوب اولمائيسى اول مسئله و محل نزاع اولوب طرفيندن سرد ايديلان ادله هپ اودعوالرى اثبات ايجون سرد ايدلمشدر . بو حالده بر اترك حائر حسن اولسى امرنده نفس الامرى اساس ايدمك فصل ممكن اولور ؟ بوندن مثلا « شوائر نفس الامرده كوزلدز . چونكه او اثر نفس الامرده كوزلدز . » صورتمده بر مصادره على المطلوب يعنى (دور) لازم كلزمى ؟

مسئله : ٣

« حسان (رضى الله عنه) ايله متنينك بتلرى و (الحكمة خالفة المؤمن) قول شريفى نفس الامرده كوزل اولدقلرى ايجون هر برده هر عصرده ايدى ، تداولده رواجدن ساقط اولوزلر . »

جهت مجروحینی

مناظر من جناب شهاب‌الدین بك افندی كتب سماویہ بی بچیدن استنا ایتمش و حالبوکه « وما ينطق عن الهوى » ایت جلیله سی منطوقجه احدیث شریفه دخی او جمله دن معدود بولتمش اولدیغندن « الحكمة ضالة المؤمن » قولى بر حدیث شریف اولدیغنه نظرأ بالطبع بچمزدن خارجدر . حسان (رضی الله عنه) ایله متینك بیتلرینه کلنجه هایدی دیه لم که بولرده نفس الامرده کوزلدرلر . فقط بولرك کوزللكلرینه نه ایله حکم ایده جکمز ؟ ینه نفس الامرده کوزل اولملرله می ، یوقسه فصاحت و بلاغتلرله می ؟ هله برنجی احتمال اول مسئله اولدیغندن آنی اختیار و قبوله مجال یوقدر . بو حالده ایکنجی احتمالی اختیار و قبوله مجبوریت حاصل اولیور دکلی ؛ حالبوکه نرم اکاده حقمز یوقدر . زیرا بز او بیتلرك فصاحت و بلاغتلرینی طوغریدن طوغری به بیله میز . بلکه یابر کتابده کورمک و یابر اهل لساندن ایشتمک ایله بیلیرز . او ایله ایسه « حسان (رضی الله عنه) ایله متینك شو بیتلری غایت فصیح و بلیغ اولدقلری ایچون حائر حسن حقیقیدرلر . » دیه نصل حکم ایدرز ؛ حتی بز هنوز کندی لسانمزی ، کندی ادبیاتمزی بیله لایقیه بیلمیورز . زرده قالدیکه عرب لسانك ادبیاتندن وانلرده که فصاحت و بلاغندن دم اورده . بونک ایچون ایدی که بن کندی مقاله مده حسن مطلق هپ کندی آثار ترکیه مز میانده تحری ایتمش و ادبیات ترکیه مز خارجنه بر خطوه بیله آتامش ایدم . چونکه اودا زرده دن خروج حقه مالک اولدیغمی یقیناً بیلمیورایدم . بوکا فارشی « خیر بو بیتلرك نفس الامرده حائر حسن اولملرینه ؛ فصاحت و بلاغتلرله دکل بلکه مال و مضمونلرله حکم ایدرز » دینور ایسه زرده جواباً دیرز که :

بالاده ذکر ایتدیکم وجهله بو سوز قوانین لسانیه بی تأسیس ایتمش و اولباده کتبخانه لر طوایسی کتابلر تألیفه همت ایتمش و بوضورتاه بتون جهانی علی الخصوص بالجهله مسامانلری کندیلرینه متدار ایتمش اولان ائمه بلاغتك رأی صواب و حکم حکمت نصابلرینه مخالف بر سوز اولدیغندن انی قبولده معذورز . ائمه مشارالیه مک رأی و حکملرینه مخالف بر سوز سویله ملی ، اما هیچ اولماز ایسه مثلا علامه تفتاز اینک مطولته معادل بر کتاب یازوب میدانه قویملی .

واقعا بو مضمون مسئله سی دیلرینه طولایارق اولباده دور در از سوز

— سویلانیلر آز دکلدلرلر . بونلر ظن ایدیورلرکه اگر ائمه بلاغتک شو حسن مسئله سنده کی رأی و حکملرینی قبول ایدجک اولورلر ایسه ایستدکاری مأل و مضمونی افاده ایدمه جکلر . حالبوکه اگر بونلر سوز سوییک خصوصنده اولا مأل و مضمونک دوشونیه جکنی ، ثانیاً اومأل و مضمونی البته اصوات حیوانآدن معدود اولان الفاظ غریبه و کلمات غیر مستعمله قالمیرینه دکل ، بلکه بالجمله قارئین ویا مخاطبین نردنده زباند بولنان الفاظ مشهوره و کلمات مقبوله ظرفلرینه افرایغ ایتمک لازم کله جکنی و مقتضای حالده غایت واسع بر میدان اولوب او میدان واسعه هر نه درلو اولور ایسه اولسون آرزو ایدیلان مأل و مضمونی افاده ایتمک ممکن اوله جغنی ، بلکه ده یرینه کوره و جوب حکمنی اله جغنی تأمل ایتسه لر ایدی بویله برظنده بولتمیه جقلر و فی الحال ائمه بلاغتک « برکلامک حسن ذاتیمی فصاحتیه و اوحسنک تعالیسی ده اوکلامک مقتضای حاله مطابقتیه در » مآئنده کی حکملرینی یلا شک قبوله مسارعت ایدمه جکلر ایدی .

صاحب ورقه ایسه بو حقایق بیلن ذوات فضائل سباندن اولدینی جهتله انک اویله بر فکر وطنه ذاهب اولماسی اقتضا ایدر .

مسئله : ۴

« بونک ایچوندرکه علمای اصول کتبه منزله احکامه بدن نسخی تجویز ایتدکاری حالده حکمیات عقلیه به و غیوبدن اخباره دائر اولنلرنده نسخک جائز اولدینی تصریح ایدیورلر . »

صهرت مجرور صینی

بو مسئله ایکی جهتله مجرور حدر . اولاً — اوت ، علمای اصول محل نسخت حکم شرعی فرعی اولدینی سویلدیلر و « حکم » قیدیله اخبار ماضیه ویا حالیه ویا استقبالیه دن ، « شرعی » قیدیله ده احکام عقابیه و حسیه دن ، « فرعی » قیدیله دخی احکام اصلیه اعتقادیه دن احتراز ایلدیلر . فقط « بونلر ده نسخک جائز اولماسی جائز حسن ذاتی و متضمن حسن نفس الامری اولدقلری ایچوندر » دیتدیلر . بلکه حق باریده محال اولان کذب ویا جهلی مستلزم اولدینی ایچون بونلر ده نسخ جائز دکلدلر . « دیتدیلر .

ثانیاً — احکام فرعیه دخی حسن ذاتی و حسن نفس الامری بولندیغندن نلر ده ده نسخک جائز اولماسی لازم کولور ایدی .

اما بوکا مقابل « خیر ، احکام فرعیده حسن نفس الامری و حسن ذاتی بوقدر » دینه جک اولور ایسه بزده اصول کتابلرنده کی « مأموریه » فصلنی ارانہ ایله اکتفا ایدرز .

مسئله ۵

اک شاعرانه بیت واک مقبول سوز اک زیاده طوغری اولاندر

بهرت مجرهبینی

بو مسئلهده ایکی وجهله مجروحدر : اولاً - بخدمز ادبی اولوب ادبا ایسه - بالاده ذکر اولندیغی اوزره بر کلامک حسن ذاتیسنه صدقی ، قبح ذاتیسنهده کذبنی علت و سبب قیلمدیله . بلکه فصاحتی حسن ذاتیسنه ، عدم فصاحتیده قبح ذاتیسنه علت و سبب اولمق اوزره بیان ایدوب صدق و کذب جهتیله حسن و قبحنی علمای اخلاقه ترک ایلدیله . بونک ایچون دکلیدرکه « احسن الشعرا کذبہ » قضیهسی بینرنده « مثل سائر » حکمنی آلمشدر .

ثانیاً - بیتک اک شاعرانهسی و سوزک اک کوزلی اک طوغریسی اولسه ایدی مثلاً « صدقله دیگله برادر سوزمی . از میرک چوقدر بلاشک اوزومی » بیتی اک شاعرانه بیت و « یر ایاغزک التدهدر » و « آتش یاقیچیدر » کی حسه مستند سوزلر دخی اک کوزک سوز اولمق لازم کلیر ایدی . حالوکه بو کی بیتلره و بو کی سوزلره کسه علویت واحسنیت اسناد ایتمز . هر کس بونلری عادی شعرلردن ، عادی سوزلردن عد ایلر .

مقابلہ نایبہ

صاحب ورقه حسن مطلق مسئلهسنده بوجه بالا مقاله عاجزانہمه اعتراض ایتد کدنصکره « ذوق سیم » مسئلهسنی اله آلمش و بو مسئلهده جناب شهابالدین بک افندی جانبہ تحویل کلام ایتمش وانی دخی ینه نفس الامرہ بالابتنا اثباته قالمش ایسهده او مسئله اولجه طرف عاجزانہمدن اصلاً سوز کوتورمن بر صورتده حل ایدلمش اولدیغندن آرتق صاحب ورقه نیک اکا دائر سوز سویله مسی بلا فائده تحویل مقالدن بشقه بر شی اولدیغنی بیان ایله ختم کلام ایلرم .

حکمت تفاوت خلقت

بعض افکار جدیدہ اربابی «اگر ہو کائنات صفات کالیہی مستجمع بر ذات واجب الوجودک اثر صنعی اولسہ ایدی، بین المخلوقات مشاهدہ ایتدیکمز شو تفاوت و تغایر بولمازدی. مثلا انسانلرک کیمسی زنکین، کیمسی فقیر، کیمسی ذکی، کیمسی غبی، کیمسی عالم، کیمسی جاهل اوناز و بو عدم انتظام عالمده کورولمز ایدی. زیرا عدالت الہیہ بونلرک هر خصوصده مساوات اوزره اولملرخی اقتضا ایدر.» دیہ خلقتده کی بو تفاوت و تغایری عالمده حسن انتظام اولدیغنه و بنسواء علیہ بتون مکوناتک انجق آثار طبیعیدن عبارت بولدیغنه بر دلیل، بر برهان قیلمشدر ایسهده انلرک بو دلیللری، بو برهانلری باطل اولمغله بروجه آتی ایضاحنه ابتدار اولنور:

بر کره طبیعت نهدر؟ اولانی بیلهلم ددبعده انک خالق کائنات و مؤثر مکونات اولوب اوله میه جغنی تأمل ایدلم:

طبیعت، «بر جسمک مابه الکمالی اولان قوتیدر» دیہ تعریف اولنمشدر که بو باندہ سرد ایدیلن تعریفلرک اک طوغریسی دخی بودر.

شو تعریف دن آکلاشدیغنه کوره «طبیعت» دنیان شی عادتاً «الوان» و «طعوم» و سائره کی اعراض قیندن اولوب اعراض سائره کنندی وارلقلری ایچون همه حال قائم اوله جقلری و حلول ایدہ جکلری اجسامه فصل محتاج ایسهلر «طبیعت» ده کنندی وارلقی ایچون قائم اوله جغنی، حلول ایلہ جکی بر جسمه اوله جده محتاجدر.

سمدی تأمل ایدلم: عجبا بر شیک کنندی وجودی ایچون محتاج اولدیغی دیگر بر شی یارتمش اولسی قابل اوله بیلیرمی؟ شبه یوق که اوله ماز. اوله ایسه بو کائناتک، انجق آثار طبیعیدن عبارت بولدیغنه دائر سرد ایدیلن دلیلک بطلانده دخی شیک یوقدر. بزم بو بیامزدن عالمده طبیعتک وجود و تأثیرینی انکار ایتدیکمز اکلاشلیمسون. بز طبیعتک کرک وجودینی، کرک تأثیرینی انکار ایتدیغیز. زیرا فون طبیعتک دلائلندن صرف نظر ایتسهک بیله کتاب الہی زده بو عالمده هر شیک بر سببه مربوط بولدیغنی، سببیز بر شیک ساحه وجوده کالیہ جگنی بیله زمش اولدیغندن هر جسمده بر قوه کالیہک وجودی واروقوت

سببیه او جسمه مناسب بر خاصه نك ، بر اثر ك آمدن ظهوری هر كسدن اول اعتراف و تصدیق ایدرز . شو قدر كه بز طبیعتك او تأثیری اجر اسنه « عاده الله » نامنی و بریز كه موافق عقل و حكمت اولان دخی بودر .

بو مسئلهنی برزده شویله ایضاح ایدلم : طبیعت ، شعور و ادراك ، اختیار و اراده کی صفات عالیه دن خالی بر قوتدن عبارت اولوب بو مقوله شیدن ظهور ایدجك شی ایسه انجق اثر واحد اولق لازم كله جكندن اكر عالمده مؤتر حقیق طبیعت اولسه ایدی شو تنوعات لا تحصا و مكونات بی انتها - صوله کلیوب عالم شی و احددن عبارت قاور ایدی .

بناء علیه مخلوقات آرد سنده کی تفاوت و تغایر مسئله سی نفی مانعه دكل بالعكس هم وجود باری به برهان همده بو عالمده مدار حسن انتظام و سبب قوام عالمدر . زیرا حق تعالی نك هر فعلی مطلقا بر حكمت و بر مصالحته مستند اولدیغندن ، حتی هر فعلی عین حكمت و عین منفعتدن عبارت بولندیغندن بو تفاوتك دخی بر طاقم حكیم و مصالحه مستند اولدیغنی ، یا خود عین حكمت و عین منفعتدن عبارت بولندیغنی وجود آتیه ایله دخی ثابتدر :

اولا : معلومدر كه تفاوت و تغایر اولدیغنه تعدد و تنوع دخی اولماز . بناء علیه اكر بین المخلوقات تفاوت و تغایر اولسه ایدی ، تعدد و تنوع حصوله كمز و بو تقدیرده حیرت بخشای عقول اولان شو تنوعات بی نهایت و تكونات بی غایه وجود پذیر اولمز ایدی .

ثانیاً : نسق واحد اوزره اجرای تأثیر ایدن و آثارنده مقتضای اصلا تبدل و تغیر ایتمین بر مؤثری ، طبیعتدن بشقه بر سیئه حمل ممكن اولمه جفندن اكر بین الایضا تفاوت و تغایر بولمسه ایدی ، عالمك بر حكیم متعال و بر خدای لایزال طرفدن خلق و ایجاد بیورلمش اولدیغنه عقول ناس بر یول بوله ماز ایدی .

ثالثاً : اكر بو تفاوت و تغایر اولسه ایدی ، بقای نظام عالم قابل اوله ماز ایدی . از جمله انسانلر از هر جهت مساوات اوزره یارادلمش اولسه ایدی ، بر برینه معاونت ایتمیه جك و بكدیكرینك خدمت و صنعتندن استفاده ایلمیه جك و بو خالده نوع بشر بقا پذیر اوله مایه جق ایدی .

ایشته بو کی حكیم و مصالحه مبنی جناب حق مخلوقات سائره کی انسانلری

دخی صور مختلفه واحوال متغیره اوزره یار ادوب هر برینی بر درلو فضیلت وصنعته
مظهر قیلمش وبعده « بر و تقوی اوزره بر بریکزه معاونت و نصرت ایدیکز »
مأئده بر آیت جلیله ایله انسانلرک یکدیگرندن فصل استفاده ایده جکلرینی ونه
یولده تشکیل مدنیت ایله جکلرینی بیانه دخی عنایت بیورمشدر .

جناب حق شو آیت کریمهسنده « تعاو نوا » امر شریفی مطلق ذکر اتمیوب
« بر » و « تقوی » لفظلری ایله تعید بیورمش اولدیغندن بولفظلرک معانی
شریفلرینی بروجه آتی اتیان ایلیهم :

« بر » طاعات و اعتقاداتک کافهسنه شامل بر اسم اولوب « لیس البر »
آیت کریمهسنده بیان بیورلدینی اوزره حضرت مولایه ، یوماخرته ، ملائکهیه ،
انبیایه ، کتب سماویه نك جملهسنه ایمان ، اقربا و ایتمه ، فقرا و بی چارکانه انعام
واحسان دخی اوجه دندر .

« تقوی » لفظ شریفنه کلجه بوده معانی آیه ده مستعملدر :

۱ — تقوی ، معاصیدن نفسی حفظ اتمک اولوب اوده بالجمله محرمات
وبعض مباحاتی ترک ایله حاصلدر . نته کیم حضرت ابن عباس (رضی الله عنهما)
« متقی ، کبأردن وبالجمله فحشیاندن کندیسنی حفظ ایدن کیمسهدر » بیورمشدر .
تقوی ، وقایه ، اتقا هب حجز و منع معناسنی متضمن اولوب « متقی » اولان
کیمسه دخی او امر الهیهیه امثال ونواهدن اجتنابی ، کندیسیله عقاب الهی
آرمسنده بر جاجز و مانع کبی قیلدیغی ایچون بونامی المشدر . حضرت علیدن
مروی اولان [اذا اشتد البأس اتقینا برسول الله صلی الله علیه وسلم] حدیث
شریفی دخی « محاربه کسب شدت ایتدیکی زمان بزهبمز رسول اکرمی کندیتمزه
حاجز و مانع قیلارز . یعنی جمله من انک زیر جناح مستلزم الملاحه سنه التجایه
مجبور اولورز » مأئدهدر .

۲ — تقوی ، معصیته اصراری ، عبادت و طاعته اغتراری ترک اتمکدن
عبارتدر .

۳ — تقوی ، جناب حقت برقوانی نهی و منع ایلدیکی برلرده کورمه سنندن
عبارتدر .

۴ — تقوی ، بتون حرکات و معاملاتند رسول اکرم واصحابه اقتداز .
 تقوی ، بالجمله معانیسه « ان الله یأمر بالعدل والاحسان » آیت جلیله سنک
 احکام منیفه سنده داخلدرکه انسانی او خصلت ممدوحه یه سوق ایدن واکا ملازمت
 ایتدیرن شی دخی جناب حق ورسولنی وکتیردیکی احکامی لایقابه بیلمکدن ،
 جناب حقه ورسوله کلیلله محبت وانلردن خوف ایسکدن منبث اولمش ونفسده
 رسوخ بولمش بر ملکه وبر قوتدن عبارتدر . بو حالده ایت کریمه نک موضحاً
 معنای شریفی :

« ای مؤمنلر ، سزه بیلدیرمش اولدیغ اعتقادات مقبوله یی ایمانه ، واقربا
 واجانبدن محتاج معاونت اولنلره انعام واحسانه ، و بالجمله محرمانی ترک ایله اثر
 رسول واثراحبابه اقتفا و اقتدایه مسارعت ایدیکنز » دیمک اولور جناب حق
 بالجمله مؤمنین وموحدینی ، قران کریمک بو کبی احکام عالیه سنی اجرا
 وایفایه موفق بیورسون آمین .

۹ شباط ، ۱۳۱۳

واسطهٔ مدنیت ولسان عربی

انسان خاقهٔ مدنی اولدیغدن بی نوعیله مشارکت ویکدیگریته معاونت
 یاشامسی قابل اولدی . بو مشارکت ومعاونت ده ذهنده تصور ایدیلن برمعنایی
 بر مقصدی باشقهنه اعلام وتفهم صورتیله حاصل اولدی . بو اعلام وتفهمده
 انحق لفظ وکلام واسطه اولمق اقتضا ایتدی .

چونکه لفظ اعراض سیاله قیلندن اولغله هم قرار و ثباتدن ، کلفت وازدحامدن
 آزاده ، همده محل مطلوبه ایصالی ایچون بدنن خارج موادو آاندن وارسته در .

ایشته بونک ایچون انسان قدرت فاطرهٔ نک کندیسنه احسان بیورمش اولدیغی
الات بدنیسه سیه حروفاتی یکدیگرندن فرق ایتردیردک استعمالات الفاظه حسب
الحلقهٔ مجبور اولدی .

انسانک بویه الفاظ واسطه سیه کندی تصورات وادرا کاتی بشتهسنه اعلام
وتفهیم ایسه حروفات و الفاظی وجوه مختلفه و انواع متفرقه اوزرد بالترکیب هر
لفظی بر معنی اذاسنه وضع وتعیین سببیه حصوله کلدی و بوضع وتعیین ده اشای
سائرده اولدیغی کبی بالتدریج وجود بولدی .

معنی اذاسنه لفظ تعینی اولا امور ضروریه و عادیه دن باشلادی . بعده مرور
زمان ایله اکثر معانی الفاظ ایله افاده ایدیلیر برحاله کلدی . حتی افاده و استفاده
خصوصنده الفاظ ایله تفهیم مرام مسسکی عادتاً بر طریقت مشهوره حکمی
آلدی . ده صکره لری نوع بشر بالتکثر اطرافه انتشار ایتدکده مکانلرنیک،
زمانلرنیک ، مزاجلرنیک اختلافه السنهیه دخی اختلاف عارض اولدی . بو
جهته انواع الفاظی انواع معانییه وضع وتعیین خصوصنده طوائف شعب و ام
تنوع ایتدی . هر قومک لغتی دیکرینک لغته ، حروفی حروفه ، ترکیبی ترکیبه
مخالف اولدی . هر طائفه کندی الفاظ و لغاتیه کندی مدینتی تشکیل ایلدی .
ایش یالکز بونکده قلمدی : لغات اوائلده ثقلت و التباس کبی شیر موجود
اولدیغی حالده مؤخرأ الفاظک معانی اذاسنه وضعنده حکم و مصالحه ، نکت
و مزایایه رعایت اولدیغی کبی الفاظک کندیلرنده خفت ، سلامت ، عدوبت ، طرح
ثقلت ، دفع التباس و سائر کبی امور مستحسنهیه دخی رعایت ایلدی . بو خصوصده
قوم عرب باجمله اقوامه تقدم ایتدی . زیرا ک چوق اعتبارات عجبیهی ،
حکم لطیفهی ، نکت دقیقهی حائر اولمق خاصه سی الحق لسان عربده کورلدی .
بونک ایچون لسان عرب السنهٔ موجودهٔ نک احسنی ، بیان و افاده جهتهیه اوسمی
اولدی .

بو لغت غریبهٔ الشان و بدیعهٔ البرهانده ارباب بلاغتك کثرتی و اولسان
لطافت بیانده مسابقهیه کیریشن شهواران احباب براعتک و فرتی دخی سو
مدعا مزک بداهت مرتبهسنده بولوندیغنه شهادت ایلدی .

بلغای عرب بلاغته حد اعجازه قریب شعرلر ، قصیده لر تنظیم و بونلری
کعبه معظلهیه تعلیق وانلرد سجده ایدرلرایدی . اگر بد اعجاز (قرآن کریم)

یونلری تعلیق اولندقلری یردن ایندیرمه‌مش اولسه ایدی احتمالکه انلر، شم‌دی‌یه قدر مسجود انام اوله‌رق اوراده قاله‌جقلر ایدی .

فی‌الواقع عرب‌لرک یکانه مدارافتخاری فصاحت و بلاغت اوزره سوزسوله‌مک، انشاد شعر ایتمک ایدی . هر‌سنه (سوق عکاظ) ده جمع اولولرلر و اوراده بیلغاده، فصیحانه شعرلر، خطبه‌لر انشاد و انشایی خصوصنده مسابقه‌یه کیریشورلر ایدی . شعرا‌یه، خطبایه هر‌کسدن زیاده حرمت و رعایت ایتمک و علی‌مراتبهم انلره جائزدرلر، عطیه‌لر و یرمک عرب‌لرجه هر‌زمان، هر‌یرده عادت حکمنی‌لمش ایدی؛ بالخاصه مذکور پنایرده برنجیایکی احراز ایدنلری فوق‌العاده تعظیم و تلطیف ایدرلر ایدی . بوساییده ایدی‌که لسان عرب رسیده‌ حد کمال اولدی . نته‌کیم اولسان اوزره تدوین اولوب الحاله‌ هنده المزده موجود اولان کتب عربیه دخی لسان مذکورک واصل مرتبه‌ کمال اولدیغه دلالت ایدر .

مثلاً عربجه یازلمش بر اثر ادبی باشدن اخیرنه قدر مطالعه ایتدیکم‌مزده مجازات رقیقه، کنایات دقیقه و استعارات لطیفه‌سیله بیجه مضامین عالیه افاده ایتدیکنی کوردیکم‌مز خالد او، یوزلرجه بحیفه‌لر میاننده لغات اجنبیه‌دن برلغه بیه تصادف ایتیمورز . آثار قیه‌یی‌ده همان عینی صورتده کورسورز . حالبوکه بویه بر مزیت و فضیله مظهر اولمش بر لسان دها بیلمیورز . لسان عربک بو درجه ترقی و تعالی ایتمش اولمسنک حکمتی‌ده مؤخرأ قرآن معجزبیانک اولسان اوزره انزالیه نظاهر ایلدی . چونکه بر نینک منسوب اولدیغی قوم زردنده اک مقبول و اک معتبر صنعت ندایسه اون‌بی‌یه احسان بیوریلدجق معجزدنک‌ده اوصنعت جنسندن اولمی مقتضای حکمت اولدیغندن جناب حق اولاقوم عربیه لسان استعداد فوق‌العاده‌سنی و یردی، او لسانی مرتبه‌ کماله ایردردی؛ فصاحت، بلاغت اوزره سوزسوله‌مکی انلره برنجی صنعت و فضیلت اوله‌رق قبول ایتدیردی . بعده ایچلرندن رسول اکرم حضرت‌نلری عمومه بعث و ارسال و ذات رسالت‌نا‌هیلرینه قرآن بلاغت عنوانی بر معجزه‌ ابدیه اولمق اوزره احسان و انزال بیوردی .

ایشته اوزمانلر لسان عرب رسیده‌ حد کمال اولدیغی اچوندرکه تا اووقدن شم‌دی‌یه قدر فصاحت و بلاغته‌ده شعرای اولین و ادبای متقدمین مرتبه‌سنه‌واران اولدی . بتون علما و ادبا مباحث ادبیه‌ده انلرک سوزلریله استشهاده مجبور

اولدیلر . سینه بونک ایچوندز که دین مبین ایله تدین و شرف اسلام ایله تشرف ایدن اقوام سائرده دخی اولسانک وسعت و لطافتنه حیران اولوب انی تحصیلیه وحی کنندی لسانلرینه بیله ترجیحه کمال شوق وجدانی ایله مسارعت ایتدیلر . فقط حیفا که شمیدیلرده بلاد اسلامیه نیک برچوغنده اولدینی کی بزلرده دخی اولسان مبین الارکانه اوقدر اهمیت ویرلمز اولدی . علی الخصوص بزلره لسان عربی تحصیل ایتک واجب اولدینی حلاله بوجهت بعضیلمزک همان خاطر لردن محو اولوب کیتمک درجه سنه کدی . اوت، لسان عربی تحصیل ایتک بزلره برقاج جهته واجیدر .

اولا : بر قومک مادی و معنوی سبب حیات و باعث نجاتی دین و اخلاق اولوب بزم لسان دین ولسان اخلاق ایسه عرب لسانیدر .
ثانیاً : لسانمزه ترجمه ایدلمش اولان قنون حاضر دنک اکثر اصطلاحاتی الفاظ عربیه دن متشکلدر .

ثالثاً : لسانمز ترک ، عرب ، عجم لغتلردن مرکب بر لسان عذب الیمان اولوب بولسان ظرافت عنوانک رکن اعظمی تشکیل ایدن شی ایسه لغات عربیه در . بونک ایچوندز که بوکون اسملرینی کمال حرمتله یاد ایتدی کمز علما و ادبامز بیوکلک نام مجانی هب اولسان عربیه و قوفلری سایه سنده المشردر .
رابعاً : حکومت ابد مدت عثمانیه مز زیر جناح مستلزم الفلاح لرنده بولان اهالی اسلامیه اقوام مختلفه دن متشکل اولوب عمومیتی اعتباریه بونلرک مقام خلافت عظمایه کمال صدق و اتقیدلری ایسه الحق دین نقطه نظر دن اولدیلر دن شبهه یوقدر که ممکن مرتبه اولسان دینک تحصیل و توسیعی مسلمانلرک مقام مقدس خلافت اولان هم رسته اتقید و صداقلرینی تحکیم ، همده یکدیگرینه اولان محبت و اخوتلرینی تقویه ایله چکدر . فاتمهوا یا اولی الابصار .

۱۹ شباط . ۳۱۴

...

حامی مدنیت

لفظ ولسان واسطه سیله انسانلرک تشکیل مدنیت ایتمش اولدیلرینی کچن هفته نشرینه متجاسر اولدیم « واسطهٔ مدنیت » عنوانلی مقاله عاجزانه مده بیان

ایشان ایدم . شو صورتله حصوله کلمش اولان بر مدینتک نه ایله بقا بوله جغنی ، نه شرط ایله « مدینت صحیحه » حکمنی آله بیله جگنی بیان دخی مناسب اولغله بوکا دائر من غیرحد براییکی سوز سویله مک ایسته یورم .

بر مدینتک دوام و بقاسی و « مدینت صحیحه » حکمنی المسی ، علم و معرفت ، صنعت و تجارتله حصوله کله بیله جکی هان هر کسجه معلوم و مسلمدر . فقط بو علمک ، بو معرفتک ، بو صنعت و تجارتک ده بردیانت سماویه و اخلاق عالییه مقارنتی ده شرط اعظمدر . زیرامدینتک خلاصه معناسی « تعاون و تناصر قاعده اساسیه سنه بالایتنا تشکیل هیئت و تنظیم قومیت » دیمک اولوب بوایسه او هیئت افرادی میاننده اخوت صحیحینی و مودت دائمینی مقتضی بر رابطه قویه نک وجودینه توقف ایدرکه اوده الحقیق دین و اخلاقدن عبارتدر .

« اوروپا اهالیسی ، دین و اخلاقه او قدر اهمیت و برمدکاری حالده بوکونکی ترقیات مادیلری بتون جهانی دوچار حیرت ایدییور . اکر مدینتک کرک بقاسنده ، کرک تعالیسنده دین و اخلاقک مدخلی اولسه ایدی انلرده بو ترقیات کوریله من ایدی . » طرزنده راعتراض در میان ایدیلیر ایسنه بو اعتراضه ایکی وجهه جواب و یریلیر : اولاً : اوروپانک شو ترقیانه نائل اولسی یالکمز علوم و فنون سایه سنده دکدر . دین و اخلاقک ده انده دخلی کلیدی واردر . زیرا اکر افراد اهالیکنک بر برینه اخوت جدید و محبت قویلرینی موجب اولان اورابطه سماویه انلرده اولسه ایدی ، شو کوردیکمز ترقیانه نائل اوللری شوبله طورسون ، قرون ماضیه اقوامی کبی انلرکده هر ج و مرج اوله جقلری محقق ایدی .

ثانیاً : اکر چه علوم و معارف و صنایع سایه سنده اوروپا اهالیسی بوکون ترقیات مادیکنک اوج بالاسنه ارتقا ایشلر کبی کورینورلر ایسه ده ارباب حقیقت زردنده بو ترقیانک ، بو مدینتک اصلاً دکری یوقدر . زیرا اوروپاده بر مدت محدوددن بری مبنای متین مدینت اولان « تعاون و تناصر » قاعده سنه سوء اخلاق نتیجه سی اوله رفق خلل طاری اولمه یه ناسلامش اولدیغندن قریباً اساس قویمک بالکلیمه محویله و احتراصات شخصیه نک هر شیئه غلبه سیله شو ترقیانک بالطبع مدهش برتنیانه تحول و انقلاب ایله جکی دخی امر ضروریدر . بناء علیه علوم و معارفک ، صنایع و تجارتک ترقیات مادییه مدار کلیمی اولغله برابر جمله سنکده بردیانت سماویه و اخلاق عالییه مقارن بولمسی بهمه حال لازمدر . اوروپاده دینسزک مسلکی هنوز توسع ایدمه مش اولدیغندن

شمذیک او قدر تأثر کو سترمیور . هله برزدها توسیع دأتره ایسون ده باقیکنز .
 اوزمان اوروپا اهالیسی نهاله کیده جکدر . نوع بشری مرتبه علیای انسانیتدن
 درکه سفلی بهیمیه تنزیل ایدن برمسلك سقیمک مدینت عالیه، تریات صحیحه
 ایله ائتلافی قابیلدر ؟

بومسئله بی بردرجه دها توضیح ایچون مشاهیر حکمای اسلامیه دن برذاتک
 سوزنی خلاصه نقل ایدم ، باقیکنز اوزات نیدیور :

دینسزلر کندی افکار سقیمه و مقاصد فاسده لرینی ترویج ایچون مختلف صورتلرده ،
 مختلف اسملرده ظهور ایدرلر . بعضاً صفت حکماده کورینه رک یکدیگرینه « حکم »
 عنوانی ویریلر ، بعضاً ده سیرت امراده ظهور ایدرک کندیلرینی (دافع ظلم) ،
 (دافع جور) اسملرله تسمیه ایدرلر . احیاناده کسوه عرفاده کورینه رک
 کندیلرینک دقایق اموری عارف و حقایق اشیایی کاشف زمره عارفیندن اولدقلرندن
 بحثله کویا اذهان ناسی خرافاتدن تطهیره و عقول بشری انوار معارفله تنویره
 ساعی بولوندقلری دعوا سنه جرأت ایدرلر . بعضاده حامی ضعفا و محب فقرا
 صورتنه بالمثل برطام ساده دلانی محال اندر محال امیدلر ایله اغفال واکثرا
 دعوی نبوتیه بیه اجتسار و شو قدر وازکه بیلدیکمز متبیلره بگزدمیوب بولر
 کندی دعوالرینی اشمه برطرز و صورتده اظهار ایدرلر . بودینسزلر نه صورتله
 بولورلر ایسه بولسونلر ، نه طرزده کورینورلر ایسه کورینسونلر وهانکی مانده
 ظهور ایدرلر ایسه ایتسونلر کندی نینه قومیه لرینه برصده شدید و میوه ملیه لرینه
 برآفت مهاکددرلر . اقوال مزخرفات اشمالرله قلوب ذی حیاتی جریحه دار
 و آرای فاسده لری ایله ارواح کائناتی برسم قانله کرفزار ایدرلر . دین و اخلاق ایسه
 هربری وجود امتک بررکن متینی و هیئت اجتماعیه نک برعما دقویمی و مدینت
 صحیحه نک براساس محکمی اولان اعتقادات ثلاثی انجمنه بخش اتمکده بولندیغندن
 انسانیت و مدینته خادم اولوب انلری الی ماشالله حفظ وحمایه ایدر . دینک کندی
 انجمنه بخش اتمکده اولدیغی او اعتقادات ثلاثه بوجه ایدر :

عقبه اولی :

« انسان ملک ارض و اشرف مخلوقاندر »

شو اعتقاد ایله . تصف اولان کیمسه سبه یوق که خصات و طبیعت
 بهیمیه دن تجرد و صنف حیوانیه دن شدیداً تفر ایدر . بونفرنی تشدد

ایدیجه البته علم شهنوائی و نفسانیدن عالم عقلی و عرفانی یه صعود ایدرک حصص مدینهدن بر حصه عظیمه یه نائل و مدنیت فاضله اربابی عدادینه داخل اولور و صکره قواعد حقانیت و اصول عدالت اوزره ادامه حیات و اجرای معاملات ایلرکه دینده سعادت انسانیهک مرتبه غایبه سی، علما و حکیمانک ارزوی بکاناسی دخی بودر .

بناء علیه اعتقاد مذکور انسانی معیشت سفلیه و صفات دنیوده حیوانات و حشیه یه مشابعت و مشاکلهدن، سبع و بهائم آسا یکدیگر یه محاصره و محادلهدن الکیوک مانع واک شدید دفع اولدیغی کبی نفوس بشری یه انواع رذائلدن تهذیب خصوصنده دخی القوی عاملدر .

بو اعتقاد ایله متصف اولمیان و بناء علیه کندیلر یه حیوانات خمیسسه ایله مساوی عدد ایله یه دینسز لره باقیایر و کندیلر یه صدور ایدن انواع رذائله دقت ایدیلر ایسه سومدعایمک صحت و حقیقته بلاشیک حکم ایتمک لازم کلیر .

عقبه نایم :

دینده دین حق الحق بر اولوب بشقه لری ایسه جهل و ضالاندن عبارتدر «*»

بواعتقاد ایله ده متصف اولان ارباب دیانت بالذبح کندی قوملرینک اشرف قوم اولدیغنه یقیناً حکم ایدر جک لرندن بو حکملری باطل اولماق ایچون البته اخلاق فاضله یه صفات عالیه یه ؛ عقلیه اولسون، نفسیه اولسون، دنیویه اولسون، آخرویه اولسون، کافه مزایای انسانیه یه آحراز خصوصنده ملل سائر یه تقدمه غیرت، خارجدن کله جک بر ذلت و حقارتی ده ال بر لکیله دفعه صرف همت، بر عزت و مزتی باشقه سنده کورمک ایسته میوب هر شیک اعلا و افضلانی دخی کندی ماتلرنده رؤیته بدل مقدرت ایدر لرکه انسانی تحصیل علومه، توسیع فنونه، تکثیر تجارتده، اختراع صنعت و بناء علیه تحکیم ملیت و تقویه مدنیته بوندن دها زیاده سابق بر قوت اولماز .

عقبه نالنه :

انسان بو عالم فایندن دها واسع، دها عالی برعانه لایق اوله جق کالاتی استحصال و بو واسطه ایله مدتی قلیل و کدورتی کثیر اولان و بیت احزان و مقرر آلام [*] تعدد حق بالبداهه باطل اولدیغندن هر صاحب دینک بواعتقاده سالک اولسی ایله لازمدر .

اطلاقه شایان بولونان بو عالم سفیدن او عالم علوی به انتقال ایلک ایچون کیشدر. «
 بو اعتقاد ایدهده متصف اولان بر صاحب وجدان شبهه یوق که جوهر عقائی عالم
 نافع و معارف صافیله ایله تنوره ، کندیسینی جهل نادانی تقصیر سندن تجلیسه
 و کندیسینه هر بری بر ودیعه الهیه و بر عطیه سبحانه اولان قوای عالیله ، مدارک
 عقلیه و خواص جلیله سنی ما خلق لهنده استعماله و بوسیلله حسب الحاقه طبعنده
 مرکوز بولنان کالاتی عالم خفادن عالم ظهوره ، درجه قوددن مرتبه فعه اخرجیه
 سعی و غیرت ایدر .

کندلک بو اعتقاد ایله تریز ایدن بر مرد عاقل نفسی تذهیبه و ردائیدن
 تظہیرد زیاده اہرام ایدر جکسندن شبهه یوق که وجود مشروعه اوزره کسب موائله
 سعی ایدرک هر معامله سنده خیانت صرفه دن ، کاذیب محضدن ، اوب بر شوئدن
 اعراض و خلقه فارشی تماقات کایه دن ، حیل تعلیمدن احتراز اوزره بولنور .
 مکتسبات مالیله و عامیله سنی محل لایقنه صرف ایدرک عالم انسانیتہ خدمت و معاونت
 ایلر که اس اساس مدینت دخی بوندن عبارتدر .

دینک اولدی که اصول دین و اخلاق انسانه ایتمه بوکئی عقائدات جمیله
 و اوصاف عالیله بخش ایدر اولدیغندن ، دینسزلات ایسه انسانی شہوات حیوانیه
 و هوسات نفسانیله و ادیلرنده یویان اولمغه سوق ایدر بولدیغندن برنجیست حمی
 مدینت ، ایکنجیستک ایسه هادم انسانیت اولدیغنده هیچ شبهه بوقدر .

۲۶ شباط ، ۱۳۱۳

بر مطالعه حکمیہ

انسانده ، قوای سائرہ کی قوه عاقله نك دخی بر کال ذاتیمی واردر ؛ اوده
 قوه مذکورہ نك حقایق اثباتی تجربی ، اسرار کائناتی تحقیق ایدرک نور معرفتله
 تنور وزینت حکمتله تریز ایتمسندن عبارتدر .

بونک ایچوندر که نوع بشر کسب معموریت و احراز مدینت ابتدکی زماندن
 اعتباراً انسانلردن بر صنف ممتاز ، حقایق کائناتی تحقیق ، اسرار مکنونی بدقیقه
 باسلا مشلردر و نہایت کتاب کائناتدن اخذ و اقتباس ایدر بیلدکاری محصولات و کلام
 و معلومات ذهنیله لرینی «علم حکمت» عنوان جلیلی التندہ تدوین و بو عالمی «طبیعیات»

«ریاضیات»، «الهیات»، «اخلاقیات» کبی اقسام عدیده تقسیم ایشلر وفون مذکورده ایله عالم انسانیت ومدنیته، معاً، ماده خدمات ممدوحده بولهرق الی الابد ابقای نام ایشلردر.

بوعلم جلیل القدرک هنددن، مصردن، ایراندن، یوناندن، فلاندن طولاشهرق نهایت بلاد اسلامیه بده پای انداز اولدیغی، اسلامدن ده «اساطین حکمت» عنواننه بحق لایق نیجه حکما وعلما یتشددیردیکی، حتی قدما نك قرین اطلاعری اوله میان بزجوق حقایق مهمه بی انلرد کشف ایتدیردیکی، بعده اوروپا بده انتقال ایدوب نهایت شمدیکی ترقیات مادیه حیرت افزایی اوراده اظهار ایلدیکی همان هر کسجه معلوم و مسلم اولمغله بوجهتی یالکیز شوبله براخطار ایله اکتفا ایدرک فن مذکورک اخلاقیات ومعنویات نقطه نظرندن شمدی بده قدر کندی اعجابنده نه کبی تاثیرات کوسترمش اولدیغنه دائر بعض مطالعات سرد ایتک ایتبورم. کتب تاریخیه وبعض آثار عالیه نك دلالت وشهادت لری وجه ایله اسلامده اولسون، اسلامک غیر یسندده اولسون هوسات نفسانیه لرینه مغلوب، یاخود غناوت ذهنیه اوزره محبوب اولان بعض متلفسین مستثنی اولدیغی خالد حکمای متقدمینک کافه بی بوعلم سایه سنده تربیه ذاتیه لرخی اکمال وبناء علیه فضائل انسانیه وکالات بشریه لرخی استحصال ایلدهر بری «فیلسوف حقیق»، «حکیم الهی» نام مباحثی احراز وهله حکمای اسلامیه اعتقادات اسلامیه لرینه اصلا خلل کتیرمدکن بشقه بوسایه ده اصول دینیه واعتقادات منجیه لرینک حقایق ودقایقه واقف اولهرق کندی لری محققین زمره سنده وعارفین جمله سنده ادخال ایشلردر.

حکمای متأخرین ایسه بوبابده قدما ایله معکوساً متناسب اولوب بصیرت لری آجق اولان بعض ذوات فضائل سمات استثنا ایلدیکی خالد «اباب حکمت» عنوانی المش بولنان بالجمه ذواتک کندی لری فضائل اخلاقیه ومزایات انسانیه دن کلیاً تجرد ایتدکاری کبی اسرار خلقت واحوال طبیعه واقف اولدقلرندن بخمله «آدم سنده دین نه ایش؛ اعتقاد نه ایش؛ انسان ایله سائر حیوان ارسنده فرق نه ایش؛ هر ایکسی ده عینی ماده، عینی اجزا تشکیل ایتورمی؛ احساسات وادرا کاتده هر ایکسی ده اشتراک ایتورمی؛ انسانی سائر حیواندن دها عالی، دها شرفی بزخلوق اولهرق عد ایتک واکا برطاقم احوال عالیه واوصاف قدسیه اسند ایتک هب اوهام وخیالات قیلندندر.» طرزنده برطاقم اقوال مضدت

اشتهالریبه هم جنس‌لرینی دخی کرداب خلالله دوچار ایلدکلری کمال نأسفله کورلمسکده در .

بونک ایچون دکیدرکه بوندن درت بش سنه اول طرابلس شام علمای بنامندن فضیلت‌مآب حسین‌الجسر افندی حضر تلری مادیون وطبیعیونه قارشی « رساله‌الحمیدیه » عنوانلی کتاب حکمت نصابت جمع وتالیفته ، مشاهیر علمامزندن استادفضائل نهاد خواجه اسماعیل حقی افندی حضر تلری دخی کتاب مذکورک ترجمه وتوضیحه خامهران همت اولمغه مجبور اولمشلردر .

ینه بونک ایچون دکیدرکه شممدی به قدر برچوق آثار عالیلهریبه اعلائی شان اسلامیه بدل مقدرت ایدن فیلسوف حقیقی ، حکیم‌الهی عطفوقلو احمد مدحت افندی حضر تلری دخی امریقا فلاسفه‌سندن « دردیهر » نام معلمک کویا دین ایله علمک بننی جمع ممکن اولمیه‌جغه دائر یازمش اولدیغی « نزاع علم و دین » اسمنده برائینک برسنه‌دنبری ترجمه‌سنه وغایت حکیمانانه برصورتنده مدافعنه باشلامشله و اثر مذکورک پی درپی نشرینه همت ایملشله والحق بوهمت دیانتکارلریله‌ده بوعالم اسلامیت وانسانیه پک بیوک خدمته بولمشلردر . جاب حق‌جهلمسک سعیلرینی مشکور ایلسون .

عینی فک کندی اصحابنده بویله‌مختلف اثرلر کوسترمش اولسی ایسه‌قدمانک اصول تعلیمیلریبه متأخرینک اسلوب تعلیملری ادره‌سندده وجود آیه ایله فرق بولدیغنه منیدر .

اولا: علم حکمت مسائل عالیهدن وعلی‌الخصوص حکمت طبیعه فی‌اجسامک خواصندن وقوانین طبیعه دائره‌سندده اوله‌رق تأثیرات وتاثراتندن وبوتأثیر وتأثرات سببیه حصوله کلمکده بولنان حادثات متنوعه‌دن باحث اولوب بوکی مباحث دقیقده ایسه وهمک عقلمه غایبه‌سی ، باطلک حقه بکزه‌می درکار اولمغله حکمای متقدمین بوعالمی غایت عزیز طوطه‌رق عقانده فطانت، فکرنده استقامت اولیان کسمه‌ینی مکتب حکمته دخولدن قطعاً منع ایدرلر ایدی . حتی دها صکره‌لری یونانستانده بوعلم بالنسبه مبدول اولدیغی خالد افلاطون ، تعالیم خانسنگ اوزرینه | مهندس اولیان بزم خانامزه کیرمسون | عماره‌سنی یازمش ایدی که بوده براهین هندسیه قطعی وبناه‌علیه خطا احتمالدن بری اولمغله‌وفنده تمارسه پیدا ایش اولان برکیمسه‌نک فکری البته غلط وفساددن سالم اوله‌جغی ملاحظه‌سنه منی ایدی .

بزم ابن سینا، طوسی، فیض رازی، فخر رازی، «مسائل حکمت، معارف ارای
مقابله و مصادره هوای متخالفه اولدیغندن، بوعلمی تحصیل ایتک ارزوسنده
بولانلرک اولا تجرید عقل، تمیز ذهن، تصفیة فکر، تدقیق نظر ایتمش اولملری
بهمه حال لازمدیر. زیرا بوفده کسب مهارت ایدنلرک افضل علماء محققین حکما
عدادینه داخل ایددینلرک ایسه اراذل جهلاء، اسافل سفهادرکه سنه نازل
اوله جقلری محققات اموردندیر.» طرزنده سوزلر ایله اولور اولماز کیمسه لره
علم حکمتی تعالیم و تشمیلدن احترازی صورت مصرانده توصیه و تنبیه ایتمشلردیر.
اوروپا حکمائی ایسه بوجهتی التزام ایتدکلری و حتی بوکا نعمت معارفدن خلق
منع ایتک معناسی ویردکلری ایچون هنوز سن رشده بالغ اولماش ساگردانی
بیله مکاتب حکمیله رینه قبولدن احتراز ایتماشلردیر.

ثانیاً: حکمای متقدمین طلبیه اولا ذهنک معلوماتدن مجهولاته نصل انتقال
ایلیه جکی ویر مطلوبه وصلت ایچون عقلک نه یولده حرکت ایتمی لازم کله جکی
بیلدیرن فن منطقی مکمللاً تعالیم و تدریس ایتدکلن و ایشته بو صورتله انلرک
ذهنلری محاکات عقلیه کرکی بی الشدر دقدنصکرده انلری علم حکمتی تحصیل
شروع ایتدیردکلری ایچون طلبه اوفنی تحصیل ایتناسنده اسباب حادثات و اسرار
خالقته واقف اولدقجه کندیلرنده طبیعی الظهور اولان اوهام و خیالاتی درحال
براهین عقلیه ایله دفع ایدرک اعتقادات مذهبه و اخلاق دینه لرینه خلل کتیرمز لر
ایدی. حکمای متأخرین ایسه اومیزان العلومه او قدر اهمیت ویرمیوب طلبه
هنوز بر شیئی حقیقیله بیلمک ویا عرضیات و علاماتیله تصور ایتک نصلدر،
بر دعوائی اثبات ایچون سرد ایدیه جک دلیل نه یولده ترتیب ایدملیدر، نه کبی
شرطلری جامع اولملیدر؛ بورالری کوزلجه بیلمدن و بناء علیه محاکات عقلیه
ایجه ایشمدن انلری تحصیل حکمت و طبیعیاته مباشرت ایتدیره کلدکلرندن طلبه
او مسائل عالیله اوغراشدقلری سرده آلات فیه نک دلات و معاونتیله
حسن و ادراک ایدکلری حقایق و اسراری پالکر طبیعت، یا خود ماده و قوته اسناد
ایتکه مجبور اولمشلر و آندن اوتدیه برخطوبه بیله آتغه لزوم دخی کورمه مشلردیر.

ثالثاً: حکمای متقدمین طلبیه حکمت طبیعیه و حکمت ریاضیه ایله برابر
(حکمت الهیه)، (حکمت اخلاقیه) علملری دخی کوزلجه تعالیم و تدریس
ایتدکلرندن اوزمانلرده ایتشمش اولان ارباب حکمت منسوب اولدقلری قومک

مادی و معنوی ترقیانه خدمت ایدرلر و حتی معنویات جهته اهمیت ویرمیلری حکمادان بینله عد ایتمزلر ایدی . نیکم میلادک ایکنجی عصرنده ظهور ایش اولان مشاهیر حکمادان (جالینوس) دن نقل ایدر جکمز فقره آیه دخی بونی مؤیددر .

مشار الیه افلاطونک « سیاست المدن » نام بر اثرینی شرح وایضاح ایتدیکی وآندهکی رموزاتک سبب و حکمتی بیان ایلدیکی صیروده دیشدرکه :

« سوق براهین ایله عوام ناسه تفهیم مرام ایتمک مشکل اولدیغندن انلر رموزاته زیاده محتاجدرلر . چونکه عوام انجق رموزات ایله انتفاع واستفاده ایده بیلرلر . حتی بز بوکون (نصاری) دینیان بر قوم کوریورزکه دینلری رموزاتدن اخذ ایش اولدقلری حانده کندیلرندن فلاسفه حقیقهک افعاله مشابه فعللر صدور ایدیور . ازجه اولومدن اصلا فتور ایمیورلر ، شهوات حیوانیه لرینه مغلوب اولمیورلر . بوایده صولک درجهیه قدر التزامت عفت ایلمیورلر . حتی بر ظامقلری بتون مدت جباتلری جماعدن احتراز اوزره امرار ایدوب اولدندن محروم اولدقلری حانده دنیادن ارتحال ایدیورلر . نصاری ناس ایله اولان معامله لرنده دخی عدالت وحقانیتی صولک درجه التزام ایدوب کرک احکام دینه لرینه ، کرک حقوق شخصییه وعمومیه لرینه ذره قدر خلل کتیرمیورلر . ایشته فلاسفه حقیقه دخی بوندن عبارتدر . »

کوریایورکه حکمای متقدمین معنویات و اخلاقیاتک چوق اهمیت ویرمش اولدقلرندن نصرایتک حال بکارت وخالصیتی زمانند مجرد معنویات و اخلاقیاتی مکمل اولدیغی ایچون - قوم نصارای دخی (فلاسفه حقیقه) عدادینه ادخال ایشلدر .

حکمای متأخرین ایسه اولانجه قونلری طبیعیات و مادیاتک حصص ایله حکمت الهیه « ، حکمت اخلاقیه « فلرینه اوقدر اهمیت ویرمدکاری و حتی بویکی فی « فن خرافات «ه الحاق ایلدکاری ایچون سمدیکی انجباب حکمت منسوب اولدقلری قومک ماده ترقیسه خدمت ایشلر ایسهده معناً تدینسه وبلکهده محو وازاله سیه دهشتلی برصورتده ضربه ایندیرمشلدر .

ایشته متقدمین ایله متأخرین مسلك تعلیملری ارسنده بر منوال مشروح شو فرقلر بولدیغندن « علم حکمت » اوللری معنی ، ماده خادم مدنیت ایکن

صکره لری خدمتی بالکزمادیات جهته حصرایله مغویانندن بالکلیه یوزچویرمش
 و حالبوکه بویکی جهت لازم و ملزوم قیائندن اولوب برینک دیکری اولمقسزین
 بقا پذیر اوله میه جنی درکا بولنمش اولدیغندن بو حال بر از دها دوام ایددجک
 اولور ایسه شوفن جلیل القدرک انسانیته خدمت شوپله طورسون بتون عالی وحشت
 انکییز برحاله براقه جنی وارد خاطر اولمقده در .
 ۵ مارت، ۳۱۳

بیان حقیقت

احوال انسانیه و اشیاى خارجییه عطف نظر اولندقدده کوریلورکه
 بوعلده محبوب لذاته و مرغوب لعینه اولان انحق ایکی شی وارد در : برسی لذات
 جسمانیه ، دیکری ده صفات کالیه در . بویکیسندن ماعدانه قدر مطلوبات بشریه
 وار ایسه هیچ بری مطلوب لذاته اولیوب جمله سی شو ایکی شیئی تحصیل ایچون
 طلب و آرزو اولمقده در .

زیرا بزه « ایچون کسب تجارت ایله مشغول اولیورسکز؟ » دنیلدیکی زمان « تحصیل
 اموال ایچون . » جوابی ویررز . « اموالی ایچون تحصیل ایتک ایستورسکز؟ »
 دیه ایکنجی برسؤال ده ایراد اولندقدده بوکاده « تحصیل ما کولات و مشروبات
 ایچون » جوابی اعطا ایدرز . « ما کولات و مشروباتی ایچون تحصیل ایتک
 ارزوسنده بولنیورسکز؟ » دیه اوچنجی برسؤال دخی در میان ایدیلیرسه انکاده
 « تحصیل لذات وادامه حیات ایچون . » جوابی ویررز . « تحصیل لذات وادامه
 حیات ایچون طلب ایدرسکز » دیه دردنجی برسؤال ایراد اولنورسه بوکاده
 « ارتق سنک بو سؤالک ناجادر . زیرا تحصیل لذات ارزوسی برشی ایله تعلیل
 ایدیه جک اولور ایسه یادور ویا تسلسل لازم کله چکندن هر مطلوبک مطلقا
 برمطلوب لذاتهیه و مرغوب لعینهیه منتهی اولسی واجبدر . ایشه بولذات جسمانیه
 دخی او جمله دندر . » طرزنده برمقابلهده بولنورز .

بو تعالیات عینا اسباب کله دده جاری وکالک کنیدیسی ایسه هر درلو تعالیاتندن
 عاری اولمقده انکده مطلوب لذاته و محبوب لعینه اولدیغی هر حالده تعین ایدر .
 قلوب ناسک انیا و اولیایه منجذب اولسی و هر کسک کنیدی نفسنده ارباب فضیله

بر میل وجدانی حس ایمنی هب صفات کمالیه‌نک مرغوب لذاته اولمسندن نشأت
ایله .

صفات کمالیه‌نک برستی، بلکه برنجیسی ایسه علم اولدیغندن مقدمات سابقه
ایله انکده محبوب و مرغوب لعینه اولدیغی اولوبت ایله تحقق ایدر . حتی لذات
جسمانیه جسمه، صفات کمالیه ایسه روحه عائد اولوب روحک جسمدن وجود
عدیده ایله افضلیتی ایسه براهین قاطعه ایله ثابت اولغله صفات کمالیه‌نکده لذات
جسمانیه دن او نسبتده افضل اولسی لازم کلیر .

ایشته بوکی دقایق حکمی و نکات بدیعه‌یه منبدرکه مسلمانلره بالجه و وظائف
انسانیه و فضائل بشریه‌ی برصورت اعجاز کارانده تعلیم و توحیه ایدن دیانت جلیله
اسلامیه آنلردن اهل علم اولانلری بجه مواعد جلیله و مکافات معنویه ایله بشیر
و بوضورتله انسانلری هرشدن زیاده تحصیل علمه تشویق و ترغیب آتشدر .
بو تشویق و ترغیب ثمرسیدرکه اسلاف کرام بتون قوتلری تحصیل علومه حصر
و قصر ایله بر طرفدن علوم شرعیه و احکام دینییه حیرت افزا بر صورتده ضبط
و تحصیله بذل مقدرت ، دیگر طرفدن ده علوم حکمی و فنون مادیه‌نک مکمل
تحصیلندن باشقه توسیعینه بیله صرف همت ایدرک هر ایکی جهته عائد محصولات
مساعیرلی اولان بی شمار آثار جلیله لریله کتبخانه عالی ترین آتشدردر .

فقط حیفا که علوم حکمی و فنون مادیه اندلس طریقله اورویا به انتقال
ایلدیکی تاریخندن اعتباراً بزه بر رخاوت عارض اولغله باسلامش و بورخاوت
کوندن کونه تراید ایدرک نهایت بزی علوم و فنون مذکوردهن بالکلیه یوز
چویرمک درجه‌سنه کتیرمش و بناء علیه اورویا ترقیات مادیه‌سنه نسبتله ترقیات
مادیه‌مزک پک دون بر درجه‌ده قلمسنه سبیت و برمش اولدیغندن بو حال اسف
اشتمالندن بالاستفاده بعض غرضکاران و ظاهر برستان ترقیات مادیه جهته سنو
حال پستیده قلیشه‌زی فرصت عد ایدرک بو باده اغزلرینه کلن هذیان سوئکه
جرات آتشدردر .

-وراسی شایان تأسندرکه بو هذیانلره جرات ایدنر بالکتر احسنلر اولسه
ایدی بر درجه یا قدر معذور کورینه بیایرلر ایدی . زم کندن بزدن ده بو قوه‌هات
ناجاییه جرات ایدنلر واردر . نته کیم بونلرک واسطه نشر افکاری اولان بعض
جراآد بو ماده‌ی آره صیره هر کسه قلمی برصورت ماهرانده کوسرتمکده درلر .

دیانت جلیله اسلامیہ، بڑہ بشیکدن لحده قدر تحصیل علم ایتمکی و حکمتی زدهده بولور ایسهک آئی بلاتردد مانلز کی اخذ و قبض ایتمکی امر و توصیه و هر درلو لوازم انسانیہ و احتیاجات بشریہ فی فوق ما یتصور اراؤه و تعلیم ایتمش اولدیغی حالده بو رخاوتنرک اسلامیته عطفی جائز اوله منر .

بونلرک فکیرلرنجه اخلاق و عادات ملیہ فی هر ج و مرج ایدرک آنلره بدل اوروپا اخلاق و عاداتی عیناً قبول ایتملی ایتمش ! ادبیاتده ، حکمیاتده زولالرک ، هوغولرک ودها بیلمم کیملرک اثرلرینه تمامله اقبضا ایتملی ایتمش . حاصلی اوروپاده هر نه رذالت وار ایسه جمله سنی مدنیت نامنه اوله رق مملکتیمزه بالادخال - اهالی یه قبول ایتمیرملی ایتمش ! [اما صنایعی دکل ها ! چونکه صنایع ایله اوغراشمق اجرای سفاهته مانع اولدیغندن آئی ینه اوروپا اها ایسنه ترک ایتمک و ایجابی جائده پاره ویردرک آنلردن اشیا مایعه ایتمک ده خیرلی دکلی ؟]

ظاهر پرستانک خلاصه افکاری شو سوزلردن عبارت اولوب بونلرک بطلانی ایسه بیانات سابقه مزله برر برر تظاهر ایتمشدر . لکن حقسنزلغک بو درجه سنه قارشلی نه قدر سوز سویلمش اولسه ینه آز اوله جغندن کچنلرده خانه فقیرانامی تشریف بیورمش اولان پر ذات فضیلت سمات ایله بو بحثه دائر بینمزه جریان ایدن بر محاورده فی بوجه آئی درج ایتمکی مناسب کوردم .

صورت محاوره

— بعض بو الهوسان نظرنده اسلامیت مانع ترقی ایتمش ها ! عجبا بونلرجه اسلامیت انسانلری علوم و فنوندن منع ایتمدیکی ایچونمی ؟

— خیر بونک ایچون دکل چونکه انسانلری علوم و فنون تشویق ایدن بونجه آیات قرآنیہ و احادیث نبویہ میدانده ایکن آنلر او مدعای باطل لرینی او یولده تعلیل ایدهمزلر .

— یا نه ایچون ؟

— نه ایچون اوله جق ، اسلامیت هوسات حیوانیہ یه میلدن انسانلری منع ایدوب عفت و استقامت ، عدالت و شجاعت کی اخلاق عالیه و فاضله فی توصیه ایلمدیکی ایچون .

— عجایب ! بوکا « مانع ترقی » نامی ویریلرمی ؟

— آنلرجه پک اعلا ویریلر . چونکه بو حال منتضای خلاف طبیعتدر .

طبیعتده هر شی مذکور اولدیغی حالده بونلری منع ایتمک شهراء ترقیه بیسوک
رسد ممانعت چکمش اولیور .

— بودها غریب ! ترقیات ماده ایله بو آرزولرک ، بوتملرک نه مناسبتی
وار ؟ هم بوندقدر صاحبه ! انسانلر باشی بوش حیوانلرکی ایستدکاری یرده کوزر
وهر آرزو ایستدکاری شیئی ایشلرلر ایسه هر کس بربرینک مالنه، عرضه تسلط
ایتمزی ؟ بو حالده نظام عالم بوزیهرق جمعیت بشریه هرچ وهرج اولماز می ؟ بونلر
یرکره صحائف تواریخه نظر ایدوب بوره نارفته نیک عالم انسانیه نصل مددهش
یاردرلر آچدیغنی کورمیورلری ؟ « ایستور » نام برطیعی ورمادینک اقوام یونانیه
و (مزدک) نام بردهرینک ده قدیم ملت ایرانیه یی نه کی فلاکتلره دوچار
ایلدکاری بیلمیورلری ؟ یونانیلر فتوحات اسکندریه سایه سنده « جهانگیر »
تام جلیانی المشلر ایکن کندیلرندن ظهور ایتمش اولان « ایستور » نام شخص
طبیعیات نشر ایلدیکی بومسلاک سقیم سببیه اهالییه رخاوت، ضدیت، مبیانت کی
شیلر عارض اولهرق نهایت قدرت و مکتلرینک کلیاً محویه رومالیلرک یداستیلانسه
دوچار اولما دیلری ؟ کذلک ایرانیلر دنیانک ال بیسوک دولتلرندن معدود ایکن
توشروانک پدری « کیتباد » زماننده ظهور ایتمش و خلقی تقلید طبیعتده تشویق
ایلمش اولان « مزدک » نام شخص دهرینک شو طریقت باطله سی سببیه اهالییه
فوق العاده برمسکینلک، برابطاسزلق طاری اولهرق نهایت مملکتلرینی الدن
چیقارمیدیلری ؟ نه حاجت ! دهها بوندن یکر می بش سنه اول فرانسه دولتی یالکز
باشنه دنیایی تیره تمک درجه سنده برقوت خارقه ، برتوکت فوق العاده مالک
ایکن فرانسه حکمای طبیعیه سنک فرانسه عنصرینه راشدیلمش اولدیغی شوفکر
سقیم و مسلاک غیر مستقیم سببیه اولمت معظمه عروقه دهشتلی برطورغونلق
عارض اولوب نهایت المانلره مغلوب اولمیدیلری ؟

— اوت بونلرک همیسی طوغری ، جمله سی شهه دن بریدر . مع هذا آنلر
بو حقایق بیلمیور و کورمیور دکالردر . احتمالکه آنلر بونی سندن ، بدن دهها
ایو بیلیور و دهها ای کورمیورلر . شو قدرکه بونلر هوسات نفسانیه لرینه زیاده سببیه
مغلوب اولدقلری ایچون حقایق مذکورده یی باشقه فکر ، باشقه نظر ایله مطالعه
ایدرک وهر برینی بردرلو تأویل ایلمه رک یته کندی مدعا و مقصدلرینک طوغری
اولدیغنه حکم ایدیورلر .

— ادبیانده زولالرك، هوغولرك؛ حكیمانده وولترلرك، فلانلرك مسلكلرینه
کیتمکده وعادات غریبه نی اها لیزه قبول ایتمیرمکده نفاقده تصور ایدیورلرکه
آنلری بزه توصیه ایدیورلر؟

— واقعا بونده بزم ایچون برفانده تصور ایتمورلر ایسه ده کندیلری ایچون
برچوق فوانده تصور ایدیورلر.

— پک ایی اما تمیانتده ملکیزک لروتنه، قوتنه، اها لیزک سلامتنه، رفاهیتنه
عائده نه وار؟

— نه اوله جق؛ هیچ اوراسنی دوشونمک آنلرک وظیفه سیمی؛ آنار ایچون آنحق
کندی آرزولرینک حیز حصوله کلسی لازمدر.

— بو حالده غربک کرک ادبیاتندن، کرک حکمیاتندن هیچ برشی اخذ
واقباس ایتمه جکمی بز؟

— حکمتی زده ده بولور ایسه ک آنی کندی مالیز کبی اخذ ایتمک و علم
چینده بیله اولسه کیدوب آنی تحصیل ایتمک دیناً مأمور اولدیغیز ایچون غربده
اولسون، شرفده اولسون، بزه نافع اولان بر شیئی پک اعلا اخذ و اقتباس
ایده جکیز. بوکا کیمسه نک هیچ بر دیه جکی یوقدر. فقط اخلاق و عادات ملیه مزه
منافی و مضر اولان شیلری ده قطعاً رد ایله جکیز.

۱۹ مارت . ۳۱۴

هیئت اجتماعی و مدنیت صحیحجه تک اساسلری

من القدیما ارباب اذیان میاننده مقتضای دیانت اوله رق انتقال ایده کیمکده
بولان اویج خصات مدوحه واردر که بونلرک هر بری جمعیت بشرینه ک وجودی
ایچون برکن رکن و هیئت اجتماعی تک بقاسی ایچون بر عماد قویمه و مدنیت صحیحجه
ایچون بر اساس متین تشکیل ایتمکده در.

بوخصال شریفه تک برنجیسی «حیا» در. حیا سائیزده «اوتامق» معنانه
مستعمل اولوب سید شریفک بیاننه کورده اوده ایکی قسمه منقسمدر: بری

امر جلی ، دیکری دہ امر دینی در . امر جلی اولان حیا انسانی حسب العادہ
و عند الناس معایندن محدود اولان شیلری اجرادن اعراضہ باعث بر حالت جبلیہ
اولوب امر دینی اولان حیادہ اللہ قورقوسیلہ ودین محبتیلہ ارتکاب معاصیدن
احتراز و امتناعی موجب بر خصلت حسنہ در .

ایستہ بو خصلت کریمہ جمعیت بشریہ حفظ و حمایہ خصوصندہ یک مؤثر در .
زیرا نفوس بشر بر کرہ حیا پر دہ سنی پیرتہ زرق مرتبہ رفعت و درجہ علویتدن حسیض
خست و دنائتہ بالنزول لایالیانہ حرکتہ جرات ایلدکد . اولومدن بشتہ هانکی
عذاب ، هانکی عقاب آنی مغل نظام عالم اولان مفاسدی ایقاع و اجرادن منع
ایده بیلیر ؟ . . .

حالبوکہ حلیہ حیاتی اکتسا ایدن بر کیمسہ ناک نفسی البتہ شریف اولمق لازم
کلوب حسن جریان معاملات و سلسلہ نظامات ، بالجمله عقود و احکامہ رعایت ،
قولده اولسون ، فعلمده اولسون امانت و صداقت هپ شرافت نفسہ منوط وهپ
اومزیتله مشروط در .

شیمہ حیا ، سچیہ غیرت و حمیتله ذاتاً متحد اولوب انجق جهت لرینک اختلافیہ
اسماً مختلف در لر . غیرت و حمیت انسانلری استفادہ علوم و معارفہ احراز شرف
ورفیتہ ، تقویہ شوکت و بسط جناح عظمتہ ، تکثیر مواد غنا و ثروتہ سوق ایدر .
هانکی بر قومده غیرت و حمیت مقنود ایسہ البتہ اوقوم محروم عزت و رفعت
اولور . حتی اشباب سعادت انلردہ حسب الظاهر رونما اولسہ بیله عاقبت ذلت
و مسکنتہ معروض اوله رق وجود لر ی خریطہ عالمدن سیلینوب کیدر .

معاشرت و معاملاتده بین الاہالی روابط الفت دخی انجق ملکہ حیاہ منتهی
اولور . زیرا رشتہ الفتی تحکیم ایدن شی ، محافظہ حقوق مسئلہ سی اولوب
نویسہ انجق حیا خصصات کریمہ سیلہ حصولہ کلیر . چونکہ بوسچیہ شریفہ ،
صاحبنی آداب انسانیه ایله تزین و شہوات حیوانیہ دن تنفیر ایدوب هر درلو
حرکات و سکنانہ ، هر نوع افعال و آمانہ روح اعتدالی افاضہ ایلر .

حیا بر خاق شریفدر کہ صاحبنی ارباب فضائل ایله مصاحبہ و کرودہ ارادل
و اسافلدن مجانبہ سوق ، جهل و عناددن ، ذلت و مسکنت کی شیلرد رضادن
منع ایلر .

حیا بروصف کریمدر کہ منشأ صدق و منبع امانت اولدیغندن بوایکی خصلت
شریفہ انکلہ برابر بر محفظده محفوظ کیدر لر .

حیا تربیه اطفال و تدریس علومه مأمور اولان معلمینک دخی بر حجت قطعہ سی و بر آلت تربیه سیدر . کرک معلمین ، کرک واعظین هپ بونی استعمال ایدرک او واسطه قویہ ایله وظیفه لرینی حسن ایفایه موفق اولورلر . کورونیزی که بر معلم اقران و امثالندن درسجه کری قالمش بولنان برشا کردینی : « اقران و امثالکدن کری قالمغه اوتانیمور میسک ؟ » ديه نصل توییح و تکدیر ایدر . اگر حیا دینلن خصلت حسنه اولسه ایدی نه بو توییح و تکدیرک تأثیری اولور ، نده بر کیمسه بی علم و فضیله دعوت ایچون یول بولنور ایدی . بناءً علیه بوسجیه عالیہ نك مرجع معالی و منبع فضائل نامتناهی اولدینی شهه سزدر .

برده بو خصلت حیادن عاری بر قوم فرض ایدلم : بحجا بزاندرد فحشیات ظاهره ، منافبات علانیه ، غلظت طبعیه و مساوی اخلاقه دن ، خسائس اموره . و ردائل شونه اهمما کدن ماعدانه کورده بیلیرز ؛ شهوات همسیه لرینک کندیلرینه غالب کیمی وصفات حیوانیه لرینک اراده و اختیار لرینه مالک و هر فعل لرینه مسلط اولمش بونیمی کندیلرینک شناعت و دانائت لرینه بر برهان کافی اولمیزی .

خصائل مذکورده دن ایکنجیسی دخی « امانت » در . امانت امین اولمق ، بشقه نك امن و اعتمادینی قزائمی ، یعنی کندیلرینده اصلاحیات بولنما مق معاسنه در . بدیهیدر که نوع انسانک بقاسی الحق معاملات و معاونات ایله اولوب روح معامله ده آنحق امانت کامله و امنیت تامه ایله حصوله کلیر . اکر امانت فاسد اولور ایسه معامله ده فسد اوله رق اصول معیشت بتون بتون باطل اولور . بوايسه نوع بشری سریع بر زواله ایصال ایدر . او ایله ایسه تین ایتدیکه امانت خصلت شریفه سی دخی بقای نوع انسانک بر علت مستقله سی ، براس اساسی منزله سنده در . بسط بر رفاهیت ایله دن وعدالته روح و جسم و یرن دخی آنحق اوسجیه شریفه اولوب آنسر برشی حاصل اولمق احتمالی بو قدر .

احجاب ادیانده بولنان خصال ممدوحه نك اوجنجه سینه کلنجه اوده « صدق » در . انسانک برچوق احتیاجلره ، برچوق ضرورتلره معروض اولدینی درکاردر . ابواب احتیاجنی سد و اسباب ضرورتی دفع ایدر جک شیلر ایسه وراه پرده خفاده مستور و تحت حجاب غیبده مکنوندر .

چونکه انسان بیلمدیکی بر عالم غیبدن ینه بیلمدیکی بر عالم شهوده کلش . ایتدای انشئنده تنه بر زاویه ده ، مظلم بر گوشه ده عزلت نشین اقامت اولمقدم

بولٹمش اولغلہ نہ برکیمسہ نیک اسمی بیایر ، ناده برشیک رسمنی طانیر . انسان بویله کال ضعیفہ برابر قدم نهادہ عالم وجود اولدینی خالد کویا اولجه هرشی بيلمش اوکرمش وکندیسنی محافظه و حیاتی ادامه ایچون هر درلو لوازم بتیریہ واسباب تدافیه سنی احضار ایش کی دنیاہ کایر کمر بر جوق احتیاجت مبرده یه محکوم اولور .

واقعا فیاض قدرت طرفدن کندیسنه احسان بیورلمش اولان حواس خمس ظاهره بو احتیاجانی دفعه و حیاتی حفظه مدار ایسه ده انسان یالکنز کندی . حواس ظاهره وسیله هر مطلوبی استحصاله و هر مضرتی دفعه و ازالیه موفوق اوله مز . بو باده هم جنسک معاونه دخی محتاج اولور . کرک نافع و کرک مضر بالذات کندیسنک احساس ایده مدیکی شیلری بر منبع صدقندن استماع واسخبار اینک مجبوریتده بولنور . چونکه کاذب اولان برکیمسه - بعیدی قریب ، قریبی بعید ، نافی مضر ، مضر نافع صورتده کوستردیکی ایچون - برواسطه جهالت و وسیله ضلالت و معین شقاوتدر . اوله ایسه « صدق » صفتک دخی وجود انسان ایچون بررکن رکن و بقای نوع بشر ایچون بر اساس رسین و بین الاهالی محبت و مناسبات حکیم و تقویہ بر سبب متین اولدینی و بناء علیه کرک الفت مدینه و کرک الفت منزله نیک آنسز تحقیق غیر ممکن بولدینی دخی شه سزدر .

۲۶ مارت ، ۳۱۴

انسان نه در ؟

انسان تشکلات عضویہ سی و اجزاء بدنیہ سی اعتباریه عادی بر حیواندر . هر ده عاجز و ناچیز بر حیواندر . او قدر عاجز که حیوانات ستره حین تولد لرندہ منی و حرکت و از بر زمان طرفنده تأمین معیشته مقتدر اولدقلمی خالده انسان بر خلق ، ایکی یاشنه قدر یوریکه ، اکثریا یکر می یاشنه قدر معیشتنی تأمینه قدر بیله اوله مز . او قدر عاجز که هر حیوان حائر اولدینی بر عضویله کندیسنی مدافنه و محافظه ایلدیکی خالده انسان هیچ بر عضویله کندیسنی محافظه و مدافعه ایده مز . شوامر محافظه ده خارجدن بر آله ، بر سلاحه محتاج اولور .

حالبوکه انسان بویله کمال عجزیله برابر بالجمله حیواناته تفوق ایش قوت و صوتجه کندیسندن قات قات فائق اولان بجه حیواناتی قبضه تسخیرینه آلمش و بجه خارق العاده فنون و صنایع اختراعیه دنیایه حیرت بخشای عقول اولان تنظیسات بدیعیه ویرمشدر . انسانک بوموقیعت عظیمیه ناطقی ایسه شبه بوق که کندیسنه احسان الهی اولان قوه عاقله وملکه ذکاویه سی سایه سنده در .

ایشته جناب حق انسانی بویله جوهر عقل و نور ذکا ایله بالجمله مخلوقندن ممتاز و ازهر جهت سرافراز بیورمش اولدیغی خالد غریبدرکه بعض کوبه بین اولان حکمای طبیعه حیواناتده کی احساسات جزئیه و افعال طبیعیه بی نظراعتبارده الهرق و بونلره ادراکات انسانیه و مصنوعات بشریه دن دها زیده اهمیت ویره رک ایشته حیوانلرده انسانلر کی اشیا بی ادراک و احساس ای دیورلر و انسانلردن دها غریب ، دها عجیب افعال حصوله کتیر یورلر . بو حالده انسانلر ایله سائر حیوانلرک بفرقاری اوله یابیر ؟ دیه انسانلری بهایم منزله منه تجزیه . بلکه دده حیوانلری انسانلره ترجیحه قدر وارمشار و بوضورتله انسانلره حائر اولدقاری شان و شرفی اونوتدرمنه چالشه شاردر .

واقعا احساساتده ، حرکات ارادیده ، تشکیل جماعت ایدرک برامت اومقده هر ایکسی ده مشترکدر . مع هذا اراده لرده فرق عظیم واردرکه اوده بریسنک جوهر عقل و نور فکری ایله ممتازی . دیگرینک ایسه بونلردن محرومیتدر . اوت انسانلرده انضاله اوله رق بویله بر قوت ، بویله برخصات واردر . بوده قوت مذکورده نک بزرده کی بلاشات موجود اولان آنازیه نامندر . او ایسه انسانک جزئیاتدن یعنی صور محسوساتدن بشته کلیاتی ادراک ایتسیدر . حالبوکه نوع بهائنده بویله بر اثر موجود دکادر . چونکه نوع بهائم یالکز حواس خمس ظاهره سی و اسمهیه یالکز محسوساتی ادراک ایده یلیر . او محسوساتدن برطاقم مفهومات کلیه انتزاع ایدرک انلری ادراک ایده مز .

مثلا بر (بابل) نغمه ساز اولور . کوردیکی وصداسنی ایشتدیکی افراد نوعیه سنکده کندیسکی نغمه ساز اولدقارنی حس و ادراک ایدر . فقط بو احساسات و ادراکات جزئیه سندن بر مفهوم کلی انتزاع ایدرک (بابل) دیلن تنی « نغمه ساز اولان بر حیوانلر » دیه تصور و بوضورتله نوع مذکور تعریف ایده مز .

انسان ایسه بویه دکل . بر انسان کرک کنديسنت ، کرک کوردیکی افراد
توعیه سنک هپ بز حساس و متحرک بالاراده بز جسم نامی و ناطق اولدیغنی
کورر و بونلرده افراد بشر بئک اشترافی کنی آنگلار . بعده بو آکلایشندن بر مفهوم
کلی انتزاع ایدرک انسانک « حیوان » ماهیت کلیه سندن عبارت اولدیغنی و کافه
افراد بشرک ماهیت مذکورده تحتند مدرج بونلدیغنی تصور و ملاحظه ایلرکه
بر کلی بی ادراکک معناسی ده بودر .

عجبا انسانده بو مفهوم کلی بی انتزاع و ادراک ایدن شی ندر ؟ شبهه یوقکه
حیوانات سائرده اولیان بر قوتدره . فیاض ازلی آتی نوع انسانه بخش و احسان
بیورمش و انک ایله انسانی سائر حیواناتدن ممتاز قیلمشدر . ایشته « عقل »
عنوانی حائر اولان شی دخی بودر .

ای ، اما بوقوتک حقیقت و ماهیتی نادر ؟

ایشته بو بایده علما عاجز قالوب « روح کبی عقلتده حقیقت و ماهیتی آنجق
جناب حق بیلیر » دید کدنصرکه بونی قوای سائرده دن مهما ممکن تمیز و تفریق
ایچون ذاتیایله دکل ، عرضیایله وجود آتیه اوزره تعریف ایشلردر :

۱ — عقل ، انسانده بر هیئت مدوحه و بر خصات کریمه درکه انساندن حرکات
مقبوله و کلمات مستحسنة نك صدورینه سبب اولور .

۲ — عقل ، بر قوتدرکه قییح ایله حسن بیننی فرق آنجق آنکله حصوله
کلیر .

۳ — عقل ، بدن انسانده بر نور جود ایدرکه خارجدن اخذ و اقتباس
اولسان صورتلر ، معنایر هپ آنک ضیادار ایلدیکی طریقندن مرور ایدرک
توفیقه تعالی قابه واصل اولور .

۴ — عقل ، بر صفت غریزه و بر خصات طبیعه درکه ضروریات و بدیهاتی
علم و ادراک کنديسنه لازم کلیر .

۵ — عقل بر علم مخصوصدرکه آنجق کلیاته تعلق ایلر .

۶ — عقل بر قوتدرکه نفس انسان آنجق آنکله قبول علمه مهیبی و مستعد
اولور .

علمانک عقله ذئر سرد و اتیان ایتدکاری شو تعریفلر حیرت ایچنده
حیرتدن بشقه برشی افاده ایتماشلر ایسه ده بعض اجله نك دیدیکی کبی حقیقتی

بعدالتحری اعتراف عجز و اظهار حیرت، اک بیوک معرفت اولدیغندن شو نظریه لرك افاده ایتمش اولدقلى حیرتک دخى بر معرفت عظما اولدیغنده شبه بوقدر .

اصول اسلامیه جه شوراسی محققدرکه کلیات اولسون، جزئیات اولسون هر ایکسینه ده تعلق ایدن علوم و ادراکات و بین المعانی حاصل اولان ائتلافات هپ او حقیقت و ماهیتی بزه غیر معلوم اولان جوهر عقله مستددر .

حکمای قدیمه جناب حقه «عقل» اطلاقتی تجویز ایتمش و آنلردن بفرقه ده «عقل عالم علوینددر، بوعالمک مدبری آنجق اودر، بدنلر اعتدالرینی محافظه ایتدکجه عقل آنلره مقارنت ایلر . حد اعتدالدن خر و جلرنده ایسه کندیلرندن مقارقت ایدر» دیمشلردر .

بعضلری ده عقلک، نفسک، ذهنک شیء واحد اولدیغنه قائل اولمشلر و حصول ادراکاته سبب اولان بوشیء واحده بدنده تصرف و تدبیری جهتیه «نفس» و اشایی مدرک اولسی اعتباریه «عقل» و علم و ادراکه مستعد بولنسی حسیه ده «ذهن» نامنی ویرمشلردر .

عقلک جوهر ویا عرض اولدیغنده ده اختلاف اولدی . اهل سنت عقل وروحه «جوهر» نامنی ویردی . معتزله ایله سائر بعض فرق اسلامیه (عقل) ک روح ویا دماغ ایله برقوت اولدیغنه قائل اولدیلر .

علما عقلک موجب و معرف اولوب اولدینی حتمده دخى اختلاف ایتدیلر . معتزله «ایمانک وجوبنه محکم ایدن و آنک حسیه کفرک قبحنی بیلدیرن عقلدر» دیدیلر . اشاعره ایسه «عقل خطاب شارعی فهم و ادراکه برآلت اولوب کرک ایمانک وجوبنه حکمده و کرک آنک حسیه کفرک قبحنی تعریف و بیاند عقلک دخلى اولیوب بونلر آنجق شرع شریف ایله حاصلدر» رأینده بولندیلر . بوبابده حقیه نک قول مختاری شودر :

«ایمانک وجوبنه و آنک حسیه کفرک قبحنه حکم ایدن شریعت ایسه ده عقلده یالکیز فهم خطاب برآلت اولیوب بالک بونلری شرع شریفی استماعدن اول دخى ادراک و بیان ایده بیلیر .»

بو اختلافده کی فائده ایسه صبی عاقلده ظاهر اولور : شویله که اگر بوضی کرک توحیدی و کرک شرکی اعتقاد ایتهمش ایسه عندالمعتزله بالغ حکمده اه لدیغندن،

معذور دکلدز . اشاعرء عندنده ايسه معذوردر . چونکه وجوب ايمان خطاب شرعيه اولوب بو خطاب شرعی ايسه صبي عاقله هنوز توجه ايمه مشدر .

حقيقه کوره صبي مذکور ايمانی اعتقاد ايمديکی کبی شرکی دخی اعتقاد ايمه مش ايسه معذوردر . اما اگر ايمانی اعتقاد ايموبده شرکی اعتقاد ايمش ايسه معذور دکلدز . احکام فرعيه کانجه بونارده عقلک اصلا دخلی اولوب هپسی ادله شرعيه دن معلوم اولمشدر .

عقلک مراتب اربعه سی واردر : مرتبه اولی : عقل هیولانیدر . عقل هیولانی معقولاتی ادراکه متعلق راستعداد محس اولوب اوده اطفاله مخصوصدر . بو مرتبه ده عقل باجمله معقولاندن خالی اوله رق یالکیز آناری قبوله مستعد اولدیغی وبو وجهله اصل اشیا اولان « هیولا » به مشابه بولدیغی ایچون کانسبت اوله رق « هیولانی » وصفی ايله توصیف ایدلمشدرکه « بتون صور اشیدان خالی بولمخده وبر شیئی قبوله مستعد اولمخده هیولا کبی اولان عقل » دیکدر .

مرتبه ثانیه : عقل بالملکه در . عقل بالملکه جزئیات کثیردی احساس وآرلرنده کی مشارکات ومبایناتی ادراک سبيله اکتساب نظریاته حصول استعداددرکه مدار تکلیف الهی دخی بودر .

بونی برآز ایضاح ایدلم : نفس ناطقه حواس خمس ظاهره سی واسطه سبيله جزئیات کثیردی احساس ایدر . آنلرک صورتاریخی دماغه رسم ونقش ایار . بعده قوه عاقله بو صورتارک بعضی سبیلک بعضی سبیلک نسیبتاریخی ملاحظه ایار . اوزمان جزئیات مذکورده متعلق برطاقم صور کلیه ، برچوق احکام تصدیقه مبدأ فیاض جانبدن نفسه فیضان ایدر وبوسبيله بدیهیاتدن نظریاته انتقاله نفسده راستعداد قریب حاصل اولور . مثلاً برطفل نوزاده ابقدا بیبرک مرارتی ، شکرک حلاوتی وبونارک یکدیگرینه اولان مباینتی غیر معلوم اولدیغی حالده مؤخرآ سنک زایدله اجرا ایدیکي تجربه لر اوزرینه برچوق بیبرک مرارتی ، برچوق شکرلرک حلاوتاریخی حس وادراک ایدنجه کنديسه مبدأ فیاض جانبدن هپ بیبرلر آیدر » و« هپ شکرلر طائیدر » و« بیبر ايله شکر آردسنده مباینات وضدیت واردر . » احکام تصدیقه سی فیضان ایار . بوموال اوزر جزئیات سارهدنک احوالده مطاع اوله رق آناره متعلق برچوق احکام تصدیقه وسور کلیه ک فیضان دخی مظهر اولمخده به صه دتا . ه حکمده واسطه سبيله نظریاته

انتقاله و مجهولاتی اکتسابه کنیسنده بر استعداد تام حاصل اولور که ایشه عتقک بومرتبه سنه «عقل بالملکه» نامی ویرلمش و بومرتبه ده انسان احکام الهیه ایله مکلف اولمشدر.

مرتبه ثلثه : «عقل بالفعل» در. عقل بالفعل بدیهیات ایله نظریاتی یعنی عقل بالملکه مرتبه سنده استحصال اولنان صور کلیه واحکام تصدیقه ایله مجهولاتی استخراج ملکه سیدر.

مرتبه رابعه : «عقل مستفاد» اولوب اوده مدرکات مستحصله و معلومات مکتسبه نیک کافه سی عندالعقل موجود وحاضر اوله رق هیچ بریمی کنیسندن غائب اولمانسندن عبارتدر. بومرتبه نفوس کامله ازبانه مخصوصدر. چونکه آنلر حسب الظاهر ندقدر عالم ناسوتدایسه لرده حقیقتدسلک مجر داته دیزلمش وعالم لاهوته التحق ایتمش اولدقلرینون دائمًا معلومات ومعقولات برینی مشاهده ایتمکده درلر. عتقک محل و مرکزنده دخی اختلاف اولندی. اطبا کچی حضرت امام اعظمده عتقک دماغده اولدیغه قائل اولدی. امام شافعی ایله اکثر متکلمین عتقک قلبده اولدیغه ذاهب اولدیلر. بعضیلری ده ایکیسی بیتنده مشترک اولدیغی رأینده بولندیلر. حضرت علینده : رحم و شفقتک چکرده ، رأفتک دالاقده ، نفسکده یورکده اولدیغی روایت ایندی. صوفیه ده : «مغزله عالم ارواحدن اولار روحه نازل اولور، بنده قلبه انتقال ایدر، صکره دماغه صعود ایدرک اورادده انتقاش ایلر.» رأینده بولندیلر.

منطقیون انسانی «حیوان ناطق» دیه تصور و تعریف ایتمشلر بوتعریفه «حد تام» نامی ویرمشلر در که انسانک جنس قریبایله فصل قریندن ترکیب ایتمش ذات و حقیقتنده داخل کافه اجزاسنی حاوی بولمش بو بوسیلله افرادینی جامع و اغیارینی مانع اولمش بر تعریف دیمکدر. «حیوان ناطق» مفهوم نیک بویله بز تعریف اولوب اولدیغی و بر شیئی تعریفات نصل شرطلر اقتضایلدیکنی، نه کچی اقسامه آیرلدیغنی بر تفصیل بیان ایتمن مناسب ایسه ده بو تفصیلاتی ویرمک اولله بر ایکی مقاله ایله ممکن اولمه جعی کچی او تفصیلات ایله اشتغال ایتمک صدردن بالکلیه خروجه جزی استلزام ایله چکندن بو بنده قارئین گرامه یالکمز بر فکر اجمالی ویره بیلیمک ایچون افادات آیه ایله اکتفا ایتمکی ده موافق کوردک :

«تعریف» موجود خارجیدن اخذ و انتزاع ایدیلمن بر صورت ذهنیه و بر

ماهیت کلیه در. بو صورت ذهنیه او موجود خارجینک یا کنه و حقیقتندن یعنی کنایسنی تشکیل ایدن اجزاء وجودی سندن ، یا خود اعراض لازمه واحوان مخصوصه سندن اخذ و اقتباس اولمش و برنجی صورتی « حد » ایکنجی صورتی « رسم » نامی ویرمشدر. بناء علیه منطقیون « تعریف » ی « بریشی کنه و حقیقتیه و یا باجمه ماعدادن تمیز ایدر بوجه ایله بیلدیرن شی » دیه تعریف و بیان ایتدکن صکره بریشی کنه و حقیقتیه بیلدیره « حد » و ماعدادن تمیز ایدر وجه ایله بیلدیره « رسم » نامی ویرمشدر و بولردن هر برنجی « تام » و « ناقص » ناملیله ایکی قسمه آیرمشدر.

بو حالده دیرزکه: « حیون ناطق » تعریفی ده خارجه موجود اولان انساندن اخذ و انتزاع اولمش بر « صورت ذهنیه ، بر ماهیت کلیه در: فقط بو ماهیت کلیه عجباً انسان موجودک تمامه کنه و حقیقتندی اخذ و انتزاع اولمش، بوقسه عوارض مخصوصه سندی اقتباس ایدمش ؟ اولاً بوراسنی بیلیمک لازمدر. تاکه تعریف مذکورک « حد تام » اولوب اولدینی اکلایسون .

معلومدرکه انسان موجود ، بر بدن ایله برده روحدن عبارتدر. او ایله ایسه انسانی تشکیل ایدن شیلر اجزاء فرده و عناصر مختلفه دن مرکب بر « صورت جسمیه حیوانیه » ایله برده « صورت نوعیه انسانیه » دینان بر طبیعت، بر قوتدر. انسان « صورت جسمیه حیوانیه » سی اعتباریله ابعاد ثلاثی ، نشوونمایی ، حرکت ارادی بی قبوله مظهر اولدینی کی « صورت نوعیه انسانیه » سیله ده ادراکات کلیه و افعال فکریه بی اجراییه میدأ اولمشدر.

لیشته منطقیون دخی انسان موجودک کنه و حقیقتنی بویله بوله رق آنک « صورت جسمیه حیوانیه » سندن « حیوان » منهومی ، صورت نوعیه انسانیه » سندن ده (ناطق) معناسنی انتزاع ایشلر و بناء علیه انسانی « حیوان ناطق » ده تعریف ایشلر و بوتعریفه « حد تام » نامی ویرمشلردر که فی الواقع « حیوان » حساس، متحرک بالاراده بر جسم نامی دیمک اولدینی کی « ناطق » ده - بخانده بیان اولدینی وجهله - امور کلیه و جزئیات مجرد بی ادراک و افعال فکریه بی اجراییه ایدن شی دیمک اولدیغندن بوتعریف انسانک کفه ذاتی بی حاوی، افراد بی جمع ، اغیار بی مانع بر تعریف اولوب « حد تام » عنوانی بحق حائز اولمشدر.

متکلمین و سائر فرق اسلامیه ده « حیوان ناطق » مفهومناک انسان همچون بر
« حدیثام » اولدیغنی قبول ایتدیکدن صکره حقیقت انسانیه حقیقه مطالعات
آیه ده بولمشلردر :

انسان بدنندن عبارت دکلدرد. بوده ایکی وجه ایله ثابتدر :

۱ — بدنی تشکیل ایدن شیلر دائماً تبدل وتغیره معروض اولدیغنی حالده
انسان ، انسان اولمق اعتباریله اول عمردن آخر عمره قدر باقیدر . برمدت
ظرفنده باقی اولان شی ایسه ینه اومدت ظرفنده باقی اولمان شیک غیری اولمق
لازم کلدیکندن «انسان» کده بدنندن بشقه برشی اولسی لابددر .

۲ — انسان بعضاً بالجمله اعضاسندن غافل ایکن ینه کندیسنی بیلیر .
حالبوکه برزمانده بیلین شی ینه اوزمانده بیلنمین شیک غیری اولمق ایجاب
ایلدیکندن «انسان» کده بدننک غیری برشی اولسی ضروریدر . انسان
محسوس ومرئی برشی ده دکلدرد. چونکه محسوس ومرئی اولان شی سطح ولون
اولوب، انسان ایسه نه « سطح » نده، « لون » در .

بوندنصکره علما «انسان» ک حقیقتی تعینده اختلاف ایدوب کیمی آنک
بو هیکه حلول ایتمش بر جسم لطیف اولدیغنه، کیمی ده غیرمادی برشیدن عبارت
بولدیغنه قائل اولمشلردر. «انسان» ک بو هیکه حلول ایتمش بر جسم لطیف اولدیغنه
قائل اولانلر دخی ایکی فرقه یه ایرلشلردر :

فرقه اولی : اجسامک تمانله — یعنی هپسناک ، حقیقت واحده افرادندن بولنان
اجزاء فردهدن ترکیه — ذاهب اولان متکلمیندر . بونلرک قوللرنجه شو هیکل
ایله اکا حلول ایتمش اولان وکندیسنندن «انسان» دیه تعیر ایدیلن جسم ،
متانل وبلماهییه متحد اولوب بیلنرنده اصلا فرق یوقدر . شوقدرکه اجزای بدن
اول عمردن اخر عمره قدر بالدفعات تبدل وتغیر ایلدیکی حالده بدنه حلول
ایتمش وکندیسنندن «انسان» دیه تعیر ایدلمش اولان جسمک اجزاسی اوکی
تبدلات وتغیراندن مضمون قالمقده واول عمردن اخر عمره قدر حیاتلرنی محافظه
ایدرك وقت موعودینک خلولیه اوحیات زائل اولنجه بدنه «موت» دنیلن
شی طاری اولمقدهدر .

فرقه ثانیه ده : اختلاف اجسامه — یعنی هر جسمک بر باشقه ماهیتی حائر
اولدیغنه قائل اولانلرددر . بونلرک مذهلرنجه اجسام ماهیت اعتباریله یکدیگریه مغایر

و مخالف اولدیغدن شوهیكل ایله اكا حلول ایتمش اولان و کندیسندن «انسان» دیه تعبیر ایدیلمن جسم ده یکدیگرده مغایروماین اولوب هیكل عاداتا جادات قیلندن بر جسم کشف ظلمانی، اكا حلول ایتمش اولان انسان ایسه لذاته ذی حیات نوغدن بر جسم لطیف نورانیدر. هیكل علی الدوام تبدل و تغیره معروض اولدیغی حالده او جسم لطیف لذاته حی و منیر اولدیغدن هر درلو تبدلات و تغیراتدن محفوظ اولوب اول عمردن اخر عمره قدر بدنده فعالیتنی اجرا ایلمر. اسباب موت بدنه عارض اولدقده او جسم لطیف نورانی بدنن خروج ایدرک اکر سعید ایسه عالم سهاواته و عالم قدس و طهارته، اکر شقی ایسه عالم دوزخ و عالم آفانه واصل اولور.

انسانک غیرمادی برشیدن عبارت بولندیغه قائل اولانلره کنججه، بونلرده بروجه آتی مطالعه ده بولمشلردر: انسان بو هیكله حلول ایتمش برشی دکادر. زیرا انسان غیرمادی اولوب نه متحیزدر، نده بر متحیز ایله قانمدر. کذلک بو عالمک نه خارچنده، نده داخانددر. چونکه بودخول و خروج دخی خواص مادیاتدندر. بونک بویه اولدیغی ده ایکی وجه ایله ثابتدر:

اولا: انسان کرک فعلاً، کرک عفاً، کرک و همماً انقسامی قابل اولمیان برطاقیم شیلری بیلیر. جزو فردلر و نقطه لر کی. اولیه ایسه بونلره تعلق ایدن علم ده دماغ و یا سائر عضوده غیر مرتسم و بناء علیه غیر منقسم اولمق لازمکلیر. چونکه دماغ و یا سائر عضوده مرتسم اولان صور علمیه هپ حواس خمس ظاهره و اسطه سیله اشیاى خارجه دن مقببس و مترع اولوب حواس خمس ظاهره نك حس و ادراک ایدجکی اشیاى خارجه ایسه علی العموم مرکب و قابل انقسام اولدیغدن آنلردن اخذ و اقتباس اولنان صور ذهنیه و ذماغیه نك ده مرکب و قابل انقسام اولمسی اقضا ایدر. اکر بویه اولمز ایسه صورت ایله ذی صورتک عدم تطابق لازم کلیر. بو ایسه بلاشک باطلدر. قابل انقسام اولمیان شیلره تعلق ایدن «علم» ده غیر منقسم و دماغ و یا سائر عضوده غیر مرتسم اولمجه اولم الله متصف اولان شیئک دخی غیر منقسم و غیرمادی اولمسی ایجاب ایدرکه ایسته اوده جسم و جسمانی اولمیان و کندیسندن «انسان» دیه تعبیر ایدیان بر جوهر مجرددر.

ثانیاً: انسان واجب الوجود و سائره کی مجرداتی تصور و وارفتلری تصدیق ایلمر. اکر انسان بو هیكلدن و یا اكا حلول ایتمش بر جسمدن عبارت

اولسهیدی شو تصور و تصدیق کنیسنه ممکن اوله مایه جق ایدی . چونکه
 هیکل اولسون ، هیکله حلول ایتش برشی اولسون جسم و جسمانی اولدیغندن
 مجردات ایله برکونا مناسبتلری یوقدرکه آنلری تصور و وارقلرینی تصدیق
 ایدیه یاسونلر . برده قوای جسمانه ده مرتسم اولان صور عالییه نکه هپ محسوسات
 و مادیاتدن اخذ و اقتباس ایدلمش اولملری لازم و لابددر . بو ، لازم اولتجه صور
 مجرداتک قوای مذکورده ارتسام ایتش اولسی قابیلدر ؟ اوله ایسه مجرداتی
 تصور و وارقلرینی تصدیق ایدن شئیک جسم و جسمانی دکل ، بلکه غیر مادی بر
 جوهر اولسی تعین ایدرکه مطلوب ده بوایدی .

۹ توموز سنه ۳۱۴

علم انسانه دأثر بر ایکی سوز

علوم انسانی و ادراک بشری ایکی قسیدر : بریمی بدیهی ، دیکری ده نظری
 و کسیدر . بدیهی اولانلر حواس خمس ظاهره واسطه سیله دماغه رسم و نقش
 اولان صور محسوسات و « بر ایکنیک یاریسیدر » و « کل جزئندن بیو کدر »
 کچی بعض معقولات ایله وارانغی ، آچلغنی ، صوسزلغنی بیاسمک مثالی اولیات
 و وجدانیات اولوب کچی و نظری اولانلر ده فکر و نظر طریقله استحصال
 ایدیلان معانی و ادراکاتدر .

حسیات ایله وجدانیات انسان ایله سائر حیوان بینده مشترک ایسه ده بدیهیه
 اولسون ، نظریه و کساییه اولسون ، بتون معقولات انسانه مخصوص اولوب
 حیوانات سائرندک انده نصیبی یوقدر . بونک ایچوندرکه حسیات و ادراکات
 حیوانیه حین خلقتدن بری اصلا ترق ایتماش وهان اولدینی مرتبه ده علی حاله
 قمشدر . مثلا آری نوعنک بوندن یوز عصر اول علمی ، هنری نهدن عبارت
 ایدیسه ایوم یته اندن عبارت اولمش و انواع سائرده عینی حکمه ده بولتمشدر .
 یته بونک ایچوندرکه بایمندن هر نوعک افرادی اونوعه مخصوص اولان
 بر فعله . بر هنر چالیسه گمش وهایی او فعلی اجراده هان مساوی قاهره

برسی دیگرینه تفوق ایده مامشدر. انسان ایسه بویه اولیوب قوه عقیده وملکه فکریه سی سایه سنده شمدی به قدر نجه مختبرات عجیبه وصناعات غریبه ظهوره کتورمش والی ماشالله کتوره جکی دخی درکار بولنمشدر. انجق سورسی شایان دقدرکه انسان بوجهته ده حیوانات سائرده تفوق اتمش ایسه ده معقولات نظریه سی استحصال وافعال فکریه سی موقع اجزایه ایصال انجون مطلقا برمعلمه، برمرشده محتاجدر. حتی برانسان نه قدر یشارسه یشاسون، ولوکه بیک سنه معمر اولسون، برمعلم و مرشده ملاقی اولدقچه ویا اندن تعلم علوم، تدرس قنون ایتدکجه اجرای معرفت و اختراع صنعت شویله طورسون اولدقچه بر معیشت معقولیه بیله مظهر اوله مز، فیاض قدرت طرفدن کندیسنه احسان بیورلمش اولان قوه عاقله وملکه فکریه سنک نصل وزده ده استعمال اولته جغنی بیله مز. نجه عصر لردن بری کیش، کچمش و بوکون دخی اولاد واحفاد لری ده کندی عادات و اخلاق لری محافظه ایتدکه بولنمش اولان میلیونارجه اقوام وحشیه نیک احوال واطوارینه امانه نظر اولدقده شوسوزمزک حقیقته شبه قلماز.

زیرا کوریدورکه اقوام مذکورده بشریتده بزمله مشترک اولدقاری و بناء علیه بالقوه نیک چوق شیلره مقتدر بولندقاری حالده بوانه قدر ایچلرنده برمعلم و برمرشد ظهور ایتدمش ویا خود اتمش ایسه ده حکمسز قلمش اولدقندن کالات بشریه دن محروم قالمشاز وشمدی به قدر معیشت جوانیه به قریب برمعیشته یشایه کلمشدر.

اگر برمعلمسز و برمرشدسز کسب کالات و تحویل معلومات انسانه ممکن اولسه ایدی اقوام مذکورده بویه حال وحشیده قلماز ایدی و هر قوم برنسبت متناسبه ده کسب معلومات واحراز کالات ایدرک شمدی به قدر دنیا ده علوم و معارفدن محروم هیچ برملت بولنمز ایدی. نه حاجت، ایشته امریقا قطعه جسیه سی میدانده طور بیور. بوقطعه اهالی سی اوراده نجه عصر لر امرار حیات ایشلر و حالبوکه او اوزون هم ده نیک اوزون مدت طرفنده هیچ برهنز و هیچ برکال ابراز ایده مامشدر و بناء علیه کندیلری درکه سفلا ی حیوانیه دن خلاصه موفق اوله مامشدردی. بوندن در بیوز سنه اول قطعه مذکورده کشف اولدی. بعده اورایه برچوق علما وحکما کوندرلدی. اهالی به علوم و فنون تعیم ایدلدی. اهالی چالشدیلر و یواش یواش ترقی به باشلادیلر. نهایت شمدیکی درجه به واصل اولدیلر و کندیلری بون جهان به بکندر دیار. حتی بوکون کندی کلمشدرنه، کندی مریبلرینه بیله سیاست و اصول مدنیت درسی ویرمه قیام ایتدیلر.

اوقدر اوزاغه کتمیده لرؤم یوق . ایشته بوکون ترقیات مادیاسنه حیران اولدیغمز اورویا دخی بوندن درت بشیوز سنه اوله کنجهیه قدر عینی حالده اولوب اهالیسی یکدیگری تک درجه سنه کلامشارمی ایدی ؛ بعده برطرفدن قون یونانیه ، دیگر طرفدن ده علوم اسلامییه وارث اوله رق بوقون ، بوعلوم سایاسنده ترقی ایده ایده نهایت شمیدیکی حال حیرت اشتالی احراز ایلدیارمی ؟

براسه مستند اوله رق کسب کجالات و تحصیل معلومات انسانه ممکن اولسه ایدی قبل الکشف امریقا اهالیسی بولجه عصر لر ظرفنده حال وحشده قالیریدی ؛ کذلت اورویا اهالیسی ده درت بش یوز سنه سنه اوله کنجهیه قدر وحشیانه بر صورتده یکدیگری اکل و بلنه اوغراشیر لرمیدی ؛ مادامکه انارده انسان ایدیلر ، تعمیق افکار ایدرک برهنه ، بر معرفت کویسترماری و معقول بر صورتده کسب مدنیت ایلاری و شمیدی اولدینی کجی اوزمانارده دخی بیکرجه حکما و علماییتشدرماری اقتضا ایتمی ایدی ؛

ایشته شو احوال مسروده قطعاً دلالت ایلورکه انسان بر معلم و مرشدده ملاق اولوب علی حاله قالدقجه قوه عاقله و ملکه فکریه سندن بوجه مطلوب استفاده ایدمیور و ایتمک احتمالننده پک بعید بولنیور . بلکه اولنمته نائل اولاق ایچون هر حالده بر رهبرده عرض احتیاج ایلور . « ای انا انسانلری تعلیم وارثاد ایدن ، علوم و فنونک اساسنی وضع ایلین ینه انسانلر دکلی ؛ » طرزنده بر سوال ایراد اولور ایسه جواباً دیرزکه : اوت انسانلردر فقط بزم کجی عادی انسانلر دکل . انلر موید من عندالله انسانلردرکه کندیلرینه « انباء » نامی ویرلش و مشکاة نبوتلری سایاسنده خلق سمات ماده و معنویه لرینه نائل اولمش ، بتون عالم اومشکاة منیردن اقتباس انوار و انجق بو سایه ده علوم و فنون جهانیه انتشار ایلشدر .

آدم . ادریس ، شیت علمهم السلام ده هندده ظهور ایتش اولدقلری ، علوم و فنونک ده اورادن مصره ، مصر دنده ایران و یونانه انتقال ایلش اولدینی حق الانصاف تأمل ایدیلر ایسه شو جوابمک مقارن حقیقت اولدیغنده شبهه ایدیلر مز صابیر . والسلام علی من اتبع الهدی .

مسالك ارشاد

مسلم ارباب عقولدرکه دین و مذهب جسم ملتک روحی مٹابه سنده در ،
روح سر جسم پایدار اوله مدیعی کچی دین و مذهب سزده بر ملت پایدار اوله من .
روح ملت اولان دینی ، حفظ و حمایه ایسه الوهیت ، نبوت ، معاد کچی اصول
دینی هر صنفه حال و شانسه موافق براهین و دلائل ایله تعلیم و تفهیمدن بشته
بر طریق ایله اولمق تصور ایله من .

هله بو باده جبر و شدت ابرازی اصلا جائز اولماز . چونکه ایمان ، افعال
قلیه دندر . قلبه ، وجدانه بریشی جبراً قبول ایتدیرمکه چاشمق اوشی حتمده
دها زیاده موجب نفرت اولمقدن باشته بریشی مفید اولماز .

علوم و فنونک پک چوق متری اولدینی و بناءً علیه دین و علوم آردسند
عادتاً بر تضاد کامل واردر ، ظن اولندی بی بویه بر زمانده ارکان دینه و حقایق
اسلامیه می دلائل واضح و براهین قاطعه ایله ارباب فنون و اصحاب معارفه قارشو
انبات ایتمکه و بوضوورتله آنلری دین و ملت مزه محبت ایتدیرمکه اشد ثروم واردر .
هر مشکلمزی حله ، هر احتیاج می دفعه کافی ، انسانیت و بشریته تعلق ایدن
بالمله فضائل و وظائفی تعلیمه وافی اولان قرآن معجز بیان نوع بشرک اصل
تعلیم و تربیه ایدیه جکینی و دائره انسانیت و مدنیتنه نه یولده رشاد اوله جغنی بیان
و ایضاح ایتمکده در . از جمله (سوره نحل) ک یوز بگرمی بشنجی : (ادع الی
سبل ربك بالحكمة والموعظة الحسنة وجدلهم فإني هي احسن ان ربك هو اعلم
يمن ضل عن سبيله وهو اعلم بالمبتدین) آیت جلیله سی بیانی حد دنده بولدیغمز
تعلیم و ارشاد مسالک کربنی بر صورت معجز کارانده بیان ایتمکده در که مال صبی
« رسول ذیشانما مبعوث اولدیغک ناسدن هر طایفه می کندی حال و سامنه موافق
دلائل ایله ارشاد ایله . خواص امتی مقالات محکمه و براهین قطعیه ، عوام ناسی
دخی مواظف نافیله و دلائل مقنعه ایله دین حقه و طریق اسلامیه دعوت ایت ؛
معاند لری ده جمله چه ویا آنلرجه مسلم و مشهور اولان مقدمات ایله التزام و آنلره
قتاعت و یرده جک مجادله حسنه یه رفق و ملائمه اهتمام ایله سنک اوزریکه واجب
اولان شی بومنوال اوزره خالقه تبلیع احکام و حقایق اسلامیه می هر کسه اعلام

اولوب آنرا همچون حصول هدایت و بالفعل مطلوبه و صلت ایسه سنک وسعت
خا، جنده در . ربك تعالى حضرتلری ضالالت اوزره قاله جق اولانلر ایله قبول
هدایت ایددجك اولانلری بیلور وهر ایکیسنده مستحق اولدقلری مجازات
ومکافاتى ویرر . « دیمکدر .

فخرالدین رازی جناب حنك شو آیتده رسول اکرمه حکمت وموعظه
حسنه ومجادله مستحسنه دن عبارت اولان طرق ثلاثه ایله ناسی دین مین وصرط
مستقیمه دعوت وارشاد ایتسنی امر و فرمان بیورمش اولدیغنی و بو طرفك بعضیسی
بعضیسنه معطوف اولمغه یکدیگرینك عینی اولیوب بهری باشلوباشنه برمسلك ارشاددن
عبارت بولدیغنی ذکر و بیاندنصکره طریق ارشادك شو اوچ قسمه انحصاری
بروجه آتی اثبات ایدوب دیورکه :

خلق بر مذهب واعتقاده دعوت همه حال بر حجت و بینه یه مستند اولمق
لازمدر . حجتی ذکر دن مقصد ایسه یا اومذهب واعتقادی قلوب سامعینده یرلشدیرمك،
یا خود معاندینی افحام و الزام ایتمکدر .

قسم اول ایکی یه مقصددر . چونکه قلوب سامعینده بر مذهب واعتقادی
یرلشدیرمك ایچون سرد و اتیان اولنان حجت یاقتضیه احتمالدن مبرا ومعرا اولور
ویا بویله اولیوب بلکه ظن ظاهری واقعا کاملی افاده ایددجك برحاله بولنور .
بناء علیه شو تقسیم ایله خلقی بر مذهب واعتقاده دعوت وارشاد زماننده سرد
ایدیله جك حجتلك بروجه آتی اقسام ثلاثه یه انحصاری ظاهر اولیور :

۱ — عقائد یقینیه یی افاده ایدن حجت قطعیه درکه اشرف درجات واعلای
مقامات اولوب حکمت تسمیه اولمش و (ومن یؤتی الحکمة فقد اوتی خیرا
کثیرا) آیت جلیله سیله هم کندی ، هم ده متصفی مظهر توصیف ربانی ، نائل تجیل
سبحانی اولمشدر .

۲ — امارات ظنیه ودلائل اقناعیه درکه موعظه حسنه دن عبارتدر .

۳ — کندینسی ذکر دن مقصد الزام خصم اولان دلائلدرکه اوده جدلدر .
جدل ایکی قسمدر . برسی جمله جه ویا یالکتر خصمجه مسلم ومشهور
اولان مقدمات مقبوله دن ، دیگرى ده هیچ برکیمسه جه مسلم ومشهور اولیان
مقدمات باطله وفاسده دن مرکب اولان دلیلدر . جدلك بوایکنجی قسمندن
مقصد ایسه نظر سامعینده بر طاقم حیل باطله وطرق فاسده ایله ترویج مراددر .

بونک ایچون اهل فضلک یوقسم اول ایله استدلالی لایقدرکه (وجادلهم بالتی هی احسن) قولیه رسول اکرم اقدمز حضرتلرینک معاندلر ایله مکالمه سنده مأمور اولدیغی جدلدن مقصد دخی بوقسم اولدر. ایمدی شو بیانمزه، مقام دعوت و حال ارشاده سرد و اتیان ایدیله جک حجج و دلائلک بوآیتده ذکر اولنان اقسام ثلاثیه انحصاری قطعاً ثابت اولور.

حضرت امام شو مقدماته بناء شو نتایجی دخی اتیان، دیورکه: ناس، اوچ طائفه در. برنجیسی معارف حقیقه و علوم نافعیه طالب اولان کاملر درکه حین دعوتده بونلرله مکالمه آنجق حکمت یعنی دلائل قطعیه ایله ممکن اوله بیلور. ایکنجیسی طبیعت و خلقتلرنده سوفسطائیک خصصات قیحه سی غالب اولان ناقصلر درکه زمان ارشاده آنلر ایله مکالمه ده آنجق افحام و الزامی افاده ایدن مجادله ایله حصول پذیر اولور.

اوچنجیسی شو ایکی طرف آردسنده واسطه اولوب دلائل یقینه و معارف حکمییه نی فهم و اذعان استعداددن محروم بولنان و فقط خلقت اصلیه و سلامت فطریلری اوزره باقی قالان و بوجهته نه کالده حکم ای محققین مرتبه سینه ترقی، تاده نقصان و ردالتده معاندین درکه سینه تدنی ایتش اولان کیمسه لر درکه حال دعوتده بونلر ایله مکالمه دخی آنجق موعظه حسنه ایله قابل اوله بیلیر.

فخرالدین رازی حضرتلری مسالك ارشادی برمنوال سابق بیان و ایضاحی متعاقب شو آیت کریمه نیک - ترجمه ایتدی کمز و جهله - معانی منیفه سنی و متضمن اولدیغی بعض لطائف شریفه سنی ده بیان ایتدکن مکرر بوبابده کندیسنجه مختار و مرجح اولان وجه تفسیری دخی بروجه آتی اتیان ایدوب دیورکه:

جواهر نفوس بشری بالماهیة مختلف اولوب کیمیسی عالم جمالیته قلیل التعلق و عالم روحانیته کثیرالانجذاب اولان نفوس مضیئه صافیة، کیمیسی ده عالم جمالیته قوی التعلق و عالم روحانیته عذیم الاتفات اولان نفوس مظلمه جاهله در. بو استعدادات، جواهر نفوسک لوازمندن اولمغه آنلردن انفکاک و زوالی مستمدر. بونک ایچون حق جل و علا حضرتلری حبیب اکرمه «سن آنجق دعوتده اشتغال ایت، هر کس ایچون حصول هدایته طمع ایته. زیرا ربک تعالی و تقدس حضرتلری نفوس مظلمه جاهله نیک ضالانده فاله جغنی و نفوس مشرقه صافیة نیک ده نور هدایتده شور و اشراق ایله جکنی بیلور» بیور مشدر. فصل که هر نفس ایچون بر فطرت

مخصوصه و بر ماهیت مختصه اولدیغنه (فطره الله التي فطر الناس عليها لا تبديل لخلق الله) قول شریفی دخی شهادت ایتمکده در .

فیخرالدین رازی حضرتلرینک یوقارودنبری نقل و ترجمه ایلدیکمز توضیح محققانه و تفسیر حکیمانه سندن اکلاشیلورکه ناس ، (خواص) ، (عوام) ، (معاندین) طائفه لرندن اولمق اوزره اوج قسسه منقسم اولوب دین حق و طریق سلامته بولری ارشاد مقامنده کندیلرینه قارشو سردی لازم کلان ادله نکل بالطبع بشقه بشقه اولسی ایجاب ایده جکندن (ادع الی سبیل ربک الخ) آیت جلیله سیله رسول اکرم افندمز حضرتلری هر صنفک کندی حالنه مناسب براهین و دلائل سوق ایله تبلیغ احکام و ارشاد انامه مأمور اولمشدر .

طوائف ثلاثه نکل احواله رعایتله تبلیغ احکام و ارشاد انام هر عصرده موجود اولان علوم و فنونک تحصیلنه متوقف اولدیغی ایچون بزم دخی شو عصرده کی فنون موجوده یی تحصیل ایتمز البته لازمدر . زیرا زمانمزده طائفه عالیه علوم طبعیه ایله مشغول اولوب حتی برطاقم عملیات ایله قوانین طبعیه نکل نه صورتله ابراز آثار ایستدیکنی کورد کلرندن بتون کائناتک و کافه مصنوعاتک احدائی بر ماده ایله اوماد نکل قوتنه اسناده قدر واریورلر . اوله ایسه اوفلری تحصیل ایتملی که آنلرک شبهه لری نهدن عبارت اولدیغی بر تفصیل بیلنسوند آکا کوره برهان اقامه سیله کندیلری دوشدکاری کرداب ضالادن تخایص ایله بیاسون . زیرا بر مرض تشخیص اولمده جقه تداوینی غیر قابلدر .

سنه ۳۱۴

عدالت

عدالت ، افراط و تفریط بیتده بر امر متوسطدر . عدالتک حائر حسن ذاتی بر صفت عالیه اولدیغی مسلم انامدر . چونکه بونک قبحنه قائل اولمش ویا اوله جق هیچ کیسه ، هیچ بر شخص متصور دکادر ، انک الظالم ، انک غدار ، انک وحشی بر کیسه یه بیلله عدالتک نه دیمک اولدیغنی بیلدیر دکدن سوکرا « بونک ای بر شی اولدیغنی انکار ایده بیلور میسکنز ؟ » دیه سورولسه ، انک

طرفدن : « اصلا : » جوانی وریله جکنده شبهه یوقدر . حقیقت حال بو مرکزده بولدینی حالد غریبدرکه خلقت بشردن بری بو خصلت عالیہی احراز ایدن ذوات پک نادر اولهرق کورلمشدر . عجبا بونک سببی نهدر : اوت ، حسن ذاتیسی هر کسجه مسالم اولان بویله بر صفت جلیله وخصلت مدوحیه اکثر ناسک بیکانه بولومسی نه کبی آسیابه منی در ؟

بو سؤاله جواب ویرمک ایچون انسانک حائر اولدینی قوتلر و بو قوتلرک هانکیسی هانکیسنه غالب اولدینی ونتایجی تأمل لازمدر . معلومدرکه انسانده درت قوت واردر :

شهوایه ، غضبیه وهمیه ، عقلیه . بوقوای اربعه دن دردنجیمی اولان قوه عقلیه ملکیه تأدیب وتهذیبه محتاج دکادر . چونکه بو قوت ارواح قدسیه علویه نتایجیدن اولوب انسانی دائما خیراته ، معالییه سائقدر . بویله پک ، هر درلو ساسبه کدورتدن مزه ، مقدس بر قوتک تأدیب وتهذیبه غیر محتاج اولدینی شهه سزدر . فقط دیگر قوتلر همه حال تأدیب وتهذیبه محتاجدر . چونکه اونلر صرف حیوانی ، صرف بهیمی وشیطانی بر طاقه قوتلردر . بولردن قوه شهوایه لئانده شهوایه تی تحصیله ، قوه غضبیه خلقه شر و بلا واذای ایصاله ، قوه وهمیه ده خلقت اوزرینه تسلط وتحکمه و اظهار ریاست ایله ترفع وتقدمه انسانی سائقدر . ایسته کورولیورکه بو قوتلردن انسانی خیره سوق ایدن یالکیز بری اولدینی حالد دیگر اوچی انسانی دائما شره سوق سوق ایتمکدهدر . عین درجهده بولان بوقوای اربعه دن یالکیز برینک دیگر لرینه مقاومت ایده میه جکی ایسه اجلائی بدیهاتنددر . بونک ایچون خلقت بشردن بری قوه عقلیه سنی دیگر قوتلرده حاکم ایده جک ذوات پک نادر اولهرق کمشدر . شو حالد بو اوچ قوتی ممکن اولدینی قدر تأدیب وتهذیبه جالیشملی که بین القوای بر نوع اعتدال حاصل اولسونده انسان نه تنون تنون علم لاهوته اتصال ایله شو دار دنیاده . موجودیت ناسوتیه سنه ترتب ایدن وظائفدن عبوروم قالسوان ، ندهه بالکلیه درکه سفلائی بهیمینه تنزل ایله بی نوعک باشنه بر بلائی مبرم کسپلسون . چونکه عدالت هر شیده لازم اولدینی کبی انسانک انسان اولمسنده لازم . وبلکده الزمدر . زیرا عدالتی اجرا ایده جک انساندر . کندی خلقتنده ، کندی خلقت اصلیه تی اعتباریه حائر اولدینی قوتلر آراسنده عدالت بولمازسه بی نوعه مکلف اولدینی وظائفنده اجرای عدالت وبل میدر .

فقط فضائل سائرده اولدینی کبی بوقوتلری دخی برحد اعتداله کتیرمک
 پک چوق مساعی به وابسته اولدینی و بو مساعی ایچون انسانک کندی کندینه
 ادراک ایدمه جکی پک چوق طرق ووسائلی بولندیغی جهتله الطاف الهیه و مراحم
 سبحانیه جمله سندن اوله رق بو طرق ووسائلی تعلیم و تفهیم ایدمک پک چوق
 انبیا ککش و نهایت بو وظیفه مقدسه یی ذکای بشرک دور تکاملی ایله مناسب
 اوله جق بر صورت مکمله ده ایضا مقصد قدسی الهیسی ایله خواجه کائنات علیه
 اکل التحیات اقدمز حضرتلری کافه امم واقومه بعث و ارسال بیورلمشدر، که
 « بعثت لائیم مکارم الاخلاق » [۱] حدیث شریفک مضمون عالیسی دخی
 بو خقیقی میندر . فضائل سائرده ن بخی بر وقت مناسبه تعلیق ایدمده
 شیمدیلک عنوان مجموز اولان « عدالت » ی بر آرتفصیل ایله لم :

حائر اولدیغمز قوی آراسنده عدالت لازم اولدینی کبی مکلف اولدیغمز
 شیلرک جمله سنده دخی عدالت لازمدر . از جمله اعتقادده عدالت لازمدر ،
 واجب الرعايهدر . اعتقادده عدالت اولا بر الهک وجودینی تصدیق ، ثانیاً
 او الهی بالجمله صفات کالیه ایله توصیف وبتون نقصان صفتلردن تنزیهدر . زیرا
 الهک وجودینی ویاخود صفاتی نفی ایتمک تعطیل محض اولدینی کبی ، « الله
 جسمادر ، جوهردر ، برطاقم اعضادن مرکبدر ، بر مکانه اختصاصی واردر »
 دیمک دخی تشبیه محضدر . اما « الله واردر ، بتون صفات کالیه ایله
 متصفدر ، جسمیتدن ، جوهریتدن ، اعضا و جوارحدن ، مکان وزماندن
 منزهدر » دیمک ایسه . بویکیسی آراسنده بر امر متوسط اولدیغندن ، عین
 عدالتدر . سائر مسائل اعتقادده ده حکم بویلهدر ، مثلاً « انسان ایچون
 قدرت و اختیار یوقدر » دیمک جبر محض اولدینی کبی ، « انسان افعالنده
 مستقلدر . کندیسندن صدور ایدن بتون فیلرک موجودی کندیسیدر »
 دیه اعتقاد ایلمک دخی قدر محضدر . چوتسکه بونلرک بری افراط ، دیکری
 تفریط اولدیغندن ایکیسی دخی مذمومدر . حالبوکه « انسانک افعال اختیاریهسی
 واردر . لکن انسان بوافعال اختیاریه یی جناب حقک کندیسنه احسان بیوردینی
 قدرت و قوی واسطه سیله اجرا ایتمکدهدر » دیه اعتقاد ایلمک شو ایکی اعتقاد
 آراسنده بر امر متوسط اولدیغندن ، عین عدالت و محض حکمدر .

کذا اعمال داده عدالت لازمدر ، واجب الرعايددر . مثلاً بعض اقوامک
 ظن ايتدکری کي تکالیف الهیهی بالکلیه نفی ایتک تقریط محضدر . ودیکر
 بعض اقوامک زعم ايتدکری کي لذاذ جسمانیه دن بالکلیه اجتناب ایتک و
 نفسی تعذیب خصوصنده مبالغه ایتک ، حتی تزوجدن بیه اجتراز واجتناب
 ایتک ، کندينی آتسه آتوب یاقق ، یوکسک بر محله حيقوب کنديلرنی آشای
 طوغرو آتمق صورتیه اتخاره تصدی ایتک افراط محضدر . بناء علیه بو
 ایکیسی ده شرعاً وعقلاً مذمومدر . حالبوکه بوتون تکالیف الهیه مجرد منافع
 عبادی تأمین مقصدینه مبنی اولدیغنه بناء بو تکلیفی بر نعمت عظما بیلهرک
 ازدل وجان قبول ایتک وسحت ابدانه مدار اوله بیله جاک اعذیه نافعیهی
 تناول ایتک وهر نوع کمالی تحصیلک موقوف علیهی اولان وجود انسانی بی
 محافظه خصوصنده لازم کان تدابیر صحیهیه توسل ایتک ونوعک بقاسی تناسله
 توالده متوقف اولدیغندن نساء ایله تزوجی لازم الاجرا بر امر اولمق اوزره
 تلقی ایتک ، شو ایکیسی آرسنده بر حالت متوسطه اولمغله ، بوده محض
 عدالت وعین حکمتدر . اعضاوجوارحهزه تعلق ایدن افعال سائرده ده دخی حکم
 بویلهدر . مثلاً : دین موسی علیه السلامده قاتل متعمدی همه حال قصاص ایتک
 لازمدر ، بو قاتلی عفو ایتک اصلاً جائز دکادر . دین عیسی علیه السلامده ده
 قاتلی همه حال عفو ایتک لازمدر .

بونک برنجیسی تشدید محض ، ایکنجیسی ایسه تخفیف محضدر . حالبوکه
 شریعتمزجه بو مسئلهده ولی مقتول طلب قصاص ایله عفو آرسنده مختاردر .
 بو ایسه شو ایکی حکم آرسنده بر امر متوسط اولدیغندن فی زماننا محض
 عدالت و موافق مصاحتدر . چونکه انسانلر نه زمان موساده (ع) اولدیغی
 کي بوتون بوتونه خشین الطبعدر ، نهده عصر عیساده (ع) اولدیغی مثلوه صوکه
 درجه لین الطبعدر . بو ایکیسی آرسنده متوسط بر حالده بولونان اقوامده ده
 بر حکم متوسط اجرایی البته موافق حکمتدر .

کذا بین الناس جاری اولان معاملاتده دخی عدالت لازمدر . ازجهله بیعده
 عدالت لازمدر . بایع برمالر دکریله صائلیدر . مشتری ده الیدی مالک متنی
 حین عقدده متاوله اولوندیغی وجهله ادا ایتلیدر . اجارده ، عقود سائرده ده دخی
 اولوجهله معامله جاری اولمالیدر . اگر بویله اولمازسه معاملات ناسه خلل طاری

اولور، ترقی و تعالی قابل اولماز. چونکه کیمسه کیمسه به امنیت ایتمز. امنیت اولما نجه تجارت ده اولماز. چونکه امنیت، تجارتک اس ال اساسیدر. تجارت ایسه روح مدنیت و مدار فیض و سعادت در.

کذا حکومتده عدالت لازمدر. زیرا عدالتسز حکومت پایدار اوله ماز. تکیم صحیف تاریخ بوکا بیوک برش اهددر. دنیانک هیچ بر طرفنده هیچ بر حکومت ظالمه نک پایدار اوله مدیغنی تاریخ بزه پک آجیق بر صورتده کوسترمکده در. تاریخ بو حقیقتی کوسترمه مش اولسه بیله بونی انکار ایده جک هیچ بر عقل سلیم متصور دکادر. چونکه بر حکومتده عدالت اولماز و شعبه سی ده بو عدالتسز لکه قارشی مسکینه تحمل ایدرک، هر درلو مظالمه بویون اکرک، حقوق طبیعه و مشروع لرنی استحصاله قیام ایتمز و یا خود قیام ایتمکی حالده العیاذ بالله بوکا موفق اوله ماز ایسه لر هر ج و مرج اوله جقلمی و بوفرصتن بالاستفاده حکومت متجاوزنک مداخله و استیلاسنه معروض قاله رق مملکتلرنی، ملتلرنی غائب ایده جکلری شهه سزدر.

بناء علیه بشرتی صوری و معنوی اوج کاله، باجمله اقوام و مللی صراط مستقیمه، بتون حکومتی منهای سعادتیه ایصال ایده جک و سائطک الک مهی واک برنجیسی هر خصوصده اجرای عدالت و بتون افعال و اطوارده حقانیه رعایت در.

سنه ۳۱۴

علم نه در؟

«علم» لغتده «بیلیمک» معناسنه موضوعدر. ایکی شی اقتضاً ایدر: بریسی بیلنه جک بر صورت و بر مسئله، دیکری ده «بیلیمک» کندیسینه بقا بوله جق بر قوت و بر مانکدر. «علم» لفظی بو ایکی شیدن هر برینه دخی اطلاق اولنور. بوکده یا حقیقت عرفیه و یا اصطلاحیه، و یا خود مجاز مشهور نامی و بریلیر. «معرفة» کلمه سی ده «علم» لفظی کبی «بیلیمک» معناسنه ایسه ده بیلرنده وجوده ثلاثه ایله فرق واردر:

وجه اول — «علم» کلی و مرکبده، «معرفة» ایسه جزئی و بسیطده

استعمال ایدیلیر : یعنی بر ماهیت کلیه‌ی وی یا خود بر حقیقت مرکبه‌ی ادراکه « علم » ، بر ماهیت جزئیه وی بر حقیقت بسیطه‌ی ادراکه دخی « معرفه » اطلاق اولتور . بونک ایچون « علمت‌الله » دینزده « عرفت‌الله » دینور .
وجه ثانی — « علم » بلا واسطه « معرفه » ایسه بلا واسطه بر شی ادراکه ایتک معناسنده استعمال ایدیلیر . بوسبیله « الله عالدر » دینلدیکی حالده « الله عارفدر » دینلمز .

وجه ثالث — « علم » بر شیدک‌کنه و حقیقتی ، « معرفه » ایسه بر شیدک آثار و اوصافی ادراک معناسنده استعمال اولتور ، بونک ایچون « فلان عارف‌بالله‌در » دینله بیلیر ایسه‌ده « فلان عالم‌بالله‌در » دینلمز . چونکه‌کنه و حقیقت باری‌ی بیلمک کیسه‌یه میسر دکلدر .

ایشته « علم » و « معرفه » لفظلرینک معانی و مواقع استعمالرینه دأثر اهل لسان و لغتک خلاصه‌ی اقوالی بوندن عبارت اولوب از باب کلام و حکمتک اولباده‌کی خلاصه‌ی اقوالی دخی بوجه آتی نقل اولتور .

اولاً شوراسنی اخطار ایدلم که بزم « بیلمک » دیه ترجمه ایلدیگمز « علم » ایکی قسمدر : بزیسی « علم مطلق » دیکری « علم مقید » در . « علم مطلق » دیمک بر تنی ایله تقیید اولتمسزین یالکمز بیلمک دیمک اولوب « علم مقید » دیمک دخی بر شیله تقیید اولنه‌رق مثلاً « ایاصنوفیه جامع شریفی بیلمک » دیمکدر . بوراده موضوع مجتمز اولان « علم » دن مقصد علم مقید دکل ، علم مطلقدر . ایشه بو علم مطلقده بوجه آتی اوچ مذهب واردر .

مذهب اول : علم مطلق ضروری و بدیهی اولوب تعریفه عرض احتیاج ایلر و حتی تعریفی قبول بیله اتمز . امانه رازی بو مذهبی اختیار اتمش و بونک حقیقته ایکی وجهله استدلال ایلشدر :

وجه اول : هرکس کندی موجودیتنی یعنی کندیسنک وار اولدیغنی ضروره‌ی و بداهه‌ی بیلیر و بو بیلیش بلا کسب ولا نظر کندیسنه حل اولور . یعنی بر طاقم امور معومه‌ی تربیب ایتکمزین کندیسنک موجودیتنی حس و ادراک ایلر ؛ بو بیلیش ایسه « کندی موجودیتنی » دیدیگمز بر معلوم معین و مشخصه تعلق اتمش اولدیغندن بر « علم خاص » و بر « علم مقید » اولوب « علم مطلق » آندن جزمدر . زیرا مطلق « مقید » لک ذات و حقیقتی اشکیل

ایدن اجزادن بریسیدر . از جمله « کندی موجودیتنی بیلمک » دن عبارت اولان مثالز مقید بر علم و مرکب بر ماهیت اولوب « کندی » و « موجودیتنی » قیدلری ایله « بیلمک » علم مطلقدن ترکب ایتشدر . بر شئک جزئی ایسه خصوصات سائرده اولدینی کبی « بیلمک » خصوصنده کندینه سابق و مقدمدر . یعنی بر شئک ترکب ایتدیکی اجزا برر معلوم اولدقجه اوشئک کندیسنی بیلمک غیر قابلدر . بو حالده مادامکه « کندی موجودیتنی بیلمک » علم مقید و مرکبی هر کسه بالبداهه معلوم وبلا نظر ولا فکر حاصلدر و مادامکه « بیلمک » خصوصنده بر شئک جزئی کندینه سابقدر ؛ اوایله ایسه شو علم مقید و مرکبک ترکب ایلدیکی « کندی » و « موجودیتنی » قیدلریله « بیلمک » علم مطلق دخی آیری آیری هر کسه بالبداهه معلوم وبلا فکر ولا نظر حاصلدر .

وجه ثانی : اکر « علم مطلق » کسبی ونظری اولوب بر شی ایله تعریف ایدیلجه جک اولورسه یا کندی نفسیله ویا خود باشقه بر شی ایله تعریف اولنق اقتضا ایدر . اوچنجی بر احتمال دها یوقدر . حالوکه بویکی احتمالک ایکیسیده باطلدر . زیرا علم مطلق کندی نفسیله — یعنی بیلمکی بیلمک ایله — تعریف دوری مستلزم اولدینی کبی بشقه بر شی ایله تعریف دخی دوری مستلزمدر . چونکه « علم » دن بشقه بر شی ، آنجق « علم » ایله بیلینر . اکر « علم » ده اوشی ایله بیلمه جک اولور ایسه « علم » ی بیلمک او شئی بیلمکه ، اوشئی بیلمکده « علم » ی بیلمکه توقف ایدرکه استلزام دورک معناسی دخی بودر .

مذهب ثانی : علم مطلق ، ضروری ویدیعی اولوب بر شی ایله تحدید یعنی بر طاقم امور معلومه یی ترتیب ایله کندیسنی تعریفه احتیاج واردر . شو قدرکه طوغریدن طوغری به تحدید و تعریف متعسر اولدیندن عام مذکور تقسیم و تمثیل ایله تعریف اولنور . تقسیم ایله تعریف شویلددر : اعتقاد ایکی قدردر . بری واقعه مطابق ، دیگریدده واقعه غیر مطابقدر . واقعه مطابق دخی ایکی قسمدر : بری ثابت ، دیگریدده غیر ثابتدر . ایسته بو تقسیمدن واقعه مطابق ونسندده ثابت بر « اعتقاد جازم » حقیقی حاصل اولدی که اوده علم یقینی دیتک اولوب « جازم » قیدیله « ظن » دن ، « واقعه مطابق » قیدیله « جهل مرکب » دن ، « ثابت » قیدیله دخی « تقلید مصیب » دن تمیز ایلدی . علم مطلق تمثیل ایله تعریف دخی شویلددر . « علم » دینیلن شی قوه باصره نك ادراك واحساسی کبی بر « ادراك بصیرت » ویا خود بزم « بر ، ایکنک یاریسیدر » ديه اعتقاد ایلدی کمز

کبی بر « حقیقت » در. امام غزالی « منطقدمه بیان اولئان جنس ایله فصنی جامع بر عبارهٔ مجرره و موضحه ایله علمی تحدید و تعریف ایتک امر عسیردر » دیدکنن
 ضکره آنفاً ذکر اولئان تقسیمک حقیقت علمی بر درجهیه قدر تمیز و ادراک باصره
 ایله تمثیلک ده بو حقیقتی ینه بر درجهیه قدر تفهیم ایلدیکنی بیان ایلش و غزالی نیک
 بوسوزندن کند و سنجه دخی علمی، حد حقیقی ایله تحدید و تعریف متعسر ایسه ده
 تقسیم و تمثیل کبی وجوه ساثره ایله متعسر اولدیعی آکلاشلدشدر .

مذهب نالت — عام مطلق کسبی و نظری اولدینی کبی آنی برشی ایله تعریف
 متعسر در. بو مذهبه سالاک اولانلر علمی بر وجه آنی تعریف ایتشلر در .
 معتزله شویله تعریف ایلدی :

علم — بر شئی نفس الامرده اولدینی اوزره اعتقاد ایتکدر . واقعه مطابق
 اولان تقاید دخی بو تعریفده داخل اولوب تقاید مذکور ایسه علمک افرادندن
 اولدینی جهته معتزله نیک شو تعریفی اغیارینی غیر منعدر . اگر چه معتزله مؤخرأ
 بو تعریفه « بدهامت » و « حجت » قیدلرینی دخی علاوه ایدرک علمی « بدهامته و یا بر
 حجت استناداً بر شئی نفس الامرده اولدینی کبی اعتقاد ایتکدر » دیه تعریف ایلشدر
 و بو صورتده تقاید مذکورک تعریف علمده دخوانی منع ایتشلر ایسه ده « اعتقاد
 راجح » یعنی دلیل ظنیدن حاصل اولان « ظن قوی » بو تعریفده باقی قالدینی و بو
 ظن قوی ایسه افراد علمدن اولدینی جهته تعریف مذکور ینه اغیارینی مانع
 اوله مامشدر . مکرکه « اعتقاد » سوزی حسب الاصطلاح « اعتقاد جازم » تخصیص
 ایلش اوله . مع هذا بو تعریف ینه محذوردن سالم دکادر . زیرا اجتماع تقيضين
 واجتماع ضدین کبی محال اولان شیلره تعلق ایدن عام بو تعریفدن خارج اولدیندن
 تعریف مذکور بو کرده افرادینی جامع اوله میور . چونکه بر امر محتملک وجودی
 اولدینی ایچون کنه و حقیقتی بیلسک کیمسه یه ممکن اوله مزکه : آنی نفس الامرده
 اولدینی اوزره اعتقاد ایتک قابل اوله بیلسون . بعضاری « ذاتاً محاله علم تعلق ایتزکه
 عام بالحال ایله تعریف مذکور نقض اولته بیلور » دیه بو اعتراضه جواب و ردشدر
 ایسه ده هر عاقل « اجتماع تقيضين محالدر » قضیه سیله حاکم ایتکده و بو حکم ایسه او
 قضیه نیک موضوعنی ، محمولنی تصور و علمه توقف ایتکده اولدیندن محاله علمک
 تعلقنی انکار ایتک عادتاً مکره در . حالوکه شو انکار منکرک کندی کلامه ده
 مناقضدر . زیرا « محاله علم تعلق ایتز » سوزی علمک عدم معلومیتی ایله بر حکمدر .

بو حکم ایسه منکره مخالف معلومینی اقتضا ایدییور. چونکه اصلا معلوم اولیان بر شی ایله حکم متمعدز. مادامکه محاله علم تعلق ایتمز مش او حالده نصل اولمش ده بو منکر «محال معلوم دکلدز» دیه حکم ایتمش. انسان بیلدیکی رشیده «شوشی شویله در»، یا خود «شوشی او یله دکلدز» دیه حکم ایده بیلیرمی :

قاضی ابو بکر باقلانی دخی علمی شویله تعریف ایلدی :

علم — بر معلومی نفس الامرده اولدیغی او زره معرفتدر. بو تعریفده «معرفت» لفظی ذکر اولوب معرفت ایسه بالاده ذکر اولدیغی وجهله حق تعالی نك رشیدی بیلیمه سی اطلاق اولمه میه جنندن بو تعریفدن علم الله خارج قالمش و حالبوکه قاضی ابو بکر باقلانی دخی حق تعالی ده هر شیده علم اولدیغی تصدیق و اعتراف ایلمش اولدیغدن قاضینک شو تعریفده افرادی جامع اوله مامشدر. برده «معلوم» لفظی «علم» لفظدن مأخوذ اولوب مأخوذ منهی علم ایسه مأخوذی علمدن بالطبع معقدم اولدیغدن قاضینک شو تعریفدن — «معلومی بیلیمک علمی بیلیمکه، علمی بیلیمک ده معلومی بیلیمکه توقف ایدرک بدیهی البطلان اولان دور لازمه کلمشدر .

ابوالحسن الاشعری ده علمی شویله تعریف ایلدی :

علم — بر صفتدر که هر کیم ایله قائم اولورسه آنک عالم اولسنی اقتضا ایدر. بو تعریفده «عالم» لفظی اخذ اولدیغی ایچون دور ظاهر واردر. ابوالحسن الاشعری نکت بو تعریفدن بشقه ایکی تعریفی ده اوار ایسه ده او تعریفلر دخی بو تعریف ایله یکمائل اولوب بوکا وارد اولان دور سوالی آنلرده وارد اولدیغدن ذکر لردن صرف نظر ایدلمشدر .

ابن فورک دخی علمی شه یولده تعریف ایلدی :

علم — بر صفتدر که قائم اولدیغی کیمسه ده وجود خاللدن عاری و بری بر فعل متین و مستحکمت صحت صدورینی اقتضا ایلر. قدرت صنفی ده قائم اولدیغی کیمسه ده وجود خاللدن عاری و بری بر فعل متین و مستحکمین صحت صدورینی اقتضا ایلدیکندن بو تعریف قدرت صفتنه دخی شامل اولمش و بوسبب ایله اغیارینی مانع اوله مامشدر . امام رازی ده شویله تعریف ایلدی :

علم — بر دلیلله و یا خود بدهته مستندا واقعه مطابق اولان اعتقاد جازمدر. بو تعریف دور واستحاله و مجاز کی محذور لردن سالم ایسه ده علمدن برقم اولان علم تصویری ده شامل اوله مدیغدن افرادی غیر جازمدر. چونکه علم تصویری ده حکم اولدیغی ایچون آکا «اعتقاد جازم» نامی ویریه مز .

جمهور متکلمین ذه علمی ایکی وجهه تعریف ایدیلر :

وجه اول : « علم » برصفتدرکه محل و موصوفی ایچون تعلق ایلدیکی شیده بین انمانی نقیضه احتمالی اولیمان برتمیز تام ایچوب ایلر .

وجه ثانی : « علم » برصفتدرکه بیانه جک هرمانکی برشی فاش اولدیغی ذاته آنجق آنکله تجلی ایلر ، یعنی آنک ایله متصف اولان ذات بیلهسی قابل و ممکن اولان هر نشیئه صرف ذهن ایدر ایسه کندیسنه او شی در حال منجلی و منکشف اولور .

حکما دخی علمی ایکی وجهه تعریف ایدیلر :

وجه اول — علم برشیک عندال عقل حاصل اولان صورتیدر: یعنی حواس خمس ظاهر دنک بریسی واسطه سیله خارجدن اخذ اولنوب دماغه منتقل و اوراده حاصل اولان بر صورتدر .

وجه ثانی — علم برماهیت مدرکه آنک آتی ادوات ایدن نفسده تمثیل و ارتسامیدر .

بو ایکی تعریفک یکمال اولدقلری حسب الظاهر منقهم اولور ایسه ده حقیقت و نفس الامرده بونلرک آردلرنده فرق عظیم واردر . بو فرقی بیلیمک ایچون اولاشونی اخطار ایدم که: حکما نردنده « نفس » دینلن شی غیر مادی بر جوهر مجرد و بسیط اولدیغی و بسیطده ارتسام ایدمک برماهیتک بر صورتک ده هر حالده بسیط اولسی لازم کلدیکی جهتله بو غیر مادی و بسیط اولان جوهر نفسده حاصل و مرتسم اولان شی دخی برهه حال بسیط اولمق لازمدر . بناء علیه امور کلیه بسیطه طوغریدن طوغری یه نفسده ارتسام ایدم بیلیر ایسه ده امور جزئیة مرکبه آنجق آنک آتیلرنده یعنی دماغده ارتسام ایدر . علمامن حکمانک بومذهبلرینی نظر اعتباره آلهرق دیدیلر که: ذکر اولنان سو ایکی تعریفدن برنجیسی هم کلیاتی همده جزئیات و مرکباتی علمه شامل ایسه ده ایکنجیسی بالکنز جزئیات مخصوص برتعریفدر . زیرا تعریف اولده ذکر اولنان (عند) که سی حصول صورت طرف اولوب حالوکه « سوسیتک صورتی نفس عندنده حاصلدر » سوزی او صورت نفسک کندیسنده حاصل و مرتسم اولدیغی زمان صحیح اولدیغی کبی آلت نفس اولان قوای باطنده ده — تعیر آخر ایله نه دماغده حاصل و مرتسم اولدیغی زمان دخی صحیح اولور .

ایشته بونک ایچون تعریف اول هم نفسنک کندیسندنه حاصل و مرتسم اولان صور کلیه بسیطه یه هم ده آلت نفس اولان قوای باطنه ده ارتسام ایلین صور کلیه مرکبه یه شاملدر . فقط تعریف ثانیده (عند) لفظی ذکر اولمندیغندن صورتک حصول و ارتسامنه طوغریدن طوغری یه «نفس» کلهسی ظرف اولدیغی و نفسده ایسه ماهیات مرکبه ارتسام ایدمه چکی ایچون بو تعریفک جزئیاته مخصوص و بناء علیه افرادی غیر جامع بر تعریف اولدیغی ثابت اولور . علمامن نزدنده حکمانک برنجی تعریفی ده صاعلام بر تعریف دکلدر . زیرا بو تعریفده ذکر ایلدکاری (شی) لفظی ظنه ، جهله ، تقلیده ، حتی شکه ، و همه دخی شامل اولوب بونلرک ذهنده حاصل اولان صورتلرینه « علم » تسمیه سی ایسه هم لغته ، هم عرفه ، هم ده شرعه مخالفدر . واقعا اصطلاحده نزاع اولمیوب هر کس ایسته دیکی شیئی اصطلاح ایدمه بیلیر ایسه ده مشهور و معروف اولان اموره موافقه رعایت شهه یوق که اولی والیقدر .

فلسفۂ اسلامیہ



اثبات واجب

بوراده اثبات واجدن مقصدمز ، کنه باری نی تعیین دکادر . چونکه کنه باری نی ادراک ، طوق بشرک بالکلیه خارجده در . زیرا حقیقت باری نی ادراک ایچون بشرده هیچ برآت و هیچ بر قوت یوقدر . عام بشرک اسبابی حواس خمس و عقائد عبارتدر . حالبوکه بونلر ممکناته تعلق ایده بیلیر ، بونلرک ادراکاتی ممکنات جمله سی دائره سنده دوران ایلر . عقلمزک ، حسمزک تعلق ایتدیکی شیلر میآسنده واجب جنسندن بر شی یوقدرکه کنه و حقیقت واجبه دأثر بزده بر فکر حاصل اوآسون . بونک ایچون رسول اکرم صلی الله علیه و سلم افدمز حضرتلری (تفکروا فی آلاء الله ولا تتفکروا فی ذات الله) بیورمش ، و محی الدین عربی حضرتلری ده : (کل ما خطر ببالک فالله غیر ذلک) دیشدر . بناءً علیه بزم بوراده اثبات واجدن مقصدمز آثاردن مؤثره استدلال طریقله واجب تعالی و تقدس حضرتلرینک موجودیتنی اثباتدر .

اثبات واجب ایچون باشلیجه درت مسلک واردر : حدود ، امکان ، غایت ، اختراع .

مسلک صورت اوزره اثبات واجب

بونک تقریری ایکی وجهله در :

اولا : بتون عالم ، صورتیله ، اجزاسیله ، ماده سیله ، حادثدر . هر حادثک بر محدثی واردر . بناءً علیه عالمکده بر محدثی واردر که اوده حدود و امکانندن منزله اولان واجب الوجود حضرتلری در . بو دلیل ، ایکی مقدمه دن مرکبدر . بری «بتون عالم صورتیله ، اجزاسیله ، ماده سیله حادثدر» ، دیکری «هر حادثک بر محدثی وادر» قضیه لری در . برنجی قضیه یه «صغری» ، ایکنجی قضیه یه «کبری» دینیر .

معلوم اولدیغی اوزره بر دلیلک صغری و کبرای مسلمان اولور ایسه نتیجه سنک

مسلمتی ضروری در، بوراده کبری بدیهی اولدیغندن آنی اثباته لزوم یوقدر - فقط صغری نظری - یعنی محتاج اثبات - اولدیغی ایچون آنی بوجه آنی اثباته شروع ایدیورز:

عالم، اعیان و اعراضن مرکبدر. اعیان و اعراض ایسه حادثدر. بناءً علیه عالم دخی صور و افراد، اجزا و ماده سیله حادثدر.

بودلکده صغراسی بدیهی در. زیرا فی الواقع عالم اعیان و اعراضن مرکبدر. چونکه عالم ددی کمز شی برطام جواهر و اجسام و آنلره قائم اعراضن عبارتدر. تعیر آخرله عالم ماده و قوی و صوردن و بو صورله قائم الوان و ا کواندن باشقه برشی دکلدر. بونلر ایسه بلاسک حادثدر. فقط کبراسی یعنی اعیان و اعراضک حدوثی بدیهی دکلدر، بونی اثبات لازمدر.

اولا اعراضک حدوثی اثبات ایده لم: بعض اعراضک حدوثی بالمشاهده و بعضیلرینک حدوثی بالبرهان ثابت در. حدوث بالمشاهده ثابت اولانلر سکوندن سوکرا حرکت، ضیادن سوکرا ظلمت، حرارتدن سوکرا برودت، خضرتدن سوکرا حرمت کچی عرضلدر. حدوثلری بالبرهان ثابت اولانلرده بونلرک اضدادی در. بو اضدادک حدوثی اثبات ایدن برهاندن مقصد، طریان عدم دایلی در. مثلا: سکوندن سوکرا واقع اولان حرکتک حدوثی بالمشاهده ثابت اولدیغی کچی آندن اولکی سکونک حدوثی ده او سکونه عدم طاری اولسی دلیلی ایله ثابت در. زیرا اگر اوسکون، قدیم اولسهیدی زائل اولهرق آنک یرینه حرکت عارض اولماز ایدی. چونکه قدیم اولان برشینک زوالی ممتنع در. زیرا قدیم ایکیدن خالی دکلدر: یا واجب الوجوددر و یا خود واجب الوجوده بالایجاب [۱] مستندر. هر هانکیسی اولورسه اولسون زوالی ممتنع در.

واجب الوجودک زوالی ممتنع اولدیغی ظاهر در. زیرا وجود آنک مقتضای ماهیتی و یا خود عین حقیقتی اولوب مقتضای ماهیتدن و یا برشینک نفیسنندن انضکاک ایسه بلاسک محالدر.

واجب الوجوده بالایجاب مستنده کانه، بونکده زوالی ممتنع در. چونکه معلولک عات موجب سنندن تخلفی بالبداهه باطلدر. بناءً علیه حرکت کچی سکونک دخی عارض و حادث اولدیغی شبهه سزدر. سائر اعراضده بونلره مقیس در.

بودلیله : — « بو عالمده هر شی متحرکدر ، هیچ بر سیده سکون یوقدر . بناءً علیه نه حرکتک جدوئی بالمشاهده ثابتدر ، نده سکونک جدوئی بالبرهان ثابتدر . زیرا ذاتاً سکون یوق که بونک زوالیله یرینه حرکت قائم اولسونده حرکتک جدوئی بالمشاهده و سکونک جدوئی طریقان عدم دلیلی ایله ثابت اولسون . » دیه بر اعتراض در میان ایدیلیرسه ، جواباً دیررکه : — « هایدی علمده هر شیئک متحرک اولدیغنی تسلیم ایدم . فقط جواهر و اجسامده کی حرکت ، اصلی اولمایوب ، عارضیدر . زیرا حکمت طبیعیده بحث مخصوصنده بیان اولوندیغنی اوزره جواهر و اجسامده عطائات خاصه سی اولدیغندن هر جوهر و هر جسمده اصل اولان سکوندر . بناءً علیه بتون عوامک انواع و افرادیله ، اجزا و صوریله برابر دائماً متحرک اولدیغنی تسلیم ایتسهک بيله مادام که جواهر اجسامده اصل اولان سکوندر ، شو حالده آنلرده کی حرکتک حدوشنده ، هیچ اولمازسه حدوث ذاتی ایله حادث اولدقلرنده شبهه یوقدر . بو حرکتک حادث اولونجه بالاده بیان ایتدیگمز وجهله طریقان عدم دلیلی ایله حرکتک مذکورهدن — ولوکه بالذات اولسون — اول اولان سکونلرک دخی حدوث ذاتیسی بلاسک ثابتدر . زیرا اگر اوسکونلر بالذات قدیم اولسه یدی انلرک یرینه حرکتک قائم اولمازدی . بناءً علیه کرک حرکت و کرک سکوندن هیچ برسی بالذات قدیم و ازلی اولمایوب هر ایکسیده هیچ اولمازسه حدوث ذاتی ایله بلاسک حادثدر .

ایمانک حدوشنه کانهجه ، بوده بلاسک ثابتدر . زیرا بو عالم مادی به نسبتله اعیان ایکی قسمدن عبارتدر :

۱ — ماده ، یعنی جواهر فرده ؛ یا خود عناصر ؛

۲ — بونلردن ترکیب ایدن اجسامدر .

ماده و عناصر حادثدر . ماده حادثدر . زیرا ماده حرکتدن خالی دکدر . حرکتک جدوئی ایسه اعراضک جدوئی اثباتده بیان ایتدیگمز وجهله بلاسک ثابتدر . حالوکه حوادثدن خالی اولمان هر شی حادث اوله جغندن ماده نکده حدوشنده شبهه یوقدر .

« حوادثدن خالی اولمان هر شی حادث اوله جغندن » دیدک . زیرا حوادثدن خالی اولمان بر شی حادث اولمایوبده قدیم اولسه اوشی ایله قائم اولان حادثک دخی قدیم اولسی لازم کلیر . حادثک قدیم اولسی ایسه محالدر . چونکه خلاف

مفروضدر. برده اجتماع نقیضینی — یعنی برشیک هم حادث ، هم ده قدیم اولمسی — مستلزمدر . بوا یسه باطلدر .

اگر معترضلزمز: — « فی الواقع اشخاص حرکات حادثدر. فقط بواشخاص نوعی قدیمدر . بونوع ، ماده ایله من الازل قائمدر . بونده ایسه هیچ برمخذور یوقدر . چونکه برقدیمک دیکر قدیم ایله قیامنه هیچ براعتراض واردکلدر. » دیدجک اولورلرسه ، جواباً دیرزکه : — نوعک آریجه وجودی یوقدر . هر نوعک وجودی کندی افرادیه قائمدر. کندی افرادی ضمننده متحققدر . بناءً علیه مادامکه مادهنک خلی اولمدیغی حرکات برربر حادثدر ومادامکه نوع حرکات بونلرک ضمننده متحققدر ، شوحالده نوع حرکتک دخی حدودی ضروریدر . بوضروری اولونجه مادهنک قدیمیه برابر حرکات دخی قدیم اولدیغی تقدیرده برشیک هم حادث ، هم قدیم اولمسی لازم کلهجکی شهیدن وارستهدر .

بوجوابمز معترض طرفین : — « اشخاص حرکاتک حدودندن نوع حرکاتک حدودی لازم کلز . زیرا اشخاص حرکات محدود اولسهیدی اوزمان اواشخاص ایله قائم اولان وانلرک ضمننده تحقق ایدن نوع حرکاتک دخی حدودی لازم کلیر ایدی . فقط اشخاص حرکات ، محدود دکل ، نامتناهیدر . انلرک نهایت بولدیغی برحرکت یوقدرکه بواشخاصک حدودیه نوعلرک دخی حدودی لازم کاسون ... » طرزنده براعتراض دهادر میان ایدیجک اولورسه ، جواباً دیرزکه :

اشخاص حرکاتک نامتناهی اولمسی باطلدر. زیرا بوتقدیرده تسلسل لازم کلیر . تسلسلک بطالانی ایسه برچوق براهین عقلیه ایله وعلی الخصوص هردرلو اعتراضدن سالم اولان برهان تطبیق ایله ثابتدر . بوباطل اولونجه نوع حرکاتک حدودی دخی شهسزدر .

عناصر واجسامک حدوشه کلنجه ، مادهنک حدودی ثابت اولدقندن صوکررا بونلرک حدوشنده هیچ شهه یوقدر . زیرا عناصر ، اجزای فردهدن واجسام عناصردن مرکبدر . حالبوکه مرکب اولان برشیک حدودی شههسزدر . چونکه مرکبک وجودی اجزاتک وجودندن مؤخردر . برمرکبک اجزاسی حادث اولونجه آرتق آنک حادث اولهجغی اولی بالطریقدر . بناءً علیه اعراض کی اعیان دخی

بلا شك حادث در . اعيان و اعراض حادث اولونجه بونلردن مركب اولان عالمك
دخی حادث اولدیغی ثابت اولورکه مطلوبده بوایدی .

دلیل ثانی: بتون عوالمده هرشی متغیر و بر صورتدن دیگر صورته
متحول در ، از جمله نطفه علقهیه ، علقه مضغهیه ، مضغه لحم و شحمه
تحول ایتکده و بوکبی تحولات افلاک ، عناصر ، معادن ، نباتاتده دخی
وقوعه کلمکده در . حالبوکه بو احوال و افعالک حصوله کلمسی ایچون
بر مؤثر حقیقی لازمدر ، اومؤثر حقیقی ایسه خلاق متعال و حکیم
لا یزال اولان واجب الوجود حاضر تلمری در . زیرا بتون عقلا و حکمای
حیرتده براقان شو اطوار عجیبه و افعال غریبهك بلا مؤثر حصولی
ویا خود بر فاعل بی شعوردن ظهوری قطعاً محال در .

شیمدی معتزلمزك بو باده کی فکر لرنی بیان و بعدده آنلره قارشوی و یردجکمز
جوابلری آیان ایدلم :

مادیون دییورلرکه : « بو عالم بتون اجزا و افرادیه ، ماده و صوریه حادث
دکل در . فی الواقع بتون صورته حادث در . فقط ماده و قوت حادث دکلدر .
بونلرک ایکیسی ده ازلی در . بونلرک یکدیگرندن انشکاک اتمسی ممکن دکلدر . ماده
(اثر) دنیلن و صووک درجه بر صورت بسیطه و رقیقه بی حائر بولنان ذرات غیر
متاهیه دن ، قوتده او ذراتک حائر اولدیغی حرکات دائمه سندن عبارت در .
بو ذره لردن هر برینک من الازل بر قوه جاذبه سی ، برده قوه دافعه سی اولدیغندن
بونلر شو فضای نامتناهی ایچنده بر بریه تماس ایتمه رك هر ذره کندی محورنده
کمال انتظام او زره حرکت دوریه ایله حرکت ایدیور ، و حائر اولدیغی قوه جاذبه
و دافعه سی سیله آنلردن هیچ بریمی موازنه سی غائب ایتیمور ، و کندی دائرة
حرکتندن خارجه چیقما یور ایدی . هر نعلسه آنلردن بری موازنه سی غائب
ایدرك دائرة حرکتندن چیقوب دیگر لرله برلشدی . ایکی ذره بر زره کمدی .
بونلر برلشنجه جوار لرنده بولنان ذره لری کندی یا نلرینه حکمکه باشلا دیلر .
بونک او زرنه بتون ذراتک حرکات منظمه سینه خلل طاری اوله رق بونلر بر جوق

کومه لره انقسام ایتدی . وهر کومه دیگر ندن میلیار لره کیلو مترو مسافه تباعد ایدرک وهر بری بر حیزده تمرکز ایلهرک کندی محوری اوزرنده حرکت ایتمه باشلادی ، بو کومه لر کندی محوری اوزرنده حرکت ایده ایده نهایت هر بری بر شمس اولدی . ایشته ثوابت دنیان کواکب بونلردن عبارتدر . بوشمس لر بولندقلری حیزلرده کندی محورلری اوزرنده حرکت دوریلرینی اجرا ایدرکن کندیلرندن برچوق پارچه لر قوپدی ، و بو پارچه لر یله هر بری بر عالم تشکیل ایتدی . از جمله بزه حاکم اولان و ضای حیات بخشاسیله شو ایچنده بولندیغمز عالی تنویر ایدن شمس بر ذرات کومه سی حالنه کلوبده بولندیغی حیزده کندی محوری اوزرنده حرکت ایده ایده نهایت بر مایع ناری حالی آلدقن صوکر ا برچوق پارچه لر کندیسندن انفکاک ایتدی . بو پارچه لر دن هر بری میلیون لره کیلو مترو مسافه شمس دن تباعد ایدرک هر بری بر محل معینده قاهره بقده شمسک اطرافنده حرکت ایتمه باشلادی ، و هیئت مجموعه سی مسلك شمسیمی تعبیر دیگرله عالم دنیا می تشکیل ایلدی . ایشته سیارات دنیان کواکب بو پارچه لر دن عبارت اولوب اونلردن بریسی ده اوزرنده بولندیغمز کره ارض دره . کره ارض شمس دن بالانفکاک ۱۴۰ میلیون کیلو مترو تباعد ایدرک و آلآن بولندیغی حیزده قاهره رق سیارات سائر کبی بوده شو فضای نامتناهی ایچنده شمسک اطرافنده دویمکه باشلادی . ارض اوزمان طبیعی بر کتله ناریه حالنده ایدی . فقط ایچنده بولندیغی فضا تحت الصفر ۱۴۲ درجه صوثوق اولدیغندن بو کتله ناریه شو شدت برودتدن متأثر اوله رق تصلب و قشر ایده ایده نهایت شو حاله کلدی . کره ارضده اولو معادن ، صوکر ا نباتات ، صوکر حیوانات ، و صوکر ا انسان ظهور ایتدی . عوالم سائرده دخی عین حال وقوعه کلدی . الحاصل بتون عوالمک شو هیئت اوزره ظهور و تشککنه سبب اولان شی « ماده » و « قوت » اولوب بونلر ایسه ازلی وابدی در ، عات العملدر ، تعبیر آخرله علت اولی در . بتون اسباب وعلل ماده و قوته منتهی در . بزبونلرک فوقنده بر علت و بر سببدها تصور ایده میز . زیرا کورمدیکمز بر شینک وجودیه حکم ایله میز . بناء علیه ارباب ادیانک دیدیکی کبی ماده و قوتدن ناشقه بر واجب الوجوده قائل اولمق حماقت در .

ایشته مادیونک بو ابده کی خلاصه مذهب لری شوندن عبارت اولوب بو ایسه وجود آتیه ایله مجروح و باطلدر :

اولاً : بونلرك كندى بيانلرته كوره اجسام اجزای فروددن تركب ايتمش، اجزای فرودده ماده اصلیه اولان ائيردن حصوله كلكشدر . فقط اجزای فرده شيمديكى حالده انمكمل اولان مقروسقويلرك كوستريله چكى سيلردن يكرمى درجه دها كوچكدر . بناءً عليه بونلرى كورمك ممكن دكادر . بوممكن اولمايجه آنلرك تركب ايتديكى ماده اصلیه يي كورمك ممكن اولمايجه يي اولويسته ثابت در . ايشته ماديون اجزای اثيريه وماده حقهده بووجهيله بين وادعاده بولمقدن صوكرام « بز ماده وقوتك فوقده بر علت وسبب دها تصور ايدمىز . زيرا بز كوزلرمزله كورمديكمز شيتك موجوديته حكم ايليمىز . » دهلرى آره سنده آچيق بر تناقض بولنديغى تههمسزدر . زيرا بونلرك، كوزله كورومىي ممكن اولمايان ذرات اصلیه نك من الازل موجوديته حكم ايتلرى وعالمك تسو هيئت اوزره ظهور وتشكلنى او ذرات مياننده برينك نصل ايسه موازنه سنى غائب وديكرلريله كسب اتصال ايدرك عالمك ساحه آراى وجود اولمسه سبب اولمش بولنديغنه نائمالرى هپ كوزله كورمديكلى شيلرك موجوديتنى تصديق واعتراف دكلى در؛ وايشته بوتصديق واعترافلى « بز ماده وقوتك فوقده بر سبب وعلت دها تصور ايدمىز . زيرا بز كوزلرمزله كورمديكمز شيتك موجوديته ايناه مائز . » ديلرینه منافی و مناقض اولمازى :

ثانياً : اجزای ائيريدن برينك هر نصله موازنه سنى غائب ايدرك ديكريله كسب اتصال ايتمش وبونك اوزرینه ذرات عالمك بر چوق كومه لره انقسام ايتمش اولمى دعوى بلا دليل در . لده بونى اثبات ايدمىك هپچ بر دايل وحقى ماره بيله يوقدر . بلا دليل دعوانك مسجوع اولميه جفى ايسه تههمدن وارنده در .

ثالثاً : مادامكه ذراتدن هر برينك مساوات اوزره رتقوه جاذبه ، رده دافعه سى اولوب ، بونلر تسو فضاي نامتناهى ايجده كندى محورلرى اطرافده كمال انتظام اوزره دور ايديور وحائر اولدقلى قوه جاذبه وقوه دافعه لرى سبيله هپچ برى موازنه سنى غائب ايتيورمش ؛ عجباً نصل اولوبده آئيردن برى بلا سبب موازنه سنى غائب ايدرك محوردن چيقوب ديكريله برلشمش . سبب بر بونك حصولى محال اولديغى حالده نصل اولوبده تسو حال سبب وقوعه كلكشدر ؟

رابعاً : اجزای اثيريه بر چوق كومه لره انقسام اينداكدن صوكرام عجباً نصل اولوبده بونلر بلا سبب بكد بركردن ميلارلرجه كيلو مترو مسافه بناءً ايدرك

هر بری حیز مخصوص اشغال ایش و بیده محیر عقول اولان شو انتظام بدیع اوزره شو عوالم تشکل ایشدر؛ بونی بر تصادفه حمل ایتک پک عامیانه و جاهلانه اولمازی؛ جسماتلری دائرة ادراک بشردن خارج اولان اوزرات کومه لری نیک ایلروده تشکیل ایده جک لری علملره برابر یکدیگرینه تماس ایدمه جک و بناءً علیه هر بری کندی عالمی صورت منظمه ده اداره ایله بیله جک صورتده یکدیگرندن مییاریجه کیلو مترو تباعد ایتسی لازم کلدیکنی کندیلری دوشوشلرده اولوجهله می برندن آیری دوشدرک برر حیز مخصوص اشغال ایشلر؛

خامساً: بو ذرات کومه لرندن هر بری بر مایع ناری حالتده کلدکن صوکر ا کندیلرندن بر چوق پارچهلرک قومه لری بو پارچه لرک شیمیدی بولونقلری حیزلره قدر کیدوبده بو حیزلرده قالمالری بلا سبب اوله ماز. زیرا بو کومه لرک هر جزئی عین درجه ده بر قوه جاذبه ایله برده قوه دافعه نی حاز اولدیغندن بر سبب خارجی اولتمسزین بولردن پارچه لرک، حتی بر پارچه نک انفکاک ایتسی محال اولدینی کبی بو پارچه لرک شیمیدی بولونقلری حیزلره قدر کیدوبده ده ایلرویه کیتمه ملری و یا خود ده اکروده قالمالری دخی محال در.

سادساً: مادیونک قوت، حرکتدن عبارتدر؛ ملری دخی قطعاً باطل در. زیرا قوت مؤثر، حرکت ایسه آنک اثری در. بناءً علیه انلرک بو سوزلرندن مؤثرله اثرک عین شی اولسی لازم کلور.

سابعاً: مادامکه فضا تحت الصفر ۱۴۲ درجه ده صوتوق اولدیغندن شمس لرندن آریلان پارچه لر شیمیدی بولونقلری حیزلره واصل اولدقدن صوکر ا محورلری اوزرنده حرکت ایتکده ایکن بو شدت بر و دتن متأثر اوله رق تقشر ایتکه باشلامش و نهایت اشکال حاضرده نی حاز اولمشلر ایش، سو حالده عیجا نصل اولوبده بولرک اصلاری اولان کومه لر اولجه مایع حالده دکل ایکن صوکر ا بو درجه صوتوق اولان فضا ایچنده حرکت ایده ایده نهایت هر بری بر مایع ناری حالتی ایش؛ فضا ده اولان شو شدت برودت اولجه بولرک اجزای ناریه حالتده کلسنه مانع اولماش ایکن صوکر ا نصل اولوبده بولرده تأثیراتی کوستره رک تکرار آنلری صوتوده صوتوده شو حاله کتیرمش و حتی شموسی ده ایلروده بو حاله کتیره جکمش؟

ثامناً: فرض ایدم که بو عالم، مادیونک تخیل ایلدکاری وجهله تشکیلی ایش اولسون. فقط بوندن ماده وقوتک فوقده بر مؤثرک دها اولماسی و بناء علیه علت العلمک آتجق ماده وقوتدن عبارت بولونمسی ثابت اولماز. زیرا، بالاده بین ایتدیگمز وجهله، اشیا سائرده کبی ماده وقوت دخی حدوتی حتی حدوت زمانی ایله دخی بونلرک حدوت اولدقلری شهبه سزدر. زیرا مادیونک نظریلرینه کوره ماده فی الاصل صوگ درجده بسیط ورقیق بر صورتی حائر ایدی. اودرجه بسیط ورقیق که آنک فوقده بر صورت بسیطه دها تصور اولمق ممکن دکل ایدی. صوگرا بو صورت زائل اولدق ماده دیگر صورتلر تعاقب ایده بو نظریه سی طوغرو ایسه ماده نک حائر اولدیغی صورت اصایه نک زماناً حدوتی ضروری در. چونکه او صورت قدیم اولسه ایدی عرضک حدوتی اثباتده بیان ایتدیگمز وجهله قدیم وازی اولان بر شیک زوالی ممنع اولدیغندن او صورت ماده دن اصلاً زائل اولما یجق بو عوالم شو اشکال حاضرده سیله قصباً وجوده گیه جکبری. مادام که او صورت ماده دن زائل اولمش و صور سائرده نک ماده یه تعاقبیه شو عوالم وجوده کمشدر؛ بو حاده او صورت اولانک حدوتی شهبه سزدر. او صورت حدوت اولونجه ماده نک کندیغی دخی بلاشک حدوت اولمق لازم کلیر. زیرا صورتک ماده دن، ماده نک صورتدن انفکاک کی محال اولدیغی کبی او صورتدن اول ماده نک دیگر صورتلری و حتی بر صورتی بیله حائر ایش اولمسی دخی محال در. چونکه او صورتدن دها ورقیق بر صورتک وجودی تصور امکان یوقدر که آندن غیرمتماهی صورتلرک ماده اوزرینه تعاقبی قبول ایداسون ده ماده نک ازلیتیه خلل کلمسون.

ثامناً: ماده وقوتک ازلی اولدیغی قبول ایدیلسه بیله ینه ماده وقوتک علت العلم اولمسی لازم کلر. زیرا هر حرکتک بر محرکه احتیاجی درکار اولدیغندن حرکت ماده نک دخی همه حال بر محرکه احتیاجی وارد. غیره احتیاجی اولان شی ایسه حدوت ذاتی ایله حدوت اولدیغندن بو حرکتک دخی حدوت ذاتی ایله حدوت اولدیغی شهبه سزدر. ماده یه کلنجه بونک ده حدوت ذاتی ایله حدوت اولدیغنده شهبه یوقدر. زیرا او، بر محرکک تحت تأثیرنده بولونیور. بر مؤثرکک تحت تأثیرنده بولونان شی ایسه، شهبه یوقدرکه، علت العلم دکلدر.

چونکه اوشی، تحت تأثیرنده بولوندیقی شئیك معلول در. حالو که علت العلل اولان برشیده علیت و معلولتک اجتماع ایده میه چی بیاندن مستغنی در.

مادیون : « فی الواقع هر حرکتک بر محرکی واردر . بناء علیه حرکت ماده نیک دخی بر محرکی واردر . فقط بو محرک ، ماده دن بشقه برشی دکدر . بزم بوراده ماده نیک محرکی کنیدیسی در ، سوزمزدن مقصدمزده ذات ماده محرکدر دیلک دکدر . بلکه بوندن مقصدمز ، ماده نیک عین درجه ده حائر اولدیغی ایکی مختلف قوتک - یعنی قوه جاذبه ایله قوه دافعه نیک - توازیی محرک ماده اولدیغی بیاندن عبارتدر . هر ذره ایشته بویکی قوتک آراسنده بولونیوز . قوتلر مساوی درجه ده اولدیغندن وایکی مختلف قوتلر آرسنده بولونان بر شئیك حرکت دوریه ایله حرکت ایتمسی ضروری بولوندیغندن ، ایشته بوتوزان قوی سببیه هر ذره من الازل کنیدی محوری اوزرنده دور اییدیوردی . بناء علیه ماده بر علت خارجه نیک تحت تأثیرنده دکدر که بوجهتله حدوث ذاتی ایله حادث اولدیغنه حکم ایدیلسون . « دیورلرسه ده ، آنلرک بوسوزلری دخی باطل در . زیرا بونلرک کنیدی اعترافلری وجهله ماده صوک درجه بسیط اولدیغندن و صوک درجه بسیط اولان برشیدن ایکی مختلف اثرک ظهوری محالات عقلیه جمله سندن بولوندیغندن هر ذره نیک ایکی مختلف قوتی حائر اولمسی و بوقوتلرک توازیی ذراتک حرکاته سبب اولمسی ممکن اوله ماز . بوذرات آنلرک دیدکاری کچی صوک درجه بسیط و من الازل متحرک ایدیسه همه حال آنلرک بو حرکتلری ایچون بشقه برسبیک وجودی لازم در .

بونکه برابر ماده و قوتک علت العلل اولمسی باشقه بوجهله دخی باطل در . زیرا ماده و قوتک وجودلریله برابر فضا ده تحت الصفر ۱۴۳ درجه برودت دخی موجود ایدی . شو خالد هایدی فرض ایدم که شتو کائناتده موجود اولان صور الشئیك حصول و وجودیه سبب اولان شی ماده و قوتدر ، عجا فضا ایله اوفزاده کی برودتک و زمانک وجودیه سبب اولان شی ده می ماده و قوت در ؛ شه بوق که بونلرک وجودنده ماده و قوتک اصلا دخلی بوقدر . چونکه فضا ماده کی محیط اولدیغی کچی برودتده ماده و قوتی محیط و حتی آنلرک نظر بالریسه کوره ماده اوزرنده مؤثردر . بر محیطک و بر مؤثرک محاط و متأثرینه معلول و مسبب اوله میه چی ایسه بدیهات اموردن در .

مسئله اظهار ازربیه اثبات واجب

بوعالمده هر شی متاثر در . تاثر دن خالی هیچ بر شی یوقدر . هر متاثر ک بر
مؤثره احتیاجی ایسه در کار در . بناءً علیه بوعالمک دخی بر مؤثره احتیاجی در کار
اولوب بر مؤثر ایسه واجب الوجود در .

یعنی سلسله موجوداتک بهمه حال برواجب الوجوده انتهای ضروری در .
زیرا بوسلسله مکوناتک مؤثر حقیقتینده ایکی احتمال عقلی جریان ایدر .
برنجی احتمال بونک ، بر مؤثرک واجب الوجود اولسی در . ایکنجی احتمال
ممکن الوجود اولسی در . اوچنجی بر احتمال دها یوقدر . چونکه بو اوچنجی احتمال اولسه
اوانسه بر مؤثرک تمتع الوجود اولسی اولور . حالبوکه تمتع الوجود اولان بر سیات عدمی
کندی مقتضای ماهیتی اولدیغندن ، محض ایسه مؤثر عالم حقیقتده بولوندیغندن ، بونک تمتع
الوجود اولمسینه امکان یوقدر . زیرا بر شیک اولا کندیسی موجود اولدیقه
دیگر بر شیده اجرای تاثیر ایدجکی اصلا تصور اولنه من . شو حالده مؤثر عالم
حقیقتده کی احتمال عقلی ایکی به منحصر اولق لازم کلیر .

بو ایکی احتمالدن ایکنجیسی — یعنی عالمک مؤثر حقیقتیسی ممکن الوجود اولق
احتمالی — باطل در . زیرا مؤثر عالمک ممکن الوجود اولدیغنی فرض ایدسه ک بو ،
اوچ سیدن خالی دکادر . بر مؤثر ۱ — یا مجموع عالمدر . یعنی مجموع عالمده مؤثر
اولان یه کندیسیدر . ۲ — و یا خود اجزای عالمدن بر سیدر . ۳ — یا خود
سلسله کانتاتک الی غیر انهایه یکدیگریتنک علت و معلولیتی در .

مجموع عالمک مؤثری مجموع عالم اوله ماز . زیرا بر شیک نفسنه علتی تصور
ایدله من .

اجزای عالمدن برینک مجموع عالمه مؤثر اولسی دخی اوله ماز . زیرا بو
تقدیردهده بر شیک نفسنه علت اولسی لازم کلیر . چونکه فرض ایدیکمز جزئک
مجموع عالمه علت اولسی اجزای عالمدن هر برینه علت اولسیله ممکن اوله بیلیر .
حالبوکه اجزای عالمدن بریسیده کندیسی در . بناءً علیه اگر اجزای عالمدن
برجزه مجموع عالمه علت اولورسه کندیسیده اجزای عالمدن بریسی بولوندیغندن
اوجزئک کندیسنه دخی علت اولسی ضرورت حکمنی آیر . بر شیک نفسنه
علت اولسی ایسه باطل در .

سلسله کانتاتک یکدیگرینه الی غیر انهایه علت و معلول اولسیده باطل در .

چونکه اوشی، تحت تأثیرنده بولوندیغی شئک معلول در. حالبوکه علت العلل اولان برسیده علیت و معلولیتک اجتماع ایدمه چکی بیاندن مستغنی در.

مادیون : « فی الواقع هر حرکتک بر محرکی واردر . بناءً علیه حرکت مادهنک دخی بر محرکی واردر . فقط بو محرک ، مادهدن بشقه برشی دکلدر . بزم بوراده مادهنک محرکی کندیسیدر ، سوزمزدن مقصدمزده ذات ماده محرکدر دیمک دکلدر . بلکه بوندن مقصدمز ، مادهنک عین درجهده حائر اولدیغی ایکی مختلف قوتک - یعنی قوه جاذبه ایله قوه دافعهنک - توازی محرک ماده اولدیغی بیاندن عبارتدر . هر ذره ایشته بوایکی قوتک آراسنده بولونیور . قوتلر مساوی درجهده اولدیغندن وایکی مختلف قوتلر آرسنده بولونان بر شئک حرکت دوریه ایله حرکت ایتمسی ضروری بولوندیغندن ، ایشته بوتوزان قوی سببیه هر ذره من الازل کندی محوری اوزرنده دور ایدیوردی . بناءً علیه ماده برعات خارجهنک تحت تأثیرنده دکلدرکه بو جهته حدوث ذاتی ایله حادث اولدیغه حکم ایدیاسون . « دیورلرسهده ، آنلرک بوسوزلری دخی باطل در . زیرا بونلرک کندی اعترافلری وجهله ماده صوگ درجه بسیط اولدیغندن و صوگ درجه بسیط اولان برشیدن ایکی مختلف اثرک ظهوری محالات عقلیه جمله سندن بولوندیغندن هر ذرهنک ایکی مختلف قوتی حائر اولسی و بوقوتلرک توازی ذراتک حرکاتنه سبب اولسی ممکن اوله ماز . بوذرات آنلرک دیدکاری کچی صوگ درجه بسیط و من الازل متحرک ایدیسه همه حال آنلرک بو حرکتلری ایچون بشقه برسیتک وجودی لازم در .

بونلکه برابر ماده و قوتک علت العلل اولسی باشقه بوجهله دخی باطل در . زیرا ماده و قوتک وجودلریله برابر فضاده تحت الصفر ۱۴۲ درجه برودت دخی موجود ایدی . شو حالده هایدی فرض ایدم که شو کائناده موجود اولان صور اشئک حصول و وجودینه سبب اولان شی ماده و قوتدر ، عجا فضا ایله اوفزاده کی برودتک وزمانک وجودینه سبب اولان شی ددی ماده و قوتدر ؟ شهه یوق که بونلرک وجودنده ماده و قوتک اصلا دخلی یوقدر . چونکه فضا مادینی محیط اولدیغی کچی برودتده ماده و قوتی محیط وحتی آنلرک نظریلرینه کوره ماده اوزرنده مؤثردر . بر محیطک و بر مؤثرک محاط و متأثرینه معلول و مسبب اوله میه جفی ایسه بدییات اموردن در .

مسلك اطرافه اوزرينه اثبات واجب

بوعالمده هر شی متاثر در . تا اثر دن خالی هیچ بر شی یوقدر . هر متاثر ك بر مؤثره احتیاجی ایسه در کار در . بناءً علیه بوعالمك دخی بر مؤثره احتیاجی در کار اولوب بومؤثر ایسه واجب الوجود در .

یعنی سلسله موجوداتك بهمه حال برواجب الوجوده انتهای ضروری در . زیرا بوسلسله مکوناتك مؤثر حقیقیسنده ایکی احتمال عقلی جریان ایدر :

برنجی احتمال بوتك ، بومؤثر ك واجب الوجود اولسی در . ایکنجی احتمال ممکن الوجود اولسی در . اوچنجی بر احتمال دها یوقدر . چونکه بو اوچنجی احتمال اولسه او ایسه بومؤثر ك متع الوجود اولسی اولور . حالبوکه متع الوجود اولان بر سبك عدمی کندی مقتضای ماهیتی اولدیغندن ، بخش ایسه مؤثر عالم حتمده بولوندیغندن ، بوتك متع الوجود اولسیسنه امکان یوقدر . زیرا بر سبك اولاً کندیسی موجود اولدیغجه دیگر بر شیده اجرای تاثیر ایددیگی . اصلاً تصور اولنه من . شو حالده مؤثر عالم حتمده کی احتمال عقلی ایکی به منحصر اولمق لازم کلیر .

بوا یکی احتمال دن ایکنجیسی — یعنی عالمك مؤثر حقیقیسی ممکن الوجود اولمق احتمالی — باطل در . زیرا مؤثر عالمك ممکن الو بود اولدیغنی فرض ایتهك بو ، اوچ شیدن خالی دکلدر . بومؤثر ۱ — یا مجموع عالمدر . یعنی مجموع عالمده مؤثر اولان یه کندیسیدر . ۲ — و یا خود اجزای عالم دن بریسیدر . ۳ — یا خود سلسله کانتاتك الی غیر آنها یه یکدیگری نك علت و معلولی در .

مجموع عالمك مؤثری مجموع عالم اوله ماز . زیرا بر سبك نفسه عابقی تصور ایدیله من .

اجزای عالم دن بر سبك مجموع عالمه مؤثر اولسی دخی اوله ماز . زیرا بو تقدیر دده بر سبك نفسه علت اولسی لارم کلیر . چونکه فرض ایتهك بجزءك مجموع عالمه علت اولسی اجزای عالم دن هر برینه علت اولسیله ممکن اوله یلیر . حالبوکه اجزای عالم دن بریسیده کندیسی در . بناءً علیه اگر اجزای عالم دن بجزء مجموع عالمه علت اولورسه کندیسیده اجزای عالم دن بریمی بولندیغندن او جزئك کندیسنه دخی علت اولسی ضرورت حکمنی آیر . بر سبك نفسه علت اولسی ایسه باطل در .

سلسله کانتاتك یکدیگریسه الی غیر آنها یه علت و معلول اولسیده باطل در .

زیرا بوقدرده تسلسل لازمکلیز . تسلسل ایسه مسلک حدونده بیان ایتدیگمز
وجهله براهین عقلیه وعلی الخصوص برهان تطبیق ایله بلا شک باطل در .

برهان تطبیق تفریری :

بوسلسله کائناتک الی غیر النهایه یکدیگریته علت و معلول اولسی باطل در .
زیرا بوکون ظهور ایدوبده هنوز دیگر برشیتک وجودینه سبب اولمایان بر
شیدن ، بر معلولدن اعتباراً ازله طوغرو برسلسله فرض ایدرز . صکره بوشیتک
سبب قریبی اولوبده بر مرتبه فوقده بولان شیدن اعتباراً دیگر برسلسله دها
فرض ایدرز . شیمدی ایکنجی سلسلهک نهایتی برنجی سلسلهک نهایتی حداسنه
عقلاً چکهرک بونلری یکدیگریته تطبیق ایدرز . بونلریکدیگریته تطبیق اولوجه دیگر
جز لردخی کندی کندینه یکدیگریته تطبیق اولور . چونکه آحاد سلسله آرسنده
علت و معلولیت بولودیغندن ایکی سلسلهک نهایتده کی جز لری بربری حداسنه کلنجه
دیگر آحادکدخی یکدیگری حداسنه کله چکی امر ضروری در . شوخالده بو ایکی سلسله
ازله طوغری یالی غیر النهایه مساوات اوزره کیده جک و یا خود سلسله صغری
- یعنی ایکنجی سلسله - بر نقطهده نهایت بوله جقدر . اکر بو ایکی سلسله مساوات
اوزره الی غیر النهایه کیده جک اولورسه ناقصک زانده مساواتی لازمکلیز . چونکه
ایکنجی سلسله برنجی سلسلهدن بر ناقص ایدی . زانده ناقصه مساواتی ایسه
قطعاً باطل در . یوق اکر ایکنجی سلسله بر نقطهده نهایت بولورسه شوخالده
برنجی سلسلهک دخی آندن بر مرتبه ایلریده نهایت بولسی لازمکلیز . زیرا
بر منتهای اوزریته منتهای بر مقدار ایله زانده اولان شی دخی بلا شک منتهای در .
بو ایسه خلاف مفروض در . چونکه برسلسله کائناتک الی غیر النهایه یکدیگریته
علت و معلول اولدیغنی فرض ایتشدک . خلاصه اکر کائناتک الی غیر النهایه یکدیگریته
علت و معلول اولورسه بوکا ایکی محال عقلیدن ریسی بهمه حال لازم کلیور . بو ایکی
محال عقلیدن بری ناقصک زانده مساوی اولسی ، دیگریده خلاف مفروض در .
هر هانکیکی اولورسه اولسون قطعاً باطل اولدیغندن بونلری مستلزم اولان
تسلسل دخی قطعاً باطل در . تسلسل باطل اولنجه سلسله کائناتک برواجب الوجوده
انتهاسی ضروری در که مطلوبده بو ایدی .

تفریر ایتدیگمز بو برهان تطبیقه : « سرشوراده ایکی سلسله فرض ایدیورسکر .
حلیوکه بوراده خارجهده ایکی سلسله یوقدر . برسلسله وارددر که اوده الیوم ظهور

ایدوبده هنوز برشیده سبب اولمیان معلولین اعتباراً ازله طوغرو کیدن سلسله در .
 بوايه متعدد دکل ، واحد در . بناءً عليه بوراده ايکي سلسله يوق که برينک او جني
 ديکريک حذاسنه جکه رک بونلری يکديکريته تطبیق ايه ذکر ايتديککنز محالات
 عقليه دن بریسی لازم کاسون « ديه بر اعتراض اولنورسه ، جو باد برزکه : — فی الواقع
 بوراده خار جده بر سلسله واردر . فقط حد ذاتند سلسله بر دکل ، ايکي در ،
 چونکه معلول اخيرک بر مرتبه مافوقده کی شیدن اعتباراً بتون آحاد سلسله در هم
 معلولیت ، همده عات واردر . چونکه هر لاحق ، سابق معلولی و هر سابق لاحق
 عاتی در . علیت و معلولیت ايسه بر امر اعتباری دکل ، بر امر حقیقی در . ديمک
 اوليور که بوراده ايکي سلسله واردر . بریسی سلسله معلولات ، ديکری سلسله
 علل در . سلسله عالی سلسله معلولاته عقلاً تطبیق ايسه ممکن در .

چونکه سلسله عالی سلسله معلولاته تطبیق ديمک ، هر معلولی کندي علنی
 حذاسنده فرض ايتک ديمک در . بونک امکاننده ايسه شبهه يوقدر . چونکه آحاد
 سلسله آراسنده ترتب بولنديغدن سلسله معلولاتدن بزدن طرفده کی نهايتده
 بولونانک کندي عاتی حذاسنده بولنديغنی فرض ايدر سولک ديک هر معلولک دخی
 کندي کندينه کندي عاتی حذاسنده بولنمی اقتضا ايدر . وشو حلاله تطبیق
 امکاننده شبهه قالماز .

بونکه برابر بوکون مترخار مز دخی سلسله کائنات الی غیر نهايه يکديکريته
 ترتبه قائل اولمبوب بتون مکوناتک ائيرده منتهی اولديغنه قانع درلر . بناءً عليه
 بونلره فرضی ابطال سلسله حاجت اولنديغنی کی بوانک واجب الوجود اولنديغنی
 يوقاروده مسلک حديونده تفصيلاً بيان ايتديککنز جهته و تفصيلان بوراده تکرارده
 دخی لزوم يوقدر .

انکلیز حکما مندن سبب سلسله کائناتک بر واجب الوجود اتهاسنی کویا
 رد مقصديه : « سلسله کائناتک بر واجب الوجود اتهاسی باطلدر . زیرا السائل
 بو عالم حقیقه ايکي درلو نظر بده بولونديلر . برنجی نظريه ، بو عالمک بنفسه
 موجودی نظريه سی ایدی . بونظر بونک بالآخره باطل اولديغنی تعین ايتدی .
 بناءً عليه سوکرا عالمک بغيره موجودی نظريه سنه ذاهب اولديلر . فقط
 بوکرده دونوب سوغيرک واجب الوجود — یعنی بنفسه موجود — اولديغنه قائل
 اولديلر . دوشونمديلر که بنفسه موجودیت نظريه سی ذاتاً باطل اولديغدن بوغيرکده

واجب الوجود - یعنی بنفسه موجود - اولسی نصل اوله بیلیر؛ شو حالده بونک ده همه حال بر موجد احتیاجی لازمدر. « طرزنده بر اعتراض در میان ایشم ایسه ده آنک بو اعتراضی باطلدر. زیرا فی الواقع انسانلر عالم حقده بنفسه موجودیت نظر به سنک بطلائی آکلادیلر و عالم حقده بویه بر نظریه اجرا ایدیه میه چکنه حکم ایتدیلر. فقط عجباً بونک سبی نایدی؛ بو بلا سبب می ایدی؛ سبه یوق که بو غایت معقول برسبه مبنی ایدی. چونکه حقایق اشیائی تحریری ایتدیلر. کوردیلر که بو عالمده تأثر دن، تغیر دن خالی هیچ برشی یوق. تأثر و تغیر دن خالی اولمایان بر شیئه بنفسه موجودیت نظریه سنی تطبیق ایسه قابل دکلدر. بناءً علیه عالمک بغیره موجود اولدیغنه و اوغیر کده واجب الوجود دن عبارت بولدیغنه حکم ایتک لازم کادیکنی آکلادیلر ده بونک اوزرینه: « سلسله کائناتک همه حال بر واجب الوجوده انتهای لازمدر » دیدیلر. واجب الوجود حقده بنفسه موجودیت نظریه سنک بطلاننه حکم نصل اوله بیلیر؛ چونکه واجب الوجود دیتک، بنفسه موجود دیتکدر. بنفسه موجود اولان بر شیتک بنفسه موجود اولمانسنه قائل اولمق تناقض اولمازمی؛ بر کره مؤثر عالم بنفسه موجود اولمق لازم کادکن صوکر ا دونوبده بومؤثر ایچون دیگر بومؤثر ده ارامق پک عامیانه دکلی در؛ اوت؛ حق تعالی حقده بنفسه موجودیت نظریه سنی مردود اولوردی؛ اکر علمده کورولن تأثرات و تغیرات اندهده بولنسه یدی. حالبوکه حق تعالی ده بویه تغیرات و تحولاتک بولونسی قطعاً باطلدر. زیرا بو تقدیرده او، حق تعالی اوله ماز. ممکنات دن برشی اولور. سنسرنک حق تعالی عالمه قیاس ایدوبده: « عالم حقده باطل اولان بر نظریه نصل اولوبده حق تعالی حقده قبول اولونیور » دیمسی موافق حقیقت اوله ماز.

مسلك غایت اوزره اثبات واجب

[بومسلك ايله آتيا ذكر اولونه حق مسلك اختراع اوزرینه اثبات واجب، مسلك قرآن در. قرآن کریم بو ایکی مسلك اوزرینه اثبات واجب و توحید باری به پک چوق آیات بینات ايله استدلال ایتکده در. اثبات واجب خصوصنده سرد اولونان مسالکک الک مقبولی بوایکی مسلك در. چونکه بتون امور دنیویه و اخرویه ده رهبر نجاتمز آنحق قرآن در. اونک بیاناتی ایسه اوضح الیانات در.

زیرا نظایه، معناسیله، بتون افاده سیله اهر معجزات در . بناءً علیه مطالب یقینیه نك كه مهمی اولان « اثبات واجب » مطالب اهمی بوكتاب میندن قیاس اتمه مز الزمدر .

علمای متکلمینك اثبات واجب ایچون سرد ایتدکاری حدوث وامکان مسالکری دخی بوکتاب مینك بیانانه مخالف اولمایوب ، بلکه آندن مقتبس ایسهده ، بو اقباس اشارت ودالات اعتباریه در . یعنی بو مسلک قرآن کریمك اشارتندن ، دلالتندن قیاس اولوقشدردر . حالبوکه مسالک غایت ایله مسالک اختراع ، قرآن معجز بیانك نیجه آیات بیانك صراحتندن اخذ ایدلشدردر . بوسبیله شو ایکی مسلک مسالک سائرده رجحانی سپهسز اولدیقتندن ، الشبو مقالهده بوایکی مسلکك دخی بوجه آتی بیاننه شروع ایدیورز : [

« غایت » لغتده : برشیک طرف ونهایی معناسه در . اصطلاحده برفعه ترتب ایدن حکمت ومصاحت اوفعلات طرف ونهایتده حصوله کلدیکی ایچون آکا غایت تسمیه ایدلشدر .

« غایت » كه معناسی بو اولدیغی معنوه اولدقده دیرز که : بو عالم امکانده هر شیک خلقنه برحکمت ومنعت ترتب ایدیور ، حکمت ومنعتدن خالی هیچ برشی کورولمور ، بومسئلهده بتون حدما وعقلا اتفاق ایدیور . از جمله اجرام علویه نك انواریه جمیع مخلوقات نشوونما بولیور . کره ارض ، یئکی اولان قر ایله برابر شمسك اطرافنده دور ایدیور ، انلك بودورلییه ازمان واوقات حاصل اولیور ، ارضك دوریه موسملر ، سنه لر؛ قمرک دوریه آیلر حصوله کلور . سوکرا بواوقات و ازمان بتون حیوانات ونسائلک اسباب حیایه منمن انک مهمتی تشکیل ایتدیکی کی بونلر ایه بتون مصالک دخی کسب التظاولیور . کره ارض ۲۴ ساعته برکوره کسندی محوری اوزرنده دور ایدیور ، آنک بودوریهده انسان وسائر حیوانلرک مدار معیشتلری اولان ایام وباعث راحتلری بویونان لیلی وجوده کلور ، دائما تنفس ایتدیکمز هوای نسیمینك ده نیجه فواید عظیمه هی محتوی اولدیغی کورولمور . بالتنفس داخله واق جکره واصل اولهرق قانی تمیزلور بوسبیله حیات آنکه ادامه اولیور . و هر سینه ریه آه احتیاج مس ایدیور ، حتی بونك ایچون هوا غایت جوقدر : ۵۰ الی ۶۰ کیلو مترویه قدر مخنی تخمین اولونقددر . کذا هو انک جوق اسانندن ناسر

طالعه نمسیه ریح حاصل اولیور ، بوریاخ بلوطلری سوق ایدیور ، صوبه احتیاجی اولان برلره یاغورلر یاغدره رق اورالره حیات بخش ایلیور ، بوندن باشقه ریاخ اعضای تذکیرهدن اعضای تأنیئه ماده تلقیحی نقل ایله میوه لری تلقیح ، حرارتی تعدیل ، هواری تجدید ، کیلری تحریک ایلیور . ابحارک خلقتنه دخی عدو احصاردن خارج بجه منافع ترتب ایدیور ، از جمله بیکلرجه انواع حیوانات آنده تعیش ایلیور ، صوکرابو حیوانلرک برچوعدن انسانلر مستفید اولیور ، انسانلرک برقسم مهمی بالقله تأمین معیشت ایتدکلی کبی ، دکزلردن اخراج ایلدکلی بجه ذی قیمت اشیا سایه سنده توسیع تجارت و تزئید ثروت ایلیور ، کذا دکزلر کندیلرنده سهولته سیرسقا ئنه صالح بر صورتده یارادلمش اولدقلرندن بوسایده دخی انسانلر ایچون پک چوق منافع حصوله کلیور . مثلا : اقصای شرق و اقصای غربده بولنان امته و اشیا یکدیگره نقل اوله رق انواع تجارت حصوله کلیور ، حتی بوکون تجارتک الکیوکنی تجارت بحریه تشکیل ایدیور . ینه بوسایده بتون بلادک صنایع و معارفی بر برینه انتقال ایدرک مدنیت کوندن کونه ترقی و تزاید ایلیور . کذا شمسک روی زمین نشر ایتدکه اولدیغی حرارتیله دکزلردن سایه بخارلر صعود ایدرک و اوراده بالکائف قار و یاغورده تحول ایله رک روی زمین یاغور . بو قارلرک ، بو یاغورلرک روی زمین یاغمسیه مابه الحیات اولان نهرلر ، ایرمقلر حاصل اولدیغی کبی اشجار و نباتات و حیوانات دخی حصوله کلیور ، هله اجسام عضویه نیک و علی الخصوص اعضای انسانیه نیک خلقتلرینه ترتب ایدن حکم و مصالح بتون عقلا و حکمای حیرته براقیور . فن منافع اعضا کتابلرینی امعانه مطالعه ایدن کیمسه لرک عظمت باریه وضع سبحانیه حیران اولاملری قبل دکادر . الحاصل شو عالم کونده ساحه آرای وجود اولان هر شئیک خلقتنه بر منفعت ، بر حکمت ترتب ایتدکه و بوضو رتبه انتظام عالم محافظه ایدلمکده در . حالوکه بتون اشیا نیک خلقتدن بویله غایه لرک ، منفعتلرک ترتبی تصادفه حمل اوله میه جغندن بونلرک بر فاعل حکیمک آتاری اولدقلری آشکاردر ، اوفاعل حکیم ایسه « الله » اسم شریفیه تسمیه اولنان جناب بدیع الآئادر .

سملک اضراع و ابداع اوزره اثبات واجب

متشابه الاجزا اولان ماددن ، یعنی ماهیترلی بر اولان اجزای مادیادن

بر جوق عناصر مختلفه نك وجوده كلسی ، برابر اختراع و برابدا در . بو کیفیت
اجزای ماده نك اختلاف و بعضی نه حمل اتمك باطل در . و برا اختلاف وضعك
اختلاف ماهیتی اقتضا اتمیه چكی بدیهی در . بونكه برابر اختلاف وضع ده آری چه
برابدا و برابر اختراع در .

معلوم در كه اجسام مر كه بر جوق عناصر مختلفه دن تشكیل اتمش در . حالو كه
بو عنصر لر عین ماهیتك افراد و اجزاسی در . بناء علیه بونلر آرد سنده حسب الماهیه
اصلا اختلاف یوق در . جمله سی « ماده » دینان شینك اقسام دن عبارت در .
اساساً بونلر ماهیت واحد نك اقسامی اولاد قلی حاله یك دیگره نسبته
حقیقت و ماهیتلری بالکلیه با شته در . چونكه اكر اولیه اولما سهیدی اجسام
تنوع ایده مزدی ، كاشانده آنجق بر نوع جسم بونوردی . حالو كه بو عا لده
ماهیتلری یك دیگره نه . مخالف لایعد و لا یخصی اجسام موجود در . و هر برینه
مخصوص سجه آثار و احكام ترتب اتمكده در .

بر كه اجسام جادیهی نظر تدقیق دن كچیردم ، و بونلردن اولاً اجرام علوی دینی
نظر اعتباره آله م ؛ بونلر ك جمله سی عین ماده دن تركب اتمی كی حاله هر برینك
كندینه مخصوص بر هویتی ، بروضعیتی ، بر مقدار معینی و بروقت معلومی وارد در .
يك دیگره نسبته بعضلری پك كوچك و بعضلری پك بیو كدر . حتی اوقدر
بیو كدر كه كره ارضك آكا سیتی بر قوم دان سنك بیو ك بر طاعه اسبیتی كی در .
بونلردن هر بری كندی مدارنده كمال انتظام ایله دور ایدیور .

بو اجرامك هیچ برنده سكونت كورولیور . هر بری كندینه مخصوص
بر حر كته فضا ده طولاشیور . حتی شیمدی كی هیثونك كشفلییه كوره شمس
بیله نایه ده سكر كیلو مترو بر سرعتله توابی ایله برابر « هر كل » رجنه طوغرو
ایلر یلكده در . بعض كوا كبك كونی و سه سی زمكندن دها قصه و بعضی سنك
دها اوزون در . « زخل » ك بر سه سی بزم سنلر ك یكرمی طفوزیه مساوی در .
« اورانوس » ك بر سه سی بزم سنلر ك قمش دردی قدر در . « پتون » ك بر سه سی
بزم سنلر ك یوز آلمش در دینه معادل در . حالو كه « عطارد » ك بر سه سی بزم
سنلر ك ربعی قدر در . بر سه سنك حرارتی یوقدر . بر سه سنك حرارتی ایسه پك
شدتلی در . حتی شمسك حرارتی جمع ایدیا سه . كره ارضك تخمیناً اون بیك
ایك یوز كیلومتره تخمنده اولان قشری بر كونده ارنه كه كفایت ایدر . بو حرارت

شده‌اند اینک می‌دار او حیوز سکسان بر میلیونده بر جزئی بزه واصل اولیور
 و بو صورتیه روی زمینده حیات حصوله کلپور . ارضک شمسدن اولان بعد
 مسافه‌سی یوز قرق طغوز میلیون کیلو مترودر . عوالم سائرده دخی عین احوال
 جریان ایتدیکی استدلال ایدیلور .

صوکرپا بر کرده اجسام ذی حیاتی نظر اعتباره آلهم : بو اجسامک جمله‌سی
 بر طاقم معدنی شیلردن ترکیب ایدیور . بونلرک اجزای اصلیه‌سی معدنیات تشکیل
 ایدیور . آزوت ، فاربون ، مولدالماء ، مولدالموضه‌دن عبارت اولان معدنیاتدن ،
 یعنی شبه معدنی اولان شیلردن نباتات ، حیوانات حاصل اولیور . حالبوکه اولیه
 معدنی اولان شیلر ایله حیات آرسنده وهله علم ، اراده ، قدرت ، سمع ، بصر
 وسائره کبی صفات عالیه میاننده اصلا مناسبت یوقدر . بونلک ایچوندرکه برعرب
 حکیمی : « الذی حارث البریه حیوان مستحدث من حماد — بتون انسانلری
 حیرتده بران شی برطاقم حماداندن حیوان جنسک حصوله کلسیدر » دیشدر .
 ایشه بونلرک جمله‌سی هپ ابداعات و اختراعات قیلندن در .

شمدی بختی خلاصه ایدم : بتون عوالم اجزای اصلیه‌سیله ، اجرام علویه
 وسفلیه‌سیله ، معدنیات ، نباتات و حیواناتیله عدواحصانن خارج بیجه احوال
 بدیعه و عجیبه‌نی محتوی در . بونجه بدایی حاوی اولان شیلر ایسه بر مدعک ابداعی
 و بر مخترک اختراعیه در . او مبدع ایسه « واجب الوجود » در . زیرا بو قدر آثار
 بدیعه‌یه مبدأ اولان شیک ممکنات جمله‌سندن اوله‌میه‌جفی مسالک سالفه‌ده ذکر
 ایدیلان ادله ایله مثبت در .

صراط مستقیم : ۵ کانون ثانی ۳۲۴

اثبات حقایق اشیا

خارجده کوروب حس ایتدی کمز اشیا ، حقیقتده وارد در ؛ آنلر

او هام و خیالات قیلندن دکادر .

سوفسطایه حقایق اشیای انکار ایشلسده ده ، آنارک بومذهبری

— آتیا بیان اولونه جفی وجهله — کایا باطلدر .

سوفسطایه اساساً اوچ فرقه در : ۱ — عنادیه ، ۲ — عنادیه ، ۳ —

لا دریده در .

عنادیه کوره هیچ بر شیشک ماهیت و حقیقی بر قدر . کندیلی دخی داخل اولدقلری حلاله بتون اشیا اوهام و خیالات باطله دن عبارت در .

عنادیه کوره ایسه حقایق اشیا اعتماده تابع در . برتی جوهر اعتقاد اولنورسه جوهر ، عرض اعتقاد اولنورسه عرض ، حق اعتقاد اولنورسه حق ، باطل اعتقاد اولنورسه باطل ، وار اعتقاد اولنورسه وار ، یوق اعتقاد اولنورسه یوق در .

لا دریده کنجه ؟ بونلرده هر شیده شک و تردد مسالکنی الزام ایشلسده .
حق کندی وجود لرندن بیله شک ایدوب بو شکرلنده دخی شک ایتدکلرینی ادعا ایشلسدر در .

بو مذاهب باطله تقریباً اوچ بیک سنه اول یونانستاده ظهور ایش و صوکرک بونلردن دهانجه باطل مذهار اشعب ایدرک دنیاک هر طرفه ایشلسدرکه لک مشهورلری (آغویست) و (ایده آلیست) لک مذهاری در . معلوم اولدیغی اوزره آغویستلر لکیز کندیارندن باشقه ، ایده آلیستلر ده کندیار بیه کندیارندن حاصل اولان صور فکریه و علمیه دن ماعدا بتون اشیایک وجودینی انکار ایدن بر طائفه عجبیه در .

سوفسطایاری بو باطل مذهاره سوق ایدن شی ۱ — آنارک « حواسه عدم امنیتلری » ، ۲ — « حال رؤیایی حال یقظه یه قیاسلری » در .

آنارک دییورلرکه : ۱ — اسباب علمک اک قولیایی حواس در ؛ حالبوکه حواسه امنیت یوقدر . زیرا حواسلک اعض شلرده غلط ایتدیگی محقق در . زجهله دوز بردکنک صویه صوفیلنجه قیر ایش کنی کوروسور و ایشته وراده حسن بصرک غلط ایتدیگی قطعاً یحقق ایلور وینا ، علیه سائر شلارده ده غلط ایتدیکنسه حکم ایدمک و یا خود هیچ اولمازسه آنلرده ده غلط حسن اجهاله کینمک و بو حاده حواسه امنیت ایدلمه مک لازم کلور . حواسه امنیت ایدلمه بیجه

علمک اسباب سائر سه امنيت ايديلمه جيڪي اولويتده ڦالير و بنايرين هيچ بر شيڪ موجوديته حڪم ايديلمه ميسي ضرورت حڪمي آليز .

۲ — برده بز حال رؤياده ڪرڪ ذهنده و ڪرڪ خارجده اصلا موجود اولمايان شياري ڪورييور و حال يقظهده ڪورديڪمز شيلري ده آنلره قياس ايليورز . چونڪه حال يقظهده ڪورديڪمز شيارڪ حال رؤياده ڪورديڪمز شيلر قيلندن اولدقلىرى بز بهيلد رده جڪ بر دليل به لونه ميغندن « بونلرڪده آنلرڪي وجودلري يوقدر » ديه حڪم ايليورز .

بالاده بيان اولونديغي وجهه سوفسطايلرڪ ڪيميسي بتون اشياي ، ڪيميسي ڪنديلرندن ماعدا هر شيئي انڪار ، ڪيميسي ده حقايق اشياڪ اعتقاد تابع اولديغي ، بعضياري ده بوبابده شك و تردد ايچنده يوراولا تمقده بولونديغي دعواسنده اصرار ايتمڪده اولدقارندن آنلره قارشي مدافعه و آنلره مباحثه ممڪن دڪل ايسه ده ؛ نفس الامرده مذاهب مذڪوره نڪ سخافت وردائتي ، درجه بطلان وسقامتي بيان ايچون بونلره قارشي بروهه آتي مدافعه به شروع ايدييورز :

۱ — في الواقع قوه باصره ، بز طاقم اسباب معلومه دن ناشي بعض شيلرده غلط ايدييور ، مثلا صويه قونولان بر دڪنڪي انڪسار ضيا سبيله قيلمش ڪبي ڪورييور . فقط بوندن شو حاسه نڪ هر شيده غلط ايتديڪنه حڪم ايتمڪ لازم ڪلر . از جمله قوه باصره نڪ شمسڪ مضى و مشرق اولديغي حس ايتسي غلط خسه حمل اولونهماز . چونڪه بوراده قوه باصره نڪ غلظه سبب اوله جق هيچ بر شي يوقدر . بونلڪه برابر صويه قونولان دڪنڪك قيلمش ڪبي ڪورونمسي غلط حسه عطف ايتمڪده طوغرو اولههاز . زيرا ضيانڪ برواسطه لطيفه دن ديكر برواسطه ڪيفيهه حين انتقالده منڪسر اولمسي لازم ڪله جيڪي واشيا ايسه آنجق ضيا واسطه سياه وضياه تبعاً ڪوروله جيڪي جهتله مذڪور دڪنڪك قيلمش ڪبي ڪورونمسي امر ضروري و پڪ طوغرودر . چونڪه ضيا ورؤيت فانولري بوني متضى در . شو حاده مذڪور دڪنڪك قيلمش ڪبي ڪورونمسيده اصلا غلط يوقدر .

بوحاسه نڪ غلط ايتديڪي ظن اولنان مواقع سائردهه بوکا مقيس در . برده فرض ايدهم ڪه : قوه باصره ڪرڪ بوراده ، ڪرڪ سائر زلرده غلط ايدييور . فقط بوندن حواس وقواي سائردهه امنيت ايديلمه ميسي و بناء

علیه بتون اشیادان وجودك سبب اولونسی لازم کیز. چونکه «حواس سائرده خطا ایدیور» سوزی اصلاً قبول ایدیلمز. زیرا خاطر وخیالمزده یوق ایکن مثلاً وراء جداردن دفعه ظهور ایدن بر صدایی بلا شك ایشیدیورز. کذا خبرسز اوله رق بر طرفه نزد تاس ایدن آتشک یا قدیغنی ویا خود برعضومزه باتیریلان مثلاً بر ایکنهك باتدیغنی حس ایدرك درحال متأثر اولیور و همان او شیرلی کندمزدن دفعه فوق العاده برسرعتله سعی ایدیورز. نه کیم مثلاً اوطه لر مزده اوطوررکن بری خارجدن یا مزه کلوب زدنده بولسان بالفرض برمسک قوطوسنی آچسه بوقوطونك آچیلدیغنی بزگورمهك ییله آدن انتشار ایدن مسک رایحه سنی درحال استشمام ایلورز.

شوحالده سوفسطائیک بتون حواسه امنیت ایدیلمیه ککنسه استدلاً بجمله کائناتک اوهام وخیالاتدن عبارت اولدیغه حکملری قطعاً باطردر.

۲ — بونلرك حال رؤیایی حال یقظه یه قیاسلرینه کمنجه: بوده ایکی وجهله مردوددر:

اولاً: تاسیم ایدلم که حال رؤیاده کوردیکمز شیرلك کرلك خارجاً کرلك ذهناً اصلاً وجودلری یوقدر. آنلر عیب اوهام وخیالات باطله قیاندندر. فقط حال یقظه یی حال رؤیایه قیاس باطردر. زیرا آنلر باسغه باشقه عالمدر. حتی به نك ایچون برینه «یقظه»، دیگرینه «نوم» نامی ویرمشدر. بولدیگدک برینه مخالف ایکی شیدن برینک احوال واحکامنی دیگرینه قیاس ایسه جائز دلدز. زیرا مواظک اختلافیه احوال واحکامک دخی اختلاف ایتدیکی سبب سزدر. کورلزمی که مثلاً: آتش ذهن رخارجده عین شیدن، عین حقیقتدن عبارت اولدیغنی حالده مواظکلرینک اختلافی حسیله احوال واحکام دخی اختلاف ایدرك خارجده آتش ماهیته ترتب ایدن حرارت و سائره کی احکام ذهنده اوماهیدن. اوحقیقتدن تجرد ایدوب آنلرك برینه احوال واحکام سائر حقیقت مذکوریه ترتب ایلکدهدر.

ثانیاً: رؤیا ندر؟ حقیقت رؤیایی بیانده باشلیجه ایکی مذهب وارددر: مذهب اوله کوره: رؤیا. — حال نومده روح انسانیک عالم مجرداته (عالم مثاله) اتعالیله عالم حسده ظهور ایدجه اولان وقایع وحوادثک سورتلری اوراده مشاهده سندن عبارتدر. اکثر رؤیالرك مستقبله عیناً ویا تأویلاً ظهور اتمکده اولدیغنی دخی بوکا دلیلدر.

مذهب تازی به کورده ایسه : رؤیا . . . حال یقظه ده حواس و اعصاب واسطه سیله
خارجدن دماغه بالانتقال اوراده ارتسام ایدن وقوه خیالیه نیک تشکیلاتیه درلو
درلو شکله کیرن صور محسوساتی حال نومده روح انسانیت ادرا کندن
عبارتدر . بر طاقه رؤیا نیک کنیدی حسیات واشتغالات ظاهره سیله متناسباً
وقوعه کلکده اولدینی دخی بونی مؤیددر .

شو مقدمات معلوم اولدقده ، دیرز که : رؤیاده کورون شیلرک اصلا
وجودلری اولدیعنی تسلیم اتمیز . زیرا اوشیلر یا عام مجردانده یعنی عالم ارواحده
ملاً اعلان روح انسانیه فیض ایدن صور ووقیع آیدن ، یا خود حال
یقظه ده حواس و اعصاب واسطه سیله دماغه بالانتقال اوراده انتقال ایلمن صور
محسوسدن عبارتدر . هر هانکیسی اولورسه اولسون ، دیمک اولیورکه رؤیاده
کورون شیلر یا روح انسیده موجود صور معنولات و یا خود دماغه منقوش
صور محسوسات اولوب سوسفطایلرک دیدکاری کبی معدومات صرفه قیاندن
دکادر . بناء علیه آنلرک : « رؤیاده کوردیکمز شیلرک اصلا وجودلری یوقدر .
احتمال که حال یقظه ده کوردیکمز شیلرده اوقیلدندر . » دیملری قطعاً باطلدر .

هله بونلردن ایده آلستلرک خارجدن حواس و اعصاب واسطه سیله کندیلرینه
انتقال و دماغلرنده انتقال ایدن صور فیکریه و علمیه نیک کندیلرنده موجودیتنه
و آنلرک خارجدن کدیکنه قائل اولدقلری حالده اوصورتلرک منشأ واصللری
اولان ایسی خارجیه نیک موجودیتلری انکار اتملری نیک عجیبدر . بو ، عادتاً
بر جرمه نیک منفذدن داخلنه نفوذ ایدن ضیی شمسی اعتراف ایدوبده سوکرا
اوضیات منشأ و منعی اولان جرم شمسی انکار کبی در . تشبیه آخره آنلرک
بو حالی عادتاً بلوطلرک انجیره مایهدن تشکل ایتدیکنی تصدیق ایدوبده سوکرا
انجیره مایه نیک وجودینی انکار کبی در . اگر بونلر معقول ایسه اوتدی که ده معقولدر .
بورایا بقدر اسملری سبق ایدن سوسفطایلردن باشقه عندی مذهبک شعباتندن
وله بق عصر مزده نیک چوغاش بر طاقه سوسفطایلر دخی واردر که بونلره
کورده : « حقایق اشیا وارسه ده ، اشیا دن هیچ برشیده (حسن مطلق و یا قبح
مطلق) یوقدر . بتون اشیا ده کی حسن ، قبح نسبیدر . بر قوم و یا بر شخصه
کورده حسن اولان برشی دیگر بر قوم و یا بر شخصه کورده قبیحدر . مثلاً : بر
بنانک طرز انشاسی ، بر قوم نرزدنده کوزل ، دیگر قوم نرزدنده چرکیندر .

یازمش بر اثر علمی و یا ادبی ، او اثرک مؤلفیه آکا تابع اولانلره کوره اتی ، دیکرلرینه کوره فئادر . اوتاندیری بر قومده جاری اولان بر عادت ، اوقومه کوره مقبول ، دیکر اقوامه کوره مردوددر . ادیان ، اخلاق دخی بویلددر . الحاصل دنیاده حقیقه کوزل ویا حقیقه چرکین هیچ بر شی یوقدر .

بو طائفه نك بوجه بالا سوزلردن اصل مقصدلری ، دینت و مالتی هرچ ومرچ ایتک و بو صورته بتون نوع بتیری کندیلری کی درگه همیشه نزل ایتک اولدیغی و بوفکر ، زمانمزلک اکثریتله نورسیدکننه استیلا ایتکده بولوندیغی جهته ؛ بوفکرک بطلانی بوجه آتی بیان اولنور :

اشیاده کی حسن مطاق ویا قبح مطاق منکر اولان شو سوفسطائیلرک :
« علمده هیچ بر شیده حسن مطلق ویا قبح مطلق یوقدر . » سوزلری قطعاً باطلدر .

زیرا ایشته علم ، اشیادن بر شی در . حالبوکه علمک صفت کمال اولمق مناسبجه حسن ذاتی ایله حسن اولدیغی شه سز اولدیغی کی ، بونک ضدی اولان جهلده صفت نقصان اولمق مناسبجه قبح ذاتی ایله قبح اولدیغنده شک یوقدر . بوگون دنیانک هر طرفنده ازالته جهل ایچون مصارف کلیه اختیارینه نشر علوم و معارف خصوصته بدل مساعی ایدلمسی دخی شو حقیقی اثبانه کافیدر .

کذا سو ، هوا ، ضیا ، غذا و سائر مدار حیات نباتیه و حیوانیه اولان شیلر دخی اشیا جمله سندندر . حالبوکه بونلرک دخی طبعه ملامت مه اسنجه حسن ذاتی بی حائر اولدقلری وارسته بیاندر .

نته کیم عدالت دخی اشیادن بر شی در . حالبوکه بونک موفق حکمت و مصاحت مناسبجه حائر حسن ذاتی اولدیغنده کیسه ناک شه سی یوقدر .

بو سوفسطائیلرک : « بر بنانک طرز انشاسی بر قوم نردنده کوزل ، دیکر قوم نردنده چرکیندر . یازمش بر اثر علمی و یا ادبی ، او اثرک مؤلفیه آکا تابع اولانلره کوره اتی ، دیکرلرینه کوره فئادر . اوتاندیری بر قومده جاری اولان بر عادت ، اوقومه کوره مقبول ، دیکر اقوامه کوره مردوددر . ادیان ، اخلاق دخی بویلددر . الحاصل دنیاده حقیقه کوزل ویا حقیقه چرکین بر شی یوقدر . » سوزلری دخی باطلدر .

زیرا بر بنانک طرز انشاسی فن معماری به عامیله موافق ایشه آرتیق آتک

برقوم نزدنده کوزل ، دیگر برقوم نزدنده چرکین اولمسی اوله‌ماز ؛ او طرز انشا ، واقع ونفس الامرده کوزلدر ، موافق مصلحتدر . اما فن معماری بی بیلمین بعض کیمسه لک نظرنده کوزل دکل ایش . وارسون اونلرک نظرنده کوزل اولماسون ، بونک اصلا اھیتی یوقدر . آتون نە دیمک اولدیغنی بیلمین برکیمسه نک آتونه اصلا قیمت تقدیر ایدمه مسیله آتوک قیمته نقصان کلدیکی کچی ، فن معماری دن بی خبر اولان بعض جهلانک بوقه تامیله مطابق اولهرق یابیلمش اولان برنانک حسنی ، حسن ذاتیسی تقدیر ایدمه مسیله حد ذاتنده اوبناده حسنک بولونامسی ایجاب ایدرمی ؟

قواعد عامیه وفتون ادبیهیه موافق وبناء علیہ مصلحتہ مطابق اولهرق یازلمش برآرده بویلدر . برآثر علمی دن متصد نادر ؛ بوراسنی تقدیر ایدمین آدمک بویله قواعد ، فتون ادبیهیه تامیله موافق اولهرق یازلمش برآثرک حائر اولدیغنی حسن ذاتی آکلامه مسیله اوآثرک قیمته خلل کایرمی ؟

طبیاع سایمه نزدنده مسلم ونفوس زکیده مستقر برعات دخی موافق حکمت ومصلحت معناسنجه حائر حسن ذاتی در . چونکه بوکچی عادتلر دنیانک هریرنده مقبول ومعتبردر . بوکون اکثر قوانین مدنیه نک بوکچی عادتلره مبتنی اولدیغنی دخی شومدعائری اثباته کافی در .

ادیان واخلایه کانجه ؛ برکره دین در ؛ اولابونی تعریف ایدم . دین ، انسانلری کندی اراده واختیارلریله کندی حتملرنده نفع محض اولان امور خیریهیه سائق برقانون الهی در .

بویله برقانونک موافق مصلحت وحکمت معناسنجه حائر حسن ذاتی اولدیغنی شهبه سردر . ایشته دین اسلام بویلدر . چونکه بودینده امر اولنان شیلرک کفوسی انسانلر ایچون ، بلاشک نافع اولدیغنی کچی نری ایدیان شیلرک جمله سی دخی بتون انسانلر حقنده مضر اولدیغنی مرتبه باهتددر . بوکون بوحقیقت بتون عقلا نک تحت تصدیقنده در . بعض سبکسوزان بودین مینک تعدد زوجات ، تستراسوان وطلاق کچی بعض مسائله اعتراض ایدیولر سده مقالات سائر مزده مدلاً اثبات اولوندیغنی اوزره آنلرک بواعتراضلری قطعاً باطلدر .

ابن رشدك مسلك فلسفيسی

و

امام غزالی ایله بعض مسائل حقیقه مناظره سی

ابن رشد دینانته حکمتی کندیسند جمع ایدن حکمای اسلامیه دندر. فاسفده اساس اعتباریله اراسطو مسالکینه سالکدر. بوتون اثرلرنده وبالخاصه هافقنده ارسطونک اسمنی یاد و مسلك حکمتندن بحث ایتمکده در. وایتدیکی بحثری ده ارسطویه اعتراض صورتیله دکل، قبول صورتیله ایراد ایتمکده در. ابن رشد حکمای یهود و نصارادن دخی بحث ایدیور. حقیقت دنیان شی تعددایدیموب واحددن عبارت بولتمق ضروری اولغله نصرانیت و یهودیتک حقایقندن بحث ایدن حکمای نصارا و یهودی دخی رد ایتمور. فاسفنه حقیقه بی دین اسلامه وبالجمله ادیان صحیحه اساسانه موافق کوریور.

در ایدرک کندیسنه اسناد ایلدیکی وجهله ابن رشد « هر جسم ذی حیات کندیسندن مقدم ککش اولان دیگر بر ذی حیاتدن تولدایدنر. بو عالم مادی دخی بر ذی حیاتدنر. بناء علیه بالطبع دیگر بر ذی حیاتدن تولدایشدرکه اوده اللهدر. هر شئیک منبع و موردی اودر. هر شئیک محافظه ایدن اودر. مشهوداتمترك کافه سی کندی شکللری بر قوتله محافظه ایدرلرکه اوقوت دخی اللهدن کلور. اوقوت ابطال ایداسه اوجسملرک محولری دخی مقتضی اولور. ایدی الوهیت صورت دایمده طبیعات ایچنده حاضر و قیوم اولوب عالم طبیعتی طوتار. یعنی نوعما روح کاشاندنر « سوزلری عیناً سویلیمامش ایسه ده مالا سویلشدر. حتی « مخلوقانک اولومی اصللرینه رجعت مقدمه سیدر « سوزلری عیناً سویلیمشدر. فقط « هوای نسیمی ایچنده سیدر بح محو اولان صدا بر مدت طنین انداز اولمده دوام ایله آندن صکره محو اولور. آندن صکره صدانک ناولدیغی، زده کیتدیکنی کیمسه بیله مز. موجودات بوجدایکی برر برر کیده چکلر. الله هر شی مقامنه یالکیز کندی باقی قاله حق « سوزلری عیناً ویاخود مالا سویلدیکنه دایر کرک هافقنده و کرک دیگر اثرلرنده بر قیده تصادف ایدیلمه مشدر. بکا فالورسه ابن رشد بو سوزلری سویلیمز. چونکه ابن رشد عالمک ابدیت و ازلیتته فائل اولدیغندن « موجودات محو اولوب

الله مرثی مضمونه یا لکنز کندی باقی قله جق، سوزی آنک قائل اولدینی اساس ایله
متناقصدر. این رشک مسلک حکمتی اصل امه غزالی ایله اولان مناظره لرندن
اکلاشیلور. بو مناظراتک دراپار طرفدن قاتمرلی قالدیریلان مباحثه تعلق
ایدنلرینی ایشته بوجه آتی اجمال ایدیورم :

ازلیت علامه رائر مناظره

امه غزالی حضرتلری دیورکه :

... بالمله فلاسفه عندنده بو عالم قدیمدر و بلاواسطه بر حادئک قدیمدن صدوری
ممکن دکلدر. فلاسفه بوسوزلرینی بر جوق دلیلر ایله اثباته قیام ایتمشلردر.
بزبوراده اودلیلرک اوجنی ذکر و ابطال ایله اکتفا ایده جکیز، برحی دلیللری
شودر :

« بر حادئک بلاواسطه قدیمدن صدوری محالدر. زیرا فرض ایدم که بر قدیم
وارد و بو عالم او قدیمدن ازله صدور ایتامشدر، صکره صدور ایتامشدر. ایدی عالمک
ازله او قدیمدن صدور ایتامسی نایچوندر؟ ازله عالمک وجودینی عدمه ترجیح
ایده جت بر مرجح بولمیبو عالم، امکان صرف اوزره قالدینی ایچوندر، دکلی؟
یک اعلا، بوندن صکره عالم حادث اولدقده عالمک ایشو حدوقی ایکی صورتدن
خالی دکلدر. بو حدوث یا بر مرجح ایدر و یا خود بلا مرجحدر. اگر بلا مرجح
ایسه عالم حادث اولمایوب کما فی السابق امکان صرف اوزره قالمسی لازم کلور ایدی.
زیرا ترجیح بلا مرجح باطلدر. اگر بر مرجح ایله ایسه او مرجحی احداث ایدن
کیلدر؟ و او مرجح ایچون مؤخرأ حادث اولدی ده اولدقده حادث اولدی؟ اگر
« بو مرجحی ایجاد ایدن فلان شیدر » دنیلور ایسه اوزمان شی مذکورده نقل
کلام اولتور .

مرجحک جدوئنده ایراد اولتان سؤال، اوشیئده وارد اولور. برده
بو عالم مادام که حادثدر، حادث اولدینی زماندن ده اول ایچون حادث
اولدمشدر؟ اوجه عالمک حادث اولماسنی حق تعالیات ایجاد و احداثدن عجزینه
و واحدهده حدوثک استحالهسنه حمل ممکن دکلدر. زیرا بو حمل، قدیمک
عجزدن قدرته و عالمده استحالهدن امکانه انقلابی مؤدی اولور که بونلرک هر
ایکسی ده محالدر. بوکا « عالمک حادث اولدینی زماندن اول بر غرض یوق

ایدی . صکره او غرض موجود اولدی ده غرضات موجودیتیه بو علم دخی میدانه کلدی . « طرزنده بر جواب ویریدمدیکی کبی » عالمک براز دها اول حادث اولماسی اولجه آلتک فقدانه مینی ایدی « طرزنده دخی بر جواب ویریدمز . بلکه بو باده تخیه قریب اولان شویله بر جواب ویرلمکده در : « بو عالمک حادث اولدینی زماندن اول جناب حق عالمک وجودینی اراده ایتدیکی ایچون عالم اولجه حادث اولدی » واقما بو سوز براز خیاله قریبدر . فقط بو ندن ده حق تعالی حضرت تدرینک اراده سی حادث اولمق لازم کلور . حالبوکه جناب حق محل حوادث اولمدیغندن اراده نك حدوثی ذات باریده محالدر . ارادناک آخر رحمله حدوثی ایسه حق تعالی مرید قیلمز . یعنی فرض ایدم که مؤخرأ عالمک حدوثه تعلق ایدن اراده حق تعالاده حادث اولمامشده بشقه بر محمله حادث اولمش . واقما بو تقدیرجه جناب حتمک محل حوادث اولسی لازم کلر ایسه ده او اراده کندیسنده بولمدیغندن اراده اولینجه اکا مریدنامی ویریدمیجه چکندن بو فرضه کورده ده جناب حتمک مؤخرأ بو عالمک حدوثی اراده ایتمش اولسی تحقق ایتمز .

شمدی بز عالمک محل وزمان حدوثنده کی نظر یا تمزی ترک ایدم ده اصل حدوث عالمه کی اشکالی بیان ایدم : عالم نردن حادث اولدی ؟ ایچون حادث اولدینی زماندن دها اول حادث اولدی ده مؤخرأ حادث اولدی ؟ اولجه آلت ویا قدرت ویا خود طبیعت (یعنی عالمک مایه الکسالی اولان قوت) وق ایدی ده آنک ایچومی ؟ نك اعلی ! فقط شمدی سئوال ایدرز که : بوتلر یعنی آلت ویا قدرت ویا غرض ویا خود طبیعت اولجه ایچون موجود اولدی ده مؤخرأ موجود اولدی و بوتلر سببیه عالمده حادث اولدی ؟ بوکا جواباً : مؤخرأ بر اراده حادث اولدینی ایچون عالم بو اراده الی . حاجه ظهور دکلدی « شایه حتم اولور ایسه بوده باطل و مشکلدر . زیرا او مؤخرأ حادث اولان اراده دیگر بر اراده محتاج اولور . اگر ایکنجه اراده دخی اوحنجه و اوحنجه دارنجه و هلم جرا الی غیر نهایت اراده لر بر بریه بوقف ایدرک ایدر ایسه سالی لازم کلور . بو ایسه باطلدر . اگر کیتمز ایسه او حالده قدرتسز ویا خود آلتسز ، یا خود غرضسز ویا طبیعتسز اوله رق حادثک قدیمدن ظهورینه وارد اولان اعتراض بعینه عودت ایدر . خلاصه عالم حادث اولدیغه کورده هر ندرلو توجیه

اولنور اینسه اولنسون محال باش کوستر . عالمك حدوثی محال اولنجه قدمی ثابت اولورکه مطلوبده بودر .

ایشته امام غزالی فلاسفه‌نك برنجی دلیللرینی بو صورتده اجمال ایلدکن صکره کندی مدافعه‌سنی دخی بوجه‌آتی سرد اییدیور . دییورکه :

— فلاسفه‌نك برنجی دلیللری ایشته بو خلاصه‌دن عبارت اولوب بونلرک قدم علمه دائر سرد ایلدکاری ادله‌نك اگ قوتلیسی‌ده بودر . بویسه بوجه‌آتی ایکی‌وجه ایله مجروحدر: وجه‌اول: ای فلاسفه! سز «بوعالم حادثدر و حدوثی‌ده اراده قدیمه ایهدر . اراده قدیمه بوعالمك حادث اولدینی وقتده عالمك وجودینه و حدوشنه تعلق ایتمش و بو تعلق سببیه علمده میدانه ککشدر . وجود باشلادینی کونه قدر ایسه عالمك عدمی مستمر اولمشدر.» دینلرک شوسوزلرینی یچون رد اییدیورسکز؟ سزی بو اعتقاددن منع ایدن و سزه بونی محال عدایتدیرن شی نه در :

الحاصل بوعالم حادثدر و بو حدوثی‌ده اراده ازلیه ایهدر . فقط بو اراده ازلیه عالمك ازله دکل بلکه حادث اولدینی وقتده حدوشنه تعلق ایتمشدر و بو تعلق سببیه عالم او وقت میدانه ککشدر ، بوندهده هیچ برمحذور متصور دکلدر .

اما سز دییورسکزکه «بو تقدیرده اراده حقت حادث اولسی لازم کلور» خیر : لازم کلز . اول وقت لازم کلور ایدی که کرک اراده و کرک اراده‌نك تعلق عالمك حادث اولدینی وقتده وجوده ککش اولسه ایدی . حال بوکه زاولیه دییورز . بز اراده‌نك قدیم اولوب یالکز تعلقنك حدوشنه قائل اولیورز . بوندن‌ده جناب حقت محل حوادث اولسی و اراده‌لرک الی غیرالتهایه تسلسل ایتمسی لازم کلز . بوندن یالکز تعلقنك حدوثی لازم کلورکه بو تعلق‌ده برامر اعتباری اولدیغندن بونك حدوثی هیچ برمحالی مستلزم اولمز .

وجه‌ثانی: ای فلاسفه! خصم‌لر بکنزک «قدم عالم محالدر . زیرا قدم عالم فلک ایچون نهایتسز دوراتی اثباتا مؤیددر . حال بوکه دورات فلکک سدسی ، ربعی ، نصفی وارددر . چونکه فلک شمس رسنه‌ده ، فلک زحل‌ده او توز سنه‌ده [۱] دور اییدیور . بو حالده

دوره زحل دوره شمسك ثلث عشرى يعنى اوتوزده برى و دوره مشتری ده ايکى
ثانى اوليور . چونکه مشتری اون ايکى سنه دور ايديور . چکره دورات
زحلک نهايتى اولديغى کي دورات شمسك ده نهايتى يوقدر . حال بوکه دورات
زحل دورات شمسك ثلث عشرى ايدى . بلکه ده شمسك شرقدن غربه اولان
دورات يوميه سنک نهايتى اولديغى کي دورات فلک ثوابتک ده نهايتى يوقدر .
حالبوکه فلک ثوابت اوتوز آتى بيک سنه ده بر کره دور ايديور . غير مناهى
اولان شيلرک بويله بر برندن راند و ناقص اولسى ده محالدر . ديه سويلدکلرى
سوزى سزىچون رد ايديورسکيز ؟ اکر برقائل چيقوب ده « بونک استحاله سى
يديميدر و ياخود » بو دورات چيقتميدر تکميدر ؟ « و ياخود » هم چفت هم
تکميدر ؟ « و ياخود » چفت ده کل تک ده دکلدر ؟ « ديه جک اولورسه نه جواب
ويررسکيز ؟ اکر « هم چقدر ، هم ده تکدر ، ياخود » چنت ده دکلدر ، تک ده
دکلدر « ديه جک اولور ايسه کيز بونک بطالانى آشکاردر . اکر « چقدر و چفت ده
بر زياده سيله تک اولور » طر زنده جواب ويره جک اولور ايسه کيز بو حلاله نهايتى
اوليان بر شيك واحد زياده سيله تک اولسى نصل ممکن اولور ؟ و او واحد نره
علاوه ايديلور ؟ و اکر « تکدر تک ده بر زياده سيله چفت اولور » دير ايسه کيز
دمسکي سوال عيناً وارد اولور .

ايشته حدوت و قدم عالم مسئله سنده فلاسفه يه مقابل امام غزالينک تهافتنده
ايراد ايلديکي مدافعه دخى شوندن عبارت اولوب ابن رشد ايسه کندی تهافتنده
امام غزالى يه جواباً ديسورکه :

— غزالينک فلاسفه آغزندن نقل و حکايه ايلديکي دليل بر دليل جدلى اولوب
براهين قطعيه مرتبه سنده دکلدر . زيرا بودليلک مقدمه سى مقدمه عامه در .
يعنى عمومه فرشو سويلديان بر سوزدر . حالوکه براهينک مقدمه سى امور حقيقه
متناسبه اولمق لازمدر . بونک بيانى شودرکه « الممكن » لفظى بالاستراک « ممکن
اکثرى » ، « ممکن اقلى » و « ممکن تساوى » يه اطلاق اولور . [۱] و بونلر ده در مرجحه
احتياج على السويه اولور . چونکه ممکن اکثرنت کندی کندمه ترجيح ايدرک
ماهيتدن خارج بر مرجحه احتياج اولديغى ظن اولور . ممکن تساوى ايسه بونک

[۱] « ممکن » : حقيقت و ماهيتى نه وجودى ، نه ده عدى اقتضا ايتيوب بونلردن
هر ايکي سنده ده خارجدن بر مرجحه اولان شيدر .

خلافه در. برد امکانن بعضی فاعله، بعضی ده منفعله اولور. فاعله اولان امکان امکان فعل اولوب منفعله اولان امکان دد امکان قبولدر. حال بوکه بونلرده ده مرجحه احتیاج ظهوری علی السویه دکادر. چونکه منفعله کی امکانک خارجه ده مرجحه احتیاجی مشهوردر. ناصیل که امور صناعیه ده بواحتیاج حساً دخی ادرک اولتور. واقعا امور طبیعیه ک اکثریسنده ده خارجهن بر مؤثرده، بر مرجحه احتیاج بولندیغده شک ایدیلور. چونکه امور طبیعیه ک مبدأ تغیری کندیلرندن اولدیغی ظن اولتور. بونک ایچوندر که بزآنلردن بر چوغنده متحرکی محرك صانیرز. هر متحرك ایچون بر محرك اولدیغی وطبیعیات میانده کندی کندیسنه حرکت ایدر برشی بولندیغی بلادلیل بیلیمیز. چونکه بونلرک هسی بیان واثبانه محتردر. کذلک فاعله کی امکان ده بویلهدر. تأثیر فاعلک قوه دن فاعله چیقسی ایچون خارجهن بر مرجحه محتاج اولدیغی ظن اولتور. زیرا فاعلک عدم تأییدن تأثیره انتقال ایتمسی اکثریا بر مغیره محتاج اولان تغیردن عبارت دکل کی کوریلور. کذلک بر مغیره محتاج اولان تغیردخی بر قاچ قسمة آریلور. بونلرک بعضی جوهرده بعضی کیفیتده، بعضی مقدارده بعضی ده مکانه بولور. قدیمده بواکمان و تغیر کی ایکی قسمة آریلور که بریسی قدیمه بالذات دیگر کی دخی قدیمه بالغیردر. تغیر ایدن بعضی بعض قوم عنندنه قدیمه بولمق جائزدر. کرامیه عنندنه اراده حادثه ک جناب حقه و قدما عنندنه کون و فسادک ماده اوزرندنه [۱] بولمسی کی. کذلک فاعله ده ایکی قسمدر که بریسی اراده ایله بریسی طبیعت ایله اجرای تأثیر ایدر. فعل ممکنک بونلردن صدوری کیفیتده دخی مساوات یوقدر.

بونلرک هسی مسائل کثیره عظیمه اولوب کندیلرندن آری آری بخت اولمغه احتیاج واردر. مسئله واحده بی مسائل کثیره رنده اتیان ایسه سوفسطائیلرم مخصوصدر. چونکه بومبادیدن بریسنده غلط ایتمک موجود ایدن بخنده غلط عظیمه سببدر.

امام غزالی ک حکمایه فارشو ویردیکی جوابلاره کانهجه : بوجوابلردن وجه اول بر منسلطه محضدر. زیرا فاعل مختار اولدقده یعنی بر فعلی اراده و اختیار یله ایدقده مفعولک تأیری فاعلک تأییدن و کذلک فاعلک تأثیر اوزرینه عنمندن مؤخر [۱] ماده دن بر صورتک زوالته «فساد» و آنک برینه دیگر بر صورتک حواله نده «کون» دینیر.

اولسی جائز اولدیغنه قائل اولمق غزالی به ممکن اولمیدی ایچون فاعلک و مفعولک اراده فاعلن تأخری جائز اولدیغنه قائل اولمشدر. واقفا مفعولک اراده فاعلن تأخری جائز ایسه ده فاعلک اولمغولی ایجادن و آنک اولرنده تأییدن و فاعل مریدک آفی ایجاده عزم و قصدنن تأخری جائز دکدر. بوحالده حدوث علمی ترجیح ایدن مرجحک مؤخرأ موجودیتنه دائر ایراد اولان اشکال، اراده قدیم اولدیغی و حدوث عالم بو اراده نك تعلیقه حادث بولندیغی صورته ده، بقدر . بناء علیه بو مسئله ده غزالی به ایکی شیدن برنی قبول ایلک واجدر: علم حادث اولدیغی تقدیرده یا «فاعلات فعلی فاعلده خارجدن برتغیر ایجاب ایدر» ده چک و یا خود «تغیر ایدن بعضیسی» خارجدن برتغیر احتیاج سز اوله رق مفیدک بالذات کندیسندن نشأت ایلر» سوزنی قبول ایلایاجت اکر شق اولی اختیار ایدر ایسه فاعل ایچون خارجدن برتغیر اولمق لازم کلور. اکر شق ثانی نی قبول ایلر ایسه قدیمک بر نوع تغیر ایله متغیر اولسی اقتضا ایدر. حالبوکه بونلرک ایکیسی ده عندالغزالی باظدر .

وجه ثانی به کلنجه: واقعا زمان واحدک ایکی طرفنده ادوار کثیره صاحبی اولان ایکی حرکت تصور اولنور و بعده بو حرکتلردن هر بری ایچون بر حد محصور توهم ایدیلر ایسه غزالینک بو اعتراضی وارددر. زیرا برجهلی دیگر جمله به نسبت ایلک او جمله لرک اجزالری نك ده بر برینه نسبتی ایجاب ایدر. مثلا دوره زحل او توز سنه دنیلن مدتده دورات شمسک یته او مدت طرفنده ثلث عشری اولدقده بو مطلوب حاصل اولور. زیرا دورات شمسدن برجه دورات زحلان برجه به زمان محدودده نسبت اولدقده بوندن دوره اولانک جزؤلری ده دوره ثانیه نك جزؤلری نه نسبت اولمق لازم کلور. اما شو ایکی حرکت بیننده — بالقوه اولدقلری ایچون یعنی ایکی سنك ده مبدئی بولندیغی جهتله — نسبت ممکن اولر ایسه برنجی سنك اجزاسنی ایکنجی سنك اجزاسنه نسبت لازم کلر. نصل که بونی فلاسفه دلیل لریه اثبات ایتشاردرر .

ایمدی وقتا که قدما مثلا حرکت شمسک مبدأ و نهایتی اولدیغی فرض ایتدیلر و حرکت زحلک ده بویله اولدیغنه قائل اولدیلر آرتق بو ایکی آرمسده نسبت آرا مق ممکن اولدی . بناء علیه دوره شمسه کونک دوره زحل، کونک دوره مشقری به وسائر هیه نسبت اولنه مزکه بوندن هپسی ده نامتناهی اولدقلری

حالده بعضیلر بئک بعضیلر نندن زائد و یا ناقص اولسی و کیمیسنک چفت و کیمیسنک بک بولنسی لازم کلسون . دوره فلکدن هیچ بر دوره یوقدر که آندن اول دنخی نهایتی اولیان دورات بولنسون . بوقضیه عندالفلاسفه صحیح و متفق علیه بر مسئله در . بوده هر حرکت متقدمه نك حرکت متأخره به شرط اولسی اساسه مستددر .

حرکت متقدمه حرکت متأخره نك وجوده کلسنک شرطی اولدیغنه کوره هر نه زمان حرکاتدن بزی بولنسه آندن اول نهایتسز اسبابک ده بولنسی لازم که چکی ظن اولنسون . چونکه حکمادن هیچ بر کیمسه کفره ده ریه کبی نهایتسز اسبابک وجودینه قائل دکادر . زیرا بوندن سببسز بر سببک و محرکسز بر متحرک و جودی لازم کور . بوايسه فلاسفه عندنده باطلدر . بناء علیه برهان قاطع آنلری بوکأئانده حکمفرما اولان یالکسز بر محرک ازلی بولندیغنی و بو محرک ازلینک وجودی ایچون ابتدا وانها اولدیغنی ، فلکده بو محرک ازلینک وجودندن متأخر اولماسی ایجاب ایتدیکنی اعتقاده مجبور ایتمش و بوجهته عندالفلاسفه او محرک ازلینک فعلی ایچون . بر مبدأ اولماق قطعیت حکمنی المشددر .

مع هذا او محرک ازلینک افعالندن هیچ بر فعل یوقدر که بالذات فاعل اولسون . فاعل آنحق کندیسیدر . بعض فلک بعض فعدن اول اولسی ایسه بالذات دکل ، بالعرضدر . بونک ایچون حکما بالعرض نهایتی اولیان شیئک وجودینی جائز کوردیلرده بالذات نهایتی اولیان شیئک وجودینی جائز کورمدیلر . بلکه «ممکناندن هر نوع ایچون قدم امر ضروری اولوب مبدأ اول و ازلینک وجودینه تابعدر» دیدیلر .

فقط بو حکم یالکسز حرکات متتابعه و یا متصله مثلوشیلرده جاری اولیوب بلکه کندیلرنده متقدمت متأخره سبب اولدیغنی ظن اولتان شیلرده ده جاریدر . انسان کبی که آنی کندی کبی بر انسان تولید ایدر و بوانسان مولدک وجودینک اولی اولیان بر فاعل ازلی به قدر ترقی و تنهاسی واجب اولور . اویله ایسه بر انسانک دیگر انساندن ، او دیگرکده بشقه بر انساندن وهلم جرا کون و حصولی کون بالعرض اولوب کون بالذات دکادر . (یعنی هر انسان مولد تولید ایلدیگی انسانک واسطه موجودیتی اولوب بوقبسه عات مستقله سی دکادر) الحاصل

وجودینک اولی اولیان فاعلت بلا آلت یا تمش اولدییغی فعللر ایچون آنها اولدیغی
کی آلت ایله یا تمش اولدیغی فعللر ایچون ده آنها یوقدر .

وقتا که متکلمین کرام حکمانت بویه بالعرض اولان سیری بالذات اعتقاد ایدر
اولدقلمنی ظن ایتدیلر، بونک وجودینی انکار ایله حکمانک قولارنی حل اتمش اولیوب
کندی دیللرینک ضروری و بدیهی اولدیغنی توهم اتمش اولدیلر. حال بوکه بومسئله
فلاسه نه نک کلامدن پک قولای ا کلاسیکور. زیرا آنلرک ریسلری اولان رسطو «اگر
بر حرکت حرکتی اولسه ایدی یعنی بر حرکت دیگر حرکتی ایجاد ایتسه ایدی
هیچ بر حرکت بولمز ایدی. کذلک بر عنصر دیگر عنصری احدث ایتسه ایدی
هیچ بر عنصر بولمز ایدی» سوزنی تصریح اتمشدر. زیرا بویه نهائی اولیمان
شیلر مبدأده دکلدر، منتهأده دکلدر. بونک ایچون مکنوندن هیچ بر سینه
«شوشی منقضى اولدی» دینله مز. چونکه هر منقضى اولدیغی ظن اولتان
شی بر بسته صورتده تجلی اتمشدر. بسته بر صورتده تجلی اتمیان شی ایسه
منقضى دکلدر .

بو حکم مبدأ و نهایتک بر امر نسبی اولسندن ده بللیدر. بونک ایچوق
مستقلده دورات فلکک نهائی اولیه جغه قائل اولان کیمسه مبدئی یعنی
دورات فلکک ابتدائی اولدیغنی ده انکار ایتک لازم کیشدر. زیرا میدتی
اولان شیئک منتهأده اولمق لازمدر. مادام که دورات مذکورده نک منتهأده
یوقدر، اولیه ایسه مبدئی ده یوقدر. اول و آخر کله لرنده ده سوز بویله در .
اولی اولان بر شیئک آخری ده اولور. اولی اولیمان بر سینه آخری ده اولور .
آخری اولیمان بر شیئک اجزاسندن بر جزؤ، حقیقت و نفس لامرده منقضى ده اولماز.
کذلک اوشیئک اجزاسندن هیچ بر جزؤک مبدئی ده بولنه مز. ایشته بونک
ایچوندر که «فلان شی منقضى اولدی» دینله مز .

الحاصل حکما عندئذ عالمک قدمی اعتقاد اولوب بونک ده معناسی «فعل
الیهنک اولی ده یوقدر، آخری ده یوقدر» مسئلهسندن عبارتدر. فقط متکلمین
بو معناسی ا کلامیوب قدمه «کندیسی ایچون عات اولان شی معناسی و بر دینارندن
اومعنایه مغایرتده بولنموش اواق ایچون قدم علمی ده انکار اتمشدر .

ایشته ابن رشدک امام غزالییه مقابلهسی دخی بوراده ختام بولدی . فقط

خاطر ندن چیقارمامیدر که امام غزالی فلاسفه نك ازلیت عالمه دائر اولان دلیللر نك بورایه قدر یالکیز برنجیمی اوزرینه بنای سخا که ایتش ایدی ده ابن رشیدك مقابله سی دخی یالکیز اورنجیمی دلیل اوزرینه واقع اولمشدر . بعدما امام غزالی فلاسفه نك ایکنجی دلیللری دخی بالاحمال آندن صکره کندی مدافعه سنی ده ایراد ایله جکدر . ائمدی امام مشار الیه دییور که :

— فلاسفه نك ازلیت عالمه دائر اولان ایکنجی دلیللری دخی شودر :
 عالم حادث اولدیغی تقدیرده جناب حَقْک عالم اوزرینه تقدیمی حرکت یدک حرکت مفتاح اوزرینه ، بر شخصک کندی ظلی اوزرینه تقدیمی مللو یا عاتک معلوله تقدیمی نوعندن تقدم بالعلیه در ، یا خود بر زمانده ظهوره کان بر حادثه نك آندن صکره کی زمانده ظهوره کان بر حادثه تقدیمی نوعندن تقدم بالزماندر . اگر حق تعالی نك عالم اوزرینه تقدیمی تقدم بالعلیه ایسه تقدم بالعلیه ده متقدم ایله متأخرک زمانده مساوی اولملری لازم کدیکندن ، یا ایکنسی ده حادث اولور ، یا خود ایکنسی ده قدیم اولور . مادام که حق تعالی نك سانی ازلیتدر ، بو حالده ایکنسنک ده حادث اولمق احتمالی اولدیغی جهتله عالمک ده ازلی اولدیغی تعین ایدر . بونلرک بریسی ازلی ، دیکری غیر ازلی اولمق محالدر . چونکه بو تقدیرده بینلرنده کی تقدمت تقدم بالزمان اولمسی لازم کور . بزایسه آنی تقدم بالعلیه فرض ایتش ایدک . اگر حق تعالی نك عالم اوزرینه تقدیمی تقدم بالزمان اولمق لازم کسه زمان دخی عالمدن اولدیغی جهتله عالم زمان معدوم ایکن حق تعالی نك بر زمان انجند بولمسی و او حالده ده قبل الزمان بر زمان اولمسی لازم کور . قبل الزمان بر زمان اولمق اجتناء نقیضین اولدیغندن بالبداهه محالدر . زمانک حدودی محال اولنجه قدیمی ثابت اولور و زمان قدیم اولدقده حرکتکده قدیم اولمسی ایجاب ایدر . چونکه زمان مقدار حرکتدر . حرکت قدیم اولنجه متحرککده قدیمی ثابت اولور . زیرا متحرکک حرکتله زمان دوام اییدیور .

ایشته حکیمانک ایکنجی دلیللری دخی بو صورتده اجمال ایلدکن صکره امام غزالی مدافعهیه شوو جهله باسلا یارق دییور که :

— زمان حادث و مخلوقدر . کندیسندن اول اصلا زمان یوقدر . «الله تعالی عالم و زمان اوزرینه متقدمدر» قولوزدن مراد من «عالم یوق ایکن الله تعالی وار ایدی . صوکره عالم دخی الله تعالی ایله وار اولدی» دیتکدر . «عالم یوق ایکن الله تعالی وار ایدی» قولوزدن

مفهوم اولان شی ایسه ازله ذات برینک و ارغیله برابر علت عدمنی اخبار اولوب « صکره عالم دخی وجود باری ایله وار اولدی » قولزدن مستفاد اولان شی دخی آنحق ذات باری ایله عالمک وجوده اکلدیکنی اخباردر . حق تعالانک عالم اوزرینه تقدمندن مقصودمز دخی حق تعالی یا لکنز اولدیغی حمله وجودله تفرق ایتمش اولدیغی افادهدر . عالم شخص واحد کیدر . ملا بز « عیسی یوق ایکن الله وار ایدی . صکره عیسی دخی وجود باری ایله وار اولدی » دیر ایسه ک بوجه عیسانک یوقاغیله برابر حق تعالانک وارغنی و مؤخرأ وارلقده ایکیسنگده اجاعنی افاده ایدر . اوچنجی برشی دها فرض ایتک ایجاب ایتمز . واقعا وهم اوچنجی برشیتک دها فرضندن کندیسنی کیرو آلهمز ایسهده غلطات اوهامه التفات و اعتبار یوقدر .

ایسته امام غزالیکنجی دلیلله مقابلهسی دخی شوندن عبارتدر که دقت ایدیلجهت اولسه فلاسفه ایله ازلرنده او قدر بیوک بر مسافه بولمیدیغی دخی کوریلور . ابن رشد ایسه بودقی دها بشقه بر صورتده کوستریبور . دیبور که : — غزالیکنک بوسوزی دخی مغالظهدر . زیرا برهان قائم اولدی که بوعلمده ایکی وجود واردر . بری طبیعت حر کتده یعنی حر کتک کندیسندهدر که بوجود زماندن اصلا آبرمز . دیگر ی طبیعت و ماهیت حر کتده دکلدز که بوجود دخی ازلی اولوب زمان ایله توصیف اولمز . طبیعت حر کتده اولان وجود حس و عقل ایله ا کلاشیله بیلور برشیدر . اما طبیعت حر کتده اولمان وجود حساً معلوم اوله میوب مع هذا « هر متحرکات بر محرکی و هر مقعولک بر فاعلی واردر . اسباب محرکه الی غیر النهایه کیتمز . همه حال غیر متحرک بر سببه متبهی اولور » قضیه لرینی اعتراف ایدن عقلا زدنده بودزلو وجودک دخی موجودیتده برهان قائم اولدیغی کی طبیعت حر کتده اولان وجودک زماندن منفک بولمدیغنه و طبیعت حر کتده اولمان وجودده زمان لاحق اولمه حقه دخی برهان قائم اولمشدر .

ایندی بو مقدمه معلوم اولدقدده برز که بواکی وجوددن برینک دیگر یه تقدیمی یعنی زمان کندیسنه لاحق اولمان وجودکددا نما زمانه مقارن بومان وجوده قدیمی بر تقدم زمانی اولدیغی کی بر تقدم علی ده دکادر . بونک انجون موجود غیر متحرکات موجوده متحرکه تقدیمی ایکی موجود متحرکدن برینک آخره تقدمنه تشبیه ایدنلر خطا ایتمشدر . زیرا متحرک جنسندن اولان هر ایکی موجود آره سند « سونک بر نحیسی ایکنجی سببه با بر ایدر

و یا خود اینجیستند زماناً متأخر در « دیه تردید طوغری ایسه ده موجود غیر متحرک ایله موجود متحرک آرسنده بو تردید طوغری دکدر . واقعا متأخرین حکمای اسلامی دن بعضری تردید مذکوری موجود غیر متحرک ایله موجود متحرک آرسنده دخی اجرا ایتدیلر ایسه ده آنلرک بوفعللری مسلك قدمای لایق له کلامدقلری ویلمدکلی ایچوندز . بو حالده ذکر اولنان ایکی وجوددن برینک دیکرینه تقدیمی تقدم بالوجوددر . بو تقدم بالوجود انواع تقدمدن برنوع اولوب اوده متغیر اولیان و کندیسنده زمان حکمی اجرا ایدمیان بروجودک ، زمان ایچنده متغیر اولان دیگر بروجوده تقدمدن عبارتدر . بناء علیه حکماجه « بویکی وجود برابردر و یا خود بونلردن بری آخره زماناً تقدم ایتشدز « سوزی طوغری دکدر . اوله ایسه امام غزالی نیک حکم ای مومی الهم اغزندن « عالم حادث اولدیغی تقدیرده جناب حقا عالم اوزرینه تقدیمی یا تقدم بالعلیهدر و یا خود تقدم بالزماندر « دیه اسناد ایلدیکی سوز دخی براقترادر .

ابن رشدک امام غزالی به مقابله سی دخی بوراده ختام بولدی . دقت ایدیلور ایسه کوریلور که حکما ایله امام غزالی نیک نقطه مختلف فیهلری بررینه بقدر یقین ایسه ابن رشدک امام غزالی به مقابله سی دخی اوقدر یقین برنقطه دندر . اما حکمانک سوزلرینی متکلمینک و امام غزالی نیک کلامدقلرینه داثر ابن رشد طرفدن بیان اولنان مطالعده نظر وارددر . بزاکلا به مامق جهتیه قساعت ایدمیز . علم وفهمده آنلر درجه سنده بولنان ذوات عالی نیک بر مقصدی کلایه مامبری اصل قابل اولور ؛ بزدمت ایستز که حقایق شرعیه نقطه نظرندن دعوائی و وجهله تصویر ایتمک و اوصورتله معصور اولان دعوائی رد ایتمک ایچون بویه یا بوشلدردر . یعنی ازایت دعوائی او وجهله تصویر اولنورسه حکمت اسلامیه نقطه نظرندن ناصورنده مقابله ایدیلدیجکی کوشتمک ایچون بویه یا بوشلدردر . بوندن ده منصلدلی حقیقت شرعیه یی محافظه در که اوده قدم و بقا و مخالفة لاحوادث کبی سیرک صفات الایدن اوللرندن طولانی بونلری اصل حق بریده اثبات ایتمک لزومددر . بوقسه دعوی ابن رشدک تصویر ایلدیکی کبی اولسه یعنی حکمای حقیقیه یات اصل تصورلری اورتیه قوناسه امام غزالی طرفدن مدافعه به هیچ لزوم کورلمز ایدی . اما او حالده ده امام مشاز الیهک اشبو مدافعه لری

وسيله سياله ميدان بحث و مناظره بيه قونيلان دقايقه وقوف ووصولنك يولى قاشمش اولور ايدى .

بعدها امام غزالی فلاسفه نك اوچنجى دليللريني ده بروجه آتى سرد ايدبور .
ديور كه :

— حكمانك ازليت عالمه دائر اوچنجى دليللرى دىنى شودر كه :

« هر حادث بر ماده ايله مسبو قدر . زيرا هيچ بر حادث ماده دن مستغنى دكلدر . بناءً عليه ماده حادث اوليوب حادث اولان شي اوماده اوزرينه جارى اولان صورتلر و عرضلر و كيفيتلر در . بوناك توضيحي شودر : هر حادث حدوثن اول باممكن الوجود ويا تمتع الوجود ويا خود واجب الوجود در . تمتع الوجود اوله مز . زيرا ذاتنده تمتع اولان بر شي اصلا بولنده مز . واجب الوجودده اوله مز . چونكه واجب الوجود اصلا فاني اولمز و هيچ بروجله تغير قبول ايتمز . بو حالده ثابت اولدى كه بر حادث حدوثن اول ممكن الوجود در . ايمدى حادث قبل الحدوث ممكن الوجود اولنجه « امكان » دينلان و صنفك قبل الحدوث آنك حقه ده ثابت اولديني تحقق ايلر . حال بو كه او حالده حادث هنوز موجود اولمديغندن بو امكان و صنفك محلي بالآخره او حادثى وجوده كتوره جك اولان محل اولمق لازم كلور . چونكه امكان بروصف اضافى و نسبي اولديني جهته بنفسه قائم اوله ميه جفندن نسبت اولنه جق بر محل اقتضا ايدوب او محل ايسه ماده دن بشقه بر شي دكلدر . حال بو كه او وصف امكان ايله اصاف ايدن ماده نك ديگر بر ماده سى ده ا اوله ميه جفندن ماده نك حادث اولسى ممكن كوريله مز . زيرا اگر ماده حادث اولسه ايدى قريباً بيان اولديني اوزره هر حادثك امكاني دىنى كندى وجودى اوزرينه سابق اولغله بو حالده ماده نك امكاني بنفسه قائم اوله رق بشقه بر شيه مضاف اولمز ايدى . حال بو كه امكان بروصف اضافى اولغله آنك بنفسه قائم اولسى ممكن اوله مز . ايدى ماده نك حدوثى محال اولنجه قديمى ثابت اولور كه مطلوب دىنى بو ايدى . »

فلاسه نك اوچنجى دليلنك اجمالى دىنى بوراده تمام اولدى . امام غزالی بو كاده مدافعه ديور كه :

— فلاسفه نك ذكر ايتدكارى امكان ، حكم عالمه راجع اولور . بر شي كه عقل آنك وجود و عدمنى جائز كورر ، براكا ممكن بنسبه ايدرز . بر شي كه

عقل آنک وجودی تجویز ایدمز، اکاده «ممتنع» دیرز. برشی که عقل آنک عدمی جائز کوره مز، اکاده «واجب الوجود» عنوانی ویریز. بونلر برطاقم قضایای عقیده اولوب بر وجوده محتاج دکادرلر که حتی آنک وصفی اولسونلر، یعنی امکان و امتناع و وجوب دنیان شیلیار عوارض ذهنیه دن اولوب عوارض خارجیه دن دکادرلر که خارجهه قائم اوله جق بر محل اقتضا ایتسونلرده کندیلری ده او موجودک وصفی اولسونلر. بو حالده حادثک حدوشندن اول بر ماده اولوب او حادثک امکانک قبل الحدوث او ماده ایله قائم اولسی لازم گلر که مادهنک قدمی ثابت اولسون.

امام غزالینک مدافعه سی، دخی بوراده ختام بولدی. بوکاده ابن رشد بوجه آتی مقابله ایلور:

— امکانک بر ماده موجودی اقتضا ایتسی بر امر ضروریدر. زیرا معقولات صادقه نفسک خارجهه بر امر موجود اقتضا ایدر. چونکه صادق «خارجهه اولدینی اوزره نفسدهده موجود اولان شیدر» دیه تعریف اولمشدر. بناءً علیه «فلان شی قبل الحدوث ممکندر» دیدیکمزده او شیئک حدوشندن اول امکان وصفی ایله متصف بر شیئک خارجهه موجود اولسی لازم گلور که اوده مادهدر. کویا بونی «اجماع تقیضین ممتعدر» کی قضیه لره قیاس ایدوبده بوراده امتناع ایله متصف بر موجود خارجی اولق لازم گلدیکی کی «عالم قبل الحدوث ممکندر» قضیه سنسدهده خارجهه امکان ایله متصف بر شی موجود اولق لازم گلر دیه استدلال ایلک بر سفسطه محضدر. زیرا امتناع دخی امکان کی خارجهه بر موضوع اقتضا ایدر. بو ایسه بدیهی ویندر. چونکه «ممتنع» دنیلن شی «ممکن» دنیلن شیئک ضدی و مقابلی اولوب اعداد مقابله ایسه خارجهه موجود بر موضوع و محل اقتضا ایدرلر. زیرا ضدان محل واحدهده جهت واحدهدن اجماع ایدهمیان ایکی شیئه دینور. بو حالده امکان خارجهه بر موضوع اقتضا ایتدیکی کی بونی امتناع دخی اقتضا ایدر. چونکه امتناع دنیلن شی بر محل اقتضا ایدن امکانک سلب و ازاله سندن عبارتدر. ایلهدی بونلرک هپسی حد ذاتنده بدیهی اولغله غزالینک مغالطه لرینه اعتبار یوقدر.

ایشته عالمک ازلیته دائر فلاسفه و امام غزالی و ابن رشد آره سنده کی مناظره

بوراده تمام اولدی . ازلیت عالمدن بحی متعاقب ابدیت عالم ذهنه توارد اتمامت ممکن دکادر . بناء علیه ازلیت مسئله سنی متعاقباً ابدیت مسئله سی حقیقه کی مناظره نك دخی بوجه آتی اجماله لزوم کورلدی .

ابدیت عالمه دائر مناظره

حضرت امام غزالی اولاً ابدیت عالم مسئله سنی فلاسفه طرفندن بوجه آتی تصویر ایدیور دییورکه :

— فلاسفه ابدیت عالمی اثبات خصوصنده ازلیت عالم حقیقه کی دلیلرندن بشقه ایکی دلیله دهاتمسک ایتدیور . ازلیت عالمه دائر اولان دلیلرینی بالاده ذکر وابطال ایتدی کمز جهتله بوراده آنلرک تکرارندن بالطبع صرف نظرله ابدیت عالمه متعلق اولان دیگر ایکی دلیلرینی بوجه آتی ذکر وابطال ایلیه جکز .
برنجی دلیلر ی شودر :

جالینوس دیدی که : مثلاً شمس قبل انعدام اولسه ایدی مدت مدیده دنبری آنده ذبول یعنی تناقص و تغیر ظهور ایدر ایدی . حالبوکه بیکارجه سنه دنبری اجرا اولنان رصدلر آنک نامتداریمه نده رونق و عشمه سنه اصلاً خلل طاری اولدیغنه دلالت ایتکده در . مادامکه شمسده بوظول مدت ظرفنده ذبول بولمیدی ، بوحال آنک اصلاً فاسد اولیه جغنه دلالت ایلدی .

جالینوسک خلاصه دلیل ی شودر : « مثلاً اگر شمس فساد ی قبول ایدر اولسه ایدی طول مدت دنبری آنده ذبول بولمق و مشاهده اولمق لازم کلور ایدی . بوايسه باطل در » یعنی شمسی به قدر آنده ذبول بولنماش و مشاهده اولنماشدر . اولیه ایسه شمسک قابل فساد اولمسی ده باطدر .
بودلی امام غزالی بوجه آتی رد ایلور .

— بودلین ایکی وجهله باطدر . وجه اول : فلاسفه نك قیاس استثنائی شرطی دیدکاری شو قیاس بوراده مطلوبی غیر مستلزم و غیر منحددر . زرا : « اگر شمس فساد ی قبول ایدر اولسیدی » مقدمه سنده کی « فساد ی » قیدی یاذبولک فساد ی ایله تنقید و یا خود ذبولدن بشمه بر طریق فساد اولمه جغنی بیان ایتلیدر که « آنده ذبول بولمق و مشاهده اولمق لازم کلور ایدی » مقدمه سی ده

طوغری اوله بیاسون. مع هذا ذبولدن بشقه برشی ایله شمسک فاسد اوله میه جفی ده مسلم دکدر. چونکه ذبول وجود فسادک یالکتر بریسیدر. بناءً علیه برشی حال کائنده ایکن بقته فاسد اولی ویرمی هیچ ده بعید دکدر.

وجه ثانی: تسلیم ایدلم که جالیوسک قولی قیدمد کور ایله تقید اولنمش اولسون و ذبولدن بشقه ده بر طریق فساد بولنسون. فقط جالیوس ذبولک شمسه عارض اولدیغنی زردن بیلدی: اگر «رصدلردن بیلدم» دیاجک اولور ایسه بو محالدر. زیرا رصدلر شمسک مقدارسی آجق بالتقریب بیلدی زرد بیلورلر. فلاسفه نک قوللرینه کوره شمس کره ارضک یوزتیش مثل [۱] اولدیغندن شمسدن مثلاً طاعلر قدر اکیسسه بیله عندالحس تبین ایدم. بناءً علیه جائز که شمعی یا قدرتسندن مقادیر عظیمه نقصان اولسون ده حس اونقصانی ادراک ایدم. شونی بر مثال ایله ایضاح ایدلم: عندالفلاسفه یاقوت ایله ذهب عناصردن مرکب و قابل فساددر. ایدمی بر پارچه یاقوت بر محله وضع اولنسه ده اوراده یوزسنه طورسه بومدت ظرفنده او یاقوته عارض اولان نقصانی حس و ادراک ایدمیز. تاریخ رصددن بری شمسه عارض اولان نقصان شمسه نسبتله نصل ایسه یوز سنه ظرفنده مذکور یاقوته عارض اولان نقصان دخی یاقوته نسبتله او یلادر.

یه فلاسفه نک ابدیت عالم حتمنده کی ایکنجی دلیللرینی دخی امام غزالی شووجهله خلاصه و تصویر ایدیور:

— فلاسفه دیدیلر که: «بوعالم جواهر و اعراضدن مرکبدر. حال بو که جواهرک عدمنی موجب بر سبب معقول یوقدر. زیرا عالم موجود اولدقدن صکره آنک عدمه کیتیمی اولسه اولسه اراده قدیمه ایله اوله بیلور. اراده قدیمه ایله عالمک عدمه کیتیمی ایسه محالدر. زیرا جناب حق اولاً عالمک عدمنی اراده اتمیوب بلکه وجودینی اراده اتمش ایکن مؤخرآ آنک عدمنی اراده ایدر ایسه کندیسنک بر حالدن دیکر بر حاله تغیر اتمی لازم کلور. بوایسسه حق باریده محال اولدیغندن عالمک عدمی دخی محالدر»

[۱] شمعی رصدلره کوره کره شمس کره ارضدن بر میلیون درت یوز بیک کره بیک اولدیغنی فرض ایدر مکده درلر. راصدین جدیده شمسک ذبولنه قائل اولوب حتی نه قدر بیک سنه صکره کاملاً یاغش اولورق سونه جکی حتمنده ده بر طاقم حسابات فرضیه کی بیلورلر.

امام غزالی فلاسفه نك اشبو ايكنجهي دالليرينه دخي بروجه آني مدافعه ده

بوليور :

— بن سزك بوديللاريكزه اوزون اوزادي به جواب ويرمكه قيام ايتمه جكم .
 بولنره مختصراً بر جواب ويرد جكم . سز « ايجاد واعدام اراده قادر ايدر »
 دينلرك سوزلريني چون انكار وردايد بيورسكيزه جناب حق بر شيك وجوديني
 اراده ايتدكده آني ايجاد بر شيك عدمني اراده بيور دقده آني ده اعدام ايدر .
 جناب حقت كمال اوزره قادر اولسنك معناسي دخي بودر . زيرا بو وجهله
 ايجاد واعدام، قدرته كمال جهلسندندر . سز « جناب حق مؤخرأ عالمك عدمني
 اراده ايدر ايسه كنديسنك بر حالدن ديكر حاله تغير ايتمي لازم كالور » ديورسكيزه .
 خير! لازم كيز . چونكه بو اراده ايله جناب حقت كندني دكل، فعلي يعنى اراده سنك
 تعلق ايتديكي شي تغير ايدر . بوندن ده بر محال لازم كيز . اكر سز « فاعلدن
 بر فعلك صدوري لازمدر . عالم مدوم اولدقده جناب حقتن صدور ايدن شي
 ندره » ديرايسه كيز بزده ديرز كه او حالده آندن صدور ايدن شي عدمه متجدددر
 كه بوده بر فعلدر .

فلاسه ايله امام غزالي آردسنده ابديت عالمه دائر سبق ايدن شو مناظره

اوزرينه ابن رشد ديوركه :

— غزالينك جالينوس طرفندن نقل و حكايه ايلديكي دليل واقعا غزالينك
 ديديكى كبي مجروحدر . فقط جالينوسك بودليلي بر دليل تحقيق دكل ، بر دليل
 اقعاعيدر . مع هذا غزالينك بو دليله ايراد ايلديكي اعتراض دخي مردوددر .
 شوباهه :

اگر شمس ذبولى قابل اولسه ايدى تاريخ رسيدن بري آندن تحلل
 ايدن اجزا دخي شمسك غايت بيوكلكندن ناشي عندالحس شبيه بر نقصان
 ايراث ايتامش اولسه بيله اجزاي مذكوره شمسك اطرافنده كوريله بيله جك بعض
 اجرامك حدوتنه سبب اولور ايدى . چونكه شمسك ذبولى ديمك آندن بر طاقم
 اجزاتك تحلل وانفصال ديمك اولمغه شمس قابل ذبول اولدني تقدرده آندن
 تحلل ايدن اجزاتك كافه سي حول مسنده بر رسته الحاق واتصال ايدرك اورده

بر جسم، بر گره، در تشکیل ایدر و بوسیله علمت یا اجزاسنده و یا خود کیفیتانده
 بر نوع تغیر حصوله کلور ایدی. حال بوکه بونلرک همیچ بریمی واقع اولدی.
 فلاسفه نك ايکنجی دلیلرینه غزالینک ایراد ایله دیککی جوابه کئنجه: بوده سفسطه در.
 زیرا فلاسفه بر فاعل بر شئی افساد ایتدکده یعنی صورت مخصوصه سنی ازاله ایله کده
 حین افسادده اوشیئک عدمی انکار ایتدیله. فقط فعل افسادک اوشیئک عدمه
 تعلق ایتدیکنده قائل اولدیله. بلکه آنلر « فعل افساد شیء مذکورک بالفعل
 موجودیتدن بالقوه موجودیته نقظه تعلق ایدر و عدمک وقوع و حدودی ده
 بوتعلقه تابع اولور» دیدیلر. بوحالده عدم دنیان شیء فاعله نسبت اولتورایسه ده
 بر موجودده فاعلک تأثیرینی متعاقب عدمک وقوعه کلسیله او فاعلک او عدمی
 اولاً وبالذات یا ممش اولسی لازم کلز. زیرا فاعلک فعلی یعنی تأثیری عدمه اولاً
 وبالذات دکل، بلکه ثانیاً وبالعرض تعلق ایدر و بوده مفعولی بر وجوددن دیگر
 وجوده یعنی بر صورتدن دیگر صورتیه نقل ایله اولور و بوفعلی متعاقب عدم دنیان
 شیء دخی حصوله کلور. نارك هوایه انقلابی کبی که نار هوایه منقلب اولدقده
 بوفعل انقلابی متعاقب ناره عدم لاحق اولور. فلاسفه یه کوره وجود و عدمده
 دخی ایش بویله در. یعنی بر ماده دن بر شئیک عدمی دیمک اوشیئه مخصوص اولان
 صورتک آندن زوالی دیمک اولوب بر شئیک وجودی دیمک دخی زائل اولان
 صورتک یرینه دیکر بر صورتک او ماده ده حصولی دیمکدر. ایمدی باری تعالانک
 فعلی اولاً وبالذات حصوله و ثانیاً وبالعرض دخی عدم وزواله تعلق ایدر. بوحالده
 امام غزالینک «عالم معدوم اولدقده حق تعالان صدور ایدن شیء معدوم متجدددر»
 دیمی سفسطه دن بشقه بر شیء دکادر.

ایشته ابن رشدک امام غزالی یه مقابله سی دخی بوراده تمام اولدی. تزکیات
 علمیه نك بوگون پیدا ایله دیککی نقطه نظر دن بومناظر دیه باقیلور ایسه کوریلور که
 سوزی بوقدر اوزانغه سبب اولان شیء فلاسفه نك اخباب ایتمش اولدیغی مثالک
 اویغوناسز ایدر. شمسده عقلماره حیرت ویره جک بر دوام وجود اولدیغندن
 بونی فنا بونمز ظن ایتمشلر. حال بوکه خلقتده کی قدرت الهیه یه نسبتله شمس
 ایله ذرمنک نه فرقی واردر؟ بوندن مقدم تحشیه مزده دخی بیان ایله دیکمز وجهله
 شمیدیکي رصدلر شمسک ارضدن یوز ایتمش کره دکل، بر میلیون درت یوز بیک
 کره بیوک اولدیغنی فرض ایتدیورلرده اهل رصد بونک بیلله فانی اولدیغنی اعتراف

ایله حتی زمان فنانی تعین ایچون برطاف حسابله میله کیریشورلر. (کل من
 علیها فان وبقی وجه ربک ذوالجلال والا کرم) حقیقت ازیله وادیاسنه حنیفون
 فلاسفه متفقاً سرفرو بردۀ قناعت اولمشلردر. ابن رشدک مقابله سند دخی بدرجه یه
 قدر ایضاح اولندیغی اوزره امام غزالی ایله فلاسفه آردسندکی اجمل نقطه اختلاف
 فنانک بزجه نقل ایدیله میله چکی صورتنده دکابدر. فلاسفه دخی فنانی عالمه
 قائلدرلر. اختلاف یالکیز کیفیتندهدر. حالبوکه حدوث و قدم بخنی اولله اصل
 حل ایدلمس ابدیسه بقا و فنا مسئله سنک حلی دخی تامیله آنک نظیریدر. اصل که
 خاقنده اصل تقدم، ذات و اراده الیهده اولوب خلقت دخی آنی تعقیب ایش
 ایسه فزاده تقدم دخی اراده الیهده وابسته اولوب بعد الفزایته اراده باقیدر
 الحاصل اولله دخی دیدیکمز وجهله کائناتک بر فعل قادر ادرسیله یاییوب
 ینه آنک اراده سیله ییدیه جعنده بین الفلاسفه والامم اتفاق بدیمی و آنکاردر.

بونلرک کیفیتی خصوصنده کی اختلاف ایسه مطالعین ایچون توسیع افکاره
 خدمت ایدرک مباحث نافعهدندر دبا تالی ایدلمیدر. ردهدکی بو مخالفی نظار ا
 قارئنده تصور ایچون علوم ریاضیه و طبیعیات اتفاقندن متولد اولان فن هیئت
 اخطار ایدرز. قدمانک کره ارضی مرکز عالم انانازندن عبارت بونان مسلکی
 ایله متأخر سنک کره شمسی مرکز عالم الخاذا ایتلمزدن عبارت بونان مسلکاری
 آردسندکی مخالفی دوشوناجک اولور ایسه که امام غزالی ایله فلاسفه آردسندکی
 مخالفی جزء الذی لایجزا درجه سنده لاشی قیلمدن کوریزر. زیرا علم هیئنده
 متقدمین ایله متأخرین بری برینه طبان طبان ضددر. بریسی ارض ثابت شمس
 متحول اولدیغنه و دیکری شمس ثابت و ارض متحرک بولندیغنه قائلدرلر. لکن
 احوال فلکیه فی رصد امرنده بو مخالفت عظیمه نیک رسمه ناپیری کوریه بیلدیر ؟
 کوریه بیلورمی ؟ یالکیز حساباتک حیوانندن بشمه ناپیری اوله بیلور : در سنک
 ظلمات جهانده مستغرق اوله جق قدر قدیم بر زماندن چند عصر اولله دایم علم
 هیئت اصول قدیمه و جهله بالوضع رقی ایدریمه ککشددر. قرق الهی عصر دایمی
 اجرا ایدیله کلن حساباتده متأخرین عادتا هیچ بریا کاشاق بوله مامشلردر. جزوی
 یا کاشاقلر ایسه متقدمینک قوللاندقاری آلله، متأخرینک آلله سیله قباصبا
 شیلر اولمزدن نشأت ایتشددر. یوقسه بر خسوفی، بر کسوفی حساب ایلمکده

مقدمین دخی متأخرین قدر اصابت ایتدیلر و بین الثوابته موجود اولان مسافات
 زاویه ویدی متقدمینک مساحه لرنده متأخرین طرفدن ذره قدر یا کلساق بولنه مدینی
 کچی کرک بزم کره ارض مرکز سنین شمسیه و قریب سنی تشکیل ایلیان حرکات بحر کیه
 و کرک سیرات سائر تک دوراتی حساب لرنده دخی هیچ بریا کلساق بوله مامش لر دره .
 دیمک اولیوز که اختلاف اصل مقصودده اولیوب اومتصودده وصولک اصولده دره .
 بولسبت عینده فلاسفه ایله امام غزالی آرد سنده دره .

فلاسفدنک « الله صانع عالمدر » قول لرنده کی تبلیسی

بورایه قدر سبق ایدن مناظرانه دقت بیورلمش ایسه کورلمش، ا کلاشله شد که
 بین الفلاسفه دهر یلردن یعنی وجود باری یی بالکلیه انکار ایدن کفره ضاله
 و مضهدن معدا هیچ برفرقه حق تعالی حضرت لرینک وار لغنی قدر تی انکار
 ایتمک شوبله طورسون خاقت کائناتی دخی او سبحان متعاله اسناد ایتمکدن
 کیرو طور مدیلر . یالکنز اثر صنع الهی اولان بو خلقتک قدیمه و یا حادث
 اولوق ایله فنی و یا خود باقی اولمی آرد سنده مناظرانه کیرش دیلر . حتی
 قدم و بقا اثبات اولندیغنی حالده بیله بوندن کائناتک برصالعدن مستغنی عدوانه جنی
 خوفی بولنه مز . چونکه مقدار لری پک آز اولان معنیدن منکریندن بشقعه
 بین الفلاسفه بو ادعا کیمسه ده یوقدر . دهر یونده کاندجه : آنلره علمک حدود و فناسی
 اثبات اولنسه بیله دعوی باطل لرندن رجوع ایتمزلر . آنلرک شانی مکابره
 و معانددره . قانون منظرده رعایت لری اولیوب آنلرک قانون مناظرده سی سفسطه
 منصفه دره . مع هذا امام غزالی اقوال فلاسفه ده بعض تالیسلر کوردم ظننده
 بولندیغدن نمونه سی بوندن مقدمکی مباحثده کوربان دقت موشکافانه سیله
 مشارالیهک بوتلیس حقیقده دخی ایراد ایله یکی تبعاعی بوجه آتی کورمه که
 و کوستر مه که لزوم کوردک . دیبورکه :

— دهر یونده شقعه فلاسفه اتفاق ایتمدیلر که الله تعالی صانع و فاعل عالمدر

و بوعالم آنک فعلی وضعیدر . مع هذا فلاسفه عندئذ بوعلمت فعل الاهی وضع
سبحانی اولسی بوجه آتی وجود لایله ایله ممکن دکادر :

وجه اول : فعلک مختار و مرید اولسی لازمدر . الله تعالی ایسه آنلرجه مرید
دکادر . بلکهده اصلا صفتی یوقدر . آندن هرناکه صدور آتش ایسه حرارتک
آتشدن ، ضیانتک شمسدن صدور کی بلااختیار و لااراده صدور ایشدر . بونک
نوضیحی شویله درکه :

فعل علم و اختیار و اراده ایله کنديسندن فعل صدور ایدل شیدر .
حال بوکه عندالاسفه بوعلمک الهمدن صدور معلولک علمندن صدوری کی
اولوب شخصاره ظل و شمسه نور وصل لازم کش ایسه الهمیده عالم اویله لازم
کشدر . بوزاسی معلوم اولدقده دیرزکه : « سراج ضیائی و شخص دخی
کولک کی یانار ، دین برآدم شبهه یوقکه برحجاز سنولش و بوجازده حددن
آسوری توسع ایشدر . یعنی سببندم سراج ایله نسبی فعله تشبیه ایدرک
آنره « فاعل » نامنی و یرمشدر . چونکه برشی ، مجرد سببیت ایله حقیقه فاعل
وصانع عنوانلری آله منز . بلکه بالااختیار و لااراده کنديسندن بر فعل واقع
و صادر اولور ایسه اوزمان فاعل و صانع عنوانلری آوز . حتی برکیسه « دیوار
فاعل دکادر . طاش فاعل دکادر . حماد فاعل دکادر . چونکه فعل ، حیوانه
مخصوصدر » دیر ایسه آنک بوسوزی انکار ورد اولنه منز . و بوآدم سو قولنده کاذب
اولمز . حالبوکه فلاسفه عندئذ طاش و دیوارلر دخی فعلاری واردر که اوده تقابل
محرکه طوغرو میل و آتی طلب ایتلیدر . کذلک بونلرجه آتشکده فعلی
واردر که اوده تسخندر .

ایمدی مادام که اشییای مذکورده حقیقه فاعل و صانع عنوانلری و رمت
تعالیه . بحالده حق تعالییه دخی فاعل عالم و صانع عالم عنوانلری و رمت محال
اولمق لازم کاور . اوله ایسه فلاسفه نیک « الله تعالی فعل و صانع علمدر » سوزلری
تلیسندن بشفه برشی دکادر .

وجه ثانی : الله قدیم اولوب فعل ایسه حدث اولدندن حقیقت علمدر .
آنلرجه قدم بولدیغدن آنلره کوره عالمک فعل الاهی اولسی ایشدر . سواکه :
فلاسه اصولجه فعل ایچون احداثک تم طدر . بنا علیه آنلرجه برشی احداث
اولدقده اکا فعل دینامز . حالبوکه عندالاسفه عالم قدیم اولدیق جهته آتی

احداث ممکن دکادر. قدیمی احداث حاصلی تحصیل اولوب بوده بالبداهه باطدر.
احداث عالم باطل اوانجه عالمک فعل الهمی اولسی ده باطل اولور.

وجه ثالث: فلاسفه کوره واحدن آنحق واحد صدور ایدر. مبدأ اول ایسه
آنلرجه من کل الوجوه واحد اولوب عالم اشیاى مختلفه دن مترکب اولدیغندن آنلر کوره
عالمک فعل الهمی اولسی ممکن و متصور دکادر. ایدمی بویکی وجهله دخی ثابت اولدی که
فلاسفه نك « عالم فعل الهمی وضع سبحانه ایدر » دیملری تلبیسدن یعنی اعتقاد
باطل لرینی ستردن بشقه برشی دکادر.

ایشته امام غزالی نك فلاسفه یه حکم ایلدیکی تلبیسک وجود ثلاثیسی بوندن
عبارتدر. ابن رشد کندی تهافتده حضرت امامک بوسوزلرینه دخی مقابله
ایلور. دیورکه:

— وجه اوله جواب: غزالی نك « فاعلک مختار و مرید اولسی لازمدر »
قولی نه حد ذاته معروف و ناده فاعل عالم حصند. قرین اعترافدر. مکرکه اوزرینه برهان
قائم اوله و یا خود شاهدک حکمنی غائبه نقل صحیح اوله. زیرا بر اشیاى مؤثره یی ایکی صنف
کور ییورز. برنجی صنف یالکز بر اثر یاپور، اوده بالذات حصوله کلور.
مثلا آتش آنحق حرارتی و بوز دخی آنحق برودتی یاپور. فلاسفه دخی بونلره
« بالطبع فاعل » نامنی ویر یورلر. ایکنجی صنف برطاقم اشیا در که بونلر دخی
بروقت برشیسی و دیگر وقت اوشی نك ضدی یاپورلر. و ایشته بونلر مرید و مختار اولوب
اشیا ده تأثیرلری آنحق علم واراده و رویت ایله حاصل اولور. خالبوکه فاعل عالم اولان
حق سبحانه و تعالی حضرتلری بویله بالطبع وبالاراده تأثیرلردن منزهدر. زیرا
اراده و اختیار دنیان شیر افعالات و تغیرات جمله سندن اولوب حق سبحانه و تعالی
ایسه افعال و تغیردن بریدر. كذلك حق تعالی فعل طبعیدن دها زیاده
منزهدر. زیرا برشی نك فعل طبیعی اوشی نك جوهرنده یعنی ذاته بالضروره
وبالاضطرار حاصل اولوب ضرورت و اضطرار ایسه حق باریده بالبداهه محالدر. برده
فعل طبیعی فاعلن صدوری عن علم یعنی بیله رگ دکادر. حال بوکه فعل حقک
کندی سندن صدوری عن علم اولدیغی مبرهن و مثبتدر. خلاصه جناب حقک
جهت فاعلیتی یعنی برشی نك فصل ونه ایله یاپدیغی کیسه نك معلومی دکادر.
چونکه اراده نك پیشگاه مشاهده مزده اولان شیرده نظیری یوقدر. بو حاله

فاعل لفظتک مفهوم و معنای « آنحقی بر شیئی اراده و اختیار و رویت ایله یاپاندر » دیمک و بوتعریفی فاعل شاهد و فاعل غائبه شامل قیلمق نصل اوله بیلور؟

فلاسنه بوتعریفک هر ایکسینه ده مطرداً شموله فاعل اولمدق لری ایچون انفعالات قیلندن بولان اراده و اختیار ایله حاصل اولان فعلی فعل اولدن یعنی حق تعالان نفی ایتمک کندیلرینه لازم کیشدر . بو ایسه بالطبع وبالذات بین و بدیمیدر . بناءً علیه فعل مذ کوری اللهه اسناد ایدن اصل تلیسیده بولتمشدر . فلاسنه تلیسیده بولنمامشدر . چونکه ملبس حتی دکل غلطی قصد و اراده ایدن کیسه در . حفته خطا ایدن کیسه ملبس دکادر . معلومدر که فلاسنه طاب حق صدنده در لر . بناءً علیه ملبس اوله منزل « الله تعالی اراده بشرد بکنزه من بر اراده ایله مریددر » دیان بر کیسه ایله « الله تعالی علم بشره بکنزه من بر علم ایله عالمدر » دیان کیسه آردسنده اصلاً فرق یوقدر . جناب حقیق نصل بیلدیکی ادرا کتک فوقنده اولدیغی کی نصل اراده ایله یکی ده ادرا کتک فوقنده در .

وجه ثانی یه ویریلجک جوابه کانهجه : واقعا عالم بذا تا قدیم و غیر متحرک اولمق او زره موجود اولسه ایدی کندیسی ایچون فاعل بولنماق لازم کولور ایدی . اما اگر حدوث دائمی ایچنده قدیم معناسنه اوله فرق موجود اولور ایسه یعنی حدوثک نابتداسی نده اتمهاسی بولنمز ایسه عالم حق تعالانک ایجاد و احداث کردوسی اولمق ایجاب ایدر . چونکه حدوث دائمی بی افاده و اعطا ایدن شی حدوث منقطع افاده و اعطا ایدن شیدن زیاده « محدث » و « موجد » نامنه لایق و مناسبدر . بوجیهته عالمه « حدوث » وصفنی ویرمت قدم وصفنی ویرمکدن دهها مناسب ایسه ده حکما عالمی « بر شیدن بعدالعدم بر زمانده حدث » مناسندن حفظ و صیانت ایچون آتی « قدیم » ایله تعبیر ایتمشدر در .

وجه ثالثه کانهجه : « واحددن آنحقی واحد صدور ایدر » قاعده سی فلاسنه تک ملزم و مساوی اولسه ایدی واقعا بوکا جواب ویرمک پک مشکل اولوردی . فقط متأخرین فلاسنه اسلامییه من بقله لری هیچ بجه بر اراده سوبه سادشدر در . ابن رشدک امام غزالی « منابلهسی دخی بوردانه تمام اولدی . بزموشته دن اولسه اولسه بومناسیته دخی توسیع افکاره خدمت ایدر جس سوزلر سوبه شمشدر دیه نمون اوله بیلور . بوقسه حضرت امام غزالیلک مبدأ کلامنده « دهره دن بشنه فلاسنه اتفاق ایستیلرکه الله تعالی صانع و فاعل عالمدر و بوعالم آنک اثر فعل

وصنعیدر . جمله لینی کورد کن صکره اثبات تلیس ایچون ایراد ایلدیکی
ایضاحاتی تعجیله تلقی ایلرز . چونکه ایضاحات مذکورنک هیچ برجهتی فلاسفه
حقیقه سوزلری اونوب کاملاً دهریه سوزلریدر . حضرت امام بوسوزلری
دهریهیه فارشو مدافعه اولمق اوزره ایراد وبعده درایش اولسه لر ایدی بجا
کورینه بیلور ایدی . اما بونلری اقوال فلاسفه در دیه رده قالمشقم بشقه لرینک
قصور لریله اوقصور لره هیچ تعلق اولمیانلری مؤاخذه قیلندن عد اولنور .

فلاسفه آتشک قوه تسخینه سنه و بوزک قوه تبریدی سنه بر « فعل » و بونلرک
اوقوتلر آثارینی اراده ایتملرینه « فاعلیت » معناسنی ویرملری بزجه کورلمش
ایشیدلمش سیلردن دکلددر . بلکه دهریه نک تسدی ماتریالیست دنیلن متجددلری
بالآخره انکار محضه قدر وارمق ایچون جهانده ماده وقوتدن بشقته موجود
تصور ایدمه ماکده وخلق و تکوینی دخی ماده ده کی قوته اسناد ایدی ویرمکده درلر .

حکمای حقیقه یه کنجه بونلر حق تعالی نی فاعل و صانع کائنات عدا ایتماک
ایچون تلیسه مراجعت شویله طور - سون حتی کائناتده اراده صحیحه ایله فاعل
اوله رق جناب حندن بشقعه سنی تصور ایدمه ماک درجه سنه قدرده واریورلر .
تصوزک بودرجه سنی افراطدن تفریطه انتقاله حمل ایتمالیدر . زیرا « اراده »
دنیلن شی بزده کوریلن ایستک ایسه او اراده دخی مخلوق الهیدر . حق سبحانه
و تعالی حضرتلرینک کندی مخلوقیله انصافی مستبدر . بوراسنی ابن رشد علم
وسمع و بصر کی صفاتی تمثیلاً بک مدققانه بر صورتده اشارت ایلشدر . حق
تعالی بک علمی سمعی بصری بزده اولان علمه سمعه بصره مقیس اوله میه جنی
کی آنده اولان اراده دخی بزده اولان اراده یه مقیس اوله مز . او بر اراده
کلیه درکه بزیم متکلمین کرام حضرتلرینک آندن بر جزوی انسان ایچون اثبات
ایده بیلملری بیله ندرجه لرده مشکلاتی بادی اولدینی اصل بوراده تخطر ایدمیلیدر .

بزیم اراده مز اراده الهیه یه مقیس اولمق لازم کاسه ایدی قدریه مذهبی صحیح کورلمک
ایجاب ایدر ایدی . فقط بزده دخی هر حالده مخلوق الهی اولمق اوزره بر اراده جزئی
اثبات اولمشدر . ائمه اهل سنت درجه نزا کتی محتاج تفصیل اولمان شو جبر مطلق و قدر
مطلق آرده سنی بولمق ایچون بین اجبر و القدر طریق اوسطی ترجیح ایله اصابت
بیورمشلردر . بوقسه فلاسفه خلقی بر صانع ازلی وابدی یه اسناد ایله برابر

بوعقیده ساله لرینی تلیسه نادن مجبور اولسونلر : بوتلیس بر خوف و احترازدن اقتضا ایتلیدر . آنلر ایسه مشکاة نبوتدن اخذ فیض ایله برابر عقل و حکمتلرینی دخی حسن استعمال ایله بو حقایقه واصل اولمقده درلر . بو حلاله کندیلرینه تلیس اسنادی حقیقه بر اسناد مالم یکن اولور . بونی ده منسالك فلاسفه یه وقوفی اولان هر کس بویه حکم ایدر . یالکنز دهریه درکه بو بایده فلاسفه یه مخالفت ایتمکده و فلاسفه دخی آنلره قارشو امام غزالی و باخصوص ابن رشد کبی مدافعه کوستر مکنده درلر . اولجه دخی دیدیکمز و جهله حضرت امامک ال بیوک قورقدینی شی عالمک برصانعدن استغسانی وسیله سیله انکار واجبه قدر وارلق مسئله سی اولوب حقیقیون فلاسفه بوندن بعید اولمقله برابر حضرت امام بوتله کینی بوجهله نظر اهتمام اوکندن اوزاق طوئامیور . حتی اشاعگیکی بانی دخی محضاً بوفکر احتیاط ایله کشاد ایلور .

فلاسفه نك عالم ایچونه برصانع ائباننده عجزلری

امام غزالی بومسئله نی بوجه آتی سرد ایدرک دییورکه :

— ناس اوج فرقه در : برنجیسی اهل حق، ایکنجیسی دهریه، اوجنجیسی

دخی فلاسفه در . اهل حق عالمک حادث اولدیغنی وهر حادث ایچون برمحدث

لازم ولابد بولندیغنی بیله کیری ایچون « عالم حادثدر و آتی احداث ایدن دمالله در »

دیدیلر . که صانع عالمک وجودنه قولده معقول اولان مذهبده بودر .

دهریه ایسه « عالم اولدیغنی حال اوزره قدییدر » دیوب عالم ایچون برصانع

ائبات ایتدکاری جهته هر قدر بومذهبلرینک بطلاننه برحوق ادله فائما ایسه ده

آنلرک شوسوزلری دخی قابل تفهم برسوزدر .

فلاسه یه کنجه بو بایده آنلر برحال کشمکشده قلمشردر . زیرا آنلر « عالم

قدیدر » دیدکدن صکرده برده « عالم ایچون برصانع وارددر » دیشلردر که بویکی سوزک

یکدیگرینه مناقض اولدیغنی درکار اولمقله بومذهبلرینی ابطاله حاجت سیله بو قدر .

اما فلاسفه دجهت که : — « بز عالم ایچون برصانع وارددر » دیدیکمزده

اوصافعدن مقصد من ترزی کبی، چو حه کبی، دولکر کبی بر فاعل مختار دکل، بلکه بر علت در که بزاک « مبدأ اول » تسمیه ایتمنزد. اوده کندی وجودینه خارجدن بر علت اولیوب کندیسی غیرک وجودینه علت و سبب اولان شیدر. کندیسنه « صانع عالم » تسمیه ای دشمنز آیشه شو باویل ایادر. کندی وجودینه خارجدن بر علت اولیان علتک ثبوتنه ایسه بروجه آتی برهان قائمدر « علمده موجود اولان اشیا نک یا عاتی واردر، یا خود یوقدر. اگر عاتی واریسه او علت نقل کلام ایدرز. او علتک ده یا عاتی واردر و یا خود یوقدر. اگر واریسه اکا دخی نقل کلام اول نور و علم جرا کیدر .

ایندی بوسانسه عالم یا الی غیر النهایه تسلسل ایدر ویا بر علت منتهی اولور که آرتق آنک بردها عاتی اولمز . سلسلهٔ علتک الی غیر النهایه کیمسی براهین عدیده ایله باطل اولدیندن بو احتمال دخی باطل اولمغه احتمال ثانی یعنی سلسلهٔ علتک کندیسی ایچون بشنه بر علت اولیان علت منتهی اولمسی تعین ایدر که بز او علتی مبدأ اول و صانع عالم تسمیه ایدرز . و اگر بو عالمک عاتی اولیوب عالم کندی کندیسنه موجود اولمش ایسه مبدأ اول ینه ظاهر و ثابت اولور . زیرا بزم مبدأ اولدن مقصد من بلاعات موجود اولان شی اولوب بوا یسه شو تقدیرده بالضروره ثابتدر. حالبوکه مبدأ اول سموات اوله من . چونکه سموات متعدد اولمغه توحید دلیل آتی منع ایدر . بنه علیه بونک بطلانی مبدأ اول حقیقه کی نظر استدلال ایله معلوم اولور . مبدأ اول سمای واحد، یا خود جسم واحد، یا خود شمس دخی اوله من . زیرا بونلرک همسی جسمدر . جسم ایسه صورت و هیولادن مرکب اولوب مبدأ اول ایسه مرکب اولوق جائز دکلدر . بوده نظر ثانی ایله یعنی تسلسلک بطلانی اثبات ایدن استدلال ایله معلوم اولمدهدر. چونکه بو صورتده مبدأ اول غیره محتاج اوله جنندن او حالده او محتاج ایله اولان سلسلهٔ نقل کلام اول نور و وجودیده اجرا ایذیان دلیل بورادم دخی عیناً اجرا اولنورق مبداء اوله من جسم اوله من جننی ثابت اولور . الحاصل اصل مقصد کندی وارلنی ایچون بر علت محتاج اولیان بر موجودی اثبات اولوب بوده بروجه بالا ثابتدر . اختلاف آنجق آنک صفاتده در که بزم مبدأ اول تسمیه ایتمکمز شی دخی اودره .

امام غزالی شومسرو دادن صکره جوابه دخی باشلایه رق دیورکه :

— فلاسفه نك بوسوزلرینه ایکی وجیهله جواب وریلور :

وجه اول : ای فلاسفه ، سزك مذهبکیزجه بوعالم قدیم اولوب عاتی اولماق لازم کلیور . فی الواقع سز « اجسام عالمک عاتی اولماق نظرثانی ایله باطلدر » دیورسکز . فقط بز سزك بوسوزیکیزی ده شومسره دن صکره توحید ونفی صفات مسئله لرنده ابطال ایده جکز .

وجه ثانی : موجوداتک الی غیرالهایه علتلی اولمق صورتی فرض و تقدیرده سزك ایچون هیچ بر مانع یوقدر . واقعا سز « الی غیرالهایه علتلك تسلسلی محالدر » دیورسکز . اما بوسوز سزجه طوغری دکلدر . چونکه سز واسطه ایله اولسون ، واسطه سز اولسون امور غیرمتناهیه نك وقوعی اعتراف ایلدیکیز . بناء علیه بونك ضرورده باطل اولدیغنی دعوایه سزك ایچون یول یوقدر . اوت سز امور غیرمتناهیه نك وقوعی اعتراف ایلدیکیز . زیرا سز اولی اولمیان حوادتک وقوعی تجویز ایدرک « سلسله کائناتک اولی یوقدر » دیدیکیز . ایمدی سزجه نهایتسز شیلرک موجودتی جائز اولنجه الی غیرالهایه او شیلردن بعضسنتک بعضسنه علت اولمسی ندن جائز اولسون ؛ اگر حوادت ماضیه نك الآن معدوم اولدیغنی زعم ایدرک « معدوم نه تنهایه ، نده عدم تنهایه ایله موصوف اولمز » دیر ایسه کیز بزده سزی بدنلردن افتراق ایدن یعنی موتک ورودیله بدنلردن آریلوب کیدن نفوس بشریه ایله الزام ایدرز . چونکه سزجه بو نفوس هم موجود ، همده غیرمتناهیدر . زیرا سزه کوره اول انسان اولدیغنی ومن الازل بدنلردن افتراق ایدن نفوس دخی باقی فالدیغنی جهته نفوس مفارقه موجوده نامتناهیدر . ایمدی مادامکه بونلرک موجودیتلریله برابر عدم تنهایلرینه قائل اولیورسکز ، سلسله کائناتک الی غیرالهایه بررینه علت اولملرینه قائل اولمکیز ایچون بر مانع یوقدر . بو حالده ای فلاسفه ، سزك عالم ایچون بر صانع اثباتدن عاجز اولدیغکیز شهیدن عاریدر .

ایشته امام غزالی نك مدافعه سی دخی بوراده ختام بولدی . ابن رشد بو ایشک ایچنده کی تداخل و اغلاق دفع ایچون دیورکه :

— اثبات صانع مسئله سنده مذهب فلاسفه ، اهل حق و دهریه مذهبلی نك

ایکسندن دها زیاده واضح و معقولدر . چونکه فاعل ایکی قسمدر : برنجیسی اول فاعلدرکه کندیسندن بر مفعول صدور ایدن و بو مفعولک تمامی وجودی حاصل اولدقدده آرتق فاعلندن مستغنی اولور . دولکر کی که بر خانی بنا ایتدکه خاننک وجودی دولکردن صادر اولوب دولکرک فعلی اوخانهیه حین حصولنده تعاق ایدر و خانه حاصل اولدقدده حفظ و حمایتی ایچون دولکردن مستغنی اولور .

ایکنجیسی اول فاعلدرکه کندیسندن بر فعل صدور ایدر و او فعل بر مفعوله تعاق ایلر و او مفعول موجود اولدقدنصکرده ده او فاعلندن مستغنی اولهمنز .

بناءً علیه فاعلک فعلی مفعولک وجودینه مساوی اولمق یعنی او فاعلک عدمنه مفعولک عدمی و وجودینه مفعولک وجودی لازم کلک بو نوع فاعله مخصوصدر و فاعلیته بو فاعل اولکی فاعلندن اشرف و اعلادر . زیرا برنجی فاعل مفعولنی یا لکنز ایجاد ایدرک حفظنی بشقه سنک حمایتسه ترک ایدیلدیکی حالده بو ایکنجی فاعل کندی مفعولنی هم ایجاد ، همده حفظ ایدیور . بو فاعل ایسه محرک اولدرکه بونک حرکت نوعیه و بو حرکت واسطه سیله حصوله کلن اشیا یله جاری اولان حالی ، قریباً ذکر اولندیغی وجهلهدر . یعنی محرک اول هم حرکت نوعیه یی و بو حرکت واسطه سیله بر طاقم اشیا یی خلق و ایجاد ایدر ، همده آنلری حفظ و حمایت ایلر .

فلاسفه حرکتک بهمه حال بر فاعلک فعلی اولوب عالمک وجودی ده آنجق حرکتله تمام اولدیغنی اعتقاد ایلدکارندن بونلر « حرکتک فاعلی کیم ایسه عالمک ده فاعلی اودر . اکر بو فاعل کندیسنی بر لحظه جق فعل تحریکدن کیر و آلسه بتون عالم باطل اولور » دیدیلر . حتی شویله بر قیاس ده یاپدیلر : عالم رشیدر که وجودی فعل آخره یعنی تحریکه تابعدر . هر فعل ایچونده بر فاعل لازمدر . بناءً علیه عالم ایچونده بر فاعل لازمدر . واقعا بونلر « قدیمک فعلی قدیم اولمق واجبدر » اعتقادنده بولندیلر ایسه ده ، بوندن مقصدلری « بو عالم فعلنک نه اولی ونده آخری اولیان بر فاعل ازلیدن صدور ایشدر » دیمکدر . یوقسه « عالم بذاته موجود و قدیمدر . » دیمک دکمدر . اصل که علمی زعملرنجه قبل الحدوث عدم ایله وصف ایدنلرک حسابلرینه اولیه کلدی و اولیه ظن ایتدیلر .

ابن رشدك مقابلہ سی دخی بورادہ تمام اولدی . بز توضیح مسئله ایچون عاجزانه شویله دیمك المسته یورزكه : بو عالم کون و فسادده گوردیکمز فاعللك اثر فاعلیتی میدانہ حقیقه بیلمك ایچون مطابقا حرکت لازمدر . بلا حرکت بر فعل و بنساء علیه اوفعلی وجوده کتون بر فاعل تصور اولته مز . حتی اجسامه ثقیله نك مرکز ارضه طوغری میلانی دخی بر فعل و بنساء علیه اجسام مذ کورده بی فاعل عد ایدنلك اعتقادی بیله بو اساسدن تباعد ایله مز . زیرا اوجسمك مرکزہ طوغری میل کوسترمسنه موضوع فیهی اولان مکنانك صلابت و ثقلتی مانعدر . او مانع بر طرف اولسه اوجسم دخی مرکزہ طوغری حرکتیله اومستعد اولدیغی فاعلیتی کوسترر ایدی . ایدی فاعلیتک تحریرکدن عبارت اولدیغی نظر ظاهر ایله کورنلر ظن ایتدیلر که اوفعل او حرکت ایله طوغریدن طوغری به او فاعلدن صدر اولیور . خیر! بو حرکت و فاعلیتی بر ماکنه ماشائنه تطبیق ایدلمده باقکمز :

هر کسک هر کون کورمکده اولدیغی بر مطبعه ماکنه سنه باقلدیغی زمان دینور که شویله یو وارلاقلر مرکبی ازوب قالب اوزرینه سور یورلر . شو تیمور دیشلر کاغذک بر طرفدن چکوب آتی سلندز اوزرینه تفریش ایلورلر ، اوساندر بو کاغدی قالب اوزرینه تماس ایتدیردنک فالیده کی حر فله کاغده منطع اولیورلر . و الحاصل فلان آلت شو ایشی و فلانجه پارچه بو ایشی کور یورلر . بوت ، فعل و فاعلیت حرکتدن عبارت اولدیغنه کورد بو سوز طوغریدر . لکن برده او ماکنه نك مانا و لاسنه ال قومش اولان چور ییجی بی دوستونور ایسه ک اولکی حرکتلرک ، فاعللك و فاعللك حکمی فالمز . دیمك اولیور که بو ماکنه قاچ درلو فاعلر واسطه سیله قاچ نوع ایش کور یور ایسه جمله سنک فاعل حقیقیسی او حرکتلری ابداع ایلان عملدر . مع هذا بو کبی مسائل مهسه ده بو کبی توضیحات برر مثالدر . مثال ایسه مثل له حتمده فکر و نظری تنور ایدیلور ایسه ده بو قیاس و تطبیق ایله اشتغال ایدنلر مثال ایله مثل له آرد سنده کی نسبت صحیحی دائما کوز اوکنده طومزلر ایسه او مثال ایله واصل حقیقت اولقی شویله طورسون ، بالعکس حقیقتدن تباعد خوفی بیله واردر . بوندن اول دخی تحشیه لر مزده بونی اخطار ایتش ایدک . شمدی مرامی بر فات دها توضیح ایلورر .

مشوی معنونک جلد نالتده موسی و فرعون مناقشائنده :

نیست مثل آن منالست این سخن.

قاصر از معنی نو حرف کهن

بیت شریفک شرحنده حضرت شارح اسماعیل انقرونیه وینک اخطار بیوردقلری
وجهله برشینک مثالی اوشینک مثلی اوله من. «ارسلان کی برآدم کوردم» دنیلیکی
زمان کوردیکمز آدم ایله شجاعت و قوتده ارسلان آردسند برمشاهت بوانور
ایسه ده بوآدم آرسلانک وارسلان بوآدمک مثلی ازله من.

«مثل نوره که شکوة فها مصباح» آیت کریمه سنده مین ناینک فتحیله مثال معناسنه
اوله رق ایراد بیوریلان مثلی میمک کسری و تانک سکونیه او قومق جائز اوله میه جعی
درکاردر. نور خدا مشکانده کی نور مصباحه تمثیل اولنقله نور مصباح نور خدایه
یا لکزمثال اولسی لازم کلوب مثیل اولسی لازم کلز. حق تعالانک نه ذاتنه نه صفاتنه
بو عالم کون و فسادده هیچ برشی کسرمم و سکون نا ایله مثل و مثیل اوله ییلمک
حکمانک بالاتفاق رد ایله کاری برشی اولدینی کی حضرت قرآنک دخی «لیس
کمله شیء» بزهانیه قطعاً رد ایلیکی شیدر.

عاجزانه اخطار ایلیکمز شودقیقه به نه قدر اهمیت ویریلور ایسه لایقدر. زیرا
کفره دهریون و مادیونک حکمای حقیقه و ائمه دینه دن آریلوب دوچار بطلان
و خذلان اهلدقلری نقطه ایشته اصل بو نقطه در. ذات و صفات الهیه ایچون عالم
کون و فساددن ایراد اولن مثالاری کسرمیم و سکون نا ایله مثل و مثیل معناسنه
آلدقلری ایچون «فاعل شوویه اولور، فاعله شوویه اولق لازم کاور و هکذا
وهکذا. . .» دیه دوچار خطاوضالات اولمشلردر. حفظنا الله!

ایمدی شوایضاحت عاجزانه اوزرینه ابن رشدک امام غزالی به مقابله سی بر
دها او قونور ایسه ابن رشدک «محرك اول» تعیر ایلیکی فاعل حقیقینک معنای
صحیحی واضحاً کلاشیله رق ذهنلرده کی شکوک و شبهات کاملاً زائل اولور کیدر.

*
*

فهرستک معارف سماوی انظارلی

اولجه دخی بالنسبه ایراد ایلمش اولدیغمز وجهله ابو حامد امام غزالی
حضرت تارینک اصل قورقدینی شی خلقت عالمک قدم ویا حدوثی و بو حالده بر
فاعله احتیاج و عدم احتیاج کی مسائلدن نهایت مبدأ و معادی دخی انکاره بر

بول آچامق قضیه سیدر . ایسته بو خوف و احتراز ایله شومسپلهده دخی فلاسفه قار-و مدافعه یالزوم کورمکدهدر . بناءً علیه بورایه قدر ترتیب اولنان مباحندن صکره نوبت بحث وکلام معاد جهتہ انتقال ایلدیکندن حضرت امام ایسته آئی ده بروجہ آتی ایراد ایدیور . دیورکه :

— فلاسفه ارواحک ابدانہ رد وارجاعیله حشر اجسادی و جسمانی اولهرق تارجهنی ونعم و جانی و حورعین و سائرہ کبی انسانلره وعد اولنان نعم آخرتی انکار ایدوب « بونلر عوام ناسه مرتبه ودرجه جهتله جسمانیدن دها عالی اولان ثواب و عقاب روحانی تفہیم ایچون بطریق التمثیل سویانمش سوزلردر » دیدیلر . آنلرک بو سوزلری بالجمله مسلمانلرک اعتقادلرینه مخالف اولغله اولا کندیلرینک امور آخرتہ دائر اعتقادلرینی تفہیم یولنده بر مقدمه ایراد ایدهلمده بعدہ او جملهدن اعتقاد اسلامه مخالف اولان شیلری بیان و آنلردن اعراض ایلهلم . فلاسفه دیدیلرکه :

« نفس انسانی بعدالموت یا وصف احاطه ایتمز بر لذت ایچنده ، یاخود تعریف قبول ایتمز بر الم ایچنده بقای سرمدی ایله باقیدر . صکره بو الم بعضاً مخلد اولور ، بعضاً ده اولمز . بلکه طول مدت صکره منقضى و زائل اولور . انسانلر مراتب ولذات دنیویده لایمده و لایحصى تفاوتلر ایله متفاوت اولدقلری کبی درجات الام و لذات روحانیه ایدهده لایمده و لایحصى متخالف و متفاوتلرلر . لذت سرمدیه نفوس کامله زکیه و الم سرمدی دخی نفوس ناقصه ملوئہ اربابنه مخصوص اولوب ، الم منقضى ایسه نفوس کامله ملوئہ ایچوندر . بناءً علیه سعادت مطلقه یه آنجق کمال و تزکیه نفس و طهارت روح ایله نائل اولنور . علم و کمالات و تزکیه دخی عمل ایله حاصل اولور .

علمه احتیاجک و جیبی شودرکه : قوه شهوانیه نك لذتی اشها اولنان سیده نائیتده و قوه بصریه نك لذتی ده صور جمیلیه نظر ایلمکده اولدیغی کبی قوه عقلیه نك غذا رلذتی ده معقولانی ادراکدهدر . قوای سائرہ دخی بویددر . نفسی معقولاته اطلاعندن منع آیدن شی ده بدن و حواس بدن ایله سواغل نفسانیه و شهوات حیوانیهدر . بناءً علیه نفوس جاهلنک حقی لذت عقلیه و نفسیه یی فوت ایله متالم اولمق ایسهده بدن و احوال بدن ایله اشتغال لذت عقلیه یی فوت

ایتدیکنی کندیسنه اونوتدیررده اویوشمش برعضو حرارت وبرودت المنی حس ایدمدیکی کبی بونفوس جاهله دخی لذت عقلیهدن محرومیت المنی حس ایدمهز.

لکن بونفس حین وفاته قدر بویه حال نقصانیده قالمور ، یعنی اوزمانه قدر معقولاندن هیچ بر شی اکتساب ایدمماش بولنور ایسه عضو مذکوردن اویوشقاق زائل اولدقده حرارت وبرودت المنی حس ایتدیکی کبی بونفس دخی بدندن افتراق ایلدکده ایسته اوزمان لذائذ عقلیهدن محرومیت المنی حس ایدر .

برخسته نك صفره سی غالب اولدقده وجودینه نافع اولان حلویات نفیسه یی اکلدن استکراه ایلدیکی وکندی حفضه اسباب حیاتک آئی اولان اغذیه یه اشها ومیل ایتدیکی کبی بدن ایله مشغولیت وشهوات ایله انسیت ایله برابر معقولاتی ادراک ایدن نفس دخی اومعقولات ایله حسب الطباع لایق اولدیغی مرتبه ودرجه ده تلذذ ایدمه یوب بک نقصان وپک دون مرتبه ده تلذذ ایلمر .

کذلک بر مریضه لذیذ طعاملر عرض اولندقده دوچار اولدیغی مرض کندیسینی ادراک لذتدن منع ایتدیکی بر زمانده مرضک دفعه زوالیله مریض بر دنبر لذت عظیمه یی ادراک ایلدیکی ویاخود بر محبوبه یه ممتون اولان بر عاشقک اویقویه واردیغی ویا بایلدیغی بر سردهده معشوقه سی کلوب آنک باشنی قوجاغنه آلسه وبر مدت قوجاغنده طوتسه عاشق بوندن بی خبر اولدیغی ایچون اصلا لذتیاب اوله مدیغی حالده اویاندقده بختیار باسک آغوش دلرباسنده بولندیغنی کورمه سیله لذت وصالی دفعه ادراک ایلدیکی کبی انواع علوم ایله تکمل ایتمش اولان نفوس کامله دخی بدنلرینه تعلقلری زماننده لایق اولدیغی درجه ده علومدن اوقدر لذتیاب اولمدقلری حالده موت طبیعی ایله کسوه بدندن تجرد ایلدکلرنده لذات عظیمه سرمده یی حس وادراک ایلمر .

بو لذائذ عقلیه روحانیه یه نسبتله لذائذ صوریه جمالییه بک حقیر اولغله انسانلره او لذائذ روحانیه یی حقیله تفهیم وتعریف ممکن اوله مز . آنجق بو لذات ، حیات دنیاده انسانلرک مشاهده ایلدکلری بر طاقم مثاللر ایله تمثیل اولنور . فصل که بر صبییه ویاخود بر عینه لذت جماعی تفهیم ایتک ایسته دیکمزده لذت مذکورده یی صبی حفضه کندیسنجه الذاشیا اولان لعب ایله ، عین حفضه ده فوق العاده آجلق زماننده الذاطعمه یی اکل ایله تمثیل ایدرز . حال بوکه بو تمثیل ایله کرک

صی . کرک عین لذت جماعی لایقوله کلاویه مزملر . چونکه بولدت آنجق آتی
تذوق ایله ادراک اولتور .

ایسته لذت روحانیه دخی بونک کی اولوب بیات درلو اشیا ایله تمیل اولسه
ینه حقیله کلاویه مز . بلکه بولدت دخی آنجق عالم روحانی به بالانتقال بحق
ادراک ایدیله یلور .

لذت عقلیه نك لذت جسمانیه دن اشرف اولدیغنه ایکی شی دلالت ایدر :

برنجیسی شودرکه : حال ملائکه ، حال سبع و حال خنازیردن اعلا
وانر فدر . حال بوکه ملائکه ایچون جماع واکل کی لذت حسیه یوقدر . آنلر
ایچون آنجق کمال و جمالرینه شعور و آنکه تذوق لذتی واردر .

ایکنجیسی شودرکه : انسان دخی بعضاً لذت عقلیه نی لذت حسیه یه ترجیح
ایدز . دشمننه غلبه ایدنه چکی عقلی کسه رک کندیسنده بوکا بر اقتدار حسن
ایلر ایسه در حال مدار تعیش و اسباب تزوجی تحصیلدن صرف نظر ایدرک
او غلبه لذتیله لذتیاب اولمه نك چاره سنه باقار . حتی بعضاً انسان شطرنج
و طاوله او یونلرنده غلبه لذتیله کوندوز اقامه ، کیجه صباحه قدر یتمکی ایچمکی
ترک ایلرده الم جوعی حسن ایدمز اولور . کذلک انسان مثلاً معشوقه سی
طرفدن مهم برایش ایله مکلف و مشغول اولدیغی بر سرده کندیسنه بر
منصب و یاریاست عرض اولندقدنه اوایشی ترک ایدرک اقران و امثالنه اظهار مفخرت
ایچون اومنصب و ریاستی استحصاله بذل مقدرت ایلر ، حتی بعض شجیعلر قیامت
قدر ابقای نیک نام ایچون اولومی کوزه آله بره رق بر جم غفیره هجوم ایدرکه
بونلرک هپسی لذت عقلیه نك لذت حسیه دن افضل اولدیغنه دلالت ایدرلر .

برده لذت عقلیه اخروییه لذت دنیوییه حسیه دن افضل اولسه ایدی رسول
اکرم صلی الله علیه وسلم بر حدیث قدسیسنده «اعدت لعبادی الصالحین مالا عین رأی
ولا اذن سمعت ولا خطر قلب بشر» بیورمز ایدی . بونک ایچوندرکه جناب
حق دخی قرآن کریمده «فلا تعلم نفس ما اخفی لهم من قره اعین» بووردی .
علم نافع احتیاجک وجهی ذکر اولنان شی اولوب علوم عقلیه محضده
عام نافع جمله سننددر . علوم عقلیه الهی و صفاتی و ملائکه سنی و کیفیت وجود
اشیائی بیلمک اولوب بوندن معنای اکر معرفه اللهه وسیله ایسه علم نافع
ودکل ایسه صنایع قیلمنددر .

عمل و عبادت و احتیاج دخی تزکیه نفس ایچوندر. چونکه نفس بدن ایله مشغول اولدیغی وقتده حقایق اسیایی ادراکدن محروم اولوب بومحرومیت ایسه نفسک بدن انطباعی ایچون دکل، بلکه بدن ایله اشتغالی و شهوات بدنه انهماکی و مقتضیاتنه اشتیاقی ایچوندر و بواسطتغال و انهماک، نفسک برر هیئت ردیئسهی و برر صفت قیحهیی اولوب نفسک طول مدت اتباع شهواته مواظبتی و محسوسات متلذذه ایله انسیته ملازمتی سببیه نفسده تقرر و تمکن ایدرلر و بدنه موت عارض اولدقده بوصفات قیحه و هیئات ردیئیه نفسده باقی فالوب نفسه ایکی وجهله اذا وجفا ایتکه باشلارلر.

برنجیسی اونفسی مائیکیه اتصال و امور جمیله آمیهیه اطلاع لذت خاصهسندن منع ایدرلر. واقعا صفات مذکوره نفسی موتدن اول دخی بولذت خاصه دن منع ایدیورلر ایدیسه ده نفس او زمان بدن ایله برابر بولندیغندن علایق بدن ایله بالاستغال بو ممنوعیت و محرومیت المنی حس ایده میور ایدی. شمعی ایسه کندیسيله برابر بدن یوق که نفس آنک علایقیه اشتغال ایتسونده قبل الموت اولدیغی کی شمعی دخی الم مذکوری حس ایده مسون.

ایکنجیسی نفس بوصفات قیحه ایله حین اتصافنده بدن افتراق ایتدکه دنیا و اسبابنه ولذات و شهواتنه حرص و میل کندیسنده باقی فالور. بولذاته و صوله آلت ایسه بدن ایدی. حال بوکه نفس آندنده محروم فالمش اولدیغندن بعدالموت بونفسک حالی تحت نکاحنده بولنان قادینه فوق العاده محبتی و برریاست و منصب ایله مألوفیتی و اولاد و اموال کثیره یده نائلیتی و بونلر ایله مفخرتی. اولدیغی حالده زوجه محبوسهیی قتل اولمش و کندیسیی ریاستدن عزل ایدلمش و دشمنلری طرفندن اولاد و جواریسی اسیر و اموالی اخذ اولمش و الحاصل ثروت و حشمتی بالکلیه زائل اولوب کندیسیی نا قابل تعریف بر الم محرومیت و بر قسوت مغلوبیت ایچنده قالمش آدمک حاله بکزر.

ایمدی بو آدم اولجه حشمت و نعمت ایچنده پرورده ایکن بونلردن بالکلیه محروم واعداسنه مغلوب اولدیغی ایچون نصل متالم و متأذی اولور ایسه دنیا ده شهوات نفسانیه ولذات جسمانیه ایله عمر سورن بر نفس دخی بدن بعدالافتراق هم شهوات ولذات مذکوردهن، هم ده آنلری تحصیله مدار اولان بدن محروم قالدیغی ایچون او یله جه متالم و متأذی اولور.

مع هذا بو ذکر ابتدیکمزشی مجرد بر تمیلدر . چونکه نفسک بو محرومیتی مذکور آدمک محرومیتده مقیس دکلدرد . زیرا بو آدم هنوز حیاتده اولدیغندن ضایع ایلدیکی سعادتک بر مثلنه دها نائل اولمق امیدنددرد . چونکه اقبال وادبار دنیا یکدیگر بی تعاقب ایتمکدهدرد . حال بوکه بدنک فقدانیه نفسک دنیا به متعلق هر امل و آرزوسی منقطع اولمشدر . دنیا ده . ایکن بو صفات ردیتهدن تخلص ایسه آنحقیق نفسک هوادن امنیاعی ولدت دنیادن اعراض و تقوایه جدأ اقبالی ایله حاصلدر . تاکه امور دنیادن قطع علاقه ایدرک امور آخرت مناسباتی استحکام ایلسونده وفات ابتدیکی زمان زنداندن تخلص جان ایله بالجمله مطالبنه نائل اولان کیمسه کبی اولسونکه انسان ایچون موعود اولان جنت دخی بودرد . فقط ضرورت دنیوه انسانی دائماً صفت مذکورده جذب ابتدیکی ایچون نفسک آنلره اولان علاقه سنی تقلیل ممکن ایسه ده بونلری نفسدن بالکلیه سلب وازله ممکن دکلدرد . بونک ایچوندرکه جناب حق دخی « وان منکم الا واردها کان علی ربک ختماً ممضیا » بیورمشدر . اما انسان دنیا ده ایکن مهیما ممکن لذت حسییه اولان میل طبیعی سنی تقلیل ایدر ایسه عندالموت مطلع اولدیغی امور الآمریه ایله عظیم تلذذ ایدرک لذت حسییه دن محرومیت المنی اوقدر حس ایتمز و بو محرومیت کندیسنده او مرتبه مشدد اولمزکه بو مقوله نفسک حالی دخی کندی مملکتده مهم بر سیئه مالک اولدیغی حالده دیگر بر محله مهاجرته اورادو منصب عالی و ملک متعالی به نائل اولان کیمسه نک حاله بکزر . بو آدم مملکتندن حین خروجنده افتراق اهل و عیال و ترک مملکت المیله بر از متالم اولور ایسه ده هجرت ابتدیکی یرده نائل اولدیغی ملک و منصب ایله بالابتهاج کندیسندن بو افتراق اهل و عیال و بو ترک دیار المی بالکلیه زائل اولدیغی کبی نفس زویه صاحبیه دنیادن آخرته حین انتقالنده لذت جسمانیه دن بالکلیه محروم فالدیغی جهله بر از متأر و متالم اولور ایسه ده ندندن تجردینی متعاقب دنیا ده ایکن خاطر و خاله ییله کامش اولان انانته حلیه ایله بالذوق لذت حسییه دن افتراق المی آندن بتون بتون زائل اولور کلدرد .

بو صفات ردیته بی سلب ده شرعده وارد اولدیغی اوزره ماء فایز یعنی ایلیق صو کبی هر ایکی طرف مقابل بیتدی خاطر وسطی اختیار الله حاصلدر . بنوعله نه امسالک مالدیه مباله ایدرک حرص و طمعی استحکام ایتمی ، نده افغانده حدی تجاوز ایدوب

مبذر اولمی . کذلات ناهرشیدن امتناع ایدوب جین اولمی ، ناده هرشیته انهماک ایله متهور بولملی . بلکه جود وشجاعتی طاب ایتلی که جود بنجل ایله تپذیر، شجاعت دخی جین ایله تهور آردسنده بر حال وسعطر . الحاصل انسان کافه اخلاقده ایشته بویله اولمیدر . بو علم اخلاق غایت اوزون بر علم اولوب شریعت ایسه آتی تفضیلاً بیان ایتمشدر .

بناءً علیه تهذیب اخلاقه ، قانون شریعته مراعاتدن بشقه بریول یوقدر . اویله ایسه انسان هوای نفسنه اتباع ایدر ایسه آتی کندیسنه اله اتخاذ ایتمش اولور . شرعه اتباع ایدوب آتی هر شیئه تقدیم ایتلی و آنجق آنکله تهذیب اخلاق ایتلی . کیم که کرب علمده و کرب اخلاقده بو فضیلتدن آریلور ایسه بلاشک هالکدر . بونک ایچوندر که جناب حق دخی « قد افلح من زکها وقد خاب من دسیها » بئورمشدر و کیم که فضیلت عامیه ایله فضیلت عملیه بینی جمع ایدر ایسه اوده عارف عابددر . سعید مطلق دخی آنجق اودر .

فضیلت علمیه سی اولوب ده فضیلت عملیه سی اولیان کیمسه ده عالم فاسق اولوب معذب اوله جقدر . شوقدر که آنک نفسی علم ایله تکمل ایتمش بولندیغندن عذاب دوام ایتیه جکدر . شویله که : عوارض بدنیه یعنی دنیاده مألوف اولدینی لذات جسمانییه میل و آرزو اکا عارض اولوب اسباب منجیه یعنی اولذاته سبب وصات اولان آلات بدنیه دخی تجدد ایتیه جکندن بر چوق زمانلر معذب اولدقدن صکره نهایت شرف علم سایاسنده نجات بوله جقدر .

فضیلت عملیه سی اولوب ده فضیلت علمیه سی اولیان کیمسه ده کانهجه بوده عذابدن سلامت و المدن نجات بولور ایسه ده دنیاده ایکن علم ایله تکمل ایتماش اولدیغندن سعادت کامله دن حظی یوقدر .

الحاصل « من مات فقد قامت قیامته » حدیث شریفی منطوقجه وفات ایدن آدمک قیامتی قومش اولوب هر نفس بدنن بعدالافتراق فضیلت عملیه و علمیه سی نسبتنده مکافات اولنه جق و آنردن محرومیتی درجه سنده دخی محازات ایدیه جکدر . بوده برطاقم تحسراتدن عبارت اولوب نفسک جهنمی دخی بوندن عبارتدر .

امور آخرته دائر شرعده وارد اولان صورتلردن مقصود ایسه نعم و آلام آخرتی تمیلدر . یعنی افهام ناس بو لذات بو عقوباتی ادراکدن عاجز

اولدقلری ایچون ناسک اکلایه بیله چکی شیلر ایله تمثیل اولنمش و صکرده نهم
آخرتک ناسه وصف اولنن شیلر فوقده ایدوکی دخی ذکر و اخطار بیورلمشدر.»
ایشته معاد و احوال معاد حقتد حکمانک مذهبی بوندن عبارتدر .

امام غزالی نک مذهب حکمانی تصور و اجالی بوراده ختام بولدی . صورت
حاله دقت ایدیلور ایسه کوریلورکه بوراده حضرت امام منکرین دهریه نک
عقاید و اقوالی حکمانک اعتقاد لرینه و سوز لرینه قاتیوب مقصودی طوغری
تصور ایتشدر . یعنی حکمانک بر صورت مطافه ده حشری ، آخرتی و خیر و شر
عمللرک مکافات و جزاسی قبول ایلدکلرینی کوستروب یالکز بونلرک کیفیتلری
خصوصنده حکمانی موسی الیهمک احکام ظاهره شرعیه دن جهته تباعد ایلدکلرینی ده
ایضاح ایچون دیتشدرکه :

— حکمانک احوال آخرته دائر ذکر ایلدکلری شیلرک اکثریمی مخالف
شرع شریف دکلدر . زیرا بز دخی آخرته بولذات حسیه دن دها عظیم و دها
عالی انواع لذات بولنه جعنی بدنن بعدالمفارقة نفسک باقی فاله جعنی انکار ایتیز .
شو قدرکه بز « نفسک بدنن بعدالمفارقة بقاسنی شریعت ایله بیلدک » دیرز .
چونکه شریعت معادک وقوعه کله جکنی خبر و یروب معاد ایسه آنجق بقای
نفس ایله ممکن اوله بیلور . بناء علیه بز فلاسفه نک « نفسک بدنن بعدالمفارقة
بقاسی مجرد عقل ایله معلومدر » دعوالرینی انکار ایدرز . فلاسفه نک قرأند
وصف اولاندیقی اوزره حشر اجسادی و جتنده لذات و جهنمده آلام جسمانی
و جنت و جهنمک وجود لرینی انکار ایتلری ده شرع مخالفدر . بناء علیه بز بومسئله ده
دخی فلاسفه نک اقوالی رد و انکار ایدرز . زیرا سعادت روحانیه ایله سعادت
جسمانیه نک ، کذلک شقاوت روحانیه ایله شقاوت جسمانیه نک بینی جمعه بر مانع
یوقدر . جناب حقا قرأند « فلا تعلم نفس ما اخفی لهم من قره اعین » و
حدیث قدسیده « اعدت لعبادی الصالحین ما لاعین رأت الخ » قوللری ایسه
لذائک کفه نی بیلمیانلر حنتددر .

برده آخرته لذائذ روحانیه نک بولنسی لذائذ جسمانیه نک وجودینی نفیه
دلالت ایتیز . چونکه بو ایکی شیک بینی جمع ممکندر . بناء علیه بونی علی
وفق الشریع تصدیق ایتک واجددر . اگر « جناب حقا ذائمه ، صانع دائر
آیات متشابهات بطریق التمثیل شرفوارد اولدقلری کی امور آخرته متعلق آتیلر

دخی بطریق التمثیل شرفوارد اولمشدر « نیلور ایسه جوابنده دیرزکه بویکیسنک آراسنی مساوی طوتمق تحکمدر . بونلر ایکی وجهله یکدیگرندن آیرلمشدر :

وجه اول : ذات الله ، صفات الله دائر وارد اولان آیات متشابهات استعارده عادت عرب اوزره تأویله محتمل اولوب جنت وناری وصفه واحوال آخرتی تفصیله دائر وارد اولان آیات ایسه بویه دکلدر . بونلر بر درجهیه بالغ اولمشدرکه آتلیری نأویله احتمال یوقدر . بناءً علیه بوبده آنجق مصلحت خلق ومنفعت ناس ایچون حتمک نقیضنی بالتخییل یعنی طوغرییه مناقض ومخالف اولان شیئی خیال ناسه بالالقا کلامی تلیسه حمل ایتمک احتمالی فالمشدرکه ، بوده منصب نبوتک کندیسندن قطعاً تقدس وتزه ایدهجکی شیردندر .

وجه ثانی : مکانک، جهتک، صورتک، یدوعین کی عضوک، کذلک بر مکاندن دیگر مکانه انتقالک وبر شی اوزره استقرارک حق باریده محال اولدیننه ادله عقلیه دلالت ایتدیکی جهتله بونلرک حق تعالاده بولمسنه دائر شرفوارد اولان آتلیری تأویل ایلمک واجب اولمشدر . اما وعد و اخبار اولان امور آخرت قدرت الهیهده محال اولدیغندن آنلره دائر شرفورود ایدن نصوص قرآنیه واحادیت نبویهبی ظاهرلری اوزره اجرا وابقا واجبدر .

اگر فلاسفه « ادله عمایه صفات واحوال مذکوردهک حق باریده محال اولدیغنه دلالت ایتدیکی کبی حشر اجسادک دخی محال اولدیغنه دلالت ایتشدر . بناءً علیه حشر اجساده دائر اولان آتلیریده تأویل لازمدر » دیرلر ایسه بزده آنلردن حشر اجسادک محال اولدیغنه دلالت ایدن ادله عقلیه لرینی اظهار اتملرینی طب ابدرز . فلاسفهک بومطالبی اثباتده ایکی مسلک لری وارددر . مسلک اول شودرکه : ارواحک بدانه رجوعنی تقدیر وفرض ایتمک اقسام نلنه دن خارج اولمز . برنجی قسم : « انسان بدنن عبارتدر . بعض متکلمینک ذاهب اولدیغنی کبی حیات دخی بر عرض اولوب بدن ایله قائمدر . بالذات قائم وجسمده مدبر نفسک وجودی یوقدر . موتک معناسی دخی حیاتی انتقالی دیمک اولوب اقطاع حیات ایلده هم حیات همده بدن معدوم اولور . معادک معناسی ده حق تعالانک او مسدوم اولان بدن وحیاتی اعاده ایتمسندن عبارتدر » صورتدهدر . ایکنجی قسم : « نفس موجود ولذات قائمدر . بناءً علیه نفس بعدالموت باقی اولوب زمان حشرده بدن اوله رجوع ایدهجسک وبوده اجزای بدنک بعینه جمعیله اوله جفندر »

طرز زنده در . او چنانچه قسم ایسه « نفس بعد ان موت باقی قلوب حین حشرده بدن اول اولسون ، بشقیمی اولسون ، بر بدنه رد و ارجع اولنه جقدر . چونکه انسان ماده ایله دکل ، آنجق نفس ایله انسان اولدیغدن - مددیه اعتبار یوقدر . طرز زنده در .

ایمدی ارواحل ابدانه رجوعنی تقدیر و فرض ایتک اشبو اقسام نالاقه دن بشقه برصورت ایله ممکن اولمیوب حال بوکه اقسام مذکورده تک هبسی ده باظدر . قسم اولک بطلانی ظاهر در . زیرا بدن و حیات معدوم اولدقدن صکره بالفرض و التقدر بونلر احداث و ایجاد اولنسه لر بینه بو احداث و ایجاد آنلرک عینلرینی یعنی تمامی تمامه اولکی هونلرینی تکرار اولمیوب بلکه مثللرینی ایجاد در . اما « تراب بدن فانی اولمز . بناءً علیه حیات ایکااعاده اولنور » دینورسه بزده دیزرکه « هایدی - فرض ایدهم که بدن حاصل اولان ترابه حیات اعاده اولنسون . فقط بو تقدیرده برمدت کندیسندن حیات منقطع اولدقدن صکره تراب بدن حی اوله رق عودت ایتمش اولور . یوقسه معدوم اولان بدن حیاتیله برابر بعینه عودت ایتمش اولمز و بوجهته ا کا معاد جسمانی نامی دخی ویریله مز . چونکه انسان ماده و اجزای ترابه سیله دکل ، بلکه تفصیله انساندر . انسان تغذیمی سیله اکثر اجزای تبدیل ایتدیگی حالده انسان تبدیل ایتمیوب اول عمرندن آخر عمرینه قدر باقیدر . بناءً علیه روح و یا خود حیات معدوم اولدقدن بدن حاصل اولان ترابه اعاده و تن روح و حیات اولکی روح و حیاتک عینی اولمیوب بلکه منیدر .

بونی برده شویله ایضاح ایدهم : جناب حق بدن شجردن و یا خود بدن فرسدن و یا بدن نیادن حاصل اولمش پولان ترابده بر حیات انسانی خلق و ایجاد یوردقدن بو خلق و ایجاد انسانک خلقت ابتداییمی اولدیغی کجی بدن انساندن حاصل اولمش ترابده بر حیات انسانی خلق و ایجاد یوردیغی تقدیرجه بو ایجاد دخی انسانک خلقت ابتداییمی اولور . او یله ایسه معاد دنیلن شی وجود ابتدائی ایله موجوددن و اوده صفات حیاته رجعت و انتقال ایلیان ترابدن عبارت اولمغه معدومک بعینه عودت و رجعتی عندالعقل محال قطعی حکمنی آلد . تکرار ایدهم که انسان بدنیله انسان دکلدر . زیرا بعضاً بدن فرس انسانه غذا اولور و آبدن ده لطفه خلق اولور . بو لطفه دن ده انسان حاصل اولور . حال بوکه بوکا فرس انسانه مقاب

اولدی «دنیله مزر. چونکه فرس دخی صورتیه فرسدر. ماده سیله دکل. اوفرس ایسه معدوم اولوب ماده دن بشته بر شی قائم شدرد. ایمدی فرس ماده سیله دکل، آنجق صورتیه فرس اولدیغی کبی انسان ده ماده سیله دکل، آنجق نفسیه انساندر. ایمدی شو بیامزدن ثابت اولدی که برنجی قسمده تصویر اولدیغی وجهله معاد جسمانی اومعنای ظهری سیله باطلدر.

ایکنجی قسمه کانهجه: بوده باطلدر. زیرا بدن میت بالانحالال ترابه و صویا و بخاره و هوایه تحول ایدرک کائناتک هوایی و بخاری و مائی ایله امتزاج ایلر. بر حالده که آنی بونلردن استخلاص غایت بعد اولور. اگر قدرت الهیه یا عتماداً بو استخلاص فرض ایدیلور و جز کور بلور ایسه بو حالدهده شویله بر اشکال باش کویستر: سز معاد جسمانی زمان حشرده اجزای بدنک بعینه جمعیله نفسک دخی او بدنه رد و ارجاعیه تصویر و تقدیر ایدینور سکز. زمان حشرده جمع اولنه جق اجزا هانکی اجزادر: اگر بو اجزادن مقصد یا لکنز زمان موتده بدنده موجود اولان اجزا ایسه الی ایغی، برونی فلانی کسیک فالدیغی حالده وفات ایدن کیمسه لرک یته اولیه کسیک اولدیغی حالده اعاده اولملری لازم کلور. بوا یسه مستقیحدر. باخصوص اهل جنت حقتده بو حال اصلا لایق دکلدر. یوق اگر بو اجزادن مقصد عمرک اولندن آخرینه قدر بدنن انفکاک ایدن اجزا ایسه بو اجزایی اعاده ایکی وجهله محالدر:

وجه اول: بعض بلده لرده عادت جاریه حکمنده اولدیغی و دیگر بعض لرنده قحط و غلاماننده اکثریا وقوعه کلدیکی اوزرد بر انسان دیگر انسانک لمی ایله تغذی ایلدکده بونلرک ایکی سنی ده حشر متعذر اولور. زیرا ماده واحده ما کولک بدنی اولدیغی کبی بالتغذی آکلک دخی بدنی اولدی. ایکی نفسی بدن واحده رد و ارجاع ایسه ممکن اوله مزر.

وجه ثانی: بو تقدیرده جزء واحد هم بدنه، هم قلبه، هم ده آیغه اعاده اولنمق لازم کلور. زیرا صناعت طیه ایله ثابت اولدیغی اوزرد اجزای عضویه تک بعضیسی دیگر بعضیسنک فضله و ماده سنی تغذی ایدر. مثلا جگر اجزا و مواد قلبیه تغذی ایدیور. سائر عضولرده بو حالده دوام ایدیور. بو حالده اعضانک جمله سنه ماده اولمش برطاقم اجزای معینه فرض ایدرز.

ایمدی بواجزا هانکی عضوه اعاده اولنه جق: برده بوا یکنجی قسمه دن

شویاه بر محال دهالازم کلپور : اکر بوارض معموره نك احوال ظاهره سنی بحق تأمل و تتبع ایدر ایسه کر کورر و بیلور سکنز که نهایتسز دورلردن بری بوارض معموره مدفن اموات بی آدم اولمشدر . بناء علیه کندیسنه دفن اولئان موئالر ترابه ، و بو ترابه کندیسنده اجرا ایدیان زراعت و سائره واسطه سیله حیوانات و فواکله ، بونلر دخی اغذیه حیوانات اولمق صنورتیله حومه منقلب اولمش ، بو حومه انسانلر طرفندن اکل اولته رق بدنلرینه عودت ایشدر . بناء علیه مواد مشهوده و موجوده نك اکثریسی بدن انسان اولوب ترابه ، تراب دخی نباته ، نباته حومه ، حومه حیوانا ، حیوان دخی انسانه تحول ایتکدهدر . حقیقت حال بوندن عبارت اولنجه باجمله اجزای بدن جمع اولته رق نفسک اکاعاده اولنسی نصل ممکن اولور ؟

اوجنچی قسمه کلنجه : بوده ایکی وجهه محالدر :

وجه اول : فلك قمرک آلت طرفنده یعنی بزم بوعالم دنیا مزده کون و فسادی قابل اولان مواد عاداتا متناهی و محدود اولوب بونلردن افتراق ایدن نفوس بشر ایسه غیر متناهدر . بناء علیه مواد مذکوره نفوس بشره تکرار کفایت ایتزکه حشر اجساد ممکن اوله .

وجه ثانی : تراب ، تراب حائده ایکن نفس انسانی اکا تعالی و آنده تدبیر ایله مز . بلکه لطفه نك امتزاجه مشابه بر امتزاج ایله عناصرک امتزاج ایتسی لازمدر . هله اودون و تیمور کی شیلر بو تدبیری و بو تعالی اصلا قبول ایتیه جکلرندن بدنی تیمور و یا خود اودوندن تشکل ایتیش بر انسانک اعاده اولنسی ممکن اوله مز . چونکه برشی آنجق اعضای بدنیه بی لحمه ، عظامه ، اخلاطه منقسم اولدینی وقت انسان اوله بیلور . برده بدن و مزاج قبول نفسه مستعد اولدقد . مبادی و اهبه دن یعنی فیاض مطلق طرفندن حدوث نفسه مستحق اولور . یعنی بر بدن کندیسنه نفسک تعلقی قبوله مستعد اولدقد . جاب فیاض از لیدن بر نفس احداث اولتوب اوبدنه تعلق ایدر . بناء علیه معادک و قوعی تقدیرنده بریسی نفس حادثه ، دیگرکی نفس سابقه اولمق اوزره بر دته ایکی نفسک توارد و تعلق ایتسی لازم کلور . بو ایسه باطدر . اکر « نفس بر بدنن بعد الافتراق کندیسنی قبوله مستعد اولان بر بدنده تدبیر ایله استغاله رجوع ایده جکلندن ، و بو رجوع صولک بدنه قدر تسلسل ایده جکلندن اوبدن ده زمان حشرده احداث اولئان

بدن زن عبارت بولنه جغندن قبول نفسه مستعد اولان بو بدنك حدوشيله يکيدن بر نفسك حدوشی لازم کلز « دینور ایسه بزده جواباً دیرزکه: بو، عین تناسخ دیمک اولوب تناسخ بطلاننه دلالت ایدن دلالت و براهین بومذهبکده بطلاننه دلالت ایلر .

الته دقت اولمشدرکه حضرت امام غزالی فلاسفه نك اولجه سرد ایلدکاری ملاحظاته کندی طرفندن مدافعه یه باشلامنی متعاقب بحث حشر جسمانی یه دائر اولان آیات کریمه بی ده تأویله مجبوریته حاصل اولق ایچون اجسادك حشری امتناع عقلی ایله تمتع اولسنی اثبات ایلک لازم کله چکی قضیه سنه اصل اولمغله حضرت امام فلاسفه نك بوبابده کی سوزلرینی جمله لزوم کورمش وایشته بولزوم اوزریه بالاده کی تفصیلاتی سرد ایلشدر . تفصیلات مذکوره اوزریه اولان مدافعه سنی دخی بروجه آتی ایراد ایلور . دیورکه :

— بز ارواحك ابدانه رجوع وعودت لرینك اوچنچی قسمده تصویر اولدیغی کبی واقع اوله جغنی اختیار و ترجیح ایدرز . یعنی « نفوس بذاتها قائم جواهردر . بونفوس بعدالموت باقی اولوب زمان حشرده علی الاطلاق بدنلره رد وارجاع اولنه جقدر « دیرز . زیرا نفوسك بذاتها قائم جواهر اولملری و بعدالموت باقی قالملی شرعه مخالف اولیوب بلکه بوکا « فی سبیل الله قتل اولنلری اموات ظن ایتمکز ، بلکه آنلر بر حیات اولوب دیرلرینک عنندنه مرزوق اولورلر « مألده کی آیات قرآنیه وینه برماله قریب نیجه احادیث نبویه وارواحك صدقات و حیراتی و سؤال منکر و نکیری تقیم و ادراک متعلق شرفوازد اولان اخبار سنیه دلالت ایتمشدر . برچوق آیات دخی بعدالموت بعث و نشورک و حشر اجسادك وقوعه کله چکنی صراحتاً ناطقدر . بو حشر اجساد ایسه نفسك بر بدنه رد وارجاعیله ممکندر . اما اوبدن ایستر بوبدن اولسون ، ایستر دیگر بر بدنك ماده سندن تشکل ایتمش بولسون ، حتی ایستر ایسه یکیدن ایجاد اولنان بر ماده دن حصوله کلسون . چونکه فلاسفه نك دخی اعتراف ایستکاری وجهله انسان آنجق نفسیله انساندر . بدنیه دکل . لذت و عقوبت ایسه نفسه عائد بر کیفیتدر . اجزای بدن عمرک اولندن آخریته قدر بالادفعات تبدل و تغیر ایلدیکی حالده نفس اصلا دکشمدیکندن بدنه اصلا اعتبار یوقدر . حشر جسمانی نفسك فصل اولور ایسه اولسون بر بدنه رد وارجاعیله ممکن اولنجه هر ممکن مقدور الهی اولدیغندن بوته مقدور الهیدر .

امام سزای فلاسفه « نفوس غیر متناهی اولوب مواد ایسه متناهی اولدیغندن مواد موجوده نفوس بشره کفایت ایتمز . بناءً علیه حشر جسمانی ده ممکن اوله من » دیمک ایستیورسکیز . واقعا نفوس غیر متناهی اولور ایسه سزک بوسوزیکیز طوغریدر . فقط نفوسک غیر متناهی اولسی محالدر . چونکه نفوسک عدم تناهیبی قدم عالمه و علی الدوام تعاقب ادواره مبنی اولوب بزیایسه حدوث عالم مسئله سنده آنی ابطال ایتمزدر . قدم علمی اعتقاد ایتمیلره کوره بدن آریلان نفوس دخی محدود و متناهی اولغله مواد موجوده دن اکثر دکادر . اکثر اولدیغی تسلیم اولنسه بیله الله تعالی یکیدن ماده اختراعه قادردر . بونی انکار اینسه الله تعالی نیک احداث و الحیاده قدرتی انکاردر .

برده سز بوضورتله حشرک وقوعه تناسخ نامنی ویره رک « تناسخک بطلانسه دلالت ایلیان ادله و براهین بونک دخی بطلانسه دلالت ایدر » دیورسکیز . اسهاده نزاع یوقدر . شرعهده واقع اولان بریشی ولوکه اوشی تناسخ اولسون تصدیق واجیدر . بز بوعلنده تناسخک وقوعی انکار ایدیورز . یوقسه یعنی انکار ایتمورز . اما اکا تناسخ تسمیه اوله حق ایتمش . وارسون اولونسون .

برده سز « بریدن و مزاج قبول نفسه مستعد اولدغه مبادی واهبه دن حدوث نفسه مستحق اولور » دیورسکیز . سزک بوسوزیکیز حدوث نفسک بالاراده دکل ، بالطبع اولدیغنه راجع اولوب بزیایسه حدوث عالم مسئله سنده آنی دخی ابطال ایتمزدر . مع هذا بو—والله « علنده موجود بر نفس بولتمز ایسه بدن و مزاج ایشته اوزمان مبادی واهبه دن حدوث نفسه مستحق اولور . اما اگر علنده موجود بر نفس بولنور ایسه بدن و مزاج مبادی واهبه دن یکیدن بر نفسک حدوثه مستحق اولمز » دیه بر جواب دخی ویزیلورکه بوجواب سزک مذهبه کزه دخی موافقدر .

« نه ایچون بونفوس موجوده قبل البعث والنشور ازحامده کی امرجه وابدان مستعدده تعلق ایتموردر حشرده بوعلنده کی امرجه وابدان تعلق ایدیور ؟ » دیه بر سوال دخی اراد اولنور ایسه بوکاده بوولده بر جواب ویزیلور : نفوس مضارقه نیک بشقه درلو بر استعداد اقتضا ایده چکی بو استعدادک اسبابی ده آنحق حشرده تمام اوله حقی مأمولدرده آتک ایچون . زیرا نفس کامله مضارقه مک برده

تعالی ایچون شرط اولان استعداد ایله ابتداء حادث اولان و برمدت تدبیر بدنن بالاستفاده تکمل ایتماش بولان نفسک بربدنه تعالی ایچون شرط اولان استعداد آردسنده فرق بولمق هیچده بعید دکدر . حق تعالی بوشروطنی واسیانی و بونلرک حضور و وجود اوقاتی هر کسدن دهازیاذه بیلور .

ایمدی تصویر اولدیغی وجهه معاد ممکن اولوب شرعده دخی وارد اولدیغدن آئی تصدیق واجب اولور .

حشر اجسادده دأر اولان آیتلرک تأویانی فلاسفه نك تحت مجبوریتده طوتملری ایچون امام غزالی نك اولجه بونلرک اسناد ایش اولدیغی ایکی مسلسلکدن بوراه قدر یالکیز مسلك اول حقتنده کی مناظرات سرد اولمشدر . مسلك ثانی بهیستلامزدن اول شونبی اخطاره لزوم کورسورزکه مبادی نصیرایتده سنت اوکوستن وسنت سیریل کی آباء کنیسائی نك کریت ارضی رد ایچون ایراد ایش اولدیغی مدفعات البته قارنلر مزك خاطر لرنده بولنه جغندن بزاتلرک نه قدر جاهلانه و ففون علمینده خصمانه اولدیغی دوشوملی ، برده بوراده علمای اسلامیه نك حکما ایله یوروتدکری مناظراتک بر مناظره صحیحه علمیه به درجه لرده موافق اولدیغی نظر دفته الملی ده « نزاع علم و دین » دنیلدیکی زمان منازعه صحیحه نك اسلامدن ماعدا ادیان ایله علوم آردسنده ممکن اوله بیلوب حال بوکه اسلام ایله علوم آردسنده نزاع دکل ، بلکه مسلك واحد مسلك اولان ایکی عالمک مناظره صحیحه علمیه سی کی بر مناظره موجود اولدیغی اکا کوزده حکم ایتملی .

معد حقتنده دخی امام غزالی نك اساساً حلمانیه مخالفی اولیب یالکیز بعض جهات احترازیه شرعییه مبنی فروعا آنلرله مناظره ایتمکده بولدیغی اخطاره لزوم بیله یوقدر . زیرا حضرت امام کندیسی اعتراف ایدی بورکه حشر ایچون نفوس بشریه به بر متعلق اعتبار اولنسون ده او متعلق کرک شمیدیکی بدنلرک عینی و کرک مثلی و یا خود بالکلیه غیرى اولسون . تقرب بر کره بوضورتده حاصل اولدقن صکره منع مناظره اولنه جق نقطه ائتلاف کندی کندیسنه میدانه حیقار .

بعده حکمانک مسلك نایسنی امام غزالی نك تصورنده بسط و تمهید ایله یکنه نقل کلام ایدم . امام مشارالیه دیبورکه :

— حشر اجسادک استحاله نه دأر حکمانک سلوک ایتدکلزی ایکی مسلكک ایکنجیلی دخی بوجه آیدر :

« بر حدیدی یکیدن انسانک تلبس اید بیله جکی ثوب منسوجه قاب ایتک مقذور و ممکن دکادر . بلکه حدیدی اوحاله کتورمک ایچون اجزاسنی کندیسنه عارض اولان بر طاقم اسباب واسطه سیله عناصره قاب ایتک وبعده بو عناصری ده جمع ایدرک اطوار خلقتده قطن صورتنه کتورنجه یه قدر دور ایتدیرمک و آندن صکره قطی ده ایلک صورتنه وبعده اوایلکی هیئت مخصوصه اوزره اولان نسچ انتظام معلومنه قیومق لازمدر . بناء علیه ترتیب مذکور اوزره شو اطوارده تحویلتر ، تقلیسز اوله رق حدیدک پاموقدن معمول بر ثوبه قابی مکتدر دنیلور ایسه بو ، محال عد اولور .

بوراسی معلوم اولدقده دیرزکه ای حشر جسمده فئل اولاندیر ! سز دیورسکزکه زمان حشرده انسانک نفسی بر بدنه عودت ایددجک و بو صورتبه انسان بعث و حشر اولته جق . اکر بو انسان محشورک بدنی طاشیدن و یاخود یاقوت و ایچودن و یا تراب خالصدن ایسه بدنی بونلردن بریسی اولان شی انسان اولمز . چونکه بر شی آنحق عظام ، عروق ، لحم ، اعصاب ، الیاف و اخلاطدن مرکب و شکل مخصوصی اوزره متشکل اولق صورتبه انسان اولدیلور . زیرا اجزای مفرده اجزای مرکبه نه تقدم ایلر . بناء علیه اعضا اولدقجه بدن : عظام و لحم و عروق بولمدقجه اعضا ؛ اخلاط اربعه اولدقجه شو اغذیدن متحصل مواد ؛ مواد مذکورده اولدقجه اخلاط اربعه ؛ حیوانات و نباتات بولمدقجه غذا ؛ عناصر بولمدقجه حیوانات و نباتات دخی حاصل اولمز . او ایله ایسه بو ذکر اولدن شیر بولمدقجه بدن انسان دخی بولمه مز . حقیقت حال بوندن عبارت ایکن «کن خطایله ترابک انسانه انقلابی فصل اوله بیلور ؟»

امام غزالی اشو مسلك ثانی یه دخی بوجه آتی جواب ویریور :

« بدن انسانک لحم و سائر بدن ترک ایدرک انسان اوله بیلمسی ایچون ترا بو بین اولدن اطوارده ترق و تقاب لابد و لازم اولدقنی تسام ایلدکمز کی بر حدیدک ثوب منسوج اوله بیلمسی ایچون اطوار مذکورده تقاب و ترقینک لزومی دخی تسام ایدرز . زیرا بدیدرکه تراب اولدقنی خالده بدن انسان اوله مدیقنی کی حدید دخی حدید اولدقنی خالده ثوب منسوج اوله مز . لکن بر « بو ترقبات و تقبات ، اطوار کثیرده اولدقنی کی ، بر آنده دخی اوله بیلور . » دیرز . مع هذا بزده بالکمز بعثک وقوعه کله جکی بیسلدیرلدی . اما بر زمان

طویلده می، یوقسه برآنده می؟ بوراسی بیان اولمندی. بناءً علیه بونده منازعه یوقدر. بلکه منازعه ذکر اولان اطوارده ترقی، مجرد قدرت باری ایلهمی، یوقسه اسابدن بر سبب ایلهمی حاصل اولدیغی مسئله سندن در. عندمزده بونک ایکسی ده ممکندر. چونکه طبیعتک مسئله اولاسنده اجرای عادته دائر کلام ایلدیگی ائنده ذکر ایلدیگمز وجهله وجودده یکدیگرنی تعاقب ایدن شیلرک بو امر تعاقبری بطریق التلازم اولیوب بلکه آنلرده خرق عادت جائزدر. بناءً علیه وجودده یکدیگرنی تعاقب ایدن شیلر اسباب ظاهره سز دخی حاصل اوله بیلورلر. فرض ایدلم که بونلر آنجق اسباب ظاهره ایله حاصل اولورلر. لیکن سبب سبب معلوم اولسی شرط دکلددر. بلکه خزائن متدورانده نیجه عجایب و غرائب واردرکه بز آنلره مطلع اوله مامشزدر. فقط مشهوداتدن بشقه بر وجود و سبب اوله میه جغنی ظن ایدنلر او عجایب و غرائبی انکار ایدرلر. نصل که بو طائفه سحر و طلسماتی و معجزات و کراماتی ده انکار ایدیورلر. حال بوکه بونلر بز مطلع اوله مدیغمز بر طاقم اسباب غریبه ایله ثابتدرلر. حتی مقناطیس و مقناطیسک حدیدی جذب ایدیشنی بیامبان بر انسانه مقناطیسک بو خاصه سی حکایه اولندقدده در حال آنی انکار ایدرک « حدیدی جذب ایتک آنجق آنی ایپ کی بر شیله باغلا یوب حکمک صورتیه ممکن اوله بیلیر. » در. چونکه عندالحس مشاهده اولونان جذب بوندن عبارتدر. فقط صکره بو انسان فعل جذبک قوه مقناطیسیه ایله دخی حصوله کلدیکنی مشاهده ایدنجه اکا تعجب ایدر او زمن عجایب قدرتی احاطه دن عاجز و فاضر اولدیغنی اعتراف ایلر. ایشته بونک کی بعث و نشوری انکار ایدن بر ملجده قیردن بعث اولنوب عجایب صنع الهی نی کورنجه بو حاله تعجب و انکار سابقه شدیداً ندامت ایدر. فقط حیفاکه بو ندامت آرتق کندیسنه فائده ویرمز. ایشته او زمان « هذا الذی کنتم به تکذبون » خطاب عزیزله توبیح اولنور. بو مسئله نی برده شوبله بر تمثیل و ایضاح ایدلم: بر انسان فرض ایدیکز که عاقل و ذکی اولدیغنی حالده نطفه نیک ماده انسانیه اولدیغنی بیلیمور.

ایندی بو انسانه « اجزاسی متشابه و متماثل اولان یعنی ماهیت جهتیه یکدیگرندن ذره قدر فرقی اولیان شو نطفه نی کوردکی: نطفه نیک ایشته بو اجزای متشابهه سی رحم مادرده لحم و شحم و عظام و اعصاب و عروق کی بر

طاقم اعطای متخالفه به منقسم اوله رق آدن مزاجده بر برینه مخالف یدی طبقه دن مرکب کوز و بر برینه مجاور اولد قلمری حالده رخاوت و صلابتده متفاوت لسان و اسنان و الحاصل فطرتده موجود ده اسیج بدایع حصوله کلیور « دنیلسه شه یوق که بو آدمک شو سوزلری انکار ایتسی ملحدلرک یعنی انکار لرندن ده اسیج تنید اولور . فقط بعده کیفیت خلقت انسانیه یی او کونده شو سوزلرک کافه سنی تصدیق وضع الهی به تعجب ایدرک حیران قالور . ایشته بونک کبی ملحدلرده قیرلرنده بعث اولنوب قدرنده مرکوز اولان عجایب و غزایی کوردکارنده حشرک شریعتده بیان بیورلدیغی وجهله وقوعنی تصدیق ایدوب بو حال غرابت اشتاله حیران اوله رق تعریفی ناقابل بر درجه ده خسرانده قالور لر . اوله ایسه یعنی انکار ایدن ملحدلر اسباب وجودک حس و مشاهده اولان شیلره انحصاری قطعاً معلوم اولمدیغنی بحق تأمل و تفکر ایتلیر لر . چونکه احیای ابدان خصوصنده او منکر لرک مشاهده ایتدکلری طریقندن بشقه بر طریق دها بولنق بعید دکلدر . حتی بشون ذی روحلر فوت اولوب زمان حشر دخی تقرب ایتدکده نطفه به مشابه بر یا غمور نازل اوله جغنی و بونک اوززینه حشر اجساد وقوعه کله جکی حتمنده بر خبر وارد اولمشدر . جائز که بزم مطلع اوله دیغمز بویه بر سبب دها اولسونده اجسادک اسعائی و نفوس محشوره یی قبوله استعدادنی ایجاب ایلسون . بونی انکار ایچون استبعاد مجرددن بشقه نسنده واردده خلاصه بر وجه آتی اقسام ثلثه یی وضعده عند العقل بر بعد یوقدر .

قسم اول: عالم یوق ایکن الله تعالی نیک موجود اولوب بعده بو عالمی یار آتمش اولسی .

قسم ثانی: جناب حقت ایلروده بر ایکنجی نظام جدید اوزره عالمی انشا و ایجاد بیورمسی .

قسم ثالث: بوندن صکره دخی عالمی بالکلیه معدوم قیلوب یالکیز کندیسنب باقی قالمسی . چونکه ثواب و عقاب و حنت و نازک ایدیتنه دائر نصوص شرعیه وارد اولسه ایدی بو اوچنجی قسم دخی ممکن ایدی .

معاد جسمانی ایکی مسئله اوززینه مبتدیر . آنلردن بریسی عالمک حدوتی و بر حدتک قدیمدن جواز حصولی اولوب ، دیگر یده یا بلا اسباب و یا خود اسباب

غیر معتادہ ایہ مسیباتی خلق و ایجاد مسئلہ سیدر کہ بز آنلرک ایکسینی دہ موصحاً بیان ایلدک .

معاد بختندہ امام غزالی نیک کرک فلاسفہ طرفندن و کرک کندی جانندن ایراد ایلدیکی شیلر بورادہ ختام بولدی . بو بآبدہ ابن رشد دخی بروجہ آتی مقابلدہ بولنیور . دیورکہ :

— نفس انسانی مباحثندن فارغ اولدقدن صکرده امام غزالی فلاسفہ نیک حشر اجسادی انکار ایدر اولدقلری زعمہ باشلادی ایسدهده حشر اجساد مسئلهسی لاقول بیک سنه دبری منتشر اولدیغی و علوم و فلسفه لری بزه انتمال ایدن فلاسفہ نیک مدتلری ده بیک سنه دن دها آز بولمیدیغی حالده مذهبلرندن بحث اولتان بوفلاسفہ دن هیچ برسنک حشر اجسادی انکار ایدر اولدقلری کوروندی . زبوردن و بی اسرائیله منسوب اولان صحف کشره دن تبین ایتدیکی و انجیلدهده ثابت اولدیغی و عیسی علیه السلام دن دخی بالتواتر نقل اولنمیدیغی وجهله الک اول حشر اجسادہ قائل اولانلر موسی علیه السلام دن صکرده کان انبیای بنی اسرائیل اولوب صابئیلر دخی بوکا قائل اولملشدردر . ابو محمد حرم دیمشدرکه : بوصابئیه شریعتی اقدم شرایعدر . فلاسفہ نیک شرایبی تعظیم وهر کسدن زیاده احکامنه رعایت اتمش اولدقلری کندی حال وشیانلرندن بروجہ آتی تظاهر ایدر . شویلهکه :

مجرد انسان اولوق اعتباریله انسانک بقای وجودینه و—مادت خاصیه بلوغ ووصولنه مداریکانه و سبب مستقل اولان تدبیر ناس و صلاح معاش امر مهمی شرایع هر شیدن زیاده حفظ و تعلم ایدر اولدیغی عندالفلسفه معلومدر . زیرا آنلر بیلورلرکه انسانک فضائل اخلاقیه و فضائل نظریه و صنایع عملیه یی تحصیلنده شرایعه تمسک ایتسی امر ضروریدر . زیرا حیات آیمان یالکمز دنیا ده صنایع عملیه ایله وهم دنیا ده وهم آخرتده آنحق فضائل نظریه ایله و بویکی حیات ده آنحق فضائل اخلاقیه ایله و فضائل اخلاقیه دخی محضاً معرفه الله ایله و معرفه الله ایسه مجرد عبادات و طاعات شرعیه یه تمسک و امور آخرتی تذکر و محرماندن تجنب ایله ممکن اوله بیلور .

الحاصل آنلر بیلورلرکه عمله متعلق اولان بالجمله احکام و شرایع مدنیتک حصول و وجودنده لازم و لابد اولدیغی و ضرورت حکمنی آلدیغی کی اعتماد

متعلق اولان احکام شرایع و ازان جمله سعادت و عقوبت آخرته قائل اولمق دخی مدینتک حصول و بقاسنده ضرورت و قطعیت حکمنی آلمشدر . شرایعک همی ذات مبدأ و افعالنیده آز چوق اختلاف ایدوب معرفه اللهد و معرفت صفات و افعالده اتفاق ایتدکاری کبی معادلده کیفیتده آز چوق اختلاف ایدوب فقط بعدالموت وجود اخروی امرنده اتفاق ایتشلردر . بناء علیه باجمله شرایع سعادت آخرته ایصال ایدوجان افعالده یعنی بو مقوله افعالتک وجودنده اتفاق ایدوب بشو قدرکه بو افعالی تقدر و تعیین خصوصنده اختلاف ایتشلردر .

خلاصه فلاسفه قطعياً بیلورلرکه شرایع بر طریق مشترک یعنی هر کسک اکلایه بیهلجهکی بر اسلوب دلپسند ایله کافه نامی جنب حکمته و طرف سعادتیه سوق ایتدیکی و بونکله برابر هم حکمانک مسلک مخصوصه تیه و اشارت ، عمده طریقت مشترکه سنی تعالیم و بیانه قصر عنایت بیوردیغی ؛ فلسفه ایسه بالکتر تعالیم حکمته لیاقت و اهلیتی اولانه مسلک سعادتیه تعالیم و توضیح خصوصیه حصر همت ایلدیکی ایچون شرایعه تمسک جمله بیه واجبدر . چونکه صنف خاصک وجودی و تحصیل سعادتیه آنجق صنف عامه مشارکت ایله تمام اوله بیهلجهکندن بو صنف خاصک وجود و حیاتی و تحصیل سعادتیه ایچون تعالیم عمومی دیمک اولان شرایعک لزومی ضرورت و قطعیت حکمنی آلمشدر .

تعالیم عمومیک بو صنف خاصه حال صباوت و زمان طفولیتنده لزوم و وجودنده کیمسه نک سناک و شهیدی یوقدر . صنف مذکور مسلک مخصوصه نقل و ترقی ایتدیکی زمان ایسه ذهنی مشغول ایدن بعض نقاط شرعییه استخفاف و استهزا ایتیب آنلری بر حسن تأویل ایله تأویل ایتک و بوندن مقصود اولان تی صنف خاصی دکل ، عموم نامی تعالیم اولدیغی بیاسک واکر نقاط مذکورده شکنی تصریح و یا خود آنلری انبیاء عظام حضر آسناک بیانلریه مناقض و بولارندن خارج بر تأویل ایله تأویل ایلر ایسه بالککفیر منسوب اولدیغی ملته کفرک جزاسی نه ایسه او جزا ایله مجازات کندیسنه واجب اولدیغی و بونکله برابر شرایع حقیقیه تک همی ده حق ایسه ده زماننده بولان شرایعک فضائی اختیار ایلک و بو فضالتک غیر افضل ناسخ اولدیغی اعتماد ایتک صنف مذکور ایچون لابد و لازمدر .

فلاسه نک شرایعی هر کسدن زیاده تعظیم ایتدکاری بوجه معروض

آنی قبول ایتام کندیلرینه واجب اولدیغنی بیلدکلی ایچوندرکه اسکندریهده تعلیم علوم وفنون ایله اشتغال ایدن حکما کندیلرینه شریعت اسلامییه واصل اولدقدد درحال بالقبول اسلام اولدیلر . بنی اسرائیل زنده موجود اولوب سلیمان علیه السلامه نسبت اولنان کتابلردن ظاهر اولدیغنی اوزره بنی اسرائیلده دخی پک چوق حکما بولدیغنده شبهه یوقدر . دهها طوغریسی ارباب وحی اولان انبیاء حکیمدرلر . بونک ایچوندرکه « هر بی حکیمدر . هر حکیم بی دکادر » قضیه سی اصدق قضایانددر . واقعا هر حکیم بی دکادر . لکن (العلماء ورثة الانبیاء) حدیثه ماسدق اولان ذوات آنجق حکمادر . هندسه کی صنایع برهانیه نك مبادیسنده « مصادرات » و « اصول موضوعه » اولونجه وحی وعقلدن اخذ اولنان شرایعك مبادیسنده دخی بونلرک بونمسی اولونجه ثابتدر . وحی ایله اولان هر شریعته عقل قاریشوب حتی ظاهری عقله مغایر اولان جهتلرینی احسن صورتله تأویل دخی ایتمش ایسهده بو عالمده یالکنز عقل ایله بر شریعت اوله ییله جکنی کیمسه تسلیم ایتماشددر . زیرا صرف عقل ایله اولان شریعت ؛ هم عقل ، همده وحی ایله اولان شریعتدن پک ناقصددر . بناءً علیه بالجمله حکما « مبادی عملیه نك یعنی اعماله متعلق اولان شیلرک انبیاء تقلیداً اخذ اولنمسی واجبددر » دیه اعتقاد ایتشلر . چونکه عملک برهان وجودینه اعمال شریعتدن حاصل اولان فضائلک وجودندن بشقه بر یول یوقدر . یعنی فضائل مذکوره او اعمالک واجب اولدیغنه برهان قویم اولوب آندن بشقه برهان یوقدر .

ایندی بوندن تبیین ایتدی که بالجمله حکما شرایعده بورای یعنی انبیاءه تقلید رأیی قبول ایتشلر و مبادی ضروریده حکما زنده ممدوح و مقبول اولان شیءه عموم نابی اعمال فاضله به انک زیاده تشویق وترغیب ایلیان شیدر دیمشلرددر . تا که بو اعمال فاضله اوزره نشأت ایلیانلر آندن غیری اعمال اوزره نشأت ایلیانلردن فضیلت جهتیله اتمه اواسونلر . شریعتمزده اولان صلات کی که بزم بوصلا تمز جناب حقت بیوردیغنی وجهله شرایع سائرده کی صلاتلردن دهها زیاده انسانی فحشیات و منکر اتدن نهی و منع ایدر . بوده طهارت ، اوقات ، اعداد ، اوراد ، اذکار و سائرده کی صلاتمزده شرط قلنان و فضائل اخلاقه باشلیجه مدار اولان شیلر سناییله حاصلدر . كذلك معاذ حقتده بیان اولنان

اعتقاد دخی بویله اولوب شرایع سارنده اكا دائر اولان اعتقاددن دهه زیاده انسانلری اعمال صالحه سوق و تشویق ایله . بونک ایچوندرکه معادی امور جسمانیه ایله تمثیل امور روحانیه ایله تمثیلدن افضلدر . نته کیم جناب حق قرآن کریمده (مثل الجنة التي وعد المتقون تجرئی من تحتها الانهار) بیوردی ورسول اکرمده بر حدیث شریفنده (فیها مالا عین زأت ولا اذن سمعت) وابن عباس دخی « دنیاده نعم آخرتدن استلردن بشقه بر شی یوقدر دیدی .

ایمدی بونلرک هپسی ده او وجودک بر نشئه آخری اولوب بو وجوددن افضل اولدیغنه او طورک بر طور آخر اولوب بو طوردن اعلا بولدیغنه دلالت ایدر . صوز جمادیه نك بر طوردن دیکر طورده منتاب اوله اوله نهایت هر برینک بر صورت معرکه اولدیغنی ادراک واذعان ایدن برعاقله بونشئه آخرانی انکار ایتمک لایق اوله مز . بونده شک ایروب اولشئه آخرانی انکار ایدنر شرایع وفضائل ابطال ایتمک ایسته من استیادرکه آنلرده لذت حسیه ایله نعم وندوقدن بشقه انسان ایچون هیچ بر نغایه اولدیغنی رأی واعتقاد ایدن زنادقه در . حال بوکه کونک اصحاب شریعت وکونک ارباب حکمتک جهله سی آنلری قتل ایدر اولدقلرند کیمسه شک و شبهه ایتمز . غزالینک بوزنادقهیه مقابله ومدافعهده سولدیکی سوزلر نك کوزلدر .

بونلره قارشو سولیه برمدافعه دهه لازمدر: نفس باقی دکدر . روزحشرده اعاده اولنه جق شیر ایسه بونیداده کی روح و بدنک عینی دکل ، مثیلدر . زیرا معدوم بعینه اعاده اولنه مز . بونک ایچون نفسک برعرض اولدیغنی سولیان واعاده اولنه جق نفس و جسمکده معدوم اولان نفس و جسمک عینی اوله جعنی اعتقاد ایلیان متکلسینک مذهبلی اوزره معاده فائل اومتق صحیح اولمز . چونکه بدالعدم موجود اولان شی واحد بالنوعدر . واحد بالعدد دکلدر .

حشر اجساد یعنی معاد مسئله سی حقیقده ابن رشدک مقابله سی ده بوراده تمام اولدی .

سوتفضیلاتی امعان ایله مطالعه بیورمش اولان قارئلر منالته دو سوتشله درکه حکما حشر اجسادی برصورت مطلقه اساسیهده قبول ایلیش اولدقلر صکره ظرفین میاننده سوزک بودرجه لره قدر اوزالمسنه حاجت دخی یوق ایمدی ، باخصوص که امام غزالی برعرض اولان نفسه مابه القیام اوله جق بر بدنک هرینه

صورتیه اولور ایسه اولسون قبولیه اکتفایلدکن صکره حکمایه دهها زیاده
 اصرار ایچون لزوم دخی قالمالیدر . فقط حکمانک حشر مسئله سنه جسمیتی
 ادخال ایتمک ایسته ماملرینک بر بشقه سبب قویینی بولندیغی کئی حضرت امام
 غزالی بر بدن، بر جسد قبول ایتدیرمکی اصرارده دخی دیکر بعض اسباب شرعیه به
 استناد ایتکده در .

حکمانک استناد ایلدکری سبب شودرکه : ادیان . سماویه نیک عیری ادیان
 قدیمده امواتک بو دنیان مزاره کورتوردکاری اجسادک عینیه حشر
 اولنه جقلری معتقد اولدیغی کئی موسویت و عیسویتیه سالت اولان بعض اقوام
 نزدندهده بو اعتقاده یک شیه اعتقادلر پیدا اولدیغدن وحقی اسلامده بیه بعض
 افهام ضعیفه اربابی امر بیته همان عینیه بومعنائی . ویرمهک تقرب ایلدیکندن حکما
 فی الواقع بر معادی، بر آخرتی و آندده حشر و نشر نفوس قضیه باهر دینی انکار ایدمه مملکه
 برابر روحلرک ترک ایلدیکی قلبک عینیه عودتی فرض و تقدیرده نقاط علمیه
 وفیه جه بر چوق محذورلر بولهرق مجرد او محاذیری دفع ایچون حشرک روحانیتی
 جسمانیته ترجیحده بولمشلردر . حضرت امام غزالی حکمانک کوردکاری
 محذورلردن بر چوغنی آنلرک خلاصه عقایدینی حکمایه ایلدیکی صردهده یازمش
 و بونلرک فنا نه قدر نازک و مهم شیلر اولدقلرینه البته قارنلرمن دخی دقت
 یورمشدر .

واقعا امام غزالی بو محاذیری دفع ایچون بر چوق ادله و براهین ایزاد ایلش
 ایسهده بونلرک حکمایه سکوت صحیحه الجاید بیه جکلرنده نظر واردر . مثلاً امام
 غزالی « وعد و اخبار اولنان امور آخرت قدرت المیهده محال اولمدیغندن » دیه
 حشر جسمانی به دأثر اولان آیات کریمه نیک تأویلدن استغناسنی اثبات ایلدیکی حالده
 حکما « قدرت المیه مسئله سی بشقه و تحری حکمت و حقیقت مسئله سی یته
 بشقه در . قدرت المیه مسلم جهاندر . قدرتک تعلق ایدمه جکی هیچ برشی
 اوله من . اصل مسئله بزم قدرت عقلیه من مسئله سیدر . در میان اولنان بر صورت
 قدرت عقلیه منزه قریب اولمز ایسه ایمان حقیقی ایله ایمان من ممکن اوله بیلورمی ؟ »
 دیه جاک اولور ایسه لر حسن مقابله ایچون دهها بشقه دلائل قوییه احتیاج مس
 ایلر .

مع هذا تکرار ایدررکه امام غزالی نیک نفوس آخرت ایچون هر فصل اولورسه

اولسون بر بدن موجودیته اکتفا ایتمی حکمی اصرار ددن دوسوره جک
 بر نقطه ائتلاف اوله بیللمکده در . مثلا حکما « نار جهنم یاقیحی و اورایه القبا
 اوله جق اجساد بشری ایچی اولدقلری حاده جهنمهه مخلدیت نصل قابل اوله بیلور
 اورایه آیلان جسدلر یانارلر ، محو اولورلر کیدرلر . مخلدیتک امکانی ایچون یا
 اوجسدلر بوجسدلردن ویاخود اونار بیلدیکمز ناردن بشته درلو برشی اولمق
 لازم کور » دیه بیلورلر . هله جسدلرک بوجسدلردن دها بشته درلو اوله بیله جکمی
 « کما نصحت جلودهم بدنک جلوداً غیرها » آیت کریمه سی ایراد ایله اثبات دخی
 ایدرلر . زیرا آتسه آیلان بروجودک دریسی پیشوب یادقدن سکره رینه
 بر بشته درینک بدل اولمی بو دنیاده کی اجساد ایچون تصور اولور سیلردن
 دکادر . بودنیاده کی اجسادمز دکل جهنمدن حتی جتنده کی مخلدیت ایچون بیله
 مستعد دکادر . اشو جسد دنیویتمز ینه تغذیات دنیویه ایله آنجق بر زمان محدود
 ایچون دائم اوله بیلوب خیالاتک دها زیاده سنه متحمل اوله میه جفی عندالاطبا
 متفق علیهدر . مگرکه بعض مفسرن کرامت دیدکاری وجهله اعتقاد و انحلال
 جهنمدن جتنده کی اجساد بر توازن حاصل ایدلرده مخلدیته متحمل اوله لر .

ایشته بودخی ابدان و اجساد آخر و بانک ابدان و اجساد دنیویهدن مطابقا
 دها بشفه بر طبعته اولملرینی اقتضا ایتدیرر . بوحاللر ایسه تماماً دکل ایسه ده
 ضمناً و قسمماً یته بر تأویل صایله مزلمی ؛ والا حضرت امام « نفوس مفارقة نک
 بشته درلو بر استعداد اقتضا ایده جکی و بو استعدادک اسبابی ده آنجق حتمردن تمام
 اوله جفی مأمولدر ، سوزنی وبا خصوص « بوحشر اجساد نفسک بر بدنک رد
 وارجاعیله ممکندر . اما اوبدن ایستر بو بدن اول اولسون ، ایستر دیگر بر بدنک
 ماده سندن تشکیل ایتش بوتسون ، و بستر ایسه یکیدن ایجاد اولنان بر ماده دن ظهور
 کلسون » سوزلرینی نه جساته سویله بیلور ایدی ؛

حضرت امام ابدان آخرتک ابدان دنیسانک عینی اولمی ضروری کوروله -
 مه یه جکمی بو وجهله قبول ایلدکن سکره حکما ایله آره لرند هان هیچ
 بر مخالفت قلماش دیتک اولور .

شو جهتی اخطار ایدلم که کافه علومک یاردیمیه برابر بز خلقت و نشأت
 اولامز اسرارینی بیله عقلمز . تمایله سیغدی رده میوروز . رده هلدی که لشفه
 اخرا مز اسرارینی عقلمزه سیغدی رده بیللم ؛ بو ایکی اوجک ایکسی ده حدود

علمك خازجندهدر . حدود علوم داخنده بولنان شیلری « بيلمك » انسان ایچون ممکندر . حدود علوم خارجنده کی شیلری بيلمك ایسه ممکن اوله میوب آنلره وحی الهمی وتعلیم انبیا ایله « اینامق » لازمدر . حضرت الله ذوالجلال قرآن عظیم الشانده نشئه احرامك نشئه اولامزدن دهها کوچ اولدیغنی و خلقت اولایه قدرتی عقلردن خارج آثار ایله اثبات ایش بولنان اول صانع حقیقینك خلقت احرایه دخی مقتدر بولدیغنی قرآن کریمك مواضع متعدده سنده بیان بیورمش اولدقلمی کی بویانات ایله قناعت مؤمنانده بولنه میوب « من یحیی العظام وهی رمیم » سؤالی ایراد ایدلره دخی « یحییها الذی انشأها اول مرة وهو بكل خلق عليم » جواب باصوابی ده اعطا بیورمشلردر . مسئله علمه عائد اولیوب ایمانه عائد اولدیغنه کورد بزم ایچون شو بویانات الهمیه تأیید ایمانه کافیدر . بز بونك خارجنده کی معانده کی هم جهل وهم مکابره دن عبارت کوریرز . علممك لاحق اولدیغنی مسئله حتمده جهلا مکابره کی ده مسلكمزدن خارج طوتارز .

خاتمه

حدوث وقدم وقفا وبقای عالم و برصانعه احتیاج ویاخود آندن استغنا ومبدأ ومعد وحشر اجساد مسائل مهمه سنده امام غزالی حکما حتمده ممکن اوله بیان اشیاهاتی کاملاً سرد ومقابله ومدافعه سنی دخی ایراد ایلدکن صکره کنده عندنده بونقاط نظر دن فلاسفه نك تکفیری ممکن اوله بیلوب اوله میه جفته دخی نقل کلام ایله دیورکه :

— اکر برقائل چیقوب ده « سز فلاسفه نك مذهبی تفصیل ایلدیکنز . عجباً سز آنلرک کفرلینه و بو مذهبلری اعتقاد ایدلرک وجوب قتلنه جزماً حدم ویره بیورمیسکنز ؟ » دیر ایسه بزده دیرزکه : اوچ مسئله ده فلاسفه کی تکفیر اتمک لازمدر . برنجیسی قدم عالمه قائل اولملری و « جوانرک هپسی قدیمدر » دیمه لری ، ایکنجیسی انسانلردن صدور ایدن حوادث جزئییه جناب حقت علمی محیط دکادر سوزلری ، اوچنجیسی اجسادك بعث وحشرینی نکار ایللری قضیه لریدر . بو اوچ مسئله هیچ بروجهاه اسلامه موافق وملایم

کنز . بناءً عليه بومسائل اعتقاد ایدن کیمسه بالخاصه حشر اجساد حقهده کی خبر لراچون « انیا بوسوزلری لمصلحة عوام ناسه تمیل طریقله سولیه مشردر . » دیه کذب انبیائی اعتقاد ایدن کیمسه کیدر . بوسوز کفر صریح اولوب مسلمانلردن هیچ برفرقه بواعتقادده بولنماشدر . اما ذکر اولئان اوچ مسئله نك معاداسنده واز جمله صفات النبیّهده تصر فلری و آندّه توحید اعتقاد ایتلری کی مسئله لردده فلاسفه نك مذهبی معتزله مذهبه قریبدر . کذک فلاسفه نك تلازم اسباب طبعیه یه دائر اولان مذهبلری ده معتزله نك « تولید » مسئله سنده صراحة ذکر ایتدکلری شیدر . الحاصل مسائل ثلثه مذکورده دن بشقه فلاسفه دن نقل و حکایه ایلدیکمز شیلرک هر برینی اسلامدن برفرقه سولیه مش و قبول ایشدر . بناءً عليه فرق اسلامدن اهل بدعتی تکفیر ایدنلر ذکر اولئان اصول ثلثه نك غیر مسئله لردده فلاسفه یی ده تکفیر ایدرلر . فقط بزصددن حقیقه لم دیه اهل بدعتی تکفیر و آنلردن صدور ایدن شیلری تصحیح وعدم تصحیح تفصیلاتنه قدر کیرشمکی مناسب کورمدک . والله الموفق للصواب

ابن رشد دخی امام غزالی یه مقابله دیورکه :

— غزالی فلاسفه یی اوچ مسئله ده تکفیر ایتدی . برنجیمی معاد مسئله سیدرکه بز فلاسفه نك بومسئله یه دائر اولان رأیلرینی یعنی بومسئله آنترجه مسائل نظریه دن اولدیغنی سولیدک . ایکنجیمی فلاسفه نك « الله جزئیاتی یلار » دیدکاری مسئله درکه بوقولت ده اقوال فلاسفه دن اثر دینینی مبحث مخصوصنده سولیدک . اوچنجیمی فلاسفه نك قدم عالمه قائل اولملری مسئله سیدرکه بز آنلرک بو « قدم عالم » سوزندن مقصدلری اولدیغنی و آنلرک بوسوزدن قصد ایتدکاری معنا متکلمینات قصد ایتدکاری و آنک اوزرینه فلاسفه یی تکفیر ایتدکاری معادن بشقه برشی اولدیغنی دخی ایضاح ایتدک . امام غزالی تهافتنده « مسلمانلردن هیچ بر کیمسه حشر روحانی به قائل اولدی » ددی . حال بوکه بشقه اثرنده دخی صوفیه نك حشر روحانی به قائل اولدقلرینی سولیدی . دیمک اولدی که حشر جسمانی یه قائل اولیوب حشر روحانی یه قائل اولانلر بالاجماع تکفیر اولنمیدیلر . بو حلالده غزالی نك فلاسفه یی حشر روحانی به قائل اولدقلری ایچون تکفیر ایتسی و مسلمانلردن هیچ برفرقه نك حشر روحانی یه قائل اولدیغنی سولیمسی نعل جائز اولور ؟ بوسوز کندیسی ایچون بر ناقص دیمک دکیدر ؟

بوجه دائر اولان سوزیمی بوراده کسمک و سوبیلدیکم سوزلردن طولانی واقع اولان خطا و عصیامندن استغفار ایتمک طرفنی رأی و التزام ایتمدم . والله اعظم انکر اهلیت ایله برابر طباق حق ضرورتی و اهل اولیان کیمسه ناک بویله مسائل مغلقه جراتی اولسه ایدی بوبانده حرف واحدیله تکلم ایتمز ایتمدم . اومازم که جناب حق عذریمی قبول و خطالریمی فضل و کرمیله ستر ایلر . چونکه قصورلری عفو و خطالری ستر ایدم جلت آندن بشقه بر رب دها یوقدر . ابن رشدک خاتمه سی دخی شوندن عبارتدر :

— حمداً لله بوزایه قدر و یرلمش اولان تفصیلاتدن بیله مرتبه تحققه وارمش اولدینی وجهله علوم ریاضیه و طبیعیه کبی جدی اولان دانش بشر یعنی برطاقم اوهام و ظنیات عندیدن ماعداد حقایق علمیه احکام قرآنییه مغایر اریلق شو بیلد طورسون ، بالعکس توصیه « وعلمننا » ایله توصیه و امر دخی ایدلدکارندن علمای اسلامییه اراسنده دخی پک چوق فلاسفه و حکما یتشمش ، علوم فلسفیه بی اساسات دینیهمزله تألیف و توفیقه موفق اولمشلردر . ایسته ابن رشد دخی بونلردن بریدر . علی الاطلاق فلسفه ناک علی الاطلاق اسلامیته عدم موافقتی نقطه لری ایسته امام غزالی اوچدن عبارت کوروب اولیله کوستر مش و حال بوکه ابن رشدک ایضاحنه کورده بو اوچ نقطه ده دخی فلاسفه اصلا قصد ایتمد کوری بعض معنالی اسناد ایتمد کجه تکفیرک یولنی بوله مامشدر . مثلاً « جواهرک هپسی قدیمدر » سوزندن فلاسفه ناک متصودی خلقت جواهر اولیابنده کی اراده ازلیه بی متعاقدر ، دیمک اولدینی حائده غزالی : بوسوزدن قصد لری خالقندن استغنادر ، حکمیله آنلری تکفیره یوریمشدر . حالبوکه بوفکرده ذاهب اولانلر ، فلاسفه حقیقه دکل ، دهریدر . چونکه آنلرجه عالم خلقتی بوو خلقتده کی انتظام بر تصادف نوعندن اولوب حرارت شمسک تراب راطبه اصابتی حائده او طویراق دروننده کی تحملک تبت ایتماسی قابل اولم مدینی کبی بو عالمک تکونی دخی او یولده بر الحجاب واقضای طبیعتدن عبارت بولوب هیچ بر کیمسه ناک اثر صنعی و محاط علمی دکلدرد . بو ایسه پک قوری بر دعوادن عبارت اولوب اثباتی ایچون هیچ بر برهان اقامه ایدیه مامشدر .

فلاسفه ناک احوال آخرته متعلق ایات قرآنییه بی تمثیله حمل ایتملری مسئله سنه کلنجه : کرک ایات کریمه ، کرک احادیث نبویده طریق تمثیل بالکلیه مسدود میدر که

فلاسفه‌نك بو مسئله ده تمثيل ظننه دوشملرى تكذيبه حمل ايدملك درجه سنده مستعد كورولسون . « ان الله لا يستحي ان يضرب مثلاً ما بعوضة فما فوقها » شهادت الهيمى بو مسئله ده فلاسفه‌نك امدادينه تيشه‌جك براهين قرآنيه دندره . انزهد خاتمه كلامنده و « اهل اولميان كيمسه نك بويده مسائل مغالته جراتى اولمسه ايدى بوبابده حرف واحد بيله تكلم اتمز ايدم » سوزيله حضرت امام غزالى حتمده برتعريضده بولنور . حجة الاسلام حضرت تلى حتمده بويده برتعريض بزاصلاح تصويب ايدمه ميز . حضرت امامك كندى زماننده كى علومه علمى شامل و محيط اولديغى آثار كثره سيله ميدانده در .

وجه دخى بر قاچ رده اخطار اتمش اولديغمز وجهه ابو حامد حضرت تلى عقايد فلاسفه نى غايت ايجه بر الكدن الهامك و ممكن اوله بيلن دقتى صرف ايمك صورتيه نايسته احتراز اوله بيله جك نقطه لرى بوندن عبارت بولوب او وجهه كو ستر مشدر . اما فلاسفه دن برفرقه نك كلام و اعتقادينه ديكر فرقه نك كلام و اعتقادى فريشدر مق مسئله سنه كلنجه بوتخليط مسائل يالكتر امام غزاليده كورلمش شيلردن دكلدر . دها بك چوق بيوك آدم لرده ده كورلمشدر . بونك سببى ايسه يونانيلردن بى شريونه انتقال ايدمكلن فلسفيانى بيلماملرى قضيه سى دكلدر . بلكه اوفلسفيانك تاريخ تأس و ترقى و انتقالاتى بزم شريون زردنده منتظماً و موضحاً مضبوط اولمسه سيدر . مثلاً ارسطو « مقانيق سه است » يعنى ميخانيقيت افلاك مسئله سنده دوچار خطا اولمش دنيلورسه بوسوز طوغرى دكلدر . واقعا مسئله نك بوكونكى صورته قياساً ارسطو مخطيدر . اما كندى زمانه قياساً مخطى اولمق شويده طورسون ، بلكه خطايى قديمى مصحح اولديغى حتمدر . بو جهتلردن انزهد سائر علمائى شريقيه فائقدر . چونكه اندلس رجالدن اولوب يهود و نصارادن كتب قديمه يونانيه و لاتينيه و قوف حاصل ايدرك تاريخ علوم و فلسفه نى دها طوغرى اولدوق اوكرتمشدر . علمائى سائر ايسه فلسفه دنيلديكى زمان آنى مسلك واحد دن عبارت ظن اتمشلردر . شرايع موجوده نى تابع اولديغى حالده علوم ايله استعمال ايدن ارباب كياستك مداكى ، معاد كى مسلك حتمده سويلدكارى سوزلرى هب مذهب واحد رجالنك اقواليدر كى تلقى ايشلردر . بوايه خطاى فاحشدر . زيرا فلسفه دنيلار حى مسائل عديده منضم اولوب بونلر آردسنده كى اختلافات او قدر بيوكدر كه غزالى ايله فلاسفه آردسنده موجوديتى بيله غزاليك كو سترديكى مابتنر مسلك فلاسفه مخالفانه قياساً

هیچ مرتبه‌سند در لر . هم فلسفه فلاسفه‌ی شریعت احمدیه و حکمت اسلامیہ درجه‌سند مکملدر دعواسنه کیم جرأت ایده بیله‌شدر ؟ البته فلاسفه‌نک حکمت اسلامیہ به قیاساً بر جوق نقصانلری اوله‌جقدر . طرف حضرت قرآندن وجانب نبی دیشانندن اخبار بیوردلینی وجهله بزینی اسلام « آخرون سابقون » اولقله مشرفز . ورود جهتیه جمله‌دن آخر و تکمل جهتیه جمله‌یه سابقز . حکمت اسلامیہ مز یالکمز فلسفه فلاسفه‌یه دکل ، شرایع قدیمه‌یه دخی فاقدر . اکل کلد کده کامل ساقط اولوق قواعد طبیعه‌دن اولسیله حکمت و شریعتمز شرایع سالفه‌یه ناسخ اولدینی کبی حکمت سالفه‌یه دخی ناسخ اولوق ضروریدر . آنردن هانکی شیر حکمت و شریعتمزه موافق ایسه باقی و دکل ایسه زائل و منسوخدر .

مع هذا تاریخ علوم و فلسفه درجه مطلوبه‌ده پیشگاه تتبع و تدقیقه چکیلور ایسه فلسفه‌دن اولسون ، شرایع‌دن اولسون متقدمینک تربیه نوع بشر خصوصده خدمات عظیمه‌سی مرتبه تحفته واره‌رق حقیقت پرستانی کندیلرینه منتهار ایتمک قابل دکلدر . دوشوتملیدر که اشرف واکمل خلائق اولان نوع بشر نه خالقنی ، نه آنک مخلوقنی طایمه‌رق بهیمیت عادیه منزله‌سند خذلان ایچنده سرکردان ایکن آنلرک فکر و نظرینی حجرشجر مقوله‌سی معاابد مضمونه و مخیله‌دن خالق کائنات اولان حق سبحانه و تعالی جانب معنویسنه جانب واعلا ایلیان فلاسفه اولمشلردر . آنردن لقمان کبی بعضلرینک نبوت ویا اولایتلرنده بین‌العلماء اختلاف اولدینی نظر دقت و اهمیه آنملیدر . ارسطو کبی ، فلاطون کبی ، فیثاغور کبی حکمت الهیه‌نک رؤسای مذاهی خالق تعالی و تقدس حضرتلرینی تأملات حکمیه لریله ایلت دوشونوب شاگردلرینه تعلیم دخی ایتمشلردر . هم اوزمانلر که ارض فلسطینده جناب کیم‌الله بونجه معجزات باهره‌ایله نبی اسرائیلی طریق حقه ارشاد ایتمک ، آنلر ایسه آنتون بوزاغی به طایمق و آندن صکوره کلن انبیای نبی اسرائیله درلو اذالر جفالر ایتمک ایله مشغول ایکن آق دکزک مالک شمالیه‌سند فلاسفه‌تربیه و تسبیح الهی درسی تعمیم ایتمکده بولتمشلر ایدی . بونجه خدمات مهمه‌یه مقابل معلمین مشارالیه‌مدن بیگ بشیوز ، ایکی بیگ سنه صکوره کلن و حکمت اسلامیہ سایه‌سند کوزلری وینلری تنور ایلیان مدققین اسلامیہ بونلر حقنده بوله بوله اوچ درت خطا بوله‌یه‌باشلر ایسه چوقمیدر ؟ حکمای مشارالیه‌م شودر سخانه حکمت اسلامیہ به یشمک نعمته نائل اولسه لرایدی عجباً بو خطا لرنده اصرار ایدر لر می ایدی ؟

مدافعات دینیه

رد الباطل

با کواھالی اسلامیه سندن واوراده منتشر « حیات » غزنیسی محرر لرندن طالب زاده اخوند یوسف (حقیقت اسلام) نام بر اثر ندہ تورات و انجیلک دوچار تحریف اولدیغنه وقرآن کریمک هر درلو تحریفدن مصون بولوندیغنه دائر بر آرز بحث ایتمش، بونک اوزرینه امیرخان نامنده بر عالم نصرانی حیقوب اخوند یوسفه خطاباً ووا اثره مقابله « تورات، انجیلیمی تحریف، یوقمه قرآن؟ » عنوانلی بر رساله یازدرق بو رساله هی بوتون بلاد اسلامیه نشره باسلامش و بونک بر نسخہ سی ده یدمزه واصل اولمشدر.

شو عنواندن دخی آکلاشیلدیغی اوزره امیرخان بورساله سندہ حاشا قرآندہ تحریفات اجرا ایدیلدیکنی ادعا ایتمش و بو دعواسنه بر چوق روایات تاریخیه و آیات قرآنیه و بعض احادیث شریفه ایله استدلاله یلته مش و بو میاندہ قرآن حقیقت بیانمک شان عالیبرنه اصلاً یاقیشمایه جق بر چوق تفوهات باطله یه دخی جرئت ایلمشدر.

علمای اسلامیه طرفدن بوکا قارشی مدافعه نامہ لر یازیلدق بونک شدتله رد اولونجغی درکار ایسه ده اوله بر خدمت مقدسه یه اشتراک فکری بزده دخی غایب نه کلدیکندن بو رساله هی اوقور اوقوماز همان الیمه قامی الوب امیرخان جنابلرینک رساله مذکور رسنده کی اودعوای باطنی اثبات ایچون مرد استدیکی استدالات واهیسنی و تفوهات غیر لایقہسنی بر وجه آتی رده شروع ایلم .
توفیق الہدندر .

امیر خان جنابلری بو رساله سندہ « قرآن مسالہسی » سر لوجه سی آلتندہ قرآن کریمه عائد دعوای باطنی شو صورتله اثبات ایتمک ایستیور :

« تحریفات و تغیرات و تبدیلات دکل تورات و انجیلده لاقرآندہ در . بو خصوصده جنابکزه چوق دیه جگمز وار ایسه ده بر حجه مطاب ایله مختصراً اکتفا ادرز . اولاً هیچ معلوم دکل که قرآنی کم جمع ایلدی . مسلمان علملرک چوق کونا کون

افکار یازدقلمری ایچون آشکار اولور که آنلر قرآنک بجه جمع اولدیغنی بیلیمورلر.
حاکم جنابلری اوز مستدرک کتابنده دیور:

« جمع القرآن ثلاث مرات احدھا بحضرت النبی الثانیة بحضرة ابی بکر
والجمع الثالث هو ترتيب السور فی زمن عثمان » وراوز که رده یازیورلر:

« ابو بکر اول من جمع کتاب الله » وکویا علیده دیوبدر: « اعظم الناس
فی المصاحف اجراً ابو بکر رحمة الله علی ابی بکر هو اول من جمع کتاب الله ».

« وعلی خصوصنده دیورلر: « لما کان بعد بیعة ابی بکر قعد علی ابن ابی طآب
فی بیته فقیل لابی بکر قد کرده بیعتک فارسل الیه فقال اکرهت بیعتی قال لا واه
قال ما قعدک عنی قال رأیت کتاب الله یزاد فیه فحدثت نفسی ان لا البس ردائی
الابصلاة حتی اجمعه قال له ابو بکر فانک نعم ما رأیت »

« واین ایشته کتابنده دیور: « اول من جمع القرآن فی المصحف سالم مولی
ابی حدیفه » وعایشه نکه ده، ابن عباسکده قرآنی وار ایدی. »

امیر خانک مذکور دعوی باطلنه وجه اول ایله استدلالی بوراده نهایت
بولدی.

امیر خانک بو استدلالنه جوابه شروعدن اول شونی بیان ایدلم که قرآن
کریم نبوت محمدیه نیک معجزه باهره سی، ادله شرعیه نیک اس اساسی اولوب حضرت
رسولک هر نازل اولان برآیت ویا خود برسوره یی بتون ناسه تبلیغه مأمور اولمسی
وتلاوت قرآنک افضل عبادات بولمسی وحتی ادا ایدیله جک هر نمازک هر رکعتنده
قرائت قرآنک بتون مسلمانلره فرض عین قلمسی ومشرکاره قارشو قرآن ایله
تحدی ایدلمسی، قرآنک مثلنی ایمانه مشرکارک دعوت اولمسی کبی بر چوق
اسباب ودواعی دن ناشی حضرت پیغمبر افندیمز کندیسنه هر نه زمان برآیت ویا
برسوره نازل اولسه همان اوآیت وسوره یی امته تبلیغ وتعلیم ایدیور و آرد صره
منکرلری دخی قرآن کریم ایله معارضه یه دعوت ایلور و بر طرف دنده « خیرکم
من تعلم القرآن وعامه » کبی بجه احادیث شریفه سیله امتی تعلم وتعلیم قرآنه
تشویق وترغیب ده بوتیور و بناء علیه ائمه اصحابدن الکرن مرتبده کی افراد
امته وارنجیه قدر ارکاک، قادین، چولوق چوجوق، هر کس پیسدرنی نازل
اولان آیات کریمه یی تلاوت وحفظ ایتکی بتون سعادت دن یوه و اخر یوه نائلیدن
دها قیمتلی بر نعمت عظما بیلور ایدی.

هر کسک شرف و مزیتی، مرتبه رفعتی حفظ آیتدیکي آیات کریمه نك مقدار یله تقدیر اولنیور ایدی . هر ناوقت مسجد نبوی به کیرلسه انده تلاوت قرآن ایله مشغول بجه اصحاب کرامك زمزمه طیفه لری سامه نواز اولیور ایدی .

سالم مولی ابی حذیفه ، عبدالله بن مسعود ، ابی بن کعب ، معاذ بن جبل حضرت ابی بالخاصه تعالیم قرآن وظیفه مقدسه نه مأمور بیورنشلر ایدی . حضرت رسولک شرف دیداریله مشرف اولنیان اهل آفاقه ده اصحاب کرامك کزیده قرآنندن معلملر کوندریلیور ایدی . اکا بر اصحابدن برحوق ذوات ایسه بتون قرآنی حافظه لر انده جمع آیتدکن بشقه هر درلو مشغولیت واستراحتی ترک ایله آیات جلیله قرآنیه نك مدلول ومفهومی و بونلردن احکام شرعیه نك صورت استباطنی اول حضرتدن او کرئمکه سعی وغیرت ایدیورلر ایدی .

ایشته اصحاب کرامك محیر العقول اولان بوسی وغیرتلیله قرآن کریم زمان رسول اللهده یوزلرجه ذوات معلیغایاتک حافظه لری تزیین ایدی . یعنی بتون قرآن ایشته عددلری بودرجه کثرته بالغ اولان اصحاب پروفا طرفندن اذبرلندی . ارتحال نبوی متعاقب ظهور ایدن یامه محاربه سنده اهل اسلام طرفندن شهید اولنلر میسانده یتشدن زیاده قرآنک یعنی حفاظ کرامك بولنمی زمان رسول اللهده بتون قرآنک بجه ذوات کرام طرفندن اذبر ایدلمش اولدیغه بیوک برشاهد عادلر .

حالبوکه بوتلاوت وحفظ قرآن مسئله سی یالکیز زمان نبوی به منحصر قالمادی . انک زمان سعادت لرنده عددلری یوزلرجه بالغ اولان حفاظ کرامدن ماعدلر جزیره العربک هر قطعه سنک بتون شهر و کویلرنده ملیونلرجه خالق برحوق سورده لری اذبرلرینه آلدق لری کبی خلافت صدیقیه وفاروقیده دائرة اسلام بر سرعت فوق العاده ایله توسع ایدنجه تلاوت وحفظ قرآن مسئله سرخی اونستیده اهمیتنی آرتیردی .

اهل اسلام تراید ایتدکجه عدد حفاظ اونستیده تراید ایله دی . کتاب اللهک حاملی اولان مجاهدین عرب آیات قرآنیه یی بحر عماندن قافقاسیه به حبشستاندن مصره قدر ساحه معموره ده نهدر شهر ، نهدر کوی وار ایسه جمله نشر ایتدیلر . حضرت عثمان زمانده ایسه حدود چیندن بحر محیط اطلسیه به قدر اولان معموره جهانک وده صوکرالری اندلس ایله هندستانک باجمله مساجدنده بو کتاب کریم اوقومغه ، اذبرلنمکه باشلادی .

حضرت عثمانک زمان خلافتده مصاحف شریفه نك عددی یوز بیكدن و حفاظ کرامت عددی برقاچ یوز بیكدن اکسیك دکل ایدی. حالبوکه اوزمان مسلمانلر بتون فتوحات ایله مشغول ایدیلر. ادوار فتوحاندن سوکرا ایسه کتاب الهی حفظ و تعمیم اچون دهها زیاده اعتنا ایدلدی. حفاظت عددی خاطر و خيالیه صیغیه جق درجهده چوغالدی. بتون معارف اسلامیه تلاوت و حفظ قرآن اساسنه ابتداء ایدلدی. نته کیم زمانمزده دخی بویله در.

الحاصل قرآنی حضرت رسولدن اخذ وتالی ایله زمانمزه قدر امتداد ایدوبده هیچ بر وقته منقطع اولمیان سلسله رواتک هر عصرده بر حلقه سنی تشکیل ایدن عدد حفاظ او عصرک نفوس اسلامیه سنی نسبتده چوغالدی.

حتی بوکون دخی کره ارض اوزرنده موجود اهالی اسلامیه میاننده ارکات و قادیندن، بیوک و کوچکدن بتون قرآنی از برلمش عدد حفاظت لاقلا اوچیوز بیکه بالغ اولدیغنی ادعا ایدر ایسه ک اصلا مبالغه ایتماش و بلکده نقصان سولمش اولورز.

بیک اوچیوز بو قدر سنه دنبری بلاد اسلامیه نك هر طرفه انتشار ایدوبده ایدی اهل اسلامده تداول و بوکون عددلری میلیونلری تجاوز ایلیان مصاحف شریفه نك یکدیگرینه برکلهده بیله مخالف اولماسی و بونلرک تحریف و تبدیلدن بالکلیه مصنون قالمسی دخی ایشته بویله من القدیم قرآن کریمک عددلری عد واحصادن خارج حفاظ کرام قلوبنده حفظ اولنه کلسی سایه سنده در. یوقسه مجرد مصاحف شریفه ده یازلمش اولماسی سایه سنده دکلدر.

اگر قرآن کریمک عموم مسلمانلر طرفدن تلاوتی بر عبادت مستقله اولسه و آنک اوتو دنبری قلوب امتده حفظه اهتمام ایدلیوبده مجرد مصاحفده یازلمش اولسی ایله اکتفا اولسه ایدی احتمالکه قرآن کریم بویله تحریف و تبدیلدن بالکلیه مصنون قالمش و محافظه ایدیله مزدی.

نته کیم ایشته تورات و انجیل محافظه اولنه مادی. چونکه آنلر بزم قرآن کبی از بر ایدیله مدی. زمان تزوللرندن اعتباراً هیچ بر زمانده هیچ بر یرده هیچ بر کیمسه نك حافظه سنی ترین ایدمدی. زیرا عموم یهود و نصارا او کتابلری تلاوت و حفظه مأمور دکلر ایدی. آحاد ناس آنلری اللربنه بیله آله مالزلدی. تورات نابوت سکینه ایلچنده محفوظ ایدی.

حتی حضرت موسی علیه السلام توراتی هریدی سنده بردفعه بیراه کوننده تابوت سکینه دن چیتاروب نی اسرائیل جماعته او قوملرنی وینه تابوت سکینه تک ایچنه قویهرق اوراده حفظ ایتملرنی یوتع علیه السلام ایله نی لاوی کاهنلرینه امر اییدی [۱].

یهودیلرک توراتی او قومسی شویله طورسون، ایچنده محفوظ بولندیردقیری تابوت سکینه تک یانسه واروبده قاغنی قالدیمرق بیله نیلردن، کاهنلردن بشقه کیمسه تک حدی دکل ایدی. چونکه آحادناسدن آنک قاغنی قالدیروب ایچنه باقان اولیور ایدی.

تورانک بیانسه کوره برزالق فلسطیلر تابوت سکینه نی آلوب کوتورمشلر ایدی. سوکرا حضرت داود زماننده بو تابوت استرداد اولنوب نی اسرائیله کتیرلدیکی زمان بونک قاغنی قالدیروب ایچنه باقهرق وفات ایدنلرک عددی اللی بیسک کشی به بالغ اولدی.

ایچله کنجه بوده حفظ ایدیله مدی. چونکه مسیحیلرده تلاوت و حفظ کتاب خصوصنده یهودیلرله همحال ایدیله. زیرا انلرک دخی عوامی وحتی رهبان کروهی شویله دورسون، حواریونک بیله از بر ایتمش اولدقلرینه دار هیچ برکتنده برقیده تصادف ایدیله مدی.

فقط جناب حق قرآنک قیامته قدر بقاسنی، حفظنی وعد بیورمش اولدیغندن قرآنک نزولیه اهل اسلام ظرفدن تلاوت و حفظی عین زمانده باشلا یارق عصر سعادتن اعتباراً هر عصرده قرآنی حفظ ایدنلرک عددی حد تواترک مرتبه قصوانسه بالغ اولمش و بو تواترک بر مثل ده کورله مش در. ایشته قرآن کریم سمدی به قدر بویه مسلسل و متصل لایعد و لاخصی حفاظت قلوبنده حفظ ایدیله کشش و بو منوال اوذره الی نهایت حفظ ایدیله چکی دخی قطعاً اگلا شلمشدرکه «انا نحن نزلنا الذکر وانا له لحافظون» ایت کریمسی منظوق مینفجه قرآن کریمک قیامته قدر حفظ و امان الهیده بولمسنک معناسی دخی بودر.

بنامه علیه بو کون الیزده کی قرآن کریمک حضرت پیغمبر افدمزک امتنه بلبع بیورمش اولدیخی قرآنک عینی اولوب آدن برکجه فصله و یاغضان اولدیله

دلیل قطعی من بوجه بالا بونک اول حضرتدن بزه تواتراً نقل ایدلمش اولمسیدر .
یعنی وقت رسالتدن زمانمزه قدر هر عصرده کذب اوزرینه اتفاقلرینی عقلک
تجویز ایدمه چکی جماعت قرا و حفاظک متساسلاً نقل و روایتلریله بزه واصل
اولمش بولمسیدر .

بوقسه وقتیله مصاحفده یازلمش اولمسی دکلدر . چونکه یالکز کتابت بر کتابک
الی الابد محفوظ قالسنه کفایت ایتمز ، اما بر کتاب بویه هر زمان بیکلرجه قلوب
امتده محفوظ اولور ایسه آنک تحریفنه امکان بولنه من . بالفرض تحریف اولنسه ،
حافظلری طرفندن در حال تصحیح اولنه جنی هر کسک معلومی اولدیغندن هیچ
کیسه آنک تحریفنه جسارت ایدمه من . ایتسنه بیله ، هیچ بر حکمی اوله ماز .
چونکه در حال تصحیح اولنور .

بونک ایچوندرکه علم قراشده دخی من القدیم قرآنک نقل بالتواتر جهتی
فوق العاده التزام اولنورق آکا کوره سلسله نامه لری تنظیم ایدلمش و علم قراشندن
اخذ اجازه موفق اولان حمله قرآنک سلسله نامه لرنده تاحضرت پیغمبره منهی
اولنجیه قدر راولیرک اسملری یازلدیغنی کبی عدد روایک کذب اوزرینه
اتفاقلرینی هیچ بر عقلک تجویز ایدمه چکی درجه ده حد تواتره بالغ اولدیغنی
کوسترلمشدر .

علم اصول فقهدده دخی قرآن کریم ، « طرف الهمیدن افدمزه منزل و آندن
بزه تواتراً منقول بر نظم شریفدر » دیه تعریف اولمش و بر نظم منزلک قرآنیتمده
نقل بالتواترک شرط اولدیغنی صراحة ذکر ایدلمش و بوکا بناء حضرت رسولدن
ینه قرآن اولمق اوزره بزه نقل و روایت اولنوبده راولیرینک عددی حد تواتره
بالغ اولمیان بر نظمه قرآن نامی ویرلمیوب او کبی نظملره قراآت شاده تسمیه
ایدلمشدر .

شو مقدمات معلوم اولدقده دیرزکه قرآن کریمک یالکز کتابتیه اکتفا
ایدنیوب نزولی زمانندن اعتباراً بو آنه قدر تلاوت و حفظنه ده صوک درجه
اعتنا ایدیه کلدیکی و دنیانک هر طرفندن میاونلرجه اهل اسلامک السناسنی
وهر عصر ده کذب اوزرینه اتفاقلرینی عقلک اصلاً تجویز ایمه چکی حمله
قرآنک افندهنی تریندن بر آن خالی قالمدیغنی جهانک معلومی ایکن امیرخان جنابلرینک
قرآنده تحریف وقوعنی ادعا ایتسی و بو دعواسنی بر چوق و جوه باطله ایله

استدلاله قیام ایلمسی پک عجیب بر مناظره تشکیک ایتمکده در . بو ، عادتاً بر امر محالک وجودینی ادعا قیلنددر . چونکه قلوبک محل تحریف اولهمیه جغنی بیانه حاجت یوقدر . مصاحف شریفه ایسه دائمًا اوللوب منوره اصحابنک تحت نظرتمده بولنه کلدیکندن آنلرده دخی اجرای تحریف امکان خارجنده در . امیر خانک بو دعواسنی اثبات ایچون سرد ایتدیگی وجوه فاسدهنک برنجیسی « جمع قرآن » مسئله سیدر .

امیر خانک فکرنججه قرآنی کیمک جمع ایتدیگی معلوم دکل ایش : چونکه بو خصوصده علمای اسلام کونا کونا فکرلر یازمش اولدقلرندن آنلر قرآنک نصل جمع ایدلدیکنی بیلمیورلر ایش و بوندن ده قرانده بر جوق تحریفات و تغیرات بولدیغنی ثابت اولیور ایش . بو نه قدر غریب بر استدلال :
 هر کره بونک قواعد منطقه و اصول مناظرده اصلا مناسبت و موافقتی یوقدر . چونکه بز قرآنک تحریفدن مصون و محفوظ اولدیغنی ؛ بو کتاب مینک حضرت رسولدن هر عصرده کذب اوزرینه اتفاقلرینی عتلاک اصلا تجویز ایدهمیه جکی حفاظ کرامک متسلسلاً بز نقل و روایت ایش اولملریله اثبات ایدیوروز .

یوقسه بز بودعوامزی قرآنی فلانک و یافلان و فلانک مصاحفده یازمش اولمسیله اثبات ایتیوروز که امیر خانک بز قارشو اولوجهله استدلالی قواعد منطقه و اصول مناظرده موافق اوله بیلسون .

بونکه برابر جمع قرآن مسئله سی بتون تفرعآلیه علمای اسلامک معلوملریدر . زرا بتون کتب احادیث و کتب سیر بومسئلهنک تفصیلاً ایله مالیدر . بو کتابلرک قرآنه عائد تحقیقلری اوقونور ایسه کوریلور که شومسئله حتمده طوغری و نادرک نه سونلک و نه یازمق لازم ایسه کافه سی سویلمش و جمله سی یازلشدر که خلاصه سی بوجه آتیدر :

حضرت علی و حضرت عثمان و معاویه و سعید ابن عاصک ایکی اوغلی خالد و ابان ، شرییل ابن حسنه ، علا ابن الحضرمی ، زید ابن ثابت ، ابی ابن کعب (رضوان الله تعالی علیم اجمعین) حضرت پیغمبرک وحی کاتبلری ایدیلر . بو ذوات کرام بیدرپی نازل اولان سور شریفه قرآنی آری آری تحقیقلره یازیورلر و بشقه لری ده آنلردن استساخ ایدیورلر ایدی . بناء علیه

عصر نیده سور شریفه قرآنیه نك هر بری بر کتاب مستقل کبی یازلدی ؛ حضرت پیغمبرك بویه هر سوردی آیری آیری صحیفه لره یازدی رمسی ده قرآن کریم بتون خلقه نشر و تعمین تسهیل حکمتنه مبنی ایدی .

چونکه اگر اوزمان بتون سور قرآنیه مصحف واحدده جمع ایدلسه ایدی هر جزئی یکریمی صحیفه اعتباریله و توز جزؤدن عبارت اولان مجموع قرآنی یازمق و یخود یازدی رmq پك آز کیمسه لره میسر اوله جغدن قرآن کریم بین المسلمین سرعتله انتشار ایدمز ایدی ؛ حالوکه بو کتاب مینك بین المسلمین سرعتله انتشاری لازم ایدی . چونکه هر کس بش وقت نمازی قرائت قرآن ایله ادا ایدجک و کندینه لازم اولان وظائف دینه سنی قرآندن اوکره نجک ایدی ؛ بوکا ایسه سور قرآنیه نك آیری آیری بر کتاب شکلنده یازلسندن بشقه دها کوزل برتذیر یوق ایدی . بناءً علیه حضرت رسول علیه السلام بونلری اولوجهله یازدی ردی . وفی الواقع بوسایه ده قرآن کریم بین المسلمین بر سرعت فوق اعاده ایله انتشار ایدی ، هر کس بونک تلاوت و حفظندن حصه یاب اولغه باشلادی ، و دها زمان رسول الهیده ایکن بتون سور قرآنیه یوزلرجه حفاظ کرامت قلوبی تزیین ایدی ، و بوضو رته مجموع قرآن کریم هم صحائف متفرقه ده یازلمش و همده قلوب امتده حفظ ایدلمش اولدی ، و بوده هجرتك اونجی سنه سنده حجه لوداعده جبل عرفنده اقشام اوسقی اوکله رایکندی نماز لری بر ایکنده ادا ایدلکن صکره موقفده ایکن ایود ا کات لکم دینکم و امتت علیکم نعمتی و رضیت لکم الاسلام دینا آیت کریمه سنک نزولی ایله ختام بولدی . ایشته زمان رسول الهده قرآن کریمک جمع ایدلمش اولسنک معناسی بودر .

بوندن وچ آی صکره یعنی هجرتك اون برنجی سنه سی ربیع الاولنک اون ایکنجی بازار ایتسی کونی وقت زوالدن برآز اول حضرت پیغمبر ارتحال دار بقا بیوردی وهان اوکون حضرت صدیق رسول اکرمه خلیفه تعیین اولندی . بونی متعاقب اطرافده ارتداد غائله سی ظهور ایدی . فقط بعون خدا حضرت خلیفه بوغائله بی بش آتی آی ایچنده بر طرف ایدی . بوغائله ده ک شدتلی محاربه ده تمامه ده بی حیفه قیله سنک رئیس اولوب ادعای نبوت ایدن منسایمه الکذاب ایله وقوع بولدی .

زیرا عاتک باشه قرق بیک قدر مرتد طویلاشمش و بناءً علیه آنلرک اوزرینه

سوق اولنان عسا کر اسلام عددجه آنلردن پک دون مرتبه ده بولندیغی ایچون
برقاچ دفعه انهنزاهه اوغرامش ایدی . نهایت حضرت خالد ابن ولید دخی
اولطرفه سوق اولندی . حضرت خالد اورایه واصل اولنجه طرفندن غایت
شدتلی هجوملر اجرا ایدلی . ابتدای هجومده ینه عسا کر اسلام بوزولدی
ایسه ده بعده دونوب غایت شدتلی بر هجوم دها ایدلی . مسلمانلار کذب انکسکری
تارمار اولدی و بوضرده کندیسی ده مشهور وحشیتک آندیغی بر حربه ایله قتل
اولدی ، غوغا و غائله ده پیتدی . بو محاربه ده نی حنیفه تک تلافی یکر می بیکی
واهل اسلامک شهدای ایکی بیکی تجاوز ایدلی . صاع قالانلرک اکثری دخی
مجرور اولدیلر ، شهید اولانلر میاننده حضرت عمرک برادری زید و حضرت
زبیرک برادری سائب و خطیب نبوی ثابت و مشاهیر قرادن سام مولى ابی حنیفه کی
بر حقوق فتهای صحبه و یتشدن زیاده قرا دخی داخل ایدی .

بو قدر قرانک بر محاربه ده شهید اولسی حضرت عمرک نظر دقتی جانب ایتدی .
بر کون حضرت خلیفه یه کیدوب « یامه محاربه سنده یتشدن زیاده قرا شهید
اولدی ، بوندن صکره وقوع بوله جق محاربه لرده دخی حمله قرانک بویله شهید
اوله اوله نهایت قرآن کریمک اکثری ضایع اولوب کیده چکندن قور قیور
و بوجهتله قرآن کریمک جمعنی امر اتمکیزک لزومی راننده بونیورم » دیدی .

حضرت خلیفه دخی یورائی تصویب ایدوب هان وحی کاتبلردن و فتهای
مخربدن زید بن ثابتی دعوت ایتدی و بو امر مهی آتک عهد سینه تودیع بیوردی .
زید او کوندن اعتباراً جمع قرآنه مباشرت ایتدی . حضور رسول الله
و زبیر بیده ایادی ناسده بولنان تحائف شریفه کی کاملاً طویلا دی ، او صحیفه لر دن
سور قرآنیه کی کافی السابق یکیدن آری آری محضه لر ، یازدی و جمله سنی کتیروب
حضرت صدیقه تسلیم ایتدی .

حضرت صدیق بو تحائف مجموعه سنی یاننده حفظ ایدلی . و ایسته بومعاجه
یعنی تحائف قرآنیه کی محل واحده ده جمع ایتک معناسنجه حضرت صدیق (اول
من جمع کتاب الله) نامی آدی . حضرت صدیقک بو خدمتی بتون مسلمانلر
طرفندن ممنونیتله تاقی ایدلی بیکی کی حضرت علینک دخی فوق العاده محظوظیتنی
موجب اولمش و حتی صدیقک و وفاتندن صکره : (اعظم الناس فی المصاحف اجرا
او بکر رحمة الله علی ابی بکر هو اول من جمع کتاب الله) یعنی : « مصاحف

شریفه به خدمت خصوصندہ اک زیادہ اجرہ نائل اولان ابوبکر در . الله ابوبکره رحمت ایلسون کتاب اللہی اول جمع ایدن اودر « ديه حق عالیرنده ثنا ودعاده بولمشلردر .

بوحدیث کتب سته صحیحهدن سنن ابوداودده کتاب المصاحفده محرردر وسند صحیح ایله حضرت علی به متصلدر . سنن ابوداوددن بشقته دها برچوق کتب معتبرده دخی موجوددر .

خلاصه عصرنیده حضور رسالتده آری آری صحیفه لردده یازلمش اولان قرآن کریمی اوصیفه لردن بالاستسناخ دیگر صحیفه لره یازدیران وبونلری بریره طولایلویده حفظ ایدن حضرت ابوبکر در . ایشته حضرت ابوبکرک (اول من جمع القرآن) اولسنک معناسی دخی بودر .

اجماع امت دخی بونک اوزرینه اولوب بومسئله ده کیمسه اختلاف ایتماشدره فی الواقع بوکا معارض کبی کورینان بعض روایتلر واردر . آنلرده یکدیگریته مخالف ایکی روایتدرکه بری بوشرفه ایلک نائل اولانک حضرت علی اولدیغنه و دیگریده بونک سالم مولی ابی حذیفه دن عبارت بولندیغنه دائر اولوب امیرخان بوروایتلرک ایکسنی ده بوراده یازمشدر .

قرآنی ایلک جمع ایدنک حضرت علی اولدیغنه دائر اولان (لما کان بعد یبعه ابی بکر قعد علی الخ) روایتی محاکمه ایدلم :

بوروایتی سیوطی ، اتقاننده ابن ضریسندن نقلاً یازمش وابن ضریسک ایسه روایت حدیث خصوصنده بالانسزلفی جمله نک معلومی بولمش وباخصوص آنک بوروایتی اجماع وتواتر کلباً مغیر دوستمش اولمغله بوکا اعتبار ایدیلدیه چکی درکاردر . مؤخرأ زید بن ثابت واسطه سیله قرآنک جمع ایدلمش اولمسی ده بوکا آروجه بردیلدر .

زیرا اگر اوصردده حضرت علی قرآنی جمع ایتمش اولسه ایدی مؤخرأ حضرت صدیق زید بن ثابت قرآنی جمع ایتدیرمز ایدی . مع هذا بونک صحتی تسلیم ایدلمه سیله بوروایتدن مجرد اوصردده یعنی حضرت صدیقک خلیفه تعیین اولوبده کندیسنه بیعت اجرا ایدلدیکی اسناده حضرت علینک - جمع قرآن ایله مشغول بولندیغنی ایچون - حضرت صدیقه بیعتی تأخیر ایتمش اولدیغنی ثابت اولور . بوقسه قرآنی جمع ایدوبده بیتمش اولدیغنی ثابت اولیورکه بوروایتله

قرآنی اول جمع ایدن حضرت صدیق اولدیغنه دائر ابن ابی داودك نقل ایتدیکی
و بتون محدثین کرامك حسن قبول ایله تلقی ایلدیکی روایت سابقه آره سندده
مخالفت بولمیش اولسون .

قرآنی ایلك جمع ایدن سالم مولی ابی حذیفه اولدیغنه دائر ابن اشتهدن
نقلاً امیر خانك یازدیغی ایکنجی روایتیه کنجه : بوروایت دخی بی اسمدرد .
حتی سیوطی بیله بونی غرائبدن ، عجائبدن عدا اتمشدر . زیرا بالاده بیان
اولدیغی اوزره سالم مولی ابی حذیفه یمامه محاربسانده شهید اولمش ایدی . یمامه
محاربسی ایسه ارتحال نبی متعاقب ظهور ایدن ارتداد غالیسی انساننده وقوعه
گلش ایدی . بناء علیه بوروایتك صحتی فرض ایدر ایسهك سالم مولی ابی حذیفهك
زمان رسالتده یعنی ارتحال نبی دن اول قرآنی مصحف واحده جمع اتمش
اولدیغنی قبول اتمش اولوروز . بوایسه باطلدر . زیرا اوزمان حضرت پیغمبر بیله
قرآنی مصحف واحده جمع اتمش ایدی . زرده قالدی که مولی ابی حذیفه
بونی یامش اولسون . حضرت پیغمبرك یامدیغی بریشی آنك اذنی اولمق سزین
یایمق کیمك حدی ایدی .

زده اگر مولی ابی حذیفه قرآنی مصحف واحده جمع اتمش اولسه ایدی
بومصحف شریف البته کوربلور و یاخود مشارالیهك بویه بر مصحف شریف
یازدیغی سویلنور ایدی ؛ حالبوکه بویه بر مصحف نه کورلدی ، نده موجودیتی
سوینانلدی . چونکه اگر بومصحف شریف کورلسه و یاخود موجودیتی
ایشیدلسه ایدی حضرت صدیق آتی بولدیروب یانسنده حفظ ایدر ایدی ده
قرآن کریمی یکیدن طویلامق کلفتی اختیار بیورماز ایدی . [۱]

« عائشه نكده ، ابن عباسكده قرآنی وار ایدی » فقردهسه کنجه : بوکا
جواباً دیرزکه : اوت بونلرک دخی قرآنلری وار ایدی . یالکز بونلرک دکل ،
حضرت علینک ، ابی بن کعبک ، ابن مسعودک ، معاذ بن جبلک ، زید بن
تابتک ودها پک چوق زوات کرامك قرآنلری ، مصحفلری وار ایدی . بونی
کیمسه انکار اتمدی . فقط بونلر هب حضرت صدیقک بروجه بالا قرآنی

[۱] الیوم وارنده بولدیغی آدرسندن اکلاشیلان امیر خان جسابلری طرفندن
اسلامیت علینده یازلش ایکی رساله دها اداره خایه کوندرلدی . ردی صدندنه بولدیغیز
قرآنك محرفیتنه دائر اولان شورسالهسی حقندهکی جوابز نهایت بولقدن صوکرآ آنلرک
دخی بطلانی منه الکریم اثبات اوله جعفر .

جمعدن صکره یازمشر ایدی . او ائساده ویاخود آندن اول یازلامشر ایدی .
 زیرا ارتحال نیدن صکره قرآنی ایلک جمع ایدن یعنی حضور رسالده یازلمش
 اولان بتون صحف شریفه یی طویلا یوبده کافی السابق سور قرآنیه یی آنلردن
 آیری ، آیری صحیفه لره یازدیروب جمله سنی یاننده حفظ ایلین حضرت صدیق
 اولدینی تواتراً ثابتدر . تواتراً ثابت اولان برخبرک خلافتی قبول ایسه قطعاً
 باطلدر . مع هذا فرض ایدلم که بو قرآنلر حضرت صدیق قرآنی جمع ایتدیکی
 ائساده ویاخود آندن اول یازلمش اولسونلر . فقط حضرت صدیق ایله برابر ویاخود
 آندن اول بعض ذواتک دخی قرآنی جمع ایش اولملریله قرآن کریمک کیمک
 طرفندن جمع ایددیکی غیر معلوم اولسی لازم کلیور ، یوقسه عین زمانده ویاخود
 یکدیگری . متعاقب برچوق ذوات معلومه طرفندن قرآن کریمک مصاحف
 متعدده یه یازلمش اولدیغی می ثابت اولیور ؟ شبهه یوق که بوشق ثانی ثابت اولیور .
 یو ثابت اولنجه امیرخان کرک بوققره ایله ، کرک بوندن اول یازدیغی زوایتلر
 ایله قرآنک کیمک طرفندن جمع ایددیکی معلوم اولدیغی دکل ، بالعکس برچوق
 ذوات معلومه طرفندن بو خدمت مقدسه نیک ایفا ایدلمش اولدیغی اعتراف ایله
 نقیض مدعاسنی اثبات ایش و بوراده دخی کندیلرینک اصول مناظره یه و طریق
 استدلاله اصلاً واقف بولمقدقلری بتون خلقه اعلان ایش اولیور . چونکه
 بوتقدیرده امیرخان : « قرآنی کیمک جمع ایتدیکی معلوم دکادر . » دعوانی اثبات
 ایچون « زیرا علمای اسلامیته نیک بیانلریته کوره قرآن زمان نیده جمع ایددیکی
 کچی صکره صدیق وعلی و سالم مولی ابی حذیفه و عاتشه و ابن عباس طرفندن
 دخی جمع ایدلای . » دیش اولیور که ارتق بودلیل ایله او دعوانک عینی می ،
 یوقسه نقضی می ثابت اولدیغی قارئین کرامت انظار دقیقه سنه عرض ایله قرآنک
 اوچنچی دفعه جمعی کیفیتنی دخی بروجه آنی بیانه شروع ایدلم .

بالاده بیان اولدیغی اوزرد حضرت صدیق زید بن ثابته قرآن کریمک
 هر سورده سی آیری آیری صحیفه لرده یازدیروبده سور شریفه قرآنیه یی بلا ترتیب
 جمله سنی بر محله جمع ایتدیردکن صکره بو صحف مطهره یی یاننده حفظ ایش ،
 واندن صکره بو صحف مطهره حضرت عمرک یاننده و آنک وفاتیله دخی کریمه سی
 ام المؤمنین حضرت حفصه رضی الله عنهانک خانه سنده محفوظ قالمش ایدی . حالوکه

اوزمانه قدر قرآن کریم بلاد اسلامیة نك هر طرفه طاعلمش و عدد مصاحف يك زياده چونالمش ایدی . فقط بومصاحف شریفه وجود قرائت حسیله یکدیگرینه ازچوق مخالف ایدی . مع هذا بونده برأس یوق ایدی . چونکه بو اختلاف ، معنی جهتیله دکل ، بالکمز لغت جهتیله ایدی ، حسب الایجاب معنی واحدی الفاظ متردافه ایله افاده قیلندن ایدی . بوايسه مجرد قرآن ت تلاوتی تسهیل و معناسنی دهها واضح برصورتده تفهیم حکمتنه مبنی ایدی . بوده اذن الهی ایله اجرا اولنیور ایدی . زیرا قرآن کریم اساساً لغت قریش اوزره نازل اولمش ایدی . کرچه بتون قبائل عرب عین لسان تکلم ایدیوردی . قرآن ده عربیدره ؛ فقط قبائل عربك بعض لغتلی آردسندده فرق وارایدی . حتی برقیله نك استعمال ایتدیکی الفاظده بيله بوفرق بولنیور ایدی . نته کیم هر قومك لساننده دخی بو کیفیت موجوددر . عین صنفه منسوب اولونده آری آری قصبه نژده ، کوبلرده ساکن اولان اهالنك استعمال ایتدکاری الفاظدن برچوغلک معنی جهتیله دکل ، بالکمز لغت جهتیله بکدیگرینه مخالف او ایینی هر مملکتده کورلمکدهدر .

ایشته بوسبیدن طولانی برچوق کیسه لر قرآن کریمك بعض الفاظ شریفه سنی ایلك نازل اولدیغی وجهله کرک تلفظده ، کرک معناسنی تفهمده صعوبت چکیور و بوايسه قرآن کریمك سرعت انتشارینه و بتون قبائل طرفندن معانی منیفه نك سهولته آکلاسلمنه مانع اولیورایدی . بو حال حضرت رسولک اضطرابات نبوتناهلرینه باعث اولدی . قرآن کریمك یدی لغت اوزره ازال بیورلمسی ایچون جناب حقّه دعا ایدی . آنک بودعای رسالتناهلری قرین اجابتکاه رب العالمین اولدی . بعده جبریل امین قرآن کریمی حضرت رسوله یدی لغت اوزرینه تبلیغ بیوردی . یعنی بین القبائل الفاظنی تکلم و معناسنی تفهمده صعوبت چکیلن بعض کلمات قرآنییه یدی لغت اوزرینه رسول علیه السلامه تلاوت و تعلیم ایلدی . بونک اوزرینه حضرت رسول احباب کرامنه و بالخاصه قرا حضرتانه اشبو لغات سبعه یی تلاوت و تعلیم بیوردیغی کبی قرا حضرتی دخی حضرت رسولدن اخذ ایتدکاری لغات سبعه یی قبائله تعلیم ایتدیله . یعنی قرا حضرتاسندن هر بری تعلیمنه مأمور اولدیغی قبیله یه بالکمز لفظ جهتیله لغت قریشه مخالف اولان پرلرده اوقیله نك کندی ایتدیله قرآن کریمی تعلیم ایتدی .

از جمله ابی بن کعب حضرت تبری (کما اضاء لهم مشوا فيه) آیت کریمه سنده کی (مشوا فيه) لفظ شریفی بعضاً اصلی اوزره (مشوا فيه) و بعضاً مرادفی اولان (سعوا فيه) و بعضاً دیگر مرادفی اولان (مروا فيه) دیه تلاوت و تعلیم ایدیورایدی .

کذا ابن مسعود رضی الله عنه حضرت تبری ده (لذین آمنوا انظرونا) آیتده کی (انظرونا) قول شریفی بعضاً اصلی اوزره (انظرونا) و بعضاً مرادفی اولان (امهلنا) و بعضاً دیگر مرادفی اولان (اخرنا) دیه تلاوت و تعلیم ایلورایدی . کذا مشارائیه برکون بر اعرابییه (ان شجرة الزقوم طعام الاثیم) آیتی تعلیم ایتدیکی صرده اعرابییه (طعام الاثیم) لفظ شریفی اصلی اوزره قرائت ایتدیره مدی . اعرابی (طعام الاثیم) یرنده (طعام الیتیم) دیورایدی . ابن مسعود رضی الله عنه برفلج کره بولفظ شریفی اعرابییه تکرار ایتدیردی ایسه ده اعرابینک دیلنی دوزلته میخجه (الاثیم) یرنده آنک مرادفی اولان (الفاجر) کجه منی تلفظ ایده بیلیرمیسک؟ یعنی (طعام الفاجر) دیه بیلیرمیسک؟ سؤال ایتدی . اوده: اوت، جوابی ویردی . ابن مسعود رضی الله عنه : اویله ایسه اویله او قو دیدی . اوده اویله جه او قودی . دیگر بعض کلمات قرآنیه دخی لدی الايجاب ایشه بوموال اوزره متعلمک حاله کوره وجوده عدیده ایله تلاوت و تعلیم اولنورایدی .

مع هذا قرآن کریمک بویله بعض کلمات شریفه سنک حسب الايجاب مرادفلری اولان دیگر بعض الفاظ ایله تلاوت و تعلیمی هیچ کیمسه نیک نظر دقتی جلب ایتیمور و هیچ بر مؤمنک فکرنی بوزمورایدی . زیرا قرآندن بر معنایی لدی الايجاب یدی لغت فصیحهدن هر هسانکی بر لغت ایله ایرادینه اذن الهی لاحق اولمش و بودد بتون قبائل عربک معلومی بولنش اولمغله بونده فکر بوزه جق ، موجب اختلاف اوله جق برشی یوق ایدی .

بوحال ، یعنی بعض کلمات قرآنیه نیک حسب الايجاب لغات عدیده ایله تلاوتی حالاً ، بین المسلمین اصلاً اختلافی موجب اولمیره رق حضرت عثمان زمانه قدر دوام ایتدی . مشارائیه حضرت تبرینک مقام خلافت کبرایه تعیین بیورلدیغندن برسنه صکره یعنی هجرتک یکر می بشنجی سنه سنده شام اردوسنک عراق اردوسیله برلشهرک اذربایجان وارمیه اوزرینه سوق اولنمسی مقام خلافتدن امر اولندی ،

بوا یکی اردو حطه عراقیہ در لشہر ک اول جانبہ حرکتہ اور الرینی فتح ایتدیلر .
 فقط بوضوئہ عراق اردوسیلہ شام اردوسی آردسندہ وجوہ قرآنجہ اختلاف
 ظہور ایتدی . چونکہ شام اہالیسی ابی ابن کعبک، عراق اہالیسی ایسہ عبداللہ
 ابن مسعودک تعلیمی اوزرہ قرآن کریمی تلاوت ایدیورلر ایدی . حالوکہ بوا یکی
 قرائت آردسندہ بعض کلمات قرآنہدہ لغتجہ اختلاف وارایدی . بناء علیہ بونلر
 یکدیگریک قرائتی انکار ایتدی . آزقالدی کہ بیوک برفتنہ ظہور ایدہ جک ایدی .
 بو حال اسف اشمالدن مداین عسکرینک امیری وحضرت رسولک محرم اسرازی
 اولان حذیفہ بن الیمان حضرتلری پک زیادہ متأثر اولدی . بتون اهل اسلامی
 بقرائت اوزرہ جمع ایتک لزومنی تأمل ایلدی . اورادن کوفیہ عودتسندہ بو
 بحی میدانہ قویدی، اورادہ بولنان برچوق اصحاب کرام آنک بورائی تصویب
 ایتدیلر ایسہدہ ابن مسعود رضی اللہ عنہ مخالفت ایتدی، لغات سبعہدن ہیچ بر لغتک
 قرآن دن قالدیرلسی اصلاً جائز اولمہ جعی رأیندہ بولندی، اودہ همان کوفہدن
 قالمقوب مدینہ یہ کتدی، بو اختلافک عاقبتی غایت وخیم اوله جعی حضرت خلیفہ یہ
 عرض ایلدی . حضرت خلیفہ دخی ہر بردہ مرجع ومأخذ اولمق وبالکمز
 لغت قریشہ قصر ایلک اوزرہ بر مصحف شریف ترتیبی رأیندہ بولوندی . حضرت
 علی وسائر بعض اصحاب کرامی دعوت ایدوب بورائی آنلرہ سوبلیدی . آنلر
 طرفدن آنک شورائی قبول ایلدی . بونک اوزرینہ حضرت خلیفہ زید بن
 ثابت وعبداللہ بن زبیر وسعید بن عاصی وعبداللہ بن حارث حضراتی دعوت
 ایدوب آنلرہ لغت قریش اوزرینہ بر مصحف شریف یازملرنی امر ایتدی .
 وزید بن ثابت رضی اللہ عنہ حضرتلرنی بونلرہ رئیس تعیین ایلدی . بعدہ
 حضرت حفصہ رضی اللہ عنہانک نزدندہ محفوظ اولان صحف مطہردنی جاب
 ایدوب آنلرہ ویردی . فقط بر صحف مطہرہ لغات سبعہنی جامع اولدیفندن
 حضرت خلیفہ کنڈیلرینہ : زید بن ثابت ایلہ قرآن دن بر کلمہدہ اختلاف ایدرلر
 ایسہ اولکھنی ہمہ حال لغت قریش اوزرہ یازملرنی تیسہ ایتدی . ذرا قرآن
 اساساً لغت قریش اوزرہ نازل اولمشدر، دیدی .

بونک اوزرینہ ذوات مشارکہم طرفدن حضرت خلیفہ نک انضمام رأیہ
 اولان شور قرآنہ بیلدی کمز وجہلہ ترتیب ایدیلدی . ثانیاً بوسورہ لڑھب لغت
 قریش اوزرہ یازیلان صحیفہ لردن انتخاب اولوندی . وبوضوئہ یکیدن بر مصحف

شریف وجوده کتیریلدی . سوکره بو مصحف شریفدن یدی عدد مصاحف شریفه استساخ ایدیه رک ولایتلره کوندریلدی . بعدد لغات سائر ایله یازیش نه قدر صحف و یا مصاحف و ارسه جمله سی اورتدن قالدیریلدی . شیمدی انصاف ایدیلسون ، بونک تحریف نرسنده در : عینی معنای افاده ایدن ایکی لغتدن بزنی احصا ، دیگرینی ابقا تحریف میدر : شبهه یوق که دکادر . شو حالده امیر خان جنابلرینک بو مسئله نی دینله دولایه رق « تحریف تورات وانجیلده دکل ، الا ق آنددر . ایشته حضرت عثمان شویله یایدی ، بویله یایدی . » دیمه یایغرده بولنمسی سقسطه دن باشقه نیه حمل اولونه بیایر ؟

امیر خان جنابلری تورات وانجیل مسئله سی دخی بروجه آتی موضوع بحث ایدرک دیورکه :

« اصل حقیقته موافق تورات وانجیلده هیچ برکله تحریف ایدناه شددر . بو دیدیکیم اثباتی مسلمانلر انجون و علی الخصوص جنابکز انجون سزک قرآنکیزدر ، سورة انانده نیک ۲۰۵۰ مجی آیه لرنده اشکار بویله اقرار و اعتراف اولورکه عیسی اوزندن اقدم وحی اولنان کتابلری تصدیق ایتدکن صکره اوزینه انجیل و بریلورکه مسیحیلر الهک انزال ایتدیکی انجیله کوره کرک حکم ایتسونلر . محمد اوزندن اقدم انزال اولنان تورات وانجیل تصدیق ایدز پس اگر تورات وانجیل تحریف و تغیر ایدلش اولسه ایدیلر قرآن آنلری بجه تصدیق ایدر ایدی و قرآن یهودیلر و مسیحیلر بجه امر ایدر ایدی که توراته وانجیله کوره حکم ایتسونلر . »

بوراده امیر خان جنابلرینک سوزنی موقه کسه لمده دعوا ی مذکورده سه شو اوچ آیتله استدلالی طوغری اولوب اولمدیغنی محاکمه ایدلم ، بعده نوبت کلامی بنه کندیسنه ویزدم .

امیر خانک بوراده شیو برنجی مسئله سته بزه فارشو بخت اولمق اوزره ۲۰۵۰ نجی رقم لریله کوستردیکی آیتلر شونلردر :

« وقفینا علی آثارهم بعیسی ابن مریم مصدقاً لما بین یدی من التوریه و آینه الانجیل فی هدی و نور و مصدقاً لما بین یدی من التوریه و هدی و موعظه للمتقین . ولیحکم اهل الانجیل بما انزل الله فیهم و من لم یحکم بما انزل الله فاولئک هم الفاسقون . و انزلنا الیک الکتاب بالحق تمصدقاً لما بین یدی من الکتاب و مهمیماً علیه فاحکم بینهم بما انزل الله و لاتتبع اهوایهم عما جاک من الحق)

بو آیتلرک مال منیفی: «بوندن اول ذکر لر ی سبق ای دن آیدن صکره عسی ابن مرعی
 کندیسندن اول نازل اولان تورائی مصدق اولدیفی حالده بی اسرائیله بعث وارسال
 ایلدک و آکا دلائل توحیدی کوسترن واحکام شریعی بیان ای دن و کندیسندن اول
 نازل اولان تورائی تصدیق ایلیان و متقیلر ایچون هدی و مو عظه دن عبارت بولنان
 انجیلی و یروب اهل انجیل اللهک انجیلده انزال ایتدیکی شی ایله حکم ایتسونلر
 دیه امر ایتدک. زیرا اللهک انزال ایتدیکی شی ایله حکم ایتمیلر فاسقدر لر سکا ده
 کندیسندن اول نازل اولان کتابی مصدق و اکا محافظ و عین حقیقه مقادیر
 کتابی یعنی قرآنی انزال ایلدک، ایمدی سن اهل کتاب آرسنده. تحدت ای دن
 مسائله اللهک سکا انزال ایتدیکی شی ایله حکم ایت. سکا کلن حقدن اعراض
 ایدوبده آنلرک آرزولرینه تبعیت ایله.» دیمکدر.

فی الواقع، بو آیتلرده حضرت مسیح با لاده ذکر لر ی سبق ای دن آیدن
 صکره کلوب آندن اول نازل اولان تورائی تصدیق ایتدیکی و کندیسنه انجیل
 ویرلدیکی و مسیحیلره انجیلده اللهک انزال ایتدیکی شی ایله حکم ایتسونلر، دیه
 امر یورلدیگی و قرآن کریمک دخی کندیسندن اول انزال اولنان تورات
 و انجیلی تصدیق ایلدیکی بیان بیوریلدور. فقط قرآنک شوبانیله امیر خانک برنجی
 دعواسی آرسنده اصلا مناسبت کورلمیور.

چونکه امیر خانک هیچ برکله سی تحریف ایدمندیکنی دعوا ایلدیکی تورات
 و انجیلدن مقصدی نزول قرآن زماننده ایادی اهل کتابده موجود اولان تورات
 و انجیل اولدیفی حالده؛ بو آیتلرده ذکر بیوریلان تورات و انجیلدن مقصد او زمان
 ایادی اهل کتابده بولنان تورات و انجیل اولیوب بلکه او کتابلرک اصلربدر،
 یعنی حضرت موسایه نازل اولان اصل تورات و حضرت عیسیایه ویریلن اصل
 انجیلدر. بوده وجوه خمسسه ایله ثابتدر:

رجه اول ن:

سو اوچ آیدن ایکنجی آیتده انجیل سریف «دلائل توحیدی کوسترن»
 و «احکام شریعی بیان ای دن» مآلنده اولان «هدی و نور» سنترله توصیف
 اولدیفی کبی قرآنک دیگر آیتلرنده تورات دخی بو مقترله توصیف اولیور.
 ایمدی اکر بو آیتلرده ذکر اولنان تورات و انجیلدن مقصد اصل تورات

واصل انجیل اولمایوبده نزول قرآن زماننده موجود اولان توراتلر وانجیللر اولسه ایدی او کتابلر شو اوصاف عالیه ایله توصیف اولنماز ایدی .
 زیرا نزول قرآن زماننده موجود اولان توراتده جناب حقت طوفان یابدیغنه ندامتی و برچوق زمانلردن بری ات قوقونه حسرتی و حضرت یعقوب ایله مزارعه نتیجه سنده حضرت یعقوبه مغلوبیتی و برچوق پیغمبران عظام حضراتک زنا و سرقت کبی شیرله تمقی و انجیل موجودده ده دخی جناب حقت حضرت عیسایه ابوتی وانک جناب حقه نبوتی و اب و ابن و روح القدسک الوهیتده شرکتی و احکام شریعتک بالکلیه معطلیتی کبی الوهیته ، نبوته و هیچ بر شریعته یا قیشمیه جق شیر موجود اولدیغندن آنلرک (هدی، نور) و سائر کبی اوصاف عالیه ایله متصف اولمارینه امکان یوقدرکه ، قرآن کریمه او کتابلری اوصاف مذکورده ایله توصیف بیورمش اولسون .

ردیه نالی :

اوچنجی آیتده حضرت پیغمبره « اهل کتاب ارسنده تحدت ایدن مسائلهده اللهم سکا ازال ایتدیکی قرآن ایله حکم ایت ، زنهار سکا کلن حقدن اعراض ایدوبده انلرک ارسولرینه تبعیت ایله ، یعنی انلرک باطل سوزلری دیکلهمه .» دیه فرمان بیوریلور و بوراده اهل کتابک اللرنده بولنان کتابلر ایله حضرت پیغمبر ایچون حکم جائر اولدیغنه وانلرده برچوق باطیل بولندیغنه اشارت ایدیلور . اکر بو آیتلرده ذکر اولنان تورات وانجیلدن مقصد ، اصل تورات واصل انجیل اولمایوبده اهل کتابک اللرنده کی توراتلر وانجیللر اولسه ایدی ؛ بو اوچنجی آیتده حضرت پیغمبره طرف الهیدن اولوجهله فرمان بیورلماز وانلرده برچوق باطیل بولندیغنه اشارت ایدیلور ایدی . اوت جناب حق بو آیتده اهل کتاب طرفدن سویلنیلن سوزلره (اهواء) تعبیر ایدیورکه باطل فکرلر ، باطل سوزلر دیمکدر . اهل کتاب ایسه اوفکرلری ، اوسوزلری شبه یوق که اللرنده بولنان تورات وانجیلدن نقلاً سویلورلردی . حالبوکه اصل تورات وانجیلک برنجی وایکنجی آیتلرده قرآن طرفدن وقوع بولان حسن شهادتله اوکی باطیلدن بالکلیه بری اولدقلری ثابت اولمش ایدی . دیمک اولورکه شو اوچ آیت کریمه من حیث المجموع اصل تورات و انجیل حقتده حسن شهادتده بولنقله برابر اوچنجی آیتده کی (فاحکم بینهم بما انزل الله ولا تتبع اهواءهم عما جاءك من الحق) خطاب الهمسی دخی

ایادی اهل کتابده موجود اولان تورات واناچیل اربعه نام کتابلرک محرف و برطاقم اباطیل ایله مالی اولدقلرینه قطعاً دلالت ایتمکده در .

فی الواقع قرآن کریمک بعض آیتلرنده ایادی اهل کتابده موجود اولان تورات واناچیلک بعض مندرجاتی دخی تصدیق بیورلدینی کوریلور . فقط قرآنک بو تصدیق اوکتابلرک اصلرینه راجعدر . یوقسه کندیلرینه عائد دکلدر .

رهم ثالث :

(وقفینا علی آثارهم الخ ..) آیت کریمه سی حال ماضی نی حکایه در . یعنی حضرت عیسی علیه السلامک بتون انبیای بنی اسرائیلدن صکره کلوب توراتی تصدیق ایتدیکنی و کندیسنه انجیل نام کتاب ویرلدیکنی و او انجیلک ده کندیسندن اول نازل اولان توراتی تصدیق ایلدیکنی و کندیسنی (نور، هدی، موعظه) کی اوصاف عالیه ایله متصف اولدیغنی اخباردر (ولیحکم اهل الانجیل الخ ..) آیتی دخی او آیه معطوف اولدیغندن انک کی بوده حال ماضی نی حکایه دن عبارتدر . یعنی جناب حقک حضرت عیسی به انزال ایتدیکی انجیل ایله اوزمان اهل انجیلک حکمه مأمور اولدقلرینی نقل و حکایه در .

نیته کم قاضی بیضاوی (ولیحکم اهل الانجیل) قول شریفی (ای و امرنا بان لیحکم اهل الانجیل) دیه تفسیر ایتمشدر .

بو تفسیره کوره (ولیحکم اهل الانجیل بما انزل الله فیہ) قول شریفی « و بز اهل انجیله انجیلده اللهمک انزال ایتدیکی شی ایله حکم ایتسونلر دیه امر ایتدک » دیمک اولور که بز دخی بالاده بو اوج آیتک مآلرینی ترجمه ایتدیکنمز صرده بو قول شریفی ده قاضی بیضاوینک شو تفسیرینه مطابق اوله رق ترجمه ایتمش وبعده بو آیتک دخی ماقبل کی حال ماضی نی حکایه و اخباردن عبارت بولدیغنی سولمش ایدک . یوقسه بو آیت امیر خلیفک ظن ایتدیکی کی نزول قرآن زماننده مسیحیلرک اللرنده بولان اناچیل ایله اهل انجیلک حکمه مأمور اولدقلرینی بیان دکلدر .

زیرا اگر او ایله اولسه ایدی ، (ولیحکم) یرنده (فلیحکم) بیورلدیق بو آیت ماقبله تفریع ایدیلور ایدی . حالبوکه بو آیت ماقبله تفریع ایدندی . بلکه و او عاطفه ایله ماقبله عطف اولندی .

رده اگر بو آیتلر ده ذکر اولسان انجیلدن مقصد مسیحیلرک اللرنده کی

انجیل اولسه ایدی، (انجیل) یزنده (اناجیل) ذکر اولنور ایدی. چونکه انلرک اللرنده کی برانجیل دکل، اناجیل متعدده در. حالوکه کرک بوآتلرده، کرک دیگر آتلرده (اناجیل) تعیری یوقدر. شو حالده صورت قطعیه ده ثابت اولیورکه بوآیت کریمه دخی یهودیلرک و مسیحیلرک اللرنده موجود اولان کتب توراتییه و اناجیل اربعه حقیقه هیچ بروجهله حسن شهادتده بولنماشدر.

بناءً علیه امیرخان جنابلرینک بو اوچ آتی ذکر دن صکره « پس اکر تورات و انجیل تحریف و تغیر ایدلمش اولسه ایدیلر قرآن انلری نجه تصدیق ایدردی. و قرآن یهودیلره و مسیحیلره نجه امر ایدر ایدی که تورات و انجیله کوره حکم ایتسونلر. » دیه یاغزه یاغستی یک معاسر قالمشدر.

رجه رابع :

سوره مائدهک بو اوچ آیتده و سائر سور شریفه قرآنیهک دخی بعض آیتلرنده تورات و انجیلک قرآن طرفدن تصدیق ایدلدیکی بیان بیورلمش اولدیگی کی سوره بقرهک ۷۵ و ۷۹ و سوره آل عمرانک ۷۸ و سوره نساک ۴۵ و سوره مائدهک ۱۳ - ۱۵ - ۱۶ نجی آیتلرنده ایادی اهل کتابده موجود اولان کتب توراتییه و انجیلدهک تحریف ایدلمش اولدقلری دخی بیان بیورلمش و ایشته بوکا بناءً مسلمانلره تورات و انجیلک اصللرینه نصل ایمان واجب ایسه نسخ موجوده لرینک تحریف ایدلمش اولدقلرینه دخی اولدجه ایمان واجب اولمشدر. ایشته کوریلورکه قرآن کریمه بو کتابلرک احوالنه دائر ایکی نوع آیات بیانات موجود در. بزنده بونلرک اصللری تصدیق ایدلمکده دیکرنده دخی نسخ موجوده لرینک برچوق لرلری تحریف ایدلمش اولدیگی خبر ویرلمکده در. شو ایکی نوع آیات بیانات جمع ایدیلور ایسه ایکیسی مجموعتک خلاصه مآلی : « حضرت موسایه تورات و حضرت عیسیایه انجیل نامده کتابلر نازل اولمشدر. بو کتابلر طوغریدر، نوردر، هدایتدر، ذکر در، رحمتدر، مبارکدر. فقط بونلرک نسخ موجوده لری محرفدر » دیمک اولور که بونک بویله اولدیگی دخی مرتبه بدهنده در. بونی انکار، وسط نهاده شمسک و چودخی انکار کیدر.

رجه خامس :

اکر قرآن کریمک کرک بو اوچ آیتده، کرک سائر آیتلرنده تصدیق ایتدیگی تورات و انجیلدن مقصد زمان رسالت محمدیهده موجود اولان توراتلر و انجیللر

اولسه ایدی ، قرآنک دیگر آیتلرنده یوکتابلرک تحریف یدلمش اولدوقدری دخی
 بیان بیورلمش اولدیغدن برکزه آیات قرآنیه آردسندن تقاض بولمق لازم
 کله چکی کچی حضرت پیغمبر ائدمزک طرف باریدن بر شریعت جدیده ایله بعث
 وارسال وکندیلمه قرآن حقیقت بیانک انزال بیورسندن هیچ بر فائده
 اولمزدی . زیرا مادامکه قرآن اوزمان موجود اولان تورات وانجیلرک بتون
 مندرجای تصدیق ایده جک ایدی ، او حالده حضرت محمد علیه السلامک بر شریعت
 جدیده ایله بعث وارساله وذات رسالتناهیلمه قرآن معجز بیانک انزاله
 وکندیلمک یهود وانصارانی وبتون اقوام نساأردی دین اسلامه دعوتیه هیچ
 بر فائده ترتب ایده بیایمی ایدی ؛ شهه یوق که ایده مزدی . زیرا امیر خان
 جنابلیتک دخی یو رساله سنک دیباچه سندن اعترافلری وجهله حق تعدد
 ایده میه جکندن انسانلر هم یهودی ، هم انصار ، هم ده مسلمان اوله دوزلرایدی .
 حتی سوره مائده نک ۴۹ نجی آیتده ، حضرت مسیحک (مصدق) بین بدیه
 من التوریه) دیه توصیف بیورلمش اولمسی دخی بوقیلدندر . یعنی بوده حضرت
 مسیحک کندی زماننده کی توراتی بتون مندرجایله قبول و تصدیق ایتمش
 اولدیغنی بیان دکلدو . بلکه بوندن مقصد او کتابک منسوخ و محرف اولمان احکامنی
 حضرت مسیحک تصدیق بیورمش اولدیغنی بیاندن عبارتدر . زیرا اگر حضرت
 مسیح کندی زماننده موجود اولان توراتک بتون مندرجای تصدیق ایتمش
 اولسه ایدی کندیسنک دخی شریعت موسویه اوزرد عمل ایتسی لازم کایر ایدی .
 حالبوکه حضرت مسیح ساثر انبیای نبی اسرائیل کی شریعت موسویه احکامیه
 عامل دکل ایدی . انک کتابی ، شریعتی بشقه ایدی .

چونکه بو شریعتده توراتک بر چوق احکامی نسخ ایدلدی . از جمله
 طلاق و تعدد زوجات شریعت موسویه ده جائز ایکن شریعت عیسویه ده بونلر
 منع اولدی .

هم مذهبلری کی امیرخن جنابلیتک دخی بونسخی انکار ایده رک حضرت
 مسیحک احکام توراتی نسخیه دکل ، بلکه اکیله کلدیکنی ادعا ایده چکی و بو
 مدعانه لدرنده کی انجیلدن ؛ « بن شریعت احکامنی بورمنه گئدم . بلکه آنی اکیله
 گئدم . » مائده بر آیتله استدلال ایله چکی معلومدر .

فقط مسیحیلرک بو ادعایری بو ادعایریه سو بولده استدلالی یهوده در .

زیرا حضرت مسیح ائسته شوراده ذکر ایتدیگمز تعدد زوجات و طلاق
 مهلهلری احکام توراته مخالف اوله رق منع ایتدیگی میدانده در؛ نسخه
 معاصی ده بوندن بشقه برشی دکلدز.

کذا حضرت مسیح کندی زماننده موجود اولان توراتک بتون مندرجاتی
 تصدیق ایتمش اولسه ایدی قوم یهود ایله بینلرنده خصومه، عداوته محل قالماز
 و نهایت شو خصومت و عداوت کندیسنک بو عالم ناسوتدن عالم لاهوته - انلرک
 ز عملرنجه - فجیع بر صورتده انتقالیله نتیجه لمز ایدی.

دیمک اولیورکه حضرت مسیح بیله کندی زماننده موجود اولان کتب
 توراتییه نیک بتون مندرجاتی تصدیق و قبول ایتما مشدر. زده فالدیکه آندن
 آلتی یوز سنه صکره کن حضرت محمد صلی الله علیه وسلم افندیگمز کندی زماننده موجود
 اولان کتب توراتییه و انجیلیه نیک بتون مندرجاتی حرفی حرفه تصدیق و قبول ایتمش
 اولسون. هیات! ائسته حقیقت حال بوندن عبارت اولدیغی و امیرخان جنابلرینک
 دخی بوکا واقف بولدیغی درکار ایکن اللرنده بولنان کتابلرک تحریف ایدلمش
 اولدقلزینی خبرورن آیات قرآنیهدن بحث ایتمیو ده یالکز او کتابلرک اساساً
 طوغری اولدقلرینه دائر شرفازل اولان آیات بیناتی علمهمزه حجت اوله رق استعمال
 ایتسنه نه قدر حیرت ایدلسه سزادر.

دها غریبی شوکه:

امیرخان جنابلری طرفزدن اهل کتابه قارشو ادعا اولنان تحریف کتب
 مسئله سنی رد مقصدیله بورساله سنی یازمش اولدیغی حالده دها برنجی مناظره سننده
 تحریف کتب دینه خصمت ردیته سننک کندیلرنده بر امر جبلی اولدیغی فعلاً
 اثبات ایتمشدر. زیرا سوره مائده نیک ۴۸ نجی آیتده ﴿وقضینا علی آثارهم بعیسی
 ابن مریم مصدقاً لما بین یدیہ﴾ قول شریفی «یوقاریده ذکرلری سبق ایدن
 انیادن صکره عیسی ابن مریمی بعث وارسال ایلدک» مائنده ایکن امیرخان
 جنابلری بونی تحریف ایدرک «عیسی اوزندن اول وحی اولنان کتابلری
 تصدیق ایتدکلن صکره» دینه ترجمه ایتمشدر.

کذا بوسورده نیک ۵۰ نجی آیتده کی ﴿وآیناد الانجیل﴾ قول شریفی «وز
 آکا انجیل ویزدک» دیمک اولدیغی حالده امیرخان جنابلری بونی ده تحریف
 ایدرک «اوزینه انجیل ویزیلورکه» دینه ترجمه ایتمشدر.

الحاصل امیر خان جناب لری بور-ساله سنده طریق جدله یعنی الزام خصم مسلکته سلوک ایش ایسه ده بومسلکک ندرجه به قدر مقبول اوله بیله جگنی بیلدیکندن همان خاطرینه کلانی یازمقدن چکنمه مش وبوطریق اوزره اتیان ایدیله جگ دلیلک خصم طرفندن مسلم اولسی لازم کله جگ صورته تقریری بومسلکک شرائط مهمه سندن اولدیغنی دوشونیمه رک بویه برطاقم سفسطه لر ایه کویا بزى الزامه چالشمشدر .

شمدی نوبت کلامی نه کندیسه وبردم . دیورکه :

« بوندن علاوه قرآنده جوق یرلرده تورات وانجیل تصدیق اولور و عهده سوره یونسک ۹۴ نجی آیه سنده عمده خطاباً یازاشدر . (فان كنت في شك مما انزلنا اليك فاسئل الذين يقرؤون الكتاب من قبلك) یعنی « یا محمد اگر سکا انزال ایتدیکنم شی ایچون شکده سک ؟ پس سندن ایردلو اولان کتابی اوقویانلردن سؤال ایله . وکنه آل عمرائک ۸۷ نجی آیه سنده بویه محرردر . (قل فأتوا بالتوریه فانلوه ان کنتم صادقین) یعنی « دی . پس توراتی کتوریکیز واتی اوخویکیز اگر صادق بیه کیز . بوکابنه اگر محمد بیلسه ایدی که یهودیلر توراتی تحریف وتغییر ایشلر قرآنده بوجور -وزلری یازاری ایدی ؛ حاشا . »

بوراده دخی امیرخان جناب لریک سوزینی موقه کسه لمده تو علاوه سنده دخی ویره جگمز جوانی یازدقدن صکره نوبت کلامی نه کندیسه ترک ایدلم .

اوت ؛ قرآنده برچوق یرلرده تورات وانجیل تصدیق اولنیور . بز بونی انکار ایتدک . مع هذا قرآنک برچوق یرلرنده تصدیق اولان تورات وانجیلدن مقصد هانکی تورات ، هانکی انجیل اولدیغنی دخی بوندن اولکی مناظره مزده تفصیلاً بیان ایتدک ، بوراده تکراره حاجت یوقدر .

امیرخانک بو علاوه سنده کی شوایکی آبی اولا تفسیر ایدلمده بعده امیرخانک دعوی سابقه بوایتلر ایه دخی استدلال طوغری اولوب اولدیغنی بیان ایدلم . سوره یونسک ۴۹ نجی آیتده کی (فان كنت في شك) قول شریفی ایکی وجهله تفسیر ایدلمشدر :

وجه اول :

بو قول شریف ظاهراً حضرت رسوله خطاب ایسه ده ، حقیقته آکا خطاب اولیوب ، بلکه امته خطابدر . بوده ادله نلأه ایه ثابتدر :

برنجی دلیل : بسوره شریفه نک نه ایتدک کی (قل یا ایها الناس فدی جاءکم الحق الخ . .) آیت کریمه سیدر .

زیرا بآیتده حضرت پیغمبره انزال اولنان شیده شک ایدنلرک کیمبر اولدیغی صراحة ذکر بیورمشدرد.

ایکنجی دلیل : بوراده خطاب عزت حقیقه حضرت پیغمبره توجیه بیورلدیغی تقدیرده بیوک برفسادک لازم کسیدر .

زیرا اگر حضرت پیغمبر کندینه انزال اولنان شیده شک ایددجک اولورسه بوشک بالآخره آنک کندی نبوتنده شک ایتمی دیمک اولور وشو حالده بشقهلر شک دخی آنک نبوتنده شک ایتمی اولویتده قالهرق شریعتک بالکلیه سقوطنی ایجاب ایدر .

دلیل ثالث : بوراده خطابک حقیقه حضرت رسوله متوجه اولدیغی فرض ایدلدیکی صورتده (فاسئل الذین یقرؤن الکتاب) قول شریفنده کی امر الهیده ، خطاب سبحانیده هیچ برفائده تصور اولنه ماز .

زیرا حضرت پیغمبر کندینسه نازل اولان شیده شک ایدیورسه کندی نبوتی منکر اولان اهل کتابه مراجعتله آنلر طرفدن « اوت .. سکا انزال اولنان اوشی طوغریدر . » دینلمسیله حضرت رسولک اوشکنی ازاله ایدمه جکی شبهه سزدر .

برده بوضورتده اهل کتابک خبری وحی الهیدن دها قوی اولمق لازم کلیر . بویسه قطعاً باطدر . بناء علیه بوراده خطابک حقیقتده حضرت رسوله دکل ، ناسه ، امته اولدیغنده اصلا شک یوقدر .

بویله ظاهرا خطاب حضرت رسوله اولدیغی حالده آندن مقصد بشقهلری اولدیغی قرآن کریمده کثیر الوقوعدر .

از جمله سوره اسراده (فلاتقل لهما اف ولاتنهرها وقل لهما قولاً کریماً) آیتده کی خطاب ظاهراً حضرت رسوله اولدیغی حالده حقیقتده بوندن مقصد امت اولدیغی بدیهیدر .

زیرا حضرت پیغمبرک پدری ولادتلرندن اول ، والدیهی دخی زمان طفولیتنده ارتحال دار بقا بیورمش اولدقلرندن بآیتک نزولی زمانلرنده اول حضرتک پدر ووالدیهی یوق ایدی که آکا « پدر ووالده که اف دیمه و آنلری کوجندیرد جک سوز سویله ، آنلره قول لین ایله سوز سویله » دیه شرفنازل اولان خطاب الهی توجه ایدمه یلسون .

ایشته (فان كنت في شك الخ...) آیت کریمه سنده کی خطاب دخی بوقیلند در .
 بوکی خطابات السیهده مراد الهی بالکفر امت اولدیغی حالدده او خطاب لک
 طوغریدن طوغری به حضرت پیغمبره توجیه بیورلسنده کی حکمت ایسه قلوب
 امتده دها زیاده تاثیر حصوله کتیر ماکدر . زیرا بر سلطان اعظم طرفدن تبعیه
 ایدله جک خطاب اوتبعه نك امور ومصالحی رؤیته مأمور اولان بردانه مثلاً
 بروالی به توجیه اولتور ایسه بو خطابک قلوب تبعده دها زیاده اجرای تاثیر
 ایدله جکی شهه سزدر .

بوراده دیگر بر نکته لطیفه دها وارد در که اوده حضرت رسولک کمال اتقان
 وقوت ایمان اوزره بولدیغی اظهار ایتمک ایدی . سوله که :

بو خطاب حضرت رسوله توجیه بیورلدقده حضرت رسول قوت ایمان
 و کمال اتقان اوزره بولدیغدن بو خطاب کندیسنه توجیه ایدر ایتمز کندیسنک
 در حال (لاشک ولا اسئل منهم شیاً) دیه جکنی حق تعالی بیلور ایدی . فقط
 خلقه قارشو حضرت رسولک بوسوزی تصریح ایتمی مطلوب الهی اولدیغدن
 بو آیتده خطاب ظاهراً اکا توجیه بیورلدی . وفی الواقع بو خطاب عزت کندیلرینه
 توجیه ایدنجه (لاشک ولا اسئل منهم شیاً) دیه علم الهی بده موجود اولان تسلیمت
 نامه محمدی سنی اظهاره مسارعت ایتدی .

بوتفسیره کوره آیت کریمه نك مآلی :

« ای ناس : اکر سزک پیغمبر یکنزه انزال ایتدی کم شیده - یعنی بسورده ده
 ذکر اولتان قصه لرده - شک ایدر ایسه کفر سزدن اول کتاب او قویانلره سؤال
 ایدیکیز . » دیمک اولور .

رمه نالی :

بو آیت کریمه ده کی خطاب اولان وبالذات حضرت رسوله ، ثاباً و بالتبع امتده در .
 فی الواقع حضرت رسول کندیسنه انزال اولتان سیده شک ایتمز . بوه محالدر .
 فقط بوندن مقصد شو سوره شریفه ده انزال اولتان سبیلر اهل کدینجه دخی
 مسلماندن اولغله آنا قرآن و حضرت پیغمبری سدتله منکر اولدقاری و قرآنک
 خبر لرینی ، حکم لرینی اللزندن کادیککی قدر رده چالشدقاری حالدده او سبیلر
 کندیلرندن صورلدقده بونلر اهل کدینجه نایت مشهور سبیلر اولدیغنه بلاء
 آنلری تصدیقه مجبور اولدجتلرینی بیاندن عبارتدر .

بو تفسیره کوره آیت کریمه مک مآلی [یا محمد سُورَه شریفه ده سکا ازال
ایتدیکم شیلر - یعنی قصه لر - اهل کتابجه دخی مسلم وغایت مشهور اولدیغندن
بالغرض والتقدیر اگر سن او شیلرده شک ایدوبده آنلری اهل کتابدن
سؤال ایتسهک انلری بیله سنی تصدیقه مجبور اولورلر] دیمک اولور .

(مما ازلنا) دهکی - ما - دن مقصد بو سورَه شریفه ده شوآیتدن اول
ذکر اولنان قصه لر در . او قصه لر ده حضرت نوح ایله قومنه وحضرت موسی ایله
فرعون واتباعنه عائد خبرلر در .

ایشته بو قصه لر اهل کتابجه غایت مشهور اولمغله بونلرده شک ایدنلرک
اهل کتابه مراجعتله شکلرنی ازاله ایتلری لازم کله جانی بیان ضمننده شو آیت
کریمه نازل اولمشدر .

سورَه آل عمرانک ۸۷ نجی آیتنه کلنجه :

بوآیتک تمامی شودر : (کل الطعام کان حلالاً لبی اسرائیل الا ما حرّم اسرائیل
علی نفسه من قبل ان نزل التوریه قل فأتوا بالتوریه فاتلوها ان کتم صادقین)
بوآیت کریمه یهودیلرک [دوهنک آتی وسودی تورانده تحریم ایدلمشدر] دبه وقوع
بولان ادعاری اوزرینه نازل اولوب آنلرک شو ادعاری رد ایدلمشدر که مآل
منینی :

[بتون طعاملرنی اسرائیله حلال ایدی . لکن اسرائیل یعنی حضرت
یعقوب بعض طعامی یعنی دوهنک ایتله سودینی کندی ذاته مخصوص اولمق اوزره
تحریم ایدی وبوده تورانک نزولدن اول ایدی . اگر یهودیلر بو ادعارنده
اصرار ایدجک اولورلر ایسه ، دی که : تورانی کتوروب آتی اوقویکمز ، اگر شو
سوزکزده صادق ایسه کز] دیمکدر .

شمدی امیرخانک «تورات وانجیلده هیچ برکهه تحریف ایدلما مشدر» دعواسنده
بزه قارشو بوایکی آیتله استدلالی طوغری اولوب اولدیغنی بیان ایدلم .
برکهه امیرخانک شودعواسنه برنجی آیتله استدلالی طوغرو دکدر . امیر
خان شودعواسنی بزه قارشو بوآیتله اثبات ایدمه مامشدر .

زیرا بوآیتله یالکز سُورَه ده ذکر اولنان قصه لرک اهل کتابجه دخی
مشهور ومعلوم اولدیغنی ثابت اولور ؛ وبونکله ده بالآخره او قصه لرک اوزمان
اهل کتاب یدنده بولنان تورانلرده دخی موجود اولدیغنی اکلاشیلور . قرآن

ایشته بونی تصدیق ایتمش اولیور . یوقسه بو آیتله اوزمان موجود اولان تورانده هیچ برکله نك تحریف ایدلمش اولدیغی ثابت اولیور که امیر خان بو آیتله بزه فارشومذ کور دعواسنی اثبات ایتمش اولسون . اکر بز : « شمدیکی توران وانجیلرک بتون مندرجاتی تحریف ایدلمش واصل توران وانجیلدن هیچ برکله قالماشدر » دیه ادعا وامیر خان ده : « شمدیکی توران وانجیلرک بتون مندرجاتی تحریف ایدلمش ، بلکه اصل توران وانجیلدن بعض پارچه لر قالمشدر . » دیه دعوی ایدوبده بودعواسنی دخی بزده فارشو اثبات ایچون شو آیتله استدلاله قیام ایتمسه ایدی ، اوزمان امیر خانک بو آیتله بزنی ازامه حتی اولور ایدی . خالبوکه امیر خان بورساله سندده اولبه بردعواده بولونمدیغی کی بزده هیچ بروقت « شمدیکی توران وانجیلرک بتون مندرجاتی تحریف ایدلمش واصل توران وانجیلدن هیچ برکله قالماشدر . » ادعاسنده بولتماشمزددر . زیرا اصل توران وانجیلدن بعض پارچه لرک شمدیکی تورانلرده وانجیللرده موجود اولدیغی مسلمانلرک معلوم ومسلمیدر . چونکه بوکا ایشته شو آیت وامثالی کی بعض آیات قرآنیه دلالت ایتمکده دره . فقط بوجهت بحمزردن خارجدر .

ایکنجی آیتله کنجه :

امیر خانک دعوی مذکورینه بونکه استدلالی بالکلیه باطلدر . چونکه بالاده بو آیتک تفسیرینه دائر بیامزدن آکلاشیلدیغی اوزره بو آیت کریمه نی انزالدن مقصد ، یهودیلری الزام ایدی . آنلره اللرنده بولنان تورانده ؛ دوه نك اتی وسودی تحریم ایدلمش اولدیغنه دائر بر حکمک بولمادیغی اقرار واعتراف ایتدیرمک ایدی . حضرت پیغمبرک یهودیلره « اللرک بزده کی تورانی کتوریکز و آتی اوقویکز ، اکر بو ادعا کزده طوغری ایسه کز ؛ ثابت اولسون . » دیسیله آنک طرفدن « سزک اللک بزده بولنان تورانک هیچ برکله سی تحریف ایدلماشدر . » می دینلمش اولیور که امیر خانک مذکور دعواسنه بزده فارشو شو آیتله استدلالی صحیح اوله بیلسون ؛ هیات ! . . . دعوا ایله دلیل آره سندده صورت قطعیده استلزام بولمق صحت استدلالک شرط اعظمی ایکن امیر خانک اودعواسنه شوایی آیتله استدلالده بو شرط کلیاً مفقوددر . بوراده شو شرط مفقود اولنجه استدلال مذکورک دخی بالکلیه باطل ومجروح اولدیغی شهسزددر .

امیر خان بوایی آتی ترجمه لریله برابر ذکر ایتدکن صکره ، اوبوکا . . .

اگر محمد بیلسه ایدی که یهودیلر تورانی تحریف ایتشلر؛ قرآنده بوجور سوزلری یازارمی ایدی ؟ حاشا . [دیه گویا دعوائی معهوده سنه بو ایکی آیتله وجه استدلالی بیان ایدرک بودیللر ایله مذکور دعوائی آرد سنده مناسبت بولندیغنی و بودیللرک اودعوائی مستلزم اولدیغنی بیان ایتک ایسته مش ایسه ده حقیقتدن پک چوق تباعد ایتشدر .

زیرا حضرت رسول یهودیلرک تورانی تحریف ایتدکارینی پک اعلا بیلور ایدی . چونکه بوکا دائر کندیسنه پک چوق آیتلر نازل اولدی ؛ نته کیم بحث سابق مزده دخی بوکا دائر تفصیلات ویرلدی . فقط حضرت محمد علیه السلامک یهودیلرک تورانی تحریف ایتدکارینی بیلمش اولسی قرآنده بو کجی آیتلرک بولنماسنی ایجاب واستلزام ایتمز . قرآن کریمده یهودیلرک تورانی بالکلیه تحریف ایتش اولدق لریته دائر بر آیت موجود اولسه ایدی ، امیر خانک بو سوزی حقیقته مقارن اوله بیلیردی .

حالبوکه حضرت محمد علیه السلامه اوله بر آیت نازل اولماش و کندیلری ده بویه بر ادعاده بولنماشدر که ذات رسالتنا هیلرینک یهودیلر طرفدن تورانک تحریف ایدلش اولدیغنی بیلمسیله قرآنده ﴿فَأَنْ كُنْتَ فِي شكٍ مِّنْهُ﴾ کجی اصل تورات وانجیلدن بعض پارچه لرک ایادی اهل کتابده بولنان کتابلرده موجود اولدیغنه دلالت ایدن بعض آیتلرک بولنماسی لازم کلسونده امیر خانک ذکر ایتدیکی وجه استدلالی صحیح اوله بیلسون . ایسته کوریلور که امیر خانک بوراده [بوکا بناء اگر محمد بیلسه ایدی که الخ . . .] سوزلری دخی صرف سفسطه دن عبارت اولوب کندیسنک دعوا ندر ؛ دلیل ندر ؛ و بر دعوائی نصل بر دلیل ایله اثبات ایتیلیر ؛ بونلره دائر هیچ بر شی بیلمدیکنی و یا خود بونلری بیلور ایسه ده کم حقیقت اوغورنده عقلنه نه کلیرسه آتی یازمقدن چکنمیدیکنی اثباتدن بشقه هیچ بر شی افاده ایتماشدر . . .

شمدی ثوبت کلامی ینه کندیسنه ترک ایدلم .

سوزیه دوام ایدرک دیور که :

« قرآندن سوای ده ایکی یوز ایل صکره کلن روایتلر وحدیثلر کزده شهادت ایدرلر که یهودیلر و مسیحیلر اللهم آنلره ویردیکی مقدس کتابلره کوره یشاپورلر مثلا صحیح بخارینک دردجی جزءک ۲۶۲ جی صحیفه سنده بویه محرردر [قول الله تعالی قل فأتوا بالتوراة فاتلوها وقول النبي (ص) اعطى اهل التوراة التوراة فعملوا بها واعطى

اهل الانجیل الانجیل فعاوانه واعظیم القرآن وعلمه به [پیغمبر کز الهک یهودیله
ویردیکی کتابی تصدیق ایدوب دیورکه : یهودییر اوزلرینه ویریلان تورانه کورده و مسیحیلرده
اوزلرینه ویریلان انجیله کوره و مسلماندرده اوزلرینه ویریلان قرآنه کوره ایشدورلر .
بو حدیثده ایکی یوز سنه هجرتدن صکره تصدیق ایدیورکه مسلمانلر اوزلرینک
قرآننه موافق رفتار ایتدیکاری کیمی یهودییر و مسیحیلرده اوزلرینک مقدس کتابلرینه
کوره یشدورلر ، دیمککه صحابهلر و تابعلر و تبع الباعین تورات وانجیلی قرآنه موافق و مطابق
ییلر ایدیلر . »

امیر خانک بو سوزنی ده شوراده کسه رک ذکر ایتدیکی شو حدیث شریف
ایله دخی مذکور دعواسنه استدلالی صحیح اولوب اولدیغنی محاکمه ایدلم .
اولا شونی اخطار ایدلم که : امیر خانک بوراده قرآندن سوای ایکی
یوز ایل صکره کان روایتلر و حدیثلر کز | سوزی پک عجبیدر . بو سوزک بر
محمل صحیحنی بولمق امکان خارجنده در . زیرا امیر خانک بوسوزدن مقصدی بزم
روایتلرک ، حدیثلرک نزول قرآندن ایکی یوز سنه صکره یازلمش اولدیغنی
بیان ایسه بو ، طوغری دکلدر .

زیرا قرآن ایله قاریشدرلمسندن خوف اولمق کبی بعض اسبابدن طولانی
اصحاب کرام کنندی زمانلرندده احادیث شریفه یی یازمقدن اجتناب ایتمشلر ایسه ده
حضرت عثمان زماننده سور قرآنیه کبار صحابه دن متشکل بر مجلس عالی معرفتیه
مصحف واحده جمع ایتلدکن و بو مصحف شریفدن مصاحف متعدده یازیلوب
ولایتلره کوندرلدکن صکره بر مدت قلیله ظرفنده بتون بلاد اسلامیه ده
موجود اهل اسلامک مجموع قرآن حقدده بر علم قطعی حاصل ایتلری اوزرینه
آرتق احادیث شریفه نک قرآن ایله قاریشدرلمسی خوفی بالکلیه زائل اولغله
تابعیندن زهری و ربیع ابن صبیح و سعید کبی بر چوق ذوات احادیث شریفه یی
یازمغه باشلادیلر . شو قدرکه بو ذوات احادیث شریفه یی ابواب فقه ترتیبی اوزره
یازمدیلر . حالبوکه بو منوال اوزره احادیث شریفه یی جمع و ترتیبده دها زیاده
حسن بولندیغندن انلردن صکره تبع تابعین احادیث شریفه یی اولوجهله ترتیب
ایدیلر .

از جمله تاریخ هجرتدن ۹۵ سنه صکره تولد ایتمش اولان امام مالک مدینه
منورده موطأ نام کتابی ابواب فقه اوزره ترتیب ایتدی . کذا مکده ابو محمد
عبدالمک بن عبدالعزیز و شامده عبدالرحمن ابن اوزاعی و کوهده سفیان ثوری
و بصرهده حماد بن سلمه دخی ابواب فقه ترتیبی اوزره حدیث کتابلری یازدیلر .

صکره بخاری و مسلمده صحیحترین ترتیب مذکور اوزره تألیف ایتدیلر .
 ایشته کوریلورکه تابعین دورینک بدایتدن اعتباراً یعنی ارتحال نیدن نهایت
 اوتوز بش و یا قرق سنه صکره احادیث شریفه سلک تقریردن سمط تحریره کچمکه
 باسلامشدر . شو حالده امیرخانک [ایچی یوزایل صکره کلن روایتلر و حدیثلر بکنز]
 سوزینه نه دیملدر؟ بکا قالیرسه « بو آدم تاریخ و سیر یلمیور و یا خود بیلورده
 مجرد مسلمانلرک افکارینی تشویش ایچون اویله سویلیور . » دیملدر .
 یوق ، اکر امیرخانک بو سوزندن مقصدی ؟ بزم روایتلرک ، حدیثلرک
 ایچی یوز سنه صکره ایجاد و اختراع ایدلمش شیلردن عبارت اولدیغنی افاده ایتمک
 ایسه بو حالده امیرخان اوسوزیله کندیی صفتلرینی بزه اسناد و بزی کندیلرینه
 قیاس ایتمش اولیور دیمکدر . بوا یسه قطعاً باطلدر .

چونکه کرک یهودک علماسی ، کرک نصارانک رؤسای روحانیه سی من القدییم
 دینلرینی وسیله دنیا اتخاذا ایده کلدکاردن مجرد منافع ذاتیه لرینی تأمین ایچون
 دین نامه روایتلر ، آیتلر ایجاد ایتمک ، کتابلر تحریف ایتمک و مؤلفلری اصلاً
 معلوم اولیان ، و یکدیگرینه مخالف بولنان و بو مخالفتلرینک حد اصغری اوتوز
 بیکدن زیاده اولان کتب سیر و تواریخنه « کتب سماویه » و « کتب مقدسه » نامی و یرمک
 کندیلرنجه قواعد مرعیه دن و عادات جاریه دن بولندینی حالده بزم ائمه دین یعنی
 اصحاب سیرت کزین و مجتهدین جدیت قرین و محدثین خصلت بهترین اقدیلرمن
 حضراتی هیچ بروقت دینلرینی دنیا به وسیله اتخاذا ایتمشدر و هیچ بر زمان دین
 نامه روایتلر ، آیتلر ایجاد و اختراع کبی احوال شناعت اشماله جرأت ایتموب
 حتی بونک تصوری بیله محالاتدن عدایله مشلردر . هرایکی قومک احوال تاریخیه
 و کتب دینیه سی دخی بوکا شاهددر .

فی الواقع هرایکی طرفک کتب دینیه و احوال تاریخیه سی بحق نظر تدقیقندن
 کچیریلور ایسه بوسوز بزمک صدق کندیی کندینه تحقق ایده جکنده شک یوقدر .
 اوتهدنبری علماء یهود و علماء نصارانک مجرد منافع دنیویه لرینی تأمین ایچون
 کتب دینیه لرینه بجه باطیل و اکاذیب علاوه ایتملرینه و حتی مؤلفلری قطعاً معلوم
 اولیان و مجرد انباء سالفه نیک سیر و احوال حیاتیه سنه متعلق بولنان تاریخ
 کتابلرینه [کتب دینیه] و بو کتابلرک مندرجاتنه و همده الوهیت و نبوته و عقل
 و حکمته اصلاً توافق ایتمیان مندرجاتنه بیله [الهامات ربانیه] نامنی و یرملرینه مقابل

بزم ائمه دین وبالخاصه صحابه کزین افندیارمرز حضراتی (وما یسطق عن الهوی ان هو الا وحی یوحی) آیت کریمه سنک منطوق منیفجه حضرت پیغمبر [ص] افدمزدن صادر اولان احادیث شریفه نک دخی وحی الہی اولدیغنی بیلدکلری وواحدیث شریفینی بالذات فم سعادتدن اسماع ایلدکلری خالد آنلره [کتاب الله] نامنی ویرمه مشلر وحقی وواحدیث شریفه نک کتاب الله قاریشدرلمسندن خوف ایله کندنی زمانلرنده آنلری یازمیوب یا لکن حافظه لرلنده حفظ ایله اکتفا ایتمشلردر. کذا محدثین کرام حضراتی دخی روایات متسلسله ایله حضرت رسوله اتصالی وهر زاویسنک عدالت، متانت، امانت، صوکه درجه جدیت، مروت کبی اوصاف عالیله اتصافی معلوم اولمیان احدیث شریفیه اصلا اعتبار اتمام مشلر وبو خصوصده محیر العقول نیجه تدقیقات و تعمیقات اجرا ایدرک احدیث صحیحه فی جمع و تالیفه و برطاقم خونه دین طرفندن اختراع ایدیلن موضوعاتدن فرق و تمیزه موفق اولمشلردر که؛ دنیاده هیچ بر محلهه هیچ بر قومده بونک بر مثلی دهها کورولمه مشدر.

ایمدی بزم ائمه دین ایله علمای اهل کتاب آره سنده بویله بر فرق عظیم بولندیغنی میدانده ایکن امیر خان جناب لری نک بزم ائمه دینی کندنی علماء دین ورؤسای روحانیلرینه قیاس ایدوبده آنلر طرفندن یازیلان و سندات قویه ایله حضرت پیغمبر افدمزده اتصالی لرلنده شبهه ایدیلن احدیث شریفه حقیقده [ایکی یوز ایل صکره کلن روایتلر و حدیثلر کنز] عبارده سیله بواحدیث نبویه نک کویا ایکی یوز سنه صکره ایجاد و اختراع ایدمش اولدقلرینه تعریض و ایما ایتمی لایق میدر؟... و امیر خان کبی السنه متعدده و تاریخ احوال ائمه واقف اولان بردادن بویله بر سوزک صدوری مناسبیدر؛

شیمدی امیر خانک بزه قارشو سردایتدیگی حدیث شریفک کندنی دعواسنه مطابق اولوب اولدیغنی تحقیق ایدلم.

بو حدیث شریف بخاری شریفک سکنزنجی جزونده کتاب التوحیدده محرر احدیث شریفه دندر. ابتداسنده (قل فأنوا بالتوریه فانلوهان کنتم صادقین) قول شریفی بحث سابقمزمده ذکر ی سبق ایدن سوره آل عمرانک ۸۷نجی آیتک هایتیدر. اوبخنده بو آیتی انزالدن مقصد، یهودیلری الزامدن عبارت اولدیغنی ذکر ایتمش ایدک. بناء علیه بوراده آتی تکراره حاجت بو قدر.

بخارینک بوقول شریفی شو حدیثک ابتدا سنده ذکر ایتسی حضرت رسولک بوقول شریفی شو حدیث شریف ایله برابر ذکر بیورمش اولدیغی ایچون دکلدرد. بلکه بخارینک بوندن مقصدی [تلاوت] کله سنک قرائت و عمل معناسنه کلدیکنی بیاندرد. یعنی ارسال و انزالدن مقصود اصلی اولادن تسلیم و انقیادک انواعی که؛ تلاوت، ایمان و عملدن عبارتدر؛ ایسته شو انواعک جمله سنی بو حدیث شریفده جمع و ذکر ددر.

حدیث شریفک مالی :

[اهل توراته تورات ویرلدی. آنلر تورات ایله عمل ایتدیله، اهل انجیلده انجیل ویرلدی. آنلرده انجیل ایله عمل ایتدیله. سزه دخی قرآن ویرلدی. سزده قرآن ایله عمل ایتدیکنر] دیمکدر.

شیمدی شو حدیث شریفی سبب و مقام وروؤدن صرف نظرله مجرد متن حدیثک افاده ایتدیکی مال ظاهر یسنه حمل ایدلم.

ایسته کوریلپورکه بونک خلاصه مالی و قتيله اهل توراتک تورات ایله و اهل انجیلک انجیل ایله عمل ایتمش اولدقلمی اخبار و حکایه دن عبارتدر. فقط بوندن نه چیقور؛ حضرت پیغمبر افندمز بونی اخبار بیورمش اولمسیله تورات و انجیلده هیچ برکله نک تحریف ایدلمه مش اولدیغی می اخبار بیورمش اولور؛ بو خبر رسول ایله امیر خانک شو دعواسی آردسنده نه مناسبت وار؟

امیرخان دخی بو ایکسی آردسنده اصلا مناسبت اولدیغی درک ایتمش اولمیدرکه [عمل] ماده سنی معیشت یعنی یشامق و بوماده دن مأخوذ اولان ماضی صیغه سنی یعنی (عملوا) فعل ماضی سنی مضارع یعنی (یعیشون) معناسنه حمل ایددرک حدیث شریفی :

[یهودیلر توراته کوره، مسیحیلرده انجیله کوره یشایورلر] دیه ترجمه ایتمش و کویا بو صورتده [تورات و انجیلک هیچ برکله سی تحریف ایدلمه مشدر] دعواسیله شو حدیث آردسنده برآز مناسبت بولمغه چالیشمش ایسه ده بورادمه دخی فعل تحریفک کندیلرنده برامرطیبی اولدیغی اظهاردن بشقه هیچ برشینه موفق اوله نامشدر. زیرا فرض محال اوله رق حدیث شریفک مالی امیر خانک دیدیکی کبی اولسه بیله بو حدیث ایله امیر خانک اودعواسی آردسنده ینه مناسبت بولمش اولماز. بناء علیه امیرخان اودعواسنی بزه قارشو بو حدیثله دخی اثبات ایتمش اوله ماز.

زیرا بوقتدیده امیرخان بزه قارشو [تورات و انجیلده هیچ برکله تحریف ایدله مشدر . چونکه پیغمبر کز یهودیلر تورانه کورده ، مسیحیلرده انجیله کورده یسایورلر دیدی] دیمش اولیورکه بوسوزک نه قدر صاحجه برسوز اولدیفنی بیانه حاجت یوقدر .

حالبوکه بوحدیث شریفک نه مقامده ونه مقصدله شرفوارد اولدیفنی ملاحظه ایدیلرسه ، که بونی دخی ملاحظه همه حال لازمدر ، ارحالده امیرخانک | تورات و انجیلده هیچ برکله تحریف ایدله مشدر | دعواسنی بزه قارشو اثبات ایتک ایچون بوحدیث شریف ایله ده استدلالی ده عجب بر منظره تشکیل ایدله جکندسه شبه یوقدر .

بتون شراح بخارینک بیانلری اوزره بوحدیث شریف شو اوچ قومک یعنی یهود ، نصارا و اهل اسلامک عندالیهده منازل و مراتبنی بیان ضمننده شرفوارد اولمش و فقط غایت محمل اولدیفنی ایچون ینه بو مآلده اولان دیگر بر حدیث شریف ایله توضیح و تفسیر یورلمشدر . اوده بوحدیثی متعاقباً ذکر یوریلان وروایات متسلسله سی ینه عبدالله ابن عمر رضی الله عنهما به منهنی اولان :

[اما بقاءکم فی من سلف من الامم کما بین صلاة العصر الی غروب الشمس اوتی اهل التورات التورات فعلوا بها حتی اتصفت النهار ثم عجزوا فأتوا قیراطاً قیراطاً ثم اوتی اهل الانجیل الانجیل فعلوا به حتی صلیت العصر ثم عجزوا فاعطی قیراطاً قیراطاً ثم اعطیت القرآن فعملتم به حتی غربت الشمس فاعطیت قیراطین فقال اهل الکتاب هؤلاء اقل منا اجلاً واکثر اجراً قال الله هل ظلمتکم من حتمکم نبیاً قالوا لا قال فهو فضلی اوتیه من اشاء] حدیث شریفدر که مأل منیفی :

« امم سالفه به نسبتله سزک مدت حیات و مقدار عملکز عصر دن غروب شمس قدردر . صاحبین اهل تورانه تورات ویرلدی . آنلر نصف نهاره قدر تورات ایله عمل ایتدیلر . صکره عاجز قالدیلر | یعنی حضرت عیسی ی کورمدن اولوفات ایتدیلر | آنلر هر ینه بر قیراط اجرت ویرلدی . صکره اهل انجیل کلدی . آنلرده انجیل ویرلدی . آنلر دخی انجیل ایله عمل ایتدیلر . و قتا که ایکندی نمازی ادا ایدلدی . آنلر دخی عاجز قالدیلر | یعنی حضرت پیغمبری کورمه دن اولوفات ایتدیلر | آنلر هر ینه دخی بر قیراط اجرت ویرلدی . صکره سز کلدیکز . سزده قرآن ویرلدی . سزده غروب شمس قدر قرآن ایله عمل

ایستدیکز . شمس ده غروب ایتدی وسزک هر بر بکزه ایکشر قیراط ویرلدی . بونک اوزرینه اهل کتاب مسلمانلرک عملی بزدن آز و حالبوکه اجر لر ی بزدن زیاده در دیدیلر . جناب حق : سزه ظلم می ایتدم ؟ بیوردی . آنلر : خیر ، بزه ظلم ایتدک ، فقط آنلره فضلّه ویردک ، دیدیلر . حق تعالی : بونم فضلمدندر ، فضامی دیله دیکمه ویریرم ، بیوردی . « دیمکدر .

بوحدیث شریفده زمان موسی علیه السلام دن قیامته قدر اولان مدت برکونه و بومدت ظرفنده شرایع الهیه تک تماماً احکامی ایله عمل ، برکون ظرفنده متعدد اجیرلر طرفندن ایضا اولنان عمله ؛ و حضرت موسی زمانندن حضرت مسیحک زمانته قدر کچن مدت یارم کونه و بومدت ظرفنده تورات ایله عمل ایدوبده حضرت مسیحک زمانته ادراک ایتهدن وفات ایدن یهودیلر ، اجرت معینه مقابلنده و برکون ظرفنده برعمل معلومی ایضا ایتک اوزره استیجار اولتوبده نصف النهارده او عملی ایفادن عاجز قالان عملیه و طرف الهیدن یهودیلرک احکام تورات ایله عمللرینه مقابل ویریه جک اجر و مثوبات ، مذکور عملیه عمللرینه کورده موجر طرفندن ویریه جک اجرته و حضرت عیسی زمانندن حضرت پیغمبر زمانته قدر کچن مدت نصف النهاردن ایکندی وقتنه قدر کچن زمانه و اومدت ظرفنده انجیل ایله عمل ایدوبده حضرت پیغمبرک زمانته ادراک ایتهدن اول وفات ایدن مسیحیلر ، نصف النهاردن صکره استیجار اولنه رق نصف النهاردن ایکندی یه قدر عملی ایضا ایدوبده بعده عاجز قالان دیگر عملیه و بونلره طرف الهیدن ویریه جک اجر و مثوبات مذکور عملیه عمللرینه کورده موجر طرفندن ویریه جک اجرته و حضرت پیغمبرم زمانندن قیامته قدر اولان مدت ، ایکندیدن غروب شمس قدر کچن زمانه و بومدت ظرفنده قرآن ایله عمل ایدن امت محمدیه ایکندیدن صکره او عملی اکمال ایتک اوزره استیجار اولتوبده آنی اتمامه موفق اولان بشقه عملیه و بونلره طرف الهیدن ویریه جک اجر و مثوبات مذکور عملیه موجر طرفندن ویریه جک ایکی مثل اجرته تشبیه بیورلمشدر .

ایندی ایشته شوحدیثک صراحت و ایضاحانیله قطعاً ثابت اولیورکه حدیث اول دخی ام سالفه ایله یعنی حضرت عیسان اول کلوب کچن و اوزمان توراتک احکامیله عمل ایدن یهود ، و حضرت محمددن اول کلوب کچن و اوزمان انجیلک احکامیله عمل ایدن نصارا ایله بعثت محمدیه دن قیامته قدر قرآنک احکامی ایله

عامل اولان اهل اسلامك عند الهیة کی مرتبه لری ، مزیتلری بیاندن عبارت اولوب یوقسه بونك زمان رسالت محمدیه ده کی یهود و نصاریه وانلرك اللرنده کی کتابلره اصلا ؛ تعلق یوقدر .

بناءً علیه او حدیث شریفدن نه حضرت پیغمبرك كندی زماننده کی کتب تورانیه وانجیلیه بی تصدیق ایلدیکی اگلا سلمش ؛ نه ده صحابه و تابعین و تبع تابعینک او کتابلری قرآنه موافق بیلدکری ثابت اولمشدر . شوخالده امیرخانک [تورات وانجیلده هیچ برکله تحریف ایلمامشدر] دعواسنه بزده قارشو او حدیث شریف ایله استدلالی دخی پك معاسز قالمشدر .

برنجی مناظره مزده دخی بیان ایتدی کمز وجهله ، بو کتابلرك محرف اولدق لری نه دائر قرآنك سورمه تعدده سنده برچوق آیات بیانات موجود اولدیغی و علی الخصوص سوره بقره نك ۷۹ نجی آیتده ﴿ فویل للذین یکتبون الکتاب بایدیهم ثم یقولون هذا من عند الله ﴾ بیورلدیغی حالده امیرخانک دعوی معهوده سیاه اصلا مناسبتی اولمیان ، شوراده بزده قارشو سرد ایتدی کی حدیث شریفی یازدقدن صکره :

[وایسته بو حدیث ده ایکی یوز سنه هجرتدن صکره تصدیق ایدیورکه مسلمانلر اوزلرنك قرآنه رفتار ایتدکری کیمی یهودیلر ، و مسیحیلرده اوزلرنك مقدس کتابلری نه کوره ییابورلر ؛ دینك که صحابه لر و تابعلر و تبع التابعین تورات وانجیل قرآنه موافق و مطابق بیلورلر ایدی .]

دیمی نه قدر عجیب بر مناظره تشکیل ایتدی کی قارئین کرامت وجدانلری نه حواله ایده رك نوبت کلامی نه کندیسنه ترك ایدرز . دیورکه :

[بو خصوصه جوق حدیثلر ، واردر . از انجمله البخارینك بو حدیثی ده بوراده ذکر ایدرز که عبدالله بن عمر رضی الله عنه دیوبدر « ان اليهود جاؤا الی انبی صلی الله علیه وسلم برجل منهم وامرأة قد زینا فقال لهم کیف فعلون بن زنی منکم قالوا لطمهما و نضربهما فقال لا تجدون فی التوراة الرجم قالوا الاعد فیها شتمه فقال لهم عبدالله بن سلام کذبہ (فانوا بالتوراة فانلوه ان کتم صادقین) فوضع مدارسها الذی یدرسها منهم کما علی آیه الرجم فطلق بقراً مادون یدهما ورأوها ولا یقرأ آیه الرجم فتح یده عن آیه الرجم فقال ما هذه فاما رأوها قالوا هی آیه الرجم فامر بهما فرجاً »

امیرخان بو حدیثک ترجمه سفی روضه الاحیادن نقلاً یازدقدن صکره بوندن شونتجه بی چقاریور .

« پس هر بر اهل فراست اولان مسلمان بو صحیح حدیثدن چار و نچار بیلرکه اگر یهودیلر تورانی تحریف ایتمش اولسه ایدیلر عن بورجم آیه ک ال کبر لور ایدیلر الا

بر یهودی اړک و یهودی عورتک رجنی بیلدکلری سبندن هر حالده تحریف و حتی یهو
ایدلر ایدی ، لیکن بویله بر حال هجرتک دوردمچی سنه سننده بیله یوق ایدی و بوندن
علاوه بوده معلوم درکه اگر پیغمبرکز سزک کبی ظن ایلسه ایدی که یهودیلر توراتی
تحریف و تغیر ایشلر او یانته کتوریلن زانی و زانیه جزاسی باره سننده توراتی کتورتمز
ایدی . و روضه الاحباب کتابی بو حکانهک ختانهک بونوده یازار « و هم بو سالد پیغمبر
بیوردی : زید ابن ثابته تا توراتی تعلم ایده آنک ایچون که مبدا یهودیلردن توراتده بر
تحریف و تبدیل واقع اوله زید ابن ثابت اون بش کونده تمام توراتی اوگردی » ایدی .
بو بر قصه روایتدن کنه آشکاره معلوم اولور که هجرتک دوردمچی سنه سنه قدر توراتده
تحریف یوق ایدی و اگر اولسه ایدی زید توراتی اون بش کونده تعلم ابتدکی ایچون
پیغمبرینه و مسلمانلره دیر ایدی که تحریف واردر . لیکن بو حدیثده سز مسلمانلر ایچون
برقوی دلایلدرکه پیغمبرکز توراتک تحریف سزانی هجرتک دوردمچی سنه سننده بیلیر ایدی . «
بوراده امیر خانک سوزینی ینه کسه لمده اولا بو حدیث شریفک مال منیفی
بیان ایدلم : بو حدیث شریف بخارینک آلتنجی جزوندده کتاب تفسیر القرآنده
محزر اولوب مآلی :

[برکون یهودیلردن بر جماعت ذات الزوجه بر زانی ایله ذات الزوج بر زانیه یی
حضور حضرت رسوله کتوروب بونلر حقتنده لازم کلن حکمک اجراسنی اول
حضرتدن طلب ایلدیلر . حضرت رسوله آنلره بومقوله زنا یعنی ذات الزوج
و ذات الزوجه اولان کیمسه لرک زناسی حقتنده نه معامله ایدرسکز ؟ دیه سؤال
ایتدی . انلر بوکبی زانی و زانیهک یوزلرینه قره سورر و کندیلرینی ضرب
ایله رز دیدیلر . حضرت رسول بوکا داثر توراتده رجم حکمنی بوله ماز میسکز ؟
دیه سؤال ایتدی . انلر : خیر ، توراتده بوکا داثر برشی بوله میز ، یعنی توراتده
بومقوله زنا حقتنده هیچ بر حکم یوقدر ، دیدیلر . بو صیرهده عبدالله بن سلام
دخی اوراده حاضر ایدی . مشارالیه هان قیام ایدوب : یالان سویلدیکز ، توراتی
کتوروب اوقویکز ، اگر بوسوز کزده صادق ایسه کر ، دیدی . بونک اوزرینه
در حال تورات کتیرلدی ، یهودیلره توراتی تدریس ایدن بر یهودی یه ویرلدی .
او یهودی توراتی آچهرق ، و رجم آیتک اوزرینه النی وضع ایدرک ما قبلنی او قومغه
باشلادی . عبدالله بن سلام آکا : الکی چک ، دیدی . مرقوم یهودی النی چکدی .
عبدالله بن سلام : بوندر ؟ دیه او یهودی یی تکدیرو توبیخ ایلدی . وقتا که رجم
آتی ظاهر اولوب جمله سی آتی کوردی ؛ اوراده بولنان یهودیلر هب بر آغز دن :
بوایت رجم آیتدر ، دیدیلر . بونک اوزرینه حضرت پیغمبرده اوایت موجبله
حکم ایدوب اوزانی ایله زانیه رجم اولندیلر] دیمکدر .

شمدی امیر خانان بو حدیث ایله مذکور دعواسنه استدلالی طوغری اولوب
اولدیغنی ایضاح ایدلم .

بوزانی ایله زانیه خیر یهودیلری اشرافدن ایدیلر . اعیان مملکت ؛ شو
دعوانک حل و فصلانی مدینه ده ساکن بی قریظه یهودیلری واسطه سیله حضرت
پیغمبره حواله ایشلر و حضرت پیغمبره رحمدن بشقه برشی ایله حکم ایتدیر مارشی
اکیداً تنیبه ایشلر و فقط حضرت پیغمبرک آنلره تورانده بوزنانک حکمی نادن
عبارت اولدیغنی سؤال ایده جگنی و نهایت تورات کتیر یلره رک حقیقت خانک میدانه
حقیقه جغنی خاطر لرینه بیله کتیر مامشلر ایدی .

چونکه حضرت پیغمبرک هر خصوصده کندی شریعتله حکم ایتدیکنی
و قرآنده ایسه زنانک حکمی یوز دکنک اورمقدن عبارت بولدیغنی بیله کاری
ایچون بودعواده دخی اولوجهله حکم ایدلمسی کندیلرنجه امر قطعی ایدی ؛ بوندن
مقتصدلری ده هم اوزانی و زانیه بی رحمدن خلاص ایتک ، همده حضرت رسولک
تورانده رحم آیی اولدیغنی بیلمدیکنی خلقه اعلان ایله کویا انک نبوتی جرح
ایتک ایدی . فقط حضرت پیغمبر دائماً حفظ امان الهیده بولدیغندن بودعوی
کندیسنه عرض اولنور اولتماز ، بوکبی زنانک حکمی هر نه قدر قرآنده مصرح
دکل ایدی ایسه ده شریعت محمدیده دخی بونک حکمی رحم اولدیغندن آنلرک شو
زور ایتنه اصلاً اهمیت و یرمیوب مجرأ آنلری انزام ایچون تورانده بوزنانک
حکمی نادن عبارت اولدیغنی آنلردن سؤال ایتدی .

بونلر هر نه قدر تورانده بوکا دائر بر حکم یوقدر دیدیلر ایسه ده فئده
و یرمیوب نهایت تورات کتیرلدی و یهودیلرک بومسئله ده دخی حیلله و خدعه سی
میدانه حیقدی ؛ صکره اوزانی ایله زانیه رحم اولندی . اکر یهودیلر حضرت
پیغمبرک بومسئله حقنده تورانده کی حکمک نادن عبارت اولدیغنی سؤال ایده جگنی
وانلر طرفدن بوکا دائر بر حکم یوقدر دیسانه بیله حضرت پیغمبرک انفصال
ایدیله میه جگنی و نهایت تورات کتیریلوب کندیلرک برف ذلیل اوله جغنی بیله لر
ایدی ، اساساً دعوانک حل و فصلی ایچون حضرت پیغمبره مراجعت ایلرلر
ویا خود ایده جل اولسولر بیله بویله براحتمالی نظر اغتباره آللرک اولجه او آیی
دخی محریف و بلکده بانکله محو ایدرلر ایدی . اما صکره دن بویله برشی یایه مزلر
ایدی . چونکه بونی یایتمه وقت مساعد دکل ایدی . بوسرده یایله حق برشی

واریدی ایسه اوده رجم آیتک اوزرینه وضع یدایدیرک او آیتک ماقبلنی اوقومق
ایدی که اوده یاپیلدی . فقط فایده ویرمدی . بلکه مضرت ویردی . چونکه هم
اوزانی ایله زانیه رجم ایدلدی ، همده بالاخره کندیلری ردیل اولدی . ایشته
کوربیلورکه ؛ بودعواده حضرت پیغمبرک توراتی کتیر تدریسی توراتک غیر
محرف اولدیغنی بیلدیکندن طولانی دکل ، بلکه توراتک محرف اولقله برابر اچنده
رجم آیی بولسدیغنی بیلدیکی ایچون مجرد یهودیلری الزام مقصدیله توراتک
کتیرلسنی فرمان بیوردی .

بناءً علیه دیمک اولیورکه امیرخانک بوحدیث ایله استدلالی دخی بوشه
کتدی .

هجرتک دردنجی سنه سنده زید ابن ثابتک بامر رسالتناهی توراتی اون بش
کونده اوقوبوب اوکرتمش اولدیغنه دائر امیرخانک روضه الاحسابدن یازدیغنی
روایت کئنجه : آنک بوروایتله استدلالی دخی قطعاً باطلدیر . چونکه روضه
الاحبابک بوروایتی دخی بیاسادر .

زیرا حضرت رسول هیچ برمسلماننه کرک توراتی ، کرک انجیلی اوقومغه
مساعده ایتوردی . حتی برکون حضرت فاروقک توراتدن برصحیفه بی انه
آلوب اوقودیغنی کورنجیه ؛

(اهو کون کاهوکت اليهود والله لوکان موسی حياً لما وسعه الا تابعی)
بیورمش ایدی . مالی [منزده یهودیلرکی حیرت وترددمی ایدیورسکر ؛ الله
قسم ایدرمکه اگر موسی صاع اولسه ایدی ؛ بکا اتباع ایتمکدن بشقه چارهسی
یوق ایدی] دیمکدر .

حضرت فاروقک تورات اوقومسینه مساعده ایمان بر پیغمبر قابلمیدر که
زید ابن ثابته امر ایتسونده بتون توراتی تعلم ایتدیرسون ؟

فرض ایدم که ، زید ابن ثابت توراتی اوقومش اولسون . فقط صکره
توراندته تحریف واردر ، دیمدیکی نایله ثابتدر ؟ .

هایدی فرض ایدم که دیمامش اولسون . بوندن نه چیقار ؟ قرآن کریمده
برچوق آیات بنیت ایله تورات وانجیلک محرف اولدقلری بیان بیورلمقدده ایکن
زید ابن ثابتک توراندته تحریف واردر ، یاخود یوقدر ، دیمسنک نه حکمی
اوله بیلور ؟ شبه یوق که اوله ماز .

زیرا زید ابن ثابت کلام الیهن دها قوتلی اولسنه امکان بولنه ماز
وبوجالده امیرخانک یازدیغی شور وایتله دخی دعواى مذکورینه استدلاله
سفسطه دن بشقه برمعنا ویریلدمن .

امیرخان بوسوزلری متعاقب اخوند یوسفه خطاباً بعض مسهزیانه الفاظ
استعمال ایتدکن صکره ینه حضرت پیغمبر وقرآن کریمک کنیدی کتابلری
حقتده حسن شهادتیه دعواى مذکورینه استدلاله قیام ایدرک دیورکه :

[بونیده منشور طریق ایله خاطرکزده طوته جق سکرکه سز مسلمانان قرآنه فرقان
دیدیکینز کبرقرآن اوزی ده تورانه فرقان دیور مثلا سورة البقره نك ۵۰ مجی آیسنده
و ۲۰ مجی سورة نك ۴۹ مجی آیسنده اوخویکنز وبوندن ماعدا تورانی « اماماً ورحمة
وضیا و ذکر وهدی ونور وبصائر ومبارک وكلام الله تسمیه ایدر .

بس قرآنك بو ملاحظه می واضح اولدیغی حالده آیا ؛ ممکنیدرکه قرآنه انسانان
بر مسلمان قرآنك تورات وزبور وکتب انبیا وانجیل خصوصنده بو کونا شهادت بر دبدکن
صکره بو مقدس کتابلر باره سنده او طرز بحرمت فکرلر اظهار ایلسون . من ظن اتم
ولیکن اگر بر مسلمان تورات وزبور وکتب انبیا وانجیل باره سنده بو ذکر اولنان
فکرلری دیسه معلوم اولورکه نه تورات وانجیل ونه قرآنه وتمدده انسانور . اما بزمسجیلر
ایسه پیغمبرکز کتب مقدسه مزنی نه قدر اعلاى کلام ایله مدح ایتمش ایسه قرآنك بو
منوال سوزلرینه چوق اعتبار واعتماد ایترز زیرا پیغمبرکز امی یعنی بی سواد اولوب
اللهك انزال ایتدیکی مقدس کتابلری اوخومامش ایدی واوسایدن قرآنده اوچور سوزلر
وتقللر یازارکه یهودیلرک ونصارالرك بوش وبهوده آغزلردن ونه ایسکه عهد عتیق و عهد
جدیددن استماع ایدودر]

امیرخان بوراده برنجی مسئلهنه استدلالاتی بیتییره شد . شمدی شو صوگ
استدلالانی دخی محاکمه ایدلم . اوت ؛ قرآن برچوق آیتلرنده تورانه فرقان ،
امام ، رحمت ، ذکر ، هدی ، ضیا ، بصائر ، مبارک ، کلام الله تسمیه ایدیور . بز
بونى انکار ایتدک وایتمورز . فقط قرآنك شو اوصاف عالیله توصیف
ایتدیکی تورات وانجیلدن مقصد هانکی تورات وهانکی انجیل اولدیغی و
او کتابلرک بو کبی اوصاف ایله توصیف ییورلمش اولمسیله ، ایادی اهل کتابده
موجود اولان کتابلرده هیچ برکله نك تحریف ایدمدیکی انبیا محل اولدیغی
دخی برنجی مناظره مزده تفصیلاً بیان ایتشدک . آنلری بوراده تکراره حاجت بو قدر ،
پیغمبر مزامی اولوب اهل کتابك اللرنده کی کتابلری او قومدیضدن آنلرده
اولیان برچوق سوزلری قرآنده یازمش و بو سوزلری ده یهودو نصارانك بوش

اغز لرندن اجتماع ایتیش بولدیغی جهتله پیغمبر مزك تورات وانجیل حقتده کی حسن شهادتی مسیحیلرجه اهمیتسز اولدیغی مسئلهسنه کئنجه :

بر کره امیرخانک بوسوزی اده مخالف اولمقله برابر عقل وحکمتده مغایردر .

اوت، پیغمبر من امی دز . بونی قرآن بیله ناطقدر . فقط امیت سائر ناس حقتده بر تقیصه اولدیغی حالده بر پیغمبر حقتده بیوک بر کالدز . چونکه اکر بر پیغمبر امی اولما یوبده مکتب ، مدرسه کورمش ، بر جوق علوم وفنون تحصیل ایتیش کیمسه لر دن اولورسه آنک الله نامنه تبلیغ ایتدیکی کتابک کتاب الله اولدیغنه اینامق پک مشکل اولور . زیرا او پیغمبرک مذکور کتابی او قودیغی کتابلردن خلاصه ایدوب یازمش اولدیغنه حکم اولور . آنک وحی الهی اولدیغنه دلیل بولمق عادتاً محال درجهسنه واریر . اما اکر بر پیغمبر کنیدیسی امی اولدیغی حالده بر جوق سنه لر تحصیل علوم ایله اشتغال ایتیش و بتون خالقه کنیدی فضیلتنی تصدیق ایتدیرمش کیمسه لرک بیله سویلیه میه جکی و یازمه جتی بر کتابی الله نامنه تبلیغ ایدر ایسه او پیغمبرک احوال ذاتیه سی وادوار حیاتیه سی ایله تبلیغ ایتدیکی او کتاب آرسنده اصلا مناسبت بولمه میه جفتدن کنیدیسنک نبوتنه و او کتابک سماوتنه حکم ایتک ضروری اولور ، یعنی بداهت حالی آلیز . دیمک اولور که بر پیغمبر حقتده امیت صفتی بر نقصان صفت دکل ، بلکه بر صفت کالدز . بو بر حقیقتدر که اهل بصیرت اولانلر زدنده بونی انکار بیوک بر جهالتدر . اما امیرخان کی بصیرتسز کیمسه لر بونی ادرا کدن عاجز اولدقلری ایچون صفت امیتی پیغمبر من حقتده وسیله اعتراض ایده کلمش و فقط بو کی اعتراض ایله کنیدیارینک حماقتنی ، جهالتنی اظهاردن بشمه هیچ بر شینه موفق اوله مامشدر . مسیحیلر پیغمبر مزك تورات وانجیل حقتده کی حسن شهادتیه ، مدح و ثنانه اعتماد ایتبورلر ایتیش . وارسونلر ، ایتسونلر . بزم ایچون بونک اصلا اهمیتی یوقدر . انلرک عدم اعتمادلری بزه اصلا مضر دکلدز . فقط کنیدیارینه مضردر . بو عادتاً کفران نعمتدر . چونکه اکر حضرت پیغمبر و قرآن اولسنه ایدی کرک یهودیت ، کرک نصرانیت بر ظلمت مجهولیت ایچنده غائب اولوب کیده جات ایدی . زیرا یهود و نصارانک اللرنده کی کتابلره باقیلور ایسه ؛ نه حضرت موسی وعیسی نامنده پیغمبرلر کلمش ، نه ده آنلره تورات وانجیل نامنده کتابلر نازل اولمشدر .

چونکه بو کتابلرک اکثر مندرجاتی اوقدر عادی، اوقدر بیانی شیردر که بونلرک کتب سماویه اولدقلرینه و او ذاتلرک طرف الیهیدن بعث و ارسال بیوردقلرینه اینانمق ایچون بهمه حال عقل و حکمتک بالکلیه خارجه حقیق لازمدر و بوده بوکون بتون حکما، بتون علمانک تحت تصدیقدهدر. فقط برکت و یرسون پیغمبر من کلمش و کندیسنه قرآن حقیقت بیان نازل اولمشده، قرآن کریم او ذاتلری انبیایه لایق اوله حق اوصاف ایله و او کتابلری کتب سماویه لایق صفات ایله توصیف ایدهرک شمدی یه قدر کلوب کچن میلبارلرجه مسلمانلره تصدیق ایتدیرمش و ملل غیر مسلمه یهده هیچ اولمازسه آنلرک اساسنه دائر معقول فکرلر بخش ایشدر که؛ یهود و نصارا ایچون بونلرک بقدر بر نعمت عظما اولدیغنی انکاره مجال یوقدر.

حضرت پیغمبر تورات و انجیلده اولیان برچوق شیرلی برطاقم یهود و نصارانک بوش آغزلرندن ایشیدهرک قرآنده یازمش ...

بو، نه قدر باطل برسوزدر. او یهود و نصارا کیملر ایش؛ آنلرک کیملر اولدقلرینی امیرخان سویلیور. شمدی امیرخان سؤال ایدرز که: او یهود و نصارا دیدیکک کیمسلر اکر اولجه یهودی و یا نصرانی اولوبده صکره جدا اهتدا ایشلر ایسه بونلرک تورات و انجیلده اولیان شیرلی آلردن نقلاً حضرت پیغمبره سویلوب یازدیرمش اوللرینه اصلا امکان یوقدر.

زیرا آنلرک بالآخره تورات و انجیلده اولدقلری میدانه چیه جفندن حضرت پیغمبرک یهود و نصاریه و بتون خلقه قازشو حاساً کذبی موجب اوله حق اوله برحالك وقوعه کلمنی ایسته مه جکلری بدهیدر. و اکر او کیمسلر منافقلر ایسه بوکاده امکان یوقدر. زیرا آنلرکندی کتابلرینه معتقد اوله جفلری ایچون مجرد حضرت پیغمبری اغفال اتمک مقصدله کندی کتابلرنده اولیان برشینی او کتابلر مندرجاتندن اولمق اوزره حضرت پیغمبره نقل و حکایه ایتلری کندی کفرلری موجدر. چونکه کتاب اللهدن اولیان برشینی انکار کفر اولدیگی کی کتاب اللهدن اولیان برشینی کتاب اللهه اسناد دخی کفردر. بوق، اکر او کیمسلر ظاهراً و باطناً یهود و نصارا ایسه یه عینی محذوره بناء او شیرلی کندی کتابلری مندرجاتندن اولمق اوزره حضرت رسوله نقل و حکایه ایش اوللرینه اصلا امکان یوقدر. برده بالاده بیان ایتدیکمز و جهله حضرت پیغمبر ایش کرامت تورات و انجیل اللرینه آلوب اوقوملرینه ییله مساعده اتمور ایدی،

حق بخاری شریفک سکزنجی جزؤنده محرر اولدیغی اوزره اول حضرت کندی
صحابه :

(لاتصدقوا اهل الكتاب ولا تکذبوهم) یعنی (اهل کتابی نه تصدیق
ایدک ، ندهه تکذیب ایدک) بیورمش و بوحدیث شریفله انلرک انلرک کتابلرندن
نقل اولنان شیلرک شایان اعتماد اولدقلرینه و چونکه او کتابلرک تحریف ایدلش
بولدقلرینه اشارت ایتشلر ایدی . شو حالده فصل اولورده کندیلری یهود
ونصارانک بوش آغزلرندن برطاقم بی اساس شیلری آلورده قرآنده یازمش بولنور ؟
اگر او کیمهلر اولجه یهود ونصارادن اولوبده مؤخرأ ظاهراً مسلمان وباطناً
ملحد ایسه لر مادام که بویله بوش آغزلریله حضرت پیغمبره برطاقم شیلر تلقین
ایتدیکی شیلری وحی الهی اولق اوزره حضرت پیغمبره نشر ایتدیره جک قدر
قدر قدر تلیری وار ایش ، یعنی حضرت محمد پیغمبرک ایتدیریورلر ایش ، نبوت
کبی عالی ومقدس بر مقامی حضرت محمد انلرک سایه سنده احراز ایلوز ایش ، بویله
بر دعوایه آنلرک قیاملری ایچون نه مانع وار ایش ! بویله بر شرفی کندیلری
حضرت محمد نه ایچون فدا ایتشلر ؟ بر طرفه چکیلوبده کندیلری نه ایچون بویله
بر شریعت ، بویله بر دین تأسیس ایدرک قیامته قدر ناملرینی بقا ایتمه مشلر ؟
وبونلر حضرت پیغمبره بوشیلری نردهه تلقین ایتشلر ؟ آنک اطرافنده بولنان
بیکلرجه صحابه ، بیکلرجه عقلا بونی نه ایچون آکلایماملر ؟
امیر خانک بویله چوجقلرک بیله قبول ایدمیه جکی سوزلری شورساله سنه
یازمش اولسی علم ومعرفت نامه شایان تأسفدر .



سیاسیات اسلامیہ



اسلامده اصول مشورت و حریت

بعثت سنیہ لہری ذکای بشرک دور تکاملنہ شرفصادف اولان بی آخر زمان ، پیغمبر انس و جان صلی اللہ علیہ وسلم اقدمن حضرت تلینک طرف الہیدن بتون خلقہ تبلیغنہ مأمور اولدقلزی احکام الہیہ ، اول امرده ایکی قسم در : احکام اخرویہ ، احکام دنیویہ . سوکرا بونلردن هر بری دخی ایکی قسمه منقسم در : بری اصلیه ، دیکری فرعیہ در .

(احکام اصلیه اخرویہ) عقائده ، (احکام فرعیہ اخرویہ) ده عباداتہ متعلق در . سوکرا (احکام اصلیه دنیویہ) اداره امور مملکتہ ، (احکام فرعیہ دنیویہ) ده معاملات و عقوباتہ دائردر .

احکام اصلیه اخرویہ اولتقسزین احکام فرعیہ اخرویہ بی ایفاده اصلا فائده یوقدر ؛ مثلا : جناب حنک و ارغنه ، برلکنه ایمان ایمن برکیمسه نک عبادات و طاعات ایله اشتغالنه هیچ بر فائده ترتب ایتمیه چکی بدیہی در . بونک کی احکام اصلیه دنیویہ اجرا ایلدنکجه احکام فرعیہ دنیویہ بی اجراده دخی هیچ بر منفعت متصور دکادر ؛ مثلا : عدل و حقانیتہ رعایت ایلدنکجه احکام جرائمه اجرای عقوباتده فائده تصور اولنه ماز .

احکام اصلیه دنیویہ نک اس الاسامی :

هر ایشده امتلہ مشورت ،

هر خصوصده عدل و حقانیتہ رعایت ،

صرف امانتہ الله اولان امور مملکتی و مصالح امتی اعلمہ بودیع ایتملدر .

بوکا دلیلمز : ﴿ و ساورهم فی الامر ... الخ .. ﴾

﴿ و امرهم شوری بینهم ﴾

﴿ و اذا حکمتم بین الناس ان تحکموا بالعدل ﴾

﴿ اعدلوا هو اقرب للتعوی ﴾

﴿ و اذا قلتم فاعدلوا ولو کان ذا فرنی ﴾

﴿ ان الله یأمرکم ان تؤدوا الامانات الی اهلها ﴾

کی آیات جلیله قرآنیہ و بومأله ده عه احادیث شریفه در .

بوآیتلردن برنجی آیتده جناب حق، رسوله هر ایشده امتله مشاوره دی امر اییدیور. علم اصول فقهده بیان اولوندیغی اوزره برشی ایله امر او سنیك ضدینك حرمتی موجب اولدیغدن، بوآیت کریمه منطوق منیضجه مظهر وحی الهی اولان او رسول الثقلینه بیه امت ایله ترك مشاوره نك حرمتی قطعاً ثابت اولیور. بویه مظهر وحی الهی اولان برذات اقدس هر ایشده امتی ایله مشاوره بیه مأمور اولورسه بتون مسلمانلرك وبالخاصه خلفا حضراتك هر ایشده امتله مشاوره بیه مجبوری اولویته قالیور.

ایکنجی آیتده جناب حکیم مطلق، مسلمانلرك ایشی بینلرنده مشورتدن عبارت اولدیغی کوستریور. بونکله ده امر مشاوره نك ارکان اسلامیه نك رکن اعظمی اولدیغی صورت قطعیه ده تحقق ایلیور. شوخالده بو امر الهی بیه، بو فرمان سبحانی بیه «مسلمان» عنوان جیلی آتنده بولونان بتون خالق انقیاد ایتلری تحت مجبوریته بولنیور.

اوجنجی آیتده جناب باری، بین الناس عدل وحقانیتله حکم ایتمه مزی فرمان بیوریور و بونکله ده هر خصوصه اجرای عدالت بر امر دینی اولدیغی کورولیور.

دردنجی آیتده ده: «عدالت ایدک، صکه تقوایه اک یقین اولان اودر.» بیورولیور.

کذا بشنجی آیتده «سز هر سوز کزده ولو که اک یقین اقربا کز حقننده اولسون عدالتدن ایرنایکز.» بیورولیور.

آلتنجی آیتده «اماناتی اهلته تودیع ایتکنزی الله امر ایدیور.» بیورولیور. امر مادی و جوییه موضوع اولدیغدن بوآیت کریمه منطوقجه امانات اک میسوی. اک مهسی وظائف ماتی، امور حکومتی اهل واربانته تودیع ایت اولی الامرک واجبه ذمتی اولدیغی صورت قطعیه ده اکلشیور.

بوامانت مقدسه بیه اهل اولانلری ده جناب کبریا، (ان کر مکم عندالله اتیکم) آیت کریمه سی ایله تعیین بیوریور. بوآیت جیلله الهی بدن اکلشیور که وظائف ماتی درعهده ایدجک ذواتک حائر اوله جفی اک برنجی مزیت، تقوادر، حسب ولساک، اصالت و نجابتک بو باده اصلاً تیری بوقدر. تقوی، که الهیات حقوقه، قوللرك حقوقه تجاوزدن مجانبت در؛ شبهه سزدر که بو، او حقوقی

بيلسکه وابسته در . شو حالده وظائف ماتدن بر وظيفه نى در عهده یده جت کيسه نك او وظيفه يه عائد معلومانى حائر ، استقامت و روپته مئايز ارباب اقتدار و لياقتدن اولسى لازمه دن در .

ايشته بونك اچوندر كه خواجه كائنات عليه اكل التحيات افند مز حضرت تلرى بالذات كنديلرى عمومه عائد اولان هر خصوصده دائما امتى ايله مشورتى التزام بيور لردي . مدت حيا نلرنده وظائف حكومتى اهل وار پائنه بوديع ايديور لردي . بو خصوصده خصم ، اقربا ، دوست ، احبا جهتنى اصلا نظر اعتباره آمايور لردي . بتون توجهات نبويه اهليت جهتنه منعطف ايدى . هر ايشده عدل و حقانيتدن ذره قدر انحراف بيور مديلر .

استقامت ، اهليت ، عدالت ... ايشته حضرت رسولك ايشته ديكي اوصاف : ايشته جناب پيغمبرك اراديني مزيات ! دنياده ايكن ، دنيادن كيد بيور كن ، دائما ، دائما انعطافكاه آملى بونلردى : استقامت ، اهليت ، عدالت ...

مشهور در ، عالم آخرتى تشريفلرندن اوچ كون اول منبر سعادتنه چيقوب :
 اي امى امت واحجام ! هر كيمك مالنى آلم ايسه ايشته مالم ، كلسون آلسون . . . هر كيمك ارقهسنه اوردم ايسه ايشته ارقهه كلسون اورسون . . .
 كلام عبويت اسملا يله ذات رسالتنه اغيلرينك بر عدالت مجسمه اولديغى صوك نفسنده يله بتون انحاب وامتنه كوسترديلر . بوو كى خصائل بر كزیده لريله ذات رسالتنه هيلرينه الى الابد قلوب امتده ناقابل زوال بر محبت ، صاف ، صميمى هر درلو ريادن عارى بر محبت براقديلر . كنديلرندن صوكر او مقام مقدسه شرفياب سعادت اولان خلفاي راشدين حضراي ده سواثر على رسول كبريابه حرفيا اقتفا ايتديلر . بو صورته ظلام جهات اچنده پويان اولان ، زخچير اسارت آتنده ايكلهين بتون اقوامه انسانيت ، مدنيت ، حریت ، مساوات ، عدالت ، رفاه و سعادت نهديمك اولديغى ارأه بيورديلر .

ايشته حضرت پيغمبر افند مزك وضع ايتديكي شومتين اساسلرله روى زمينده مثلى كورولمه مش بر حكومت و ضلله تأسيس ايتدى بو خمس باهان حقيقت ، خلفاي راشدينك مساعى جديده و اقدامات متواليه لريله بتون اقطار جهات سعته باش عدالت اولدى . آز زمان طرفنده بو زمينونى متجاوز منحصر حریت ، مشتاق عدالت ، مقتون مساوات بچاره لرلى مستغرق انوار سعادت ايلدى .

اولیه بر حکومت فاضله که زیر حمایه سینه، زیر جناح رافته التجا ایدن بتون اقوام، مسلم، غیر مسلم، عیسوی، موسوی... بتون افراد بشر حقوقده مساوی ایدی. نظر شرعده بر عیسوینک، یا خود بر موسوینک حق خلیفه نك حائر اولدینی حقوق قدر مجبل، محترم ایدی.

اونه عدالت، اونه حریت، اونه مساوات ایدی!.. بر موسوی کلیور، بر خلیفه ایله محاکمه اولور. بری اوطورورسه دیکری آیاق اوزری طورماز. بری اسمیله یاد اولنورسه دیکری کینه سیله، عنوانیله چاغریلماز.

بونلر هب مسلم حقایق. ایشته تاریخ، تاریخ انسانیت!.. ایشته آثار، آثار اسلامیت!.. تتبع ایدیکنز، تدقیق ایلکنز! ذره قدر بر مساواتسزک، ذره قدر بر عدالتسزک، ذره قدر بر استبداد نشانه سی کورمک ممکنمی؟ اسلامک جنس و مذهب، دین و ملت تفریق ایتیه رک هر کسی بر طوطدیغنه، هر کسک حریت شخصیسه سنی و بتون حقوق مشروعیه سنی تمامیه بخش ایلدیکنه دلیل می ایسترسکنز؟

ایشته سزه بر محاکمه مشهوره! اولیه بر محاکمه که حضرت علی مدعی علیه، بر موسوی مدعی. قاضی شریح حضورنده ایکسی ده محاکمه اولور. حضرت حسن باباسنک لهنه شهادته کلیور. حاکم رد ایدیور. حضرت علی قبول ایدر، هیچ بر اثر اغبرار کوسترمیور. حاکم، موسوی بی اسمیله چاغیرر، حضرت علی بی: — یا ابا الحسن!.. دیه کینه سیله یاد ایدر. حضرت خلیفه ایشته بوکا حدت ایدر. بونده بر شمه عدم مساوات حس ایدر. بویله ایدی او حکومت فاضله.. بویله ایدی او حکومتک ازکانی.. بویله ایدی او حکومت افرادینک مظهر اولدینی عدالت، مساوات، حریت..

بو اولیه متحقق بر حقیقت در که بوکون کره ارضک هر طرفنده بولونان بتون اقوام متمدنه بونی تسلیم و اعتراف ایتمک مجبوریتنده در.

ایشته کورولور که اصول مشورت، مساوات، حریت، عدالت کبی انسانیت و مدینتک اس الاسانی تشکیل ایدن ارکان بوندن بیک اوچوز سنه اول طرف آلمیدن مسلمانلره و بتون انسانلره بخش اولومش بر حق مشروعدر. بو حق بزده مجرد جناب حکیم متعال ویرمشدر. هیچ کیمسه نك بو حق ویرمش اولمق ادعاسنده بولومغه صلاحیتی یوقدر، فقط و اسفا که خلفای راشدیندن صوکر

احكام سياسيه دينيه باشقه قابلبره دو كولدې ، مقام خلافته كان ذوات منافع ذاتيه لرېني دوشونديلر. اغراض نفسانيه لرېنه رام اولديلر، بومتصدلرېني تامين اوغورنده جناب حكيم مطلقك امت اسلاميه وبتون انسانلره برلطف واجب الشكراني اولان بو حقوق ، بو حریت ، بومساوات ، بوعدالتی غضب ایتدیلر. علی الاطلاق (اولی الامرہ اطاعت فرضدر) دیهرك بو اطاعتك نه کبی شرطلره مشروط اولدیغنی قطعياً نظر اعتباره آلمدیلر. رکن رصین اسلامیتی بالکلیه اساسندن چیقاردیلر. دها صوکرآ کللرده براسوه سیئه اولدیلر. احوال صدر اسلامه واحكام شرع مینه وقوفی اولمیان برطاقم جهلانك عقیدهسنی [اسلامیت مانع ترقی در] دیه افساد ایتدیلر. شوفکر باطلک روزجلوس میمنت مأنوس حضرت تاجداریلرینه قدر بتون اقطارجهانده حکمفرما اولسنه سبب اولمشدر .

جناب حق بو دین مینك حامی حقیقیسی اولدیغنی والی الابد شریعت غرای محمدیهك احكام حریت بخشاسنی حفظ وصیاتی وعد بیوردینی جهته پادشاهمز اقدمز حضرتلری مقام خلافت کبرایه کلیرکمز من طرف الله مکلف بیوردقلری وظیفه خلافتی ایفا اتمک مقصد عالیسه اصول مشورتی میدانه قویدیلر ، قانون اساسی اعلان ایتدیلر .

فقط بعض خونه دین وملتک تسویلات والقاآب ملعتکارانه سیله بوقانون منیفك احكام مندرجهسنی موقع تطبیقه وضع اتمه بوموق اوله مدیلر. له الحمد والمه بوکون اوکبی موانع باطله بوستون برطرف ومندفع اولدیغندن ذات هایونلری اوقانون منیفك ارتق موقع تطبیقه وضعی زمانی کلدیکنی درك بیوردرق من طرف الله عهدۀ شاهانه لرینه ترتبایدن بر وظیفه مقدسه نی ایفایه تشبث ایلدیلر. وبوسبله بتون عالم اسلامیت وانسانیتی کندینه مجبور سکران قیلدیلر . جناب حق ذات هایونلرېنی توفیقات صمدانیه سنه مظهریتله کامین وکامران ، ملت اسلامیه وامت عثمانیه نی بویله نعمت حریته نائلیتله هر آن شاد وخندان بیورسون آمین .

حریت - مساوات

جناب حقك عون صمدانیسی واحرار امتك سنه لردنبری بذل مساعیسی واردومزك شان عسكری یه بحق لایق اوله حق والی الابد قلوب امتده ناقابل زوال برحس متداری وکمال احترامکاری ایله یرطوته حق وتاریخ عثمانیزك اك شانلی صحیفه لرینی تزیین ایده جك غیرت قهرمانانه وحیت دیندارانسی سایه سنده زنجیر اسارتدن تخلص کریبان ایتك . برات حریت وبرهان مساواتمز اولان قانون اساسیمی استرداد ایلدك . وبونك بتون مواد مندرجه سی احكامنه حرفیاً رعایت ایده جكمزه جمله مز یمین ایتك .

فقط مملکت مزده علوم ومعارف هنوز لایق اولدیغی وجهله انتشار اتمه مش وایدنلر میاننده ده مع التأسف سوء اخلاق ظهوره گلش اولدیغندن بوقانون منیفك احكامنه رعایت خصوصنده دوچار حیرت اولدق .

قانون اساسی ندر ؟ بونك حاوی اولدیغی احكام و بزه بخش ایتدیگی حقوق حریت ومساوات نهدن عبارتدر ؛ اکثر اهلیمز بونلردن غافل ، برقمی ده متغافل اولدیغی و بناءً علیه بویوزدن :

— حریت وار ، مساوات وار . . .

دیبه شوگونلرده قانون مذکور ایله اصلامناسبتی اولمایان شایان تأسف بعض احوال غیر لایقه وقوعه گیلکده بولوندیغی جهتله بوبابده بروجه آتی بعض مطالعات سردینه مجبور اولدم .

— ۱ —

حریت

حریت مطلقه وار میردر ؟

اولا « حریت » دن بحث ایدم : [حریت] آزاده لك ، آزاده اولمق معناسنهدر . اما هر قیددن آزاده اولمق معناسنه دكل . چونكه حریت مطلقه ، یعنی هر قیددن آزاده اولمق کینتی ، دنیانك هیچ بریرنده ، حتی سلسله کائناتك هیچ برنده یوقدر . سر تکلیف بتون کائناتنه ساری در . بتون عوامده کی نظام وانتظام آنحق سر تکلیفك هر شیئه سربانی سایه سننده ساحه آرای وجود اولمشدر .

اگر مرتکب اولمسه‌یدی کائنات تشکل اتمز، هیچ برشی وجوده گز، عوانده مشاهده ایتدیلمز شویدایع اصلا ظهور اتمزدی. از جمله بر محرك ازینک مرتجریکی، مبدأ عالمه حرکته تکلیفی اولمسه‌یدی؛ اساساً اصل ومبدأ کائنات اولان اجزای فرده وجوده گزدی. چونکه تحریک اولمانجه حرکت، حرکت اولمانجه اجزای فرده‌نک وجودی متصور دکادر. زیرا بونلر یکدیگرینه لازم ولمزودر. ملزومک لازمندن انفکاک ایسه غیرقابل در.

کذا بردافعک دفعی، بر جاذبک جذبی تکلیفی اولمسه‌یدی بتون قوانک مرجع اصلیمی اولان حرکت وجوده گیه چکی کی، شوقضای نامتاهینی دوندوران اجزای فرده‌دن حریت افزای عمول اولان شواجرام بدیع لانتظام دخی حصول پذیر اولمازدی.

کذا الکتریک، ضیا، حرارت وسائره کبی قوای طبیعه‌نک بتون مکونات اوزرنده اجرای تأثیراتی اولمسه وآنلرنده بوتأثیرانه قارشی برانقیاد طبیعی بولماسه‌یدی عوانده عدلیری عد واحصادن افزون اجناس وانواع مخلوقات ظهور ایتد مزدی.

کذا اجسام عضویه‌دن بر جسمک هر برعضوی برنوع وظینه اید مکلف اولمسه وواعضو مکلف اولدیغی وظیفه‌ینی ایفایه مجبور بولوماسه‌یدی عالمده «اجسام عضویه» دنیان مخلوقاتدن اثر بیله بولومازدی.

کذا هر نوع بقای اچون کندی مقتضای طبیعی اولان اوامر و حکامه اونوعک افرادی انقیاد اتمیوبده خلافه حرکت ایتسه لردی انواع مخلوقاتدن هیچ برنوع کندی بقای موجودینی محافظه ایدمیه جک ودر حال معروض انقراض اولوب کیده جکدی.

مثلا: آکل النبات اولان حیوانات مقتضای طبیعتیری اوله‌رق کندی بقای بوعلیری اچون یالکتر نبات ایدله غدیه به مأمور و لحم ایدله تغذیدن ممنوع اولدیغی کی، آکل اللحم اولان حیواناتده کندی مقتضای طبیعتیری اوله‌رق بونک خلافه محکومدر. مناه علیه اگر بونلر کندی طبیعت نوعیه برسد شو امر لردیه، شو حکم لردیه انقیاد اتمیوبده آکل النبات اولمق اوزره یارادلمش اولان حیوانات لحم ایدله و آکل اللحم اولمق اوزره یارادلمش حیواناتده نبات ایدله اعدی بولمینه سولک ایتسه لردی برمدت قبله طرفده بوجس حیوانلرک نحو اوله‌جی ندی مخلوقات سائرده دخی حال بویله در.

ایشته کورولیورکه حیوانانده، جماداتده وحق ذراتده بیله حریت مطلقه یوقدر. هرشی برچوق قیود ایله مقید و برچوق احکام ایله مکلف در. هر مخلوق همه حال کندی فوقدر بر امرک امرینه، بر مؤثرک تأثیرینه تابع در. و بوده بر امر طبیعی و بر امر جلی در. (وان من شیء الا یسبح بحمده) نظم جلیلی کبی بجه آیات بینات ایله دخی بودقایقه اشارت بیورلمشدر.

بناء علیه زبده کائنات و خلاصه موجودات اولان انسانده حریت مطلقه نك اوله مایه جنی اولی بالطریق در. نته کیم «انسان ظن ایدرمی که باشی بوش اوله رق بر اقلمشدر؟» مألده اولان (أحسب الانسان ان یترک سدی) آیت کریمه سرده ایشته شو حقیقی بیان صد دنده شرف نازل اولمشدر.

انسانده حریت مطلقه نصل اوله بیلیر وانسان نصل «باشی بوش بر اقلمشدر» دینه بیلیر که انسان حیات جسمانیه سنی محافظه ایچون برچوق قوای طبیعی نك تحت حکمنده بولومتق و برچوق قوانین خلقتک تأثیراتیه مقید اولمق خصوصنده حیوانات سائرده ایله همحال اولدقن ماعدا، فطره اعتدال مزاجی و طبعاً مدنی اولسی جهتیله حیوانات سائرده کبی اغذیه بسیطه و البسه و مساکن طبیعیه ایله اکتفا ایدمه چکندن اغذیه و البسه و مسکننی تدارک خصوصنده برچوق امور صناعیه به محتاج در. بوا مور صناعیه نك حصولی ایسه بین البشر تعاون و اشتراک حصوله وابسته در. چونکه هیچ کیمسه کندینه لازم اولان هر شیئی یالکیز باشه یا پیغمه مقتدر دکادر. بونکه برابر انسانده قوای بهیمیه قوای ملکیه به غالب اولدیغندن و بوجهته علی الاطلاق جاب منفعت و دفع مضرت داعیه سی هر کسده بر امر جلی بولوندیغندن ینلرنده عدل و نظامک خاللدن محفوظ قالسی ایچون بتون افراد بشر یکدیگرینه تعاون و اشتراک خصوصلرنده بر طاقم قوانین موضوعه احکامنه دخی انقیاد مجبوریتسده در. و بوجبوریت، دنیانک هر طرفسده حکم فرمادر. شو قدر که بوقانونلر هر رده عین درجه ده، عین مألده اولمایوب هر مملکتک، هر اقلیمک مزاجنه، عرف و عادتیه، قواعد مذهبییه سنه کوره تنظیم ایدلشدر. بوندن باشقه انسان شو جسم صغیریه برابر بر نسجه کبری اولمق و او جسم صغیر لطیفه برده هیچ بر نوع حیوانانده اولمایان بر روح علوی منضم بولومتق حسیله جسمانی احتیاجاتی تدارک ایچون بر طاقم قوانین طبیعیه و موضوعیه انقیاده مجبور اولدیغنی کبی، روحانی احتیاجاتی تدارک ایچون برچوق قوانین شرعییه احکامنه انقیاد ایله ده مکلف در.

شوالده قرآن معجز بیائزک دنیاہ متعلق احکام سیاسیہ سنت بعض قسامی
بیاندن باشقہ برشی اولمیان قانون اساسیمزک بزہ بخش ایتدیکی حریتدن مقصد ،
بوندن اول تحت قهر و استبدادندہ ازیلدیکمز غیرمعقول وغیرم شروع برطاقم
قیود باطله دن آزاده بر حریت درکه اوده قوانین موضوعه وقواعد دینیه من
وعادات ملیه من دائرہ مندرک سربستانه حرکتدن عبارت در .

صریق تقیید ابدہ شیلر :

بوندن اولکی مقاله مزده قانون اساسیمزک بزہ بخش ایتدیکی حریتک قوانین
موضوعه ، قواعد مذہبیه وعادات ملیه مزایاہ مقید ازلمسی لازم کله جکنی اجمالاً
کوسترمش ایدک . شمدی بو قیود نلته نک فوائدی بر ازدها ایضاح ایتمک ایستوروز .

(۱) قوانین موضوعه عارده :

اوت ، انسان حر اولقله برابر بولندیفی مملکتک قوانین موضوعه سی احکامه
اتباعه مجبوردر . وبو اتباع لوازم انسانیہ و ضرورات مدنیہ دندر . زیرا مادامکہ
انسان مدنی الطبع اولوب بر هیئت اجتماعیہ ایله یشامق مجبوریتنددر ؛ شو حالده
هیئت اجتماعیہ تشکیل ایدن هر فردک دائماً او هیئتہ عائد منافع عمومیہ به خادم
اولمی ، حتی کندی منافع شخصیہ سی بیله او منافع عمومیہ ضمیمه کوزتمی
وبو هیئت اجتماعیہ نک منافعہ متعلق هر تکلیفه انقیاد اتمی و هر فعل وقولندہ
و بتون اطوار و حرکاتندہ منافع عمومیہ بی اخلاص صولک درجه بوق اتمی
ولدی الایجاب کندی منفعت شخصیہ سی منفعت عمومیہ نک حصوله فدا اتمی
لازمدر . چونکہ اگر بویله اولیوبده هر کس دائماً مجرد کندی منافع شخصیہ سی
نظر اعتباره آیر و بو مقصدک حصولی اخون هر خصوصده ایتدیکی کی سربست
فالبر ایسه فطرت بشریہ ده هوسات حیوانیہ غالب و بوسیلله هر شخص کندی
نفسنه ، کندی طبیعتنه ، کندی آرزوسنه موافق اولانی حلیه ، اولسانی دفعه
طالب بولندیغندن هر شخصک هر نه صورته اولورسه اولسون مجرد کندی
منافعنی تأمین و تحصیل اخون غیرک حقوقه تجاوزدن اجتناب و هیئت اجتماعیہ نک
مدار قوامی اولان تکلیفه انقیاد اتمه حکمی و بو صورته منافع عمومیہ نک مختل

اولسنه سیبیت ویره جکی و بالآخره منسوب اولدیغی هیئت اجتماعیه نك شیرازۀ انتظامنی خللدار ایله جکی امور بدیهه دندر .

شوحالده حیات اجتماعیه نك عدالت و حقانیت دائره سینده جریاننه شدتیه نروم واردر . برهیئت اجتماعیه عدالت و حقانیتی کوسترده جک شی ایسه آنجق قانوندر . زیرا عقول بشر متفاوت اولدیغندن ، یعنی هر کسک عقلی و درایتی برسویده بولمیدیغندن ، برقانون عدالت اولمقسنن هر خصوصده حق باطلدن تفریق و تمیز ایتمک هر کسک کاری دکلددر .

بونک ایچون درکه خلقت آدم نبری هر زرده بر جمعیت بشریه تشکل ایتمش ایسه او جمعیت طرفندن اوراده کندی حیات اجتماعیه لرنی محافظه یه کافل بر قانونک وجودیه احتیاج حس اولنه رق کندی احتیاج لری نسبتنده برقانون وضعنه و او قانونک احکامنه اتباعه مجبوریت حاصل اولمش و بواصول دنیانک هر یرنده جاری اوله کلشدر .

(۲) قواعد دینیہ :

هر قوم کندی حیات اجتماعیه وسلامت قومیه لری ایچون بویله بر طاقم قوانین موضوعه احکامیه مقید و مکلف اولدقلری کبی ینه عین حکامته بناء برحقوق قواعد مذهبییه احکامیه دخی مقید و مکلف در . بوده برامضرووری در ، زیرا انسان روح ایله بدنن مرکب در . حالوکه بدن فانی ، روح ایسه باقی در . بو عالم فانیده ابدان فانیه نك اسباب حیات وسعادتی کوسترده جک ، بیلدیره جک بر طاقم قوانین موضوعه احکامیه مقید اولمق لازم کلنجه عالم باقیده ارواح باقیه نك سعادت و رفاهیتی بوللرنی بیلدیره جک و حتی بو دنیاده بیاه محتاج اولوبده عقول فاصره منزله ادراک ایدمیه جکمنر نیجه حقایق بزده کوسترده جک بر طاقم قواعد دینییه احکامیه مکلف اولمق لازم کله جکی اولویتده قالیر .

قواعد مذهبییه ، قوانین شرعییه دیمک در . بوده بر اطفاله سبحانی اوله رق انسانلرک دنیوی و اخروی ، صوری و معنوی اسباب سعادت لرنی تعیین و تامین ایتمک اوزره طرف الهیدن بر نبی واسطاسیله انسانلره تبلیغ اولنان احکامدر . بو احکام ، اعتقاد ، اعمال ، و اخلاقه متعلق اولوب بو احکامه رعایت ایدنلرک اقصای مراتب سعادتیه تعالی ایده جکلری و ایتمنلرک درکه سفلائی مذلته دوشه . جکلری شهه سزدر .

بالخاصہ شریعتمزد، جہتینی، یعنی احکام دنیویہ و اخرویہ بی جامع اولدینی و اکثر قوانین موضوعہ من و علی الخصوص قانون مدنی، احکام حقوقیہ من منحصرأ قوانین شرعیہ دن مقتبس بولندینی جہتہ بزم قواعد دینہ احکامیہ مقید اولہ من کندی حیات اجتماعیہ و منافع ملیہ من اقتضاسندن بولندینی بیانہ حاجت یوقدر.

نمبر نواہ:

بو قواعد جملہ سندن بری ده تستر نسوان مسئلہ سیدر. قانون اساسیمزك اعلان اولتمسی اوزرینہ بعض یرلرده بو مسئلہ یہ رعایت ایدیلہ مکہ باشلانلدینی مع التأسف کورولمکده و بو یوزدن معاذہ بین المسلمین بر فتنہ عظیمہ نك ظہوری قوہ قریبہ کلدیکی ایشیدیمکده در. بوہ طیبی بر شی در. چونکہ یوزلرجه ملیون مسلمانلرک جانلرندن دها عزیز، روحلرندن دها مقدس بیلدکاری بر دین عالینک احکامندن بر حکم شرعی یہ قارشی مسلمان عنوانی آلتده بولنان بعض کسه لر طرفندن بو کبی مبالاتسزلق کوسترلک وحتی بونی تحقیرہ قدر واردیرمق. بتون اہالی مسلمانک حقوق مقدسہ لرینہ تجاوز دیمک اولغلہ بویہ معاسز بر ایشن، بر ہیچدن طولانی دینانک هر طرفده بولنان کافہ اهل اسلامک حسیات دینہ لر ی علیانہ گلہ چکی بدیہات امور سندر.

بونکہ برابر بعض مسلمانلرک بویلد بر حال ناروایہ جرات اتملری هر درلو سعادت دنیویہ مزہ حجت بیلدیکمز و محافظہ سنہ یمین ایتدیکمز قانون اساسی احکامده منافی اولدیغندن حکومتمزک بو باده تدابیر مؤثرده توسل اتمسی لازمدر. زیرا قانون اساسینک دردنجی واون برنجی مادہ لر ی حکمنجہ دولت عثمانیہ نك دینی، دین اسلام در؛ و ذات حضرت پادشاهی حسب الاحتمالہ دین اسلامک حامیی در. بودولتک دینی دین اسلام اولوب ذات حضرت پادشاهی ده بودینک حامیی و لئجہ تبعہ دولت علیہ دن بولنان هر مسلمان بو دین عالینک بتون احکامہ رعیتہ مجبور اولدینی کبی، عکس تقدیرده قوہ اجرائیہ دیمک اولان حکومتمز دخی او ملکو کیسہ لر حقدہ تدابیر زجریه اتحادینہ مجبوردر. زیرا بو دولت علیہ نك تابعیتی حائر اولان بر مسلمانک احکام دیندن بر حکمہ رعایت اتمسی و او حکمی تحقیرہ قدر وارسی قانون اساسیمزک سو لکی مادہ مهمہ سی احکامیہ

قابل تألیف اوله‌میه جفندن بو کبی کیمسه‌لری حلومنزک تأدیب و تربیه‌یه
مجبوریتی کندیسنه تعلق ایدن وظائف مهمه جمله‌سندن در .

شریعت غم‌رای احمدیده امر اولنان شیلرک کافه‌سی نافع اولدیغی کبی ،
هی اولنان شیلرک جمله‌سی دخی مضر در . بوکون بو حقیقت بتون عقلا
و حکمانک تحت تصدیقتده در .

ایشته شریعت‌مزرده امر اولنان شیلردن بری ده مخدرات اسلامیه‌نک کندیلرینه
محرم اولمان کیمسه‌لردن تستر ایتلمزیدرکه اوده صاحب‌لری دخی داخل اولدیغی
حالده وجودلرینی زینت‌دن عاری برشی‌ایله ، جالب شهوت اولیه‌جق برلباس‌ایله
اورتمکدن عبارتدر .

شیمی بو حکم شرعی‌نک موافق حکمت و مصلحت اولوب اولدیغی محاکمه
ایده‌م : بز دیورزکه شریعت‌نک احکام سائرده‌سی کبی بو حکم منیف دخی موافق
حکمت و مصلحت در ، لوازم انسانیه و ضرورات مدنیه جمله‌سندن در . بوده
وجوه عدیده ایله ثابتدر :

اولا : قادینلر طبعاً نازک و تعرضکاء رجال اولدقلرندن آنلر حقیقتده اغیاردن
تستر کندیلری ایچون بیوک بر نعمت ، بیوک بر اثر شفقتدر . چونکه بتون تجملاتی
ایله بر قادینک باخصوص کنج و کوزل بر قادینک اغیار و اجانبک انظار شهوتنه
عرض اندام ایتسی و علی‌الخصوص بتون قوای شهوانیه‌نک ابدان بشریه اوزرنده
کمال دهشت و شدت‌ایله اجرای احکام ایتدیگی بویله بر زمانده از ککلرله ، عمده
کندیسی ایله مناسب غیر مشروعه‌ده بولتمق آرزوسنه صوگ درجه مغلوب و مهمت
اولان از ککلر ایله مصاحبنده بولتمسی آنک قیمت نسوانیه‌سنی تمقصدن باستقه
هیچ برشیتی منتج دکل در . بونک بویله اولدیغی تفصیلاً بیانه حاجت یوقدر .
چونکه بو اوقدر بدیهی ، اوقدر جلی بر حقیقتدرکه بونی انکار ، عادتاً « ایکی کره
ایکی درت ایدر . » حقیقتی انکار منزله‌سنده در .

ثانیاً : معلومدرکه بر عائله‌نک تأمین سعادتق ایکی نوع وظائف مهمه‌یه
مربوطدر . بولردن بری وظائف بیتییه ، دیگری وظائف خارجه‌یه در . بویکی
نوع وظائفی یالکز زوجه ایفا ایده‌میه‌جکی کبی ، یالکز زوج دخی ایفا ایده‌مز .
سو حالده بو وظیفه‌لری تقسیم ایتک اقتضا ایدر . وظائف بیتییه‌ی زوجه‌یه ،
وظائف خارجه‌یه‌ی ده زوجه تحمل لازم‌کلیر . بونک عکسی اولماز . زیرا قادینلرک

خلقت اصلیه لرنده کی نزاکت و ظرافت اقتضاسنجه آنلرک برطاقم افعال شاقه دن عبارت اولان امور خارجه ایه اشتغاللری موافق حکمت و مصاحبت اوله میهنی کی، ارککلرک امور بیتیه ایه اشتغاله حصر وجود ایتلری ده هیچ بر عقل سلیم تجویز ایدمز. چونکه بو عادتا قانون طبیعتی تبدیلیه، قادیئلری ارکک، ارککلری قادین باقمه قالدشمق دیمک اولوب بونک بطلاننده ایسه هیچ کیسه تردد ایتمز.

برده قادیئلرک غایه خلقتلری، مجرد آنلرک دنیایه چوجق کتیرمک و او چوجقلری بر مدت تربیه ایتمکدن عبارت در. بناءً علیه اگر قادیئلر امور خارجه ایه اشتغاله حصر وجود ایدجک اولورلر ایسه خلقت نسوانه ترتب ایدجک اولان شو حکمت مهمه و مصاحبت عظیمه نک فوت اوله جنی و بو حال بالاخره نسل بشرک دنیادن انقطاعنه سببیت ویردجکی شهه سزدر.

مادامکه قادیئلرک عهد لربنه ترتب ایدن وظائف صرف امور بیتیه تی تسویه دن و دنیایه کتیر دکاری چوجقلری تربیه دن عبارت در؛ شو حالده آنلرک بتون زینتلری طاقه رق آچیق صاحبق اولدقلری حالده کندی قیمت نسوانیه لری خلددار ایدجک اولان محللره کیتلرینه و بتون تجملاتلریه برطاقم شهوتپرستان رجالک اجتماعکاهی اولان محللرده بولملرینه هیچ بر فائده ترتب ایدمز. بالعکس وظیفه مکلفه لری مختل اوله رق آنلرک بو حرکتدن تلافیسی غیر قبل بر چوق مضرتلر حصوله کلیر. نهایت سعادت عائله بالکلیه محو اولور.

برعائله نک بلا مزاحم اوج کاله یوکسه یلمسی، زوج ابله زوج نک یکدیگرینه سئله ارتباطنه منوطدر. بو شدت ارتباط ایسه آنلرک بر برینه صوک درجه محبتیه فاهمدر. چونکه زوجین بینده محبتدن بشقه بر مدار ارتباط یوقدر. زیرا اساساً بونلر یکدیگرینه اجنیدر. ایکی اجنیتی بر برینه ربط ایدن، هر ایکسنک نقطه آمانی توحید ایلین تی محبتدن باشقه بر تی اوله میهنی بدیدر. حالوکه بو محبت بقا و دوامی، زوجینک عفت و عصمتلری صوک درجه حفظ و صیانتلریه وابسته در. بونلرک کندی عفت و عصمتلری صوک درجه حفظ و صیانتلری ایسه مهمه حال قادیئلرک مستوره اولملرینه متوقمدر. چونکه انسانلرده و علی العموم حیوانلرده حسن رقابت و غیرت بر امر جلی در. اگر بر قادین غیر مستوره اوله رق راست کادیکی ارککه کور و سگده، قوس و قمر، حتی استدیکی راز کی کندی خانه سه

قبول ایتمکده و آرزو ایتدیکی مجالس و محافل رجالده بولونمقده سربست قالیرسه زوجندن دهها ظریف ، دهها لطیف ارککلره طبعی و غیر اختیاری اوله رق کندیسند بزمیل و محبت حاصل اوله جنی وبلا آخره زوجنی تعریفی ناقابل بر عذاب وجدانی یه دوچار ایده چکی وبوصورله زوجله کندی بینده کی رابطه محبتی ، سعادت عائله یی اساستدن محو ایله چکی درکاردر .

بو محذور زوج حقتده دخی جاری در . چونکه بتون قادینلر غیر مستور اولورسه برزوج زوجه سندن دهها کوزل ، دهها کنج برقادین کوردیکی زمان اوقادینه میل اتمه مک ، بتون قلیله آکا منجذب اولماق آنک ید اقدارنده دکدر . بو ایسه هم کندیله زوجهی بینده کی رابطه محبتی ، همده اومنجذب اولدینی قادینه او قادینک زوجی بینده کی ارتباطی کلیاً ازاله ایده چکی وشو حالده هر ایکی عائله نك سعادتتی محو ایله چکی شبه سزدر . نه کیم بونجی احوال شیعه نك امثال عیدیه سی کورلمکده در .

ایشته بوکی حکمتلره بناءً شریعت محمدیه قادینلره تستری امر ایتمدر . مع هذا برقادین مستوره اولمقله هیچ برحق مشروعنی ضایع اتمز . برارکک نه کی حقه مالک ایسه برقادین ده عین حقه مالک در . مثلاً برارکک کنسیدی مالنده ایستدیکی کی تصرف ایدر ، برقادین ده اوله در . برارکک سعادت عائله متعلق مکلف اولدینی وظائفی اخلال اتمه مت شرطیله ناموس وعفت دائره سنده اذواق مدینه دن حصه یاب اولور ، برقادین ده اوله در . ازجهه برارکک وظیفه اصلیه سنی ایفا ایله برابر اختلاس وقت ایتدیجه تفرج ایچون برمسیره کیدر . اوراده هم جنسیله بر بر مصاحبت ایدر . متاعب مویشمله بیتاب فالان بینی دیکلندیرر . صوکر ایته وظیفه مکلفه سه مباشرت ایدر . برارکک لدی الاحباب بر اجتماعه رجاله کیدر . اوراده ویریلن ، قونفرانسلره اشترک ایدر . قادینلره کندیله نه مخصوص بر ادب ، برتریه دائره سنده کندیله نه مخصوص مسیره لره کیده . بیلیرلر . کندیله دن جمعیتلر تشکیل ایدرک بر برلرینه قونفرانسلر ویره . بیلیرلر . شریعتنر بوکی سبلره احلامانع اولماز . کذلک قادینلر مستوره اولمقله مائتر مدینه دن محروم اولمازلر : غایوم و معارفله زینن ذات وصفات ایدرلر ، چونکه بشیکدن حده قدر تحصیل علومی امرایدن شریعت محمدیه قادینلری بوا مردن استننا اتمه مشدر . تحصیل علومی رجال ونسایه فرض قلمشدز .

شو قدر کہ تحصیل علومہ محل ارلان مکاتبہ دوام خصوصندہ قادینلر وار ککلر آراستہ براز فرق واردر. ار ککلر ابتدائی، رشدی واعدادی مکتبلرندہ تحصیل ایتدکن صو کرا بونلرک جملہ سنک فوقندہ اولان مکاتب عالیہدہ، دارالفنونلرندہ تحصیلدخی مجبوردرلر. بوجبوریت عمومی دکلسدہدہ برقم رجال حقندہ ضروری در. حالبوکہ قادینلر بوناہ دکلدر. چونکہ - بوندن اولکی مقالہ مزده ذکر ایتدیکنمز وجملہ - قادینلرک خلقتندہ کی حکمت انلرک برار ککلہ ازدواج ایدرک دنیاہ چوجق کتیرمک و صو کرہ اوچوچقلری تربیہ وامور بیتہی تسیوہ ایتدکن عبارتدر. قادینلرک بووظائف بحق ایفا ایددیلر ایسہ اولہ سنہ لرحہ مکاتب عالیہدہ دواملرینی اسلزام ایتمز، چونکہ بووظائف اوکرتمک ایچون ابتدائی، رشدی واعدادی مکتباری کفی در. آندن صو کرا برخانہ قیزک کندیہ مناسب برار ککلہ ازدواج اتمسی و بیہودہ یرہ زمان فوت ایتہسی ایجاب ایدر.

دیمک اولیورکہ اساساً تحصیل علوم قادینلرندہ لازمدر. چونکہ جملہ برقادین کرک امور بیتہی محور لایقندہ، کرک تربیہ اولادی اصول مشروعه وقواعد حفظالصحة دائرہسندہ ایفایہ منتدر دکلدر. فقط نوع بشرک بقاسنہ، نفوس انسانیک تکثیرنہ یکانا مدار اولان ازدواج مسئلہسی برقادینہ ترتب ایدن وظائفک اک برنجیسنی تشکیل ایتدیکندن ابتدائی، رشدی واعدادی تحصیلرینی کوردکن صو کرا بوکافناعات ایتیوبدہ ار ککلر کی دارالفنونلرندہ دوام ایددجک واورالردن مهندس، معمار وسائرہ اولہرق حیضہ چائشہجق اولورسہ خلقتنہ ترتب ایدن وظیفہی سوء استعمال ایتمش وبالآخرہ انسانیتہ اہانت ایلش اولہجفی شہہسزدر.

بز: قادینلر دارالفنونلرندہ اوقونان علوم وفنونی ہیچ اوقوماسونلر، دیمک استمیورز. چونکہ تحصیل علوم ایچون برحد، برغایت یوقدر. اک بیوک فضیلتدہ علم ومعرفتدر. فقط ار ککلر حستدہ بیلہ هرکسک آری آری اولہرق بتون علومی تحصیل اتمسی امکان خارجندهدر. بو؟ ممدن اولسہ بیلہ؛ موافق حکمت دکلدر. زیرا برملکتندہ هرکس علوم عالیہی تحصیلہ فالشہجق اولورسہ صنایع خسیسہیہ رغبت ایددجک کیمسہ فلماز وشو حالده او مملکتندہ عمراندن اثر بولنماز. بتون ار ککلر ایچون بیلہ علوم عالیہی تحصیل موافق حکمت

ومصلحت اولینجه بونک قادینلر ایچون موافق حکمت ومصلاحت اولیه جنی اولویتده قالیر . بناءً علیه برخام قیز کندی وظائف اصلیه سنه تعلق ایدن ابتدائی ، رشدی واعدادی تحصیللرینی اکیمال ایتدکنصکرده همان برار ککله ازدواجی لوازم مدنیه جمله سندن بولمغله بعدالازواج ارزوایدیسه اختلاس وقت ایتدکجه کندی خاناستده علوم عالییه بی ده تحصیل ایده بیلیر . بو ، فضله ، مبجل برمزیتدر . برقادین اکر قدرتی وارسه بونی ده اله ایده بیلیر . شریعتمز بوکا مانع اولماز ، بلکه تشویق ایدر . شریعت محمدیه قادینلر مزه صوگ درجه شفقت ومرحمت کوسترمش وآنلرک بتون حقوقی تحت تأمینه آلمشدر . بوندن باشقه برچوق امتیازات دخی بخش ایشدر . از جمله برارکک هم کندی نفقه سنی ، هم زوجه سنک وچو جقتلرینک بوتون محتاج اولدقلری شیئی تدارکک مجبوردر . حالبوکه برقادین بونلردن هیچ برینی تدارکک مجبور دکلدر . نفقه ، سکنی وسائره کبی شیلری تدارکک منحصرأ ارککلره تحمیل ایدیشدر . برقادینک قبلالازدواج بتون مصارفی باباسنه عأددر . باباسنی یوق ایسه فارداشنه عأددر . اوده یوق ایسه ، باباسندن ده کندیسنه برمال انتقال ایتمه مش ایسه بیت الماله لازمدر . بعدالازدواج دخی حکم بویلهدر . یعنی زوجه ، وفات ایتش ایسه ، مالی ده یوق ایسه باباسنه ، فارداشنه ، ذی رحم محرمنه ، بونلرکده مالی بولمغنی تقدیرده ینه بیت الماله عأددر .

ایشته کورویورکه شریعت محمدیه ده برقادین هیچ بروقت معیشت جهتنی دوسونمکه مجبور دکلدر . حتی برقادین تک پیشیره یه ، هاشیره ییقامه یه ، بعض شرائطک وجودی تقدیرده چوجغنی امریره یه بیله - حسبالدیانه مجبورسه ده - قضاء مجبور دکلدر . یعنی بونلری یا بق ایچون حاکمک جبرایتمه صلاحیتی یوقدر .

شیمدی انصاف ایده لم ، قادینلره بوقدر امتیازاتی شریعت محمدیه دن باشقه هانکی قانون ، هانکی شریعت بخش ایتشدر ؟ . بونک ایچوندرکه قادینلر مناقوام سائر نک قادینلری کبی تجارتیه وسائره یه سلوک مجبوریتده دکلدر . فی الواقع فاطمه علیه خاتم حضرتلرینک دیدیکی کبی قاعده تستره رعایت شرطیه بزدهده هر هانکی برقادین تجارت ایده بیلیر ، اخذ واعطا ایله بیلیر . بوکا برمانع یوقدر . نه کم بلاد اسلامیه نک اکثر یسنده بو حال مشاهد اولولمقددر . فقط بزم بخشمز اساساً بونلرک شوکبی معاملات ایله مشغول اولمیرنه شرعاً مجبوریتلری اولمغنی

سویلکدر . همدرد اولماملی در . چونکه قادیئلرک بویه از ککله مخصوص اولان وظئله مشغولتلی کندی وظائف اصلیه لرینی اخلاصه بادی اوله جفندن آنلرک بوکی شیر ایله اشتغالیری موافق حکمت و مصالحت دکادر .

بعض اعتراضه جواب :

بو سیرلوجه ایله (صراط مستقیم) رساله اشبوعیه منه مقاله یازمغه بزی مجبورایدن شیک ندن عبارت اولدیغی برنجی مقاله مزک مقدمه سنده بیان ایتمش ایدک . او مقدمه نی بوراده تکراره حاجت یوقدر . یالکیشونی علاوه ایدملکه او مقدمه مندج اولان مقاصد خالصانه مزدن بری ، بلکه ده برنجیسی هم شریعت احمدیه نیک امر یوردیغی تستر نسوان ، تعدد زوجات و طلاق کی مسئله لرینه قارشو اوتدنیرو آوروپا محافل ادبیه و فلسفیه سنده کوستریلن هجوملره و بو باده علم مزده ایدیلن مؤاخذه لره و حتی بو اوج مسئله دن طولانی برمسلمانلری بتون عالم مدینه قارشو « وحشی برقوم ، ظالم بر مات » دیه طابق اوزره صرف ایدیلن غیرت لره ، یازیلان سوزلره مدافعه ایتمک ؛ همده شو افکار سخیفه نی اسوه اتخاذ ایدوبده انلره پیرو اولمق استعدادند بولنان و قانون اساسیک اعلانی اوزرینه بو استعداد لرینی اظهاره یلته ن برصنف ، همده مهم بر صنف نسوان ورجانلری دائره انصافه دعوت ایتمک و بوکی حکم لره قادیئلریز و ملتیز حفته عین حکمت و عین رحمت اولدیغی کوستر مک ایدی . ته کیم سلسله مقالات اظرافیه تبع ایدیلر سه اک برنجی املمزک بوندن عبارت اولدیغی کندی کندینه تعین ایددجکی شبهه مزدر . ایسته حقیقت حال بوندن عبارت ایکن واسفاکه شو حسن نیتمزه واقف اولمان و مقالاتی دقله او قومیان بعض ذوات طرفندن دو جا اعتراض اولیورز .

اوچنجی مقاله مزده ارککلر کی قادیئلر مزده کندیلرینه مخصوص برادب و زریعه دائره سنده کندیلرینه مخصوص مسیره لره کیده یله جکلری و کندی بنارده جمعیت تشکیل ایدرک قونفرانس لر ویره یله جکلری یازمش ایدک . ایسته اصل معترض لرمزک اعتراض لری بو ایکی مسئله یه متوجه اولدیغی کورسوزر . حال بوکه بونده تلاش ایددجک ، فریادلر قوباره دجق هیچ برشی یوقدر . زیرا

اصلاً بویکی مسئلهی یازمقدن مقصدینز، بعض نسوان اسلامیه مزك وحتى بر
 چوق رجلزك نظر دقلرینی جلب ایتمك و بتون احكام دینه مزى آنلره سویدیرمه
 چاشمق ایدی. آنلره قارشودیمك ایسته دك كه : « نسوان اسلامیه ، سزك ظن
 ایتدیك كز كی ، اسیر دكادر . آنلرده حر در . آنلرك مستوره اولملرینی بر طاووغك
 كومه قیادلسنه تشبیه كز باطلدر . شریعتمز آنلرك بتون حقوق طبعیه و مشرور-
 عه سنی تحت تأمینہ آلمش و كندیلرینه مخصوص بر ادب و تربیه دأر ه سنده آنلرك ده
 اذواق مدینه دن ولذا دندنیو بدن حصه مند اولملرینه مانع اولمامشدر . قادنلر مزك
 اك زیاده آرزو ایتدكاری شی ار ككلر كی مسیره لره كیدوب كلك ربضاً جمعیتملر
 یاپدرق یكدیكرینه قارشونطقلر ایراد ایتمك ، مذا كر لدره بولتمق دكلی ؛ شریعتمز
 نسوان اسلامیه مزك بو كی حر كاتنه مانع اولمز . مسیره لره كیده ییلورلر ؛ فقط
 مسلمانانغه لایق بر ادب ، بر تربیه دأر ه سنده كیده ییلورلر . قونفرانس لر
 ویره ییلورلر ؛ فقط ینه اسلامیه مخصوص بر ادب ، بر تربیه دأر ه سنده . »

قادینلر یزك كرك مسیره لره كیده بیلملری و كرك كندی بینلرنده كندیلرینه
 مخصوص قونفرانس لر ویره بیلملری بویله ادب و تربیه ایله تقید اولندقدن انصر كره بونده
 فریاد ایدجك ، بر چوق فال و قیله میدان ویره جك سیك نادن عبارت اولدیغنی
 بر درلو آكلا یه مدق . زیرا كندیلرینه مخصوص ادب و تربیه دن متصد ، ادب دنی
 و تربیه ملیه مز اولدیغنی بیانه حاجت یوقدر . بر قادینك ادب دنی و تربیه ملیه مز
 داخلده بریره كیدوب كلسنده رفاقنده محارمندن بر كسه ك بولنمی داخل
 اولدیغنی بیانه حاجت وارمی ؛ زیرا بتون زمین سلسله مقالاتمز وسیق و سباق
 كلاممز بو كا صراحة دلالت ایتمكده در . مقصد بو اولدیغنی تقدیرده بونده نا محذور
 شرعی تصور اولنه ییلیر ؟

بینلرنده قونفرانس ویرملری مسئله سنه كلنجه : بونده ده تلاش ایدجك
 بر شی یوقدر . چونكه بوكله لغات اجنبیه دن اولوب بزده بونلرك مصابلی
 « مسامره ، مذا كره ، مصاحبه » دیمك اولایغنی سو مقاله لری مز لرله كندیمزه
 مخاطب اتحاد ایتدیكمز ذواتك معلوملریدر . حتی آنلرجه او قونفرانس كلیه سی
 « مسامره و مذا كره » كله لرندن ده ما نوسدر . ایسته بونك ایچون بز او مقاله ده
 « مسامره و مذا كره » یرنده « قونفرانس » كله سنی استعمال ایتمشدر . قادنلر-
 مزك كندیلرینه مخصوص بر محله طویلانوبده « مسامره » ایتلری یعنی مصاحبه ده

بولٹری، ادبی، دینی، حکمی، اخلاقی، اقتصادی و سائرہ کی مسائل حقدہ بخٹر ایٹری، بو یولدہ نطفر ویرملری و بوکی مسائلہ وقوفی اولیان قادینلری بویلمباحثات عالیہ دن خیردار ایٹلری شہہ یوق کہ موافق مصلحت و حکمتدر : بونک ممنوعیتہ دائر کتب دینیہ مزده برمسئلہ شرعیہ وار ایسہ میدانہ قونسون . بزده کورملدنه خطامزی تصحیح ایندم .

اگر بورادہ موضوع بخمزاولان مسامردیہ بزده « موسیقی » قیدی علاوہ ایڈیلورایسہ او حالده حکم بشقہ اشیر . مع هذا بو حکمدده قادینلری ایله ارککلر آرہ سنده برفرق واردرده ، دیلمنز . برمسامرہ موسیقیہ نک حکمی قادینلر حقدہ نہ ایسہ ارککلر حقدہ دخی اولیہ در . فقط بز اولگده اولیہ برقید ملاحظہ ایتمک وایدہ نیز . چونکہ بز بوکھی ادب و تربیہ ایله تقید ایتمک . بز ادب و تربیہ دن مقصدیمزادب دینی و تربیہ ملیہ اولدیغی ده یوقاروده سوبلدک . بورادہ مقصدیمزادب دینی و تربیہ ملی اولوب باشقہ برشی اولدیغنه برقرینده « شریعتمز بوکی شیلرہ اصلامانغ اولماز » سوزمزد . زیرا شریعتمزک اصلامانغ اولیہ جفی مسامردن مقصد کندیسنده لهویاتدن برشی بولنمیان مسامره اولدیغی بدیہیدر . بر مؤمنک سوزینی محمل صحیحنه حمل ایتمک ممکن ایکن بویله سوء تفسیرہ اوغرادوبده یار و اغیاره قارشو بویله نازک بز زمانده بر چوق سنه لردنبری موجودیتیزی تحت تضییقتده ازن ، محواتمک درجه لرینه کترین بریوکن ، استبداد یوکندن تخلیص کریبان ایدرک کنیش بر نفس آلمق ایستدیگمز ، دها بر چوق پایله جق شیلرمزی هپ ال بر لکیله کال استراحت و سکونتله پامق ایجون اولیای امورک ارباب عقول سلیمه دن معاونت بکلدیکی بویله بز زمانده خلق دغدغه یه دوشورمک ، خواص و عوامی هیجانه کتیرمک و بالاخره کندمزی حقسز هجوملره دوچارایله : « خواجه لرینه بر لرلیه اوغراشمغه باشلا دیلر » دیدتیرمک صد هزارشایان تأسف احوالند .

نعد زرهات :

شریعتمزک امر ایتمدیکی و استر نسوان مسئله سی کی معترضلریتمک اعتراضات تدبیرسنه هدف اولدیغی مسئله لردن ایکنجی و اوچنجیسی ده تعدد زوجات ایله

طلاق مسئله لریدر. اولاً تعدد زوجات مسئله سنه عطف نظر ایدم. معلومدرکه ازدواجده ایکی بیوک مقصد واردر: بری «تناسل»، دیکری «محافظة عفت» در. ایشته بویکی مقصد بناء ازدواج مشروع اولمشدر. چونکه الی ماشاء الله بونظام علمک دوامی نوع بشرک بقاسلهدر. نوع بشرک بقاسی ایسه تناسل ایهدر. تناسلده شبه یوق که ازدواج ایله حاصلدر. حالبوکه برچوق ازدواجلر واردرکه انلره بوفائده عظمی ترتب ایتمز. بناء علیه اکر تعدد زوجات مشروع اولمسهیدی برچوق کسهلرک نسللری منقطع اولوردی. انقطاع نسل اوکسهلر حقنده برضرر اولدیغی کبی عموم بشریت حقندهده بیوک برضرردر. چونکه نوع بشرک محافظه سی وظیفه سنده علی العموم انسانلر مشترک اولدیغندن بعضیلرینک امر مهم تناسله خدمت طریقله بووظیفه یی ایفا ایلملری کندیلری ایچون برضررت اولمقدن زیاده نوع بشردهده بیوک براهاندر. شوخالده تعدد زوجات بوکبی کیمسهلر حقنده ضروریدر. مع هذا اکتساب قطعیت ایتمش مسائل اجماعیه دن درکه برملتک، بر دولتک تعالیسنه اک بیوک مدار، تکثر نفوس در. تعدد زوجاتک تکثر نفوسه نه درجه لرده خدمت ایتمک ایسه بیاندن مستغنی در. کذا برچوق ازدواجلر دخی واردرکه انلرده غایه ازدواجدن بری بولان محافظه عفت مقصد مهمی ترتب ایتمز. مثلاً زوجه برمرض مزمنه مبتلا اولور ویا خود برضعف مدهشه دوچار بولور. بوخاللر برچوق زمانلر امتداد ایدر. بوزمانلر انساننده ایسه زوج محبول بولندیغی مقتضای رجولیتنی قضا ایده من و بوکا تحمل ایتمکده الدن کلز. چونکه انسانلرده بو حال بر امر اختیاری دکل، بر امر جبلی در. شوخالده بوکبی آدملر طریق حرامه سلوک ایدرک برچوق عائله لری محو و پریشان ایدر و نهایت کندیلرینی ده دوچار اضمه حلال ایلرلر.

بناء علیه شوکبی نقاط مهمه دن تعدد زوجاتک مشروعیتی ضرورت حکمنی آیلر. برده — حاجی ذهنی افندی حضر تلرینک «کتاب المناکحات و المفارقات» نام اثر معتبرنده بیان ایتمکچی اوزره — ازدواج مقتضای جبلت اولدیغی کبی؛ ازدواجده تعدد و تنوعه میل دخی مقتضای طبیعتدر. نته کیم حیوانات سائرده دخی بو حال مشاهده اولمقدن در. قبل الاسلام تعدد زوجات اصولی حد معینه تابع دکل ایکن شرع منیر تعدد زوجیه مساع کوستر مکله برابر دندن زیاده اولماسنه دخی امر ویرمشدر. اوتنه دنبری انسانلرک حال بهیمیتلرینی تحدید ایده کلکند

اولان شرایع الهیه نوع بشره بر لطف و مرحمت اولمق اوزره بونک جوازی
دخی شوصورتله برحد معینه تابع قیلمشدر .

تولدات انائیبه ذکوریهدن اکثر اولمقله برابر قادیلرک حیض و حمل کی
عوارضه معروض بولمغلی وسن ایسه واروب نسلدن کسملری دخی تعدد
زوجات مسئلهسی ایچون از ککلره برحق ویرمکدهدر . کاشکی متعددن زوجهلر
ادارهسنه مقتدر آدملر اولسهده مزاع انسال اولان برچوق نسوان اولردم
معطل قلوبده قوجه مسهلر .

تعدد زوجیه قولاً معترض اولانلرک دخی فعلاً برقادینه منحصر قیلملریده
تعدد زوجیه میلک برامر جلی اولدیغنی کوسترمکدهدر . حتی انلرجهده تعدد
فراش واقع و فقط نسل و ذریت ضایعدر . شوخالده بونارله اهل اسلام ارسندهکی
فرق اسلاملر تعدد فراشک دائره مشروعیته اولسنه ونسل و ذریتک مشروعیاً
تراید اتمسنه خدمت ایتمکده بولدیغنی خالده انلرک قبول ایتدیکی تعدد زوجانه
بوخدمت مقدسه نیک ترتب ایتماسیدر .

بونکله برابر شریعت غمراي احمدیه تعدد زوجاتی علی الاطلاق انساللره
واجب قیلمیوب بلکه حین حاجتده زوجهلر بیننده کمال عدل وحقانیته رعایت
شرطیه مباح قیلمش و شاید زوجهلر بینلرنده کمال عدل وحقانیته رعایت
ایدلیمه چکندن خوف اولنورسه زوجة واحده ایله اکتفانک لزومنی امر ایتمش
ونناء علیه بویله نازک بر مسئلهسی سوء استعمال ایدرک بوشرطلره رعایت ایتمین
زوجات متعدده صاحبیلرینک شایان مؤاخذه اولدقلری درکار بولونمشدر .

ایشته کورولورکه تسترتسوان مسئلهسی کی تعدد زوجات مسئلهسنده دخی
مغایر انسانیت ومدنیت برشی یوقدر . بوده اومسئله کی صرف انسانیت برمنفعت
محضه اولمق اوزره مشروع اولمشدر . بنناء علیه کرک قادینارمزک ، کرک
رککلرمرک خارجک اغقلاتنه قایلوبده حقایق احوالی ، منافع مابنی نظر
اعتباره آلهرق شریعتمزک بوکی او امرینه کردن داده انقیاد اولملری و بونی قانون
اساسینک بخش ایتدیکی حریتنه منافی کورمهملری و اوحریتک بوکی انسانیت
و بشریت ایچون نافع قیدلرله متید اولدیغنی بیلملری و آکا کوره حرکسالملری
سیمة انسانیت وحیت ایجاباندندر .

طهره :

شریعت محمدیه نك مساعده كو سترديكي طلاق مسئله سنه كلنجه : بوده نستر
نسوان و تعدد زوجات مسئله لری كی لوازم مدینه و ضرورات بشریه دن اولوب
قانون اساسینك بخش ایتدیكى حریت و عدالته منافی دكلدر .

فی الواقع طلاقده اصل اولان حرمتدر . [۱] چونكه طلاق قید نكاحی
اورته دن قالدیریور . بوايه برعائله بی پریشان ایتك دیمكدر . حالبوكه بشریتك
نصب انظار تحسیر ایلدیكى اوج مدینه، نقطه کاله یوكسه یلمسی عائله ارباطندن
باشلیور . ممکن مرتبه تکثیر عائله چالشقم ایجابات مدینه دندر . نکاح، که
فوائدی بی پایاندر ، اوله معروض اندراس اولمایددر . زیرا صکره ترقی قابل
اولماز . حتی نظام عالم محافظه ایدیله من .

من وجه عبادت صایلان نکاحك درجه اهمیتی هر کسجه معلومدر . بر کره
زوجین یکدیگر ندن استفاده ایدرک بر جوق فالقلاک اوکی آتیر، صکره زوجین
یکدیگرینه ظهیر اوله رق متاع دنیوییه مقاومت ایدرلر . چونکه انسان بو مختزار
فاده مطلقا بر ایس غمکساره ، بر معین مساعیه محتاجدر . اقدامات متوالیه ایله
یورولان وجودلر ، بیلر عائله آره سنده اوچان نفخات محبت و صمیمتله
یورغونقلریخنی اونودور . چالشقم ایچون قوت اکتساب ایدرلر . ازدواج
سایه سنده انسانلر تکثر ایدر . ازدواج سایه سنده جمعیت پایدار اولور . ازدواج
سایه سنده تهذیب اخلاق ایدیلور . ینه ازدواج سایه سنده عالم انتظام بولور .

ایشته « طلاق » بوقدر مقاصد دینه و دنیوییه کسر ایتدیكى ایچون انده
اصل اولان حرمت و ممنوعیتدر . نه گیم « اکر قادیلریکیز سزه اطاعت ایدرلر سه
آنلرک علیه بر یول آرامیکیز . یعنی آنلری تطلیق ایتیکیز » ماننده اولان
(فان اطعنکم فلا تبغوا علیهن سیلا) نص جلیلی و « قادیلری تزوج ایدیکیز ،
فقط صکره تطلیق ایتیکیز . یعنی بلا سبب بوشه میکیز . زیرا طلاق اوله بر شئدر که
عرش الرحمن آندن اهتر از ایدر » مضافنده اولان (تزوجوا ولا تطلقوا فان
الطلاق یتز منه العرش) و « جناب حقتک سومدیکی حلال ، طلاقدر » مدلولنده
بولان (بغض الحلال الی الله عز وجل الطلاق) و « مجرد تجدید ذوق ایچون

قادرین آلوب بوشامیکرز. زیرا محضاً بویله تجدید ذوق ایچون قادین آلوب بوشایان ارککلری وقوجهیه واروب بوشایان قادینلری الله سومز». معناسنی افاده ایدن (تزوجوا ولا تطلقوا فالله لا یحب الذواقین ولا الذواقات) احادیث شریفهسی طلاقده کی ممنوعیت اصلیه صراحةً دلالت ایتمکده در. [۱]

فقط احتیاج و ضرورته بناءً طلاق مشروع اولمشدر. زیرا زوجین بینده تباین اخلاق حسیلله بغض و عداوت حصوله کلور و بوحالده دوام ایده جک اولور و علی الخصوص زوجه موجب تهمت بر حالده بولنورسه بونلردن چاره خلاص انجق طلاقدر. حتی تعدد زوجات کی طلاقه قولاً معترض اولنلر دخی شوکی اسبابه مبنی انک مشروعیتنی قلباً تمنی ایتمکده اولدقلری شبهه سزدر. «برشی» ضیق اولدقده متسع اولور «قاعدہسی شرعی اولدیفنی کی همده طبعیدر. مادامکه کچمنلری قابل دکلدر، افتراقلری ضرورت حالنی الیور؛ آنلرک ایرلسی لازمدر، موافق حکمتدر.

زیرا بینلرنده عدم امتزاج بولنان زوجینک شو حال منافرت اوزره قالملری کندیلرنی هر درلو سعادت دنیویه و اخزویه دن محروم ایدن احوالنددر. انسانلرک اصل حیات مسعودانهسی عائلهسیله برلکده کمال صمیمیت و محبتله کچر. دیکی حیانددر. مدنیتک ترقیسی نسبتنده بر چوق احتیاجاته معروض قالان انسانلر تدارک حوائج ایچون بک چوق چالشفق، جبالامق مجبوریتی التنده زبوندرلر. بو زوالیلر ایچون سعی دن متحصصل آلام واکداری دفع ایده جک، یارینکی مبارزه حیاتیه ایچون قوت اعداد ایده جک عائله محبتدن بشقه نه وارددر؛ یابو محبت اولمزسه او عائلهنک حیاتی نصل اولور؛ هر دقیقه یکدیگرینی تحقیره آماده ایکی قلبک دوچار اولدیفنی عذابلر، فلاکتلر قابل تصور میدر؛ نه وقت بونلر استراحت ایده جک؛ نه وقت آخرت ایچون زاد و ذخیره حاضرلیه جق؛ هله بز زوج زوجه سنک آخر بر کسه ایله مناسبت غیر مشروعده بولنلدیفنی، حتی بولنلق ایستدیکنی حسن ایتدکدنصکره، ارتق انسانکه حسن امتزاج ایدرک اولونجهیه قدر مسعود الحال و مسرور البال یاشامسی قابلیدر؟

بناءً علیه زوج ایله زوجهنک بینلرنده مسعودانه یاشامارینه مانع اوله جق بو کی احوالک وقوعی تقدیرنده؛ طلاقه مساع کوسرلمسی جناب حقلک نوع بشره اولان الطاف سبحانهسی جمله سندندر، یعنی بوده بر نعمت عظمای الهیه در.

۱۱ امام شعرائنک «کشف الغمه» نام کتاب مسطابنک طلاق بجنده مراجعت اوله.

حتی بوکون ملل متمدننک اکثریسی دخی طلاق ضروریات بشریه دن اولدیغنه کسب قناعت ایتشار و طلاق قبول ایشاردردر. شو قدرکه انلرک قبول ایتدکاری طلاق کیفیتی بشقهدردر. شریعت احمدیهجه طلاق زوجک الذمه اولدیغی حالده انلرجه امر طلاق محکمه یه تودیع ایدلشدر. فقط شریعت غرای احمدیه نك شو مسئلهده دخی رجحانی بدیهیدر.

زیرا اساساً طلاق لزومی قبول ایدلدکن صکره یالکیز صورت اجرایی قالورکه بونده اوج احتمال خاریدر :

برنجی احتمال : امر طلاق زوجنک یدینه ویرلمسیدر . بو احتمال ایکی وجهله باطلدر :

اولا : قادینلر تشکلات بدنیله لی اقتضاسنجه سریع الانفعال اولوب جزئی بر تسیدن متأثر اولورلر . اکثریسی اهمیتسز بر شیدن ، بر هیچدن طولانی همان طلاقه جرأت ایدرک ایچنده بولندقلری عالهلرینک محو و پریشان اولسنه سببیت ویررلر . صکرده دوجار ندامت اولورلر . فقط چه فائده که هر شی بتمشدر . اگر امر طلاق قادینلرک الذمه اولسه ایدی حخته ارضده رشته ارتباطی محافظه ایدهجک پک آز عالهلر قالور ، بوضورتله شیرازه عالم بوزولور کیدردی . ثانیاً : امر طلاق برحق ذاتی اولمق اوزره زوجنک ید صلاحیتنه براقق ، اکا برنوع حاکمیت بخش ایتک دیمکدر . بویسه طوغری اوله مز . زیرا عالهنک بتون امور شاقه سیله مکلف اولان زوجک اوزرینه هیچ برشیه مکلف اولیان زوجنک حاکمیتی تصدیق ایدهجک هیچ بر عقل سلیم تصور اولمز . بناء علیه آنلره بویه براققدارک ویرلمسی مغایر عقل و حکمتدر . بونک ایچوندرکه جناب حق قرآن حکیمنده « الرجال قوامون علی النساء » بیورمشدر .

مع هذا « امر طلاق » زوجنک یدنده اولمق اوزره عقد نکاح ایدیلور وایجابده - یعنی اولاً سوبانان سوزده - زوج طرفندن وقوع بولورسه بوضورته شرعاً نکاح صحیح و شرط معتبر اوله جفندن لدی الاقتضا قادین ده کندوسنی تطلیق ایده یلور . فقط بو حلام قادینلر ایچون برنوع رخصت و تسهیل شرعی اولوب بونک اساسه تعلق بوقدر .

ایکنجی احتمال : امر اطلاق محکمه یه تودیع اولنمسیدر . بوده ایکی وجه ایله باطلدر : اولاً : شبهه یوق که بختمز عاقل ، میز ، بالغ اولان زوجینک

طلاق مسئلہ سنہ دائر در . حاکم ولایت عامہ سی وار ایسہ عاقل و بالغ اولان
کیسہ نکلہ کندی . نضنہ ولایت خاصہ سی وارد در . حالو کہ ولایت خاصہ ولایت
عامہ دن اقوادر .

ثانیاً : بالادہ بیان اولندی و جہلہ طلاق بر طاق اسباب مجبردیہ مبنی ضرورہ
مشروع قلمشدر . بواسباب مجبردیہ ایسہ زوج ایہ زوجہ دن ماعدانہ افشاء
جائز دکادر . زیرا بو اسباب یا « تباین اخلاق » در ویا زوجہ نک « موجب
تہمت » بر حالہ بولمسیدر . برنجی تقدیردہ حاکم نہ یاہ حق ؟ یکدیگری
سومین زوجینی زورلہ بر برینہ می سودیرد جک ؟ اولسہ اولسہ پدرانہ نصیحت
ایدہ جک . یوقسہ « بن حکم ایندم : سبوشکنز ، نزاع ایتیکنز » دیہیلور می ؟
ہایدی دیش ، نہ اہمیتی اولہیلور ؟ بونکہ مقصد تأمین ایدیش اولہ جقمی ؟
بوکی شیلر امور حسبیہ و وجدانیہ دندر . محکمہ نک حکمیہ حصولہ کلز . بونلر
حاکمہ حرمتہ « پکی » دیہ جکلر ؛ دلکی ؛ فقط دہا محکمہ قوسندن چقار
چقماز ، نہ قاوغایہ باشالایہ جقمر . آرد لرنده کی امتزاجسزاق بر قاندہ تزايد
ایدہ جک و اولونجہ یہ قدر ہر ایکسیدہ عذاب الیم ایچندہ قالہ جق .

ہایدی فرض ایدم کہ بو تقدیردہ حاکم بیلرینی تفریق ایدہ بیلسون ، یالکنز
نصیحتلہ اکتفا ایتسون . عجا بو ، معقول بر معاملہ میدر ؛ شہہ یوق کہ دکادر ؛
زیرا یوقاریدہ بیان ایتیکنز و جہلہ اکثر قادیلر سریع الانفعال اولوب
یک جزئی برشیدنطولای ہان متأثر اولہ جق لرندن اگر محکمہ یہ بویلہ برصلاحت
ویریلہ جک اولور ایسہ یک چوق قادیلر زوجلریہ بیلرندہ ظہور ایدن جزئی بر
منافسہ دن ، برمنارغہ داتولای آنلرک ہان محکمہ یہ قوشہ جق لری ، و زوجلریہ
بیلرندہ تباین اخلاق اولدیغندن بخلہ طاب طلاقدہ بولنہ جق لری و بالآخر
امر طلاق زوجہ نک یدنہ اولدیغی صورتدہ لازم کلان محذورک بوکادہ لازم
کلہ جکی ، یعنی بر جوق عالم لرنک سیرازہ انتظامدن حقا اولوب محو و برشان
ایدیلہ جکی شہہ سزدر .

ایکنجی تقدیردہ کنجہ ، بونددہ فائدہ شویلہ طورسون ، یک جوق نصرت
وارد در . چونکہ بو حالہ دعوائی محکمہ یہ و بر مک او قادی جہتدن طرف اہت
دیکدر . معلومدر کہ مدار حکم اولندن ، نہ بولنندن حاکم حکم ایدمز . تمدی
او زواللی زوجت حالی دوستونکر ؛ وجداناً موجب تہمت بر حالہ بولنندیغنی

تصدیق ایندیکی زوجه سنک حال تهمتنی اثبات ایچون بینه حاضرلیه جق مختاره ، قومشولره مراجعت ایده جک: « بنم زوجهم شویله بر خالده بولنیور » دیه جک. شاهدلرله برابر یقالامغه چالیشه جق. حتی اسبابنه توسل ایده جک. بونلری سویلمکه، یاغمه یوز، وجدان ایستر. بو اوله جق شیمی؟ بوده حیاتی؟

فرض ایدم که زوج زوجه سنک حال تهتمده بولندیغنه بینه حاضرلدی. صکره حاکمه، یاخود مدعی عمومی به مراجعت ایده جک. مدعی عمومی بر جوق تحقیقانه لزوم کوره جک. اوراقی استنطاقه حواله ایده جک. قادین جلب اولنه جق. صوریله جق. طبیعی انکار ایده جک. بلکه ده بایله جق. چونکه اوله بیلور که بری الزمه در، ناموسلیدر؛ فقط زوجی خلافی ظن ایتمشدر. بونکله ده قالمز. لزوم محاکمه سنه قرار ویریلور ایسه محکمه به کیدیله جک. محاکمه خفی اولمغه برابر بینه برهیت حاکمه، کاتبلر، شاهدلر وار. شیمدی محکمه یادعوای رد ایده جک، یاخود طلاقه حکم ایده جک.

اگر طلاقه حکم اولنور ایسه او قادینک حال تهتمده بولمش اولدینی محکمه سجلاتنه قید اولنه جق. شیمدی بویله بر قادینی جمعیه قویکمز. عجب او قادین بوندن صکره بردها سعادت یوزی کوره بیله جکمی؟ شبهه بوق که کوره مه جک. آنک حقتنده یشامقدن ایسه اولمک دها خیر لودرز زیرا بو عذاب معنوی اولومدن دها دهشتلیدر.

محکمه اسبابی کافی کورمزده دعوای رد ایدر سه نه اوله جق؟ او آدم رسماً حال تهتمده بولندیغنی ادعا ایندیکی قادین ایله نصل حیات کچیره جک؟ بوندن صکره انلرک بریرده بولملری بیوک، پک بیوک جنایتلره سبیت ویرده چلنده شهبمی قالور؟

حالبوکه امر طلاق زوجک یدنده اولوبده بوکی سبیلری کسه به افشا ایتمکسزین زوجه سنی تطلیق ایدر سه بوتطلیق زوجه ایچون بر عبرت مؤثره اوله جغندن کسب صلاح ایدرک دیگر کسه ایله عقد ازدواج ایدر. واندانصکره حیاتی مسعودانه امرار ایلر.

شوخالده امر طلاق — جمعیت بشریه نیک ابتدای تشکلندتبری رئیس عالمه عد اولان — زوج یدینه ویرلمستک موافق حکمت اولدینی و شریعت جلیله احمدیه نیک بومسئله ده دخی احراز تفوق ایندیکی بلاشک تحقق ایدیور.

مع هذا شریعت مزیدہ بعض اسبابدن ناشی قادینک و یا خود و لیسنک محکمہ یہ مراجعتہ زوجہ بیلربی تفریق طلبندہ بولمسی، ودر میان ابتدکی اسبابکده تحق ایتمسی اوزرینہ بیلربی تفریق ایتمک و طرفینک حقوقی صوک درجه محافظہ ایتمک حکام شرعک وظائی جملہ سندنر .

فی الواقع شو زماندرده مسأله نأهلمک سوء استعماله او غرامش اولدینی ده قابل انکار دکلدر . هر درلو مزایای انسانیه دن محروم برچوق کسه لر کور میورزکه کندیلرنده تشکیل عاقله اعلیت و لیاقت اولدینی حالدہ مجرد هوا و هوسنه تابع اوله رق کیف مانفق تأمل ایدیورلر . صکره بالطبع کچینه میورلر . بعضاری مجرد تجدید ذوق ایچون متعل نأهل ایلوب صکره ترک ایدیورلر . بعضاری ده آلدقاری اوزواللی و دیاره درلو اذا و جفایا ایتدکاری حالدہ براقده ایستہ میورلر . چونکه براقدقاری تقدیرده کندیلرندن نکاح و نفقه و سایرہ کبی برحوق سیار ایستیه چکارینی و بوناری و بر مکہ مقدر اوله میه جمارینی بیلورلر ، اولتجه بقدر تحت نکاح لرنده بولان اوزواللی بیچاره لری سوروندیره رک هر درلو لذائذ انسانیه دن محروم براقیورلر .

فقط بوقصور حاشا شریعتده دکل ، شبهه سزکه بزدر . تربیه عمومیه ده کی نقصاندن و نکاحه متعلق اولان احکام شرعیہ به تمایله عدم رعایتدن ناشیدر . زیرا شریعت احمدیه نکاحک صحیحده و برروایتده لزومند - یعنی فسخی عدم قبولنده - زوجک زوجہ نسبه ، دیانت و اخلاقده ، ثروت و صنعتده ، ودها برحوق اوصافده کشو اولمسی شرط قیلدینی کبی نأهل ابتدکی تقدیرده زوج سنه جور و جفا ایده چکی وانی انفاق و اعاشه دن عاجز فالحجی ، الحاصل حقوق زوجیتی ایفا ایده میه چکی متین اولان کسه یه دخی زوجی حرام قیلدشدر .
بناءً علیه اگر تربیه عمومیه متظم برحالد . و لوبده طرفین امله بوشرط طره رعایت ایستہ لر بو کبی منا بنسز احواله هیچده میدان فالار .

شو مناسبه نکاحک صفات و بعض ادابی احوالاً - یان ابدلم : نکاح : مهر و نفقه و سایرہ به اقتدارله برابر حال عدالدہ سنت مولددر . توفن حالده یعنی نفس ارتکاب زنادن منع ایده میه چک درجه به نسبه اسبابه زمانده واجیدر . خوف جور یعنی حقوق زوجیتی لایقوله افاده قصور ایده چندن خوف حالده مکر و هدر . حقوق زوجیتی ایفا ایده میه چکی متین اولدینی تقدیرده حرامدر .

وقبل العقد خاطبك [۱] مخطوبه به [۲] نظر ایلمی و مخطوبه نك سن و مال جهتیه
خاطبك دوننده و تربیه و ادب و عفت و جمال حسیه خاطبك فوقنده اولمی
مندوبدر.

بناءً علیه تأهل ایتمک آرزوسنده بولنان بر کیمسه نك ایشته شو شرائط
و اوصافی نظر دفته آلمی واکا کوره حرکت ایتمی لازمدر.

خلاصه طالب تزوج اولان بر آدمک اولان تزوج طالب اولدینی قیز و یا
قادینه کفائی مهر، نفقه، سکنا، تشکیل عائله و حقوق زوجینی تمامیه ایفایه
قدرتی تحقق ایتمی و طرفین یکدیگری بکنمیلدر. بونلر تحقق ایدزه اولملی.
تحقق ایتمدیکی حالده تأهلدن صرف نظر ایدوب امر تزوجک توقف ایتمدیکی
شیری تحصیل ایدجک و شرائطنی ا کمال ایدجک اسبابه توسل ایلمی. بعده ینه
کفوی اولدینی بر قیز و یا قادینه تزوج ایتملی. حکام شرعده بوباده کی تعیداتی
برقاندھا توسیع و تزییده همت ایلمیدر.

اگر بویه اولورسه حسب الایجاب امر طلاقک زوجک یدنده اولمی
مسئله سنه دخی هیچ کیمسه نك اعتراض ایتمیه حق اولماز. شریعت احمدیه نك
احکام سائر دسی کبی بو حکمنک دخی موافق مصلحت اولدیننده تردده اصلا
محل قالماز. حاشا قانون حریت و عدالته منافی اولدینغه کیمسه حکم ایدمز.

••

(۳) عادات مستحسنه ملیه:

قانون اساسیمزک اعلائی اوزرینه نائل اولدینغه حریتی تعید ایدن شیردن
بری ده عادات مستحسنه ملیه مزدر. عادت، نفوس ذکیده مستقر و طبایع سلیمه
زدنده مسلم و معتبر اولان امور متکرره دن عبارتدر.

هر مملکتده او مملکتک نفوس ذکیده تقرر ایتمش و طبایع سلیمه زدنده
مظهر قبول اولمش بر جوق عادتله وارددر. بوکی عادتله هر یرده قوانین و نظامات
قوتلرینی حائزدر. حتی بوکون دنیانک هر طرفنده تحکیم ایدلمش یعنی حادثات
واقعه نك احکامنی اثبات ایچون حکم قلنمش و بتون اقوام متمسندنک قوانین
موضوعه سی کندی عادات ملیه لینه توفیقاً ترتیب و تنظیم اولمشدر.

۱۱۱ طالب تزوج اولان ارکاک

۱۲ تزوجی طلب ایدیلن قادین

زدهده « مازاه المؤمنون حسناً فهو عند الله حسن » حدیث شریفندن مأخوذ اولان « عادت محکمر » قاعدۀ کلیه سی نیجه مسائل فقیهیه اساس آنخا ذایدلمشدرکه بوندن نظر شرعده دخی عادات مقبوله نیک بدرجه خاطر اهمیت اولدینی مستبان اولمقدددر.

اصطلاح شرعمزده « عادت محکمر » دیمک (حقیقه نص اولیان وقایع احکام شرعیه سی اثبات ایچون بالاتفاق عرف وعادۀ مراجعت اولتمق لازمدر . یعنی بوکچی ماده لرده عرف وعادت حکم قلنه رق متضاسیله عمل واجددر .) دیمکدر . حتی حقیقه نص وارد اولان خصوصیلرده نص ایله عادت تعارض ایتمکده امام اعظم ایله امام محمد و امام یوسفندن بروایت کوره اعتبار نصه ایسه ده امام یوسفندن دیکر بروایت کوره بو بده بوجه آئی تفصیل وارددر : شویله که اگر نص عرف وعادۀ مبنی ایسه اعتبار عرف وعادۀدر . و اگر نص عرف وعادۀ مبنی دکل ایسه اعتبار نصدر . مثلاً : بغدادی و آریه و طوز و خورمانک اخذ واعطالی اولچی ایله آلتون و کوش معاملاتک طاری ایله اولسی حقیقه نص یعنی بر حدیث شریف وارد اولمشدر . فقط بونصک اولوجهله شرفوارد اولسی عصر سعادتده ناسک عرف وعادتی اولیله اولسنه مینددر . حالبوکه امام یوسفندن منقول اولان ایکنجی روایت کوره بوکچی عرف وعادۀ مبنی اولان نصک حکمی عرف وعادتک تبدیلی ایله تبدل ایده چکنندن بوراده بونک امثالنده اعتبار عادۀدر .

بعض محققین امام یوسفندن منقول اولان اشبو ایکنجی روایتی ترجیح ایتمشدر . ایوم ناسک طوزی ، خورمانی طاریله ، آلتون و کوشی صابی ایله آلوب و برملری امام یوسفنک ایکنجی روایتیه توافق ایتمکده امام مشارالمهدن منقول شو ایکنجی روایت دخی عادتک برهت دها درجه اهمیتنی کوسره کیددر . عرف وعادتک محکم اولسی یالکز معاملاته منحصر دکلدر . اصول معیشت و طرز حیاتی دخی عرف وعادت ملیه مزه نامددر . سه کم هر ملکده دخی حکم بویلهدر . بناء علیه (نائل حریت اولدق) دیه همان هر خصوصده آوزوبالیره قایدۀ یانمک ، عرف وعادت ملیه مزک خلافتده اوله رق اصول معیشتی ، طرز حیاتی ملیه تبدیلی و تغیر و الفشوق موافق حکمت و مصالحت دکلدر .

بز آوروپانك يالكز علوم و صنايعنى اخذ و قبوله مجبورز . زيرا حكمت بزم
غائب ايتديكمز مالمز اولمغله آنى بولديغمز رده البته آيرز . « الحكمة ضالة المؤمن
اخذها حيث وجدها » . فقط آنلك بتون عادات و اخلاقي و اصول معيشت
و طرز حياتى قبول ايده مين . زيرا صوكره متضرر اولورز . بر قومك علوم و صنايعنى
قبول ايتك او قومك بتون عادات و اخلاقي و طرز حيات و صورت معيشتنى
قبوله توقفايتمز . نته كيم بزم كى ژاپونلردنخى بوندن اوتوزسنه اول فنون و صنايع
حاضر ددن بى خبر ايديلر . چونكه غفلنده ايديلر . بردن بره كوزلر بى آچديلر .
آوروپا علوم و صنايعنى آلهرق مملكتلرنده تطبيقه باشلاديلر . آز زمان طرفنده
آوروپاليلره مساوى اولديلر و حتى برچوق خصوصاتده آنلرى كچهرك بتون عالم
مدينى كنديلرينه قارشو حيرته بر اقديلر . حالبوكه آوروپا عادات و اخلاقدن
هيچ برشى مملكتلرينه قبول ايتديلر . بر طرز حيات و صورت معيشتلر بى ، حتى
طرز تلبسلر بى بيله اصلا دكشدير مديلر .

ايشته كوريلوركه بر مملكتك فنون و صنايعنه تقليد او مملكتك عادات
و اخلاقه و طرز حياتنه تقليدى مستلزم اوليور ، همده اوله ماز . چونكه
بو ايكيى آره سنده هيچ بر مناسبت تصور ايديله من . زيرا هر مملكتك ، هر ملتك
كندينه مخصوص بر طرز حيات و اصول معيشتى و بر عادات مقبوله سى واردر .
فقط هيچ بر مملكتك ، هيچ بر قومك كندينه منحصر بر صنعتى ، بر فنى و بر علمى
يوقدر . علوم و فنون و صنايعده بتون انسانلر و بتون قوملر مشتركدر . ديمك
اوليوركه علوم و صنايع ايله طرز حيات ، عادات ، اخلاق آره سنده مناسبت
آرامق عبدر .

شوخالده بزده لازم اولان شى ژاپونلردن عبرت الهرق آوروپانك علوم
و صنايعنى بتون قوت مزله و كمال سرعته اخذ و قبوله و بونارى مملكتلر بزمده حرفياً
تطبيقه سعى و غيرت ، بذل مقدرت ايتكله برابر انارك عادات و اخلاقه ، اصول
معيشت و طرز حياتنه تقليد دن اجتناب ايتكلدر . چونكه اكر بز شوكمال ضعيف مزله
برابر برده كندى عادات مليه مزى ترك ايله آوروپا عاداتى و طرز حياتى تقليده
قالقيشر ايسهك ترقى و تعالى شويله طورسون ، بالاخره كندى موجود بيمزى
اساسندن محو ايده جكمز شبه سزدر .

زيرا يوقا ايده ذكر ايتديكمز و جهله هر مملكتك كندينه مخصوص بر طاقم

عادات قومیه و اخلاق ملیہ سی و طرز حیاتی اولدیغدن بر مملکتہ ، بر قومہ مخصوص اولان اخلاق و عاداتی دیگر بر مملکتہ و طرز حیاتی دیگر بر قومہ تطبیق قانون طبیعتی تغیر دیکدر . بویاسہ محالدر . بونکله برابر هایدی اوروپا حیات و عاداتنک مملکت مزده حرفیاً تطبیقی فرض ایدلم . فقط بونی یا بیلمک بزم اوروپا لیلر قدر ثروتہ مالکیتمزده متوققدر . بزده ایسہ او ثروتک یوزده بری و بلکده بیکدم بری موجود دکدر . از جمله اوروپا لیلرک طرز تلبس لری الہ الہم :

عجا بزم طرز تلبس لری اوروپا لیلرک طرز تلبس لری کی اولق ممکنیدر ؟ سبہ یوق کہ بوکا امکان یوقدر . زیرا بر کرہ بزم نسوانمک طرز تلبس لری اوروپا نسوانمک طرز تلبس لری کی اوله ماز . چونکہ قاعدہ ستر نسوانمک اوروپا نسوانی کی کیوب قوشائسنه مساعدہ اتمز . کذا بزم علماء صنفی اوروپا علماء روحانیہ سنک کیدیکی البسہ نی کیه مز . چونکہ بو حال احکام دینہ مزله توافق ایدہ من . صوف سائرده دخی حکم بویاددر . صو کرا ثروت ملیہ مزده بوکا کفایت اتمز . زیرا اوروپا عاداتجه هر کسک بولدیغی زمانه ، مکانه کورده آری آری البسہ سی وارددر . بو البسہ لری تدارک اتمک بزم ایچون مستحیلدر . مستحیل اولسه مله بو کی سیر حد ذاتده اسراف و تبذیردن عبارت اولوب انلرک انسانیت و مدنیتله اصلا مناسبتری یوقدر . ذاتاً اوروپا حکما سی دخی کندیلرینک بویله بر طاقم قیود مضرہ التندہ بولم لری شدناہ رد و تقیح اتمکددر . شو حالده (بزجر اولدق) دیه بتون کندی عادات ملیہ و طرز حیاتی بزمی ترک ایلد اوروپا حیات و عاداتی حرفیاً تقلیدہ یلتمک کندیمزی (حریت) عنوانی التندہ مدھش بر طاقم اسار تله القایه ، نہایت کندی موجودیت ملیہ مزنی احیایه چالیشمقدن باشقه برشی دکدر . مع هذا شونده اخطار ایدلم کہ هر یرده اولدیغی کی بزده ده انسانیت و مدنیت ایله هیچده مناسبتی اولیان بر طاقم عادات قبیحہ وارددر . بو کی عادت لری الحرام معناً و مادہ بز چوق مضرت لری تولید اتمکده اولمغه بونلری ممکن اولدیغی قدر ترکہ ، مملکت مزدن دفعه چالیشمالی در .

- ۲ -

مساوات

برنجی مقاله مزده بیان ایتدی کمز اوزره کائانده حریت مطلقه اولدیغی
کبی مساوات مطلقه ده یوقدر . بونلر هب لیبی سیلردر . زیرا مساوات مطلقه
بر شیک دیگر شیئه هر خصوصده یعنی ذاته ، صفانده ، بتون اعراض و اوصافده
مساوی اولسی دیمکدر . بو ایسه ایکی وجهله باطلدر :

اولا : خلاف واقعدر . چونکه بتون اسیانک یکدیگرینه مخالف اولدیغی
مرتبه بدهندهدر . از جمله اول امرده کائانده بر چوق اجناس مختلفه مصادف
نظر من اولمقدهدر . صوکرها هر ماهیت جنسیه نك بر چوق انواعی وارددر .
حالبوکه بو انواع ، او ماهیت جنسیه ده مشترک و متحد اولمقده برابر آنلر کندی آرلرنده
ماهیت کایه موجوددر . زیرا هر نوع کندیسی دیگر انواعدن تمیز ایدن بر
ویا بر قاج فصللری مشتملدر . کذا بر ماهیت نوعیه نك لایعد و لایحصی افرادی
وارددر . بو افراد دخی او ماهیت نوعیه ده متحد ایسهده یکدیگرینه کلیاً مابین-
در . چونکه هر فرد دیگر افراددهه بولونمایان بر چوق تشخیصات و تعییناتی
حازدر .

ثانیاً : بر شیک دیگر شیئه هر خصوصده مساواتی قبول ایتک خلاف
مفروضی مستلزمدر . چونکه بوراده اولای ایکی شی آرهنده مساوات مطلقه
تصور ایتدیورر . حالبوکه اگر فرض ایتدی کمز ایکی شی آرهنده مساوات
مطلقه بونور ، یعنی آنلر ذاته ، صفانده و بتون اعراضده بر برینه مساوی
اولورسه بو وجهله مساوات تعدده منافی اوله جغدن ایکی فرض ایتدی کمز سیک
برشیدن عادت اوله جفی وشو حالده خلاف مفروض لازم کله جکی شه سزدر .
دیک اولورکه عم کونده مساوات مطلقه نك وجودنی ادعا ایتام عادنا
بر امر محال و وجودنی ادعادن باشقه بر شی دکادر . حتی صوکه درجه بسیط
اولدیغی فرض ایدیلن ذرات آرهنده بیه مساوات مطلقه یوقدر . چونکه
ذرات ماهیت و طبیعتلری بر اولدیغی اسام بدسه بیه وجود و تشخیصلری
اعتباریه یکدیگرینه مابین اولدقلری شهیدن وارستهدر . زیرا اگر هر ذره نك
کندییه مخصوص بر شخصی ، یعنی بر وجود خاصی اولمایوبده هر ذره نك

تشخیص و وجودی بر اولسہیدی ذرائعہ تعددہ امکان قالماز و بناءً علیہ عالمہ بر ذرہدن باشقہ دیگر بر ذرہ دھا بولنماز و شو حالہ عواملدہ وجودہ کجڑ ایدی . ایشته کورولیورکہ بتون کائنات ذاتہ ، یاخود صفاندہ بہہ حال اختلاف اوزرینہ ساحہ آرای وجود اولمش و بودہ ہر شئیک ، حتی ہر ذرہنک بیلہ آثار جمالیہ و جلالیہ الہیہ مظهر تجلیات اولمسندن ایلری کشدر .

بتون کائناتک بویہ یکدیگرینہ مخالف اولہرق وجودہ کیمی جنب حقت موجودیتہ صورت قطعہدہ دلالت ایدن بر اہین جملہسنددر . زیرا اگر بو عوالم صنع الہی اولمایوبدہ مقتضای طبیعت اولسہیدی . . . بر طبیعتک متضامی او طبیعتک آثارندہ سیان اولہ جفندن . . . کائناندہ اعراض و اوصاف اعتباریہ مخالف ، تباین شویلہ طورسون ، عالم کوندہ اجناس وانواعک وجودیہ امکان بولونماز و شو حالہ موجودات عین ماہیتک افرادندن اولہرق عوالم شو بدایعلہ اصلا وجودہ کلہ مزدی .

ایمدی شو مقدماتی سرد ایتدکن سوکر دیرزکہ : قانون اساسیمزک اعلانی اوزرینہ نائل اولدیغیز مساوات دن مقصد ، « حقوقدہ و نظر قانوندہ مسات » - در . نتہ کیم قانون اساسینک اون یدنجی مادہسندہ مساوات دن مقصد بو اولدیخی تصریح ایتلکددر .

فی الواقع انسانلر بالجلہ حقوق و معاملاتدہ نظر قانوندہ مساوی اولمق لازم - در . چونکہ اگر اولہ اولمازسہ حقوق بشریہ پامال اولور . قوی ضعیفک حقوقدہ تجاوز ایدر . ترقی ، تمدن قابل اولماز . حالیوکہ تمدن اولماجہ حیث سربہک دوام و قیاسنہ امکان قالماز . ایشته بونک ایچوندرکہ حقوق و معاملاتدہ بین البشر مساواتہ رعایت ارکان اسلامیکہ رکن اعظمی تشکیل ایشدر . بوندن بین اوچوز سنہ اول قرآنک زویلہ حکومت اسلامیہ بیع اولان بالجلہ انسانلر ، حامی مدنیت و انسانیت اولان مساوات و عدالتہ بحق نائل اولمشدر .

صاحب شریعتسز صلی اللہ علیہ وسلم اقدمز حضرتلری مساواتہ تامیلہ رعایت اتمشلر و امتدہدہ کندی ذات رسالتناہلری کی رعایت اتملری فرمان بو . مشلر ایدی . شریعتمزک امر ایتدیکی مساوات اودر جہ عالی ایدی کہ انسان بونک درجہسنی دوسوندکجہ حیردہ قایور . مظهر وحی الہی اولان رجبہ کندیسنہ اصلا وجود و برمیور ، ہرنہ یاپارسہ ، ہرنہ امر ایدر سہ اللہ نامنہ یاپیور ،

الله نامه امر ای دیور . بحسب الله امتک سیلامتنه چالی شیور . خدمتنه مقابل بیت المالدن برجه بیله قبول ایتیمور . کندی مساعیسی ایله اولمدینی ایچون اوپاردن بر حصه آلمغه وجدان پاکی قائل اولمایور . « سز چالیشتک ، بن یهیم ... بونصل اولور ؟ .. » دیور . بتون افعال و حرکات و معاملاتنده کندی سنی اصحابیله ، تبعیله مساوی طویمور . خدمتکارلرینه ، کوله لرینه دیکندن دیریمور . کیدی کندن کیدی ریور . آنلره افعال شاقه دن هیچ برشی تکلیف ایتیمور . حتی آبدست آیرکن آنلردن برینه آبدست صوی بیله دو کدیریمور .

مشهوردر : اون سنه بی متجاوز خدمت سنه لر نده بولونان ، فوق العاده بر صداقت وجدیتله بر موقع ممتاز احراز ایلین انس رضی الله عنه حضرت تلرینه بر کون تجدید وضوء بیورده جقلرندن بحث ایله صوا حضار ایتسنی فرمان بیوردیلر . حضرت انس در حال صوا حضار ایلدی . حضرت رسول تجدید وضوء قیام ایتدی . انس کمال خواخشله صودو ککه تشبث ایلدی . بونک اوزرینه حضرت رسول ذات رسالتناهی لری بو خصوصده معاونته محتاج اولمدقلری بیسان ایله آنک بو خدمتی قبول بیورمدیلر ، « صوی براقده اورادن چلیل ! » امرنی ویردیلر . کذا : رسول اکرم حال سفرده بولندقلری بر کونده اصحاب کرامه برقیون ذبح ایتلرینی امر بیوردیلر . اصحابدن بری : « قویونی بن کسرم » ، دیکری : « بن دده یوزرم » ، بر باشقسی دخی : بن دده پیشیرم ، دیدی . رسول اکرم ده : « اویاه ایسه بن دده سزده اودون ، یونفا طویلام » بیوردیلر . بونک اوزرینه اصحاب کرام : « یارسول الله ! سز استراحت بیورک . نه لازمه بزیا بارز » دیدلر سه ده ، رسول اکرم : « بیلیم ، یاپارسکیز ، لیکن بن سزدن ممتاز بر حایده بولونمینی قبول ایتیم . سز چالیشتک ، بن طوریم ... بویله شی اولماز ، اوله نماز . چونکه بوکا الله راضی اولماز » بیوردیلر .

حتی حضرت رسول مساواته رعایتده اودرجه ایلری وارمشلردی که اصحابی کندی سینه قیامدن بیله منع بیورمشلردی . « لا تقوموا » حدیث شریفی اربانه معلومدر . حضرت پیغمبر صلی الله علیه وسلم افندمز مساواته رعایتی یالکیز مسلمانلره دکل ، ملل غیر مسلمه یده « لهم مالنا وعلیهم ما علینا » حدیث شریفلریله تشمیل بیوردیلر .

حضرت پیغمبر حقوق و معاملاتنده کندی ذات رسالتناهی لری امتیله مساوی

ظونق خصوصاً بتیادان انتہای قدر جدیتی اصلاً اخلاصاً ایتدیلر۔ شرف
 یوق ایلت احراز بیورینی زمانده کی حالی نه ایسه آخر عمر نده کی حالی ده اویله
 یدی . سکیز اون میلو نه قریب اولان اهالی مسلمه نك کندیسنه صوك درجه
 انقیاد و اطاعت و محبت کو سترملری آنک اولکی حالی اصلاً دیکشدرمدی .
 بو قدر اهالینک ذات رسالتناهیله اینه انقیاد و محبتلرندن بالاستفاده بوسایده ده برکونا
 منافع شخصییه تأمینیه جهتی اصلاً خاطر و خیال نبوتناهیله نندن بیله کچمدی .

بوکا دلیل می ایسترسکیز ؟ ایشته ارتحال دار بقادن صوکر ا براقدقلری ،
 همد بیت الماله صدقه اولق اوزره براقدقلری ترکه نبویله ری : بقات البسه ،
 ایکی کلیم ، بز چارشف ، بز قاچ صوقابی ، قاونه ، طراق ، مقاص ، مسواک ، بز
 کوش مهر ، بز سر بز ، بز می قدر صغایر دوه ، بز قیون ، اتی یدی قدر کچی . . .
 بو حیوانلردن هر کون ایکی قریبه سوت کپور و بسوتلر کندی ازواج مطهراته
 صرف اولونیور . فضلہ سی ده اصحاب صفیه احسان بیورولیوردی . بزده مدینه
 منوره ده براز اراضیسی وفدک و خیر اراضیسنده ده بر مقدار حصه سی واز ایدسه ده
 حال حیانتده بر نلری وقف اتمش و محل صرفلری تعیین بیورمشر ایدی . او محل
 صرفده نازجدن کان یا جیلر اید مسافر لر ایدی .

حضرت رسولدن صوکر اصحاب کرامده اثر رسوله قدر تیزی بتدیکی قدر
 یوقی حرکت ایتدیلر . بزجی خلیفه سی حضرت صدیق ایلت خطبه سنده : « ای
 نس ! کر ایلت ایدر سهم بکا اعانه ایدیکیز ، فایلق ایشلر سهم بکا طوغرو یولی
 کو ستر کیز . طوغرولق امانت ، یالاجلیق خیانتدر . سزک ضعیفکیز نه
 غنمدده قوی در ، زیرا آنک حقنی آلیرم . قویکیز نه تزدده ضعیفدر ،
 چونکه آندن باشقه سنک حقنی آلیرم . » بیوردی . حضرت صدیق ذاتاً تجارتله
 کچمدیکنندن خلیفه تعیین اولوندیگی کونک فردای صبحلین بر معاد امور نه بر مقدار
 ز آلوب صائمق اوزره بازاره کیتدی . بولده حضرت عمر و حضرت ابو عبیده
 راست کلدی . آره اولنده سو بولده بر محاوره حیای ایدی :

— نه یا بیورسک؟ مسلمینک امور و مصالحی سزه تقویض اولوندی . سز بویه

چاره بوده بازارده بز صالحق اولور سه کز مصالح عبادی کم رؤیت ایدرک ؟

بکی . اما بن عمالی اصل اتفاق ایدم :

— بز سکا مال مسلمدن بویه نجه قدر ایدر .

بو محاوره دن سوکرا اصحاب کرامک اتفاقله حضرت خلیفه یومیه یاریم
 قیون ویازلق، قیشلق ایکی فات البسه، سنوی ایکی بیک درهم کوموش تخصیص
 قلندی . آدن سوکرا کان خلفای راشدینه ده عین تخصیصات اعطا اولوندی .
 هیچ برینه بو تخصیصاتدن فضله بر شی ویریندی . حتی حضرت فاروق زماننده
 ممالک اسلامیه بر سرعت خارق العاده ایله توسع ایتدیکی و یوز میلیونه قریب
 امانتک حوزه اسلامه داخل اوله رق بیت المال مسلمینه میلیونلرجه نقود و سائره
 پیدرپی کلدیکی بر زماننده ایله حضرت فاروق تخصیصات سابقه سنه برجه علاوه
 ایتدی . بر آردنق صحاب کرام حضرت فاروقک تخصیصاتی بر مقدار آرتیرمق
 ایستدیلر سه ده کندیبی بونی شدتلا ردایلدی . چونکه بو خصوصده برنجی
 خلیفه ایله کندیبی آراسنده عدم مساوات کوریمور و حالوکه بونی شیمه
 انسانیت و حمینه موافق بولمایور ایدی . کذا آدن سوکرده حضرت عثمان ،
 حضرت علی رضی الله عنهما ده عین تخصیصاتدن فضله بر شی قبول ایتدیلر .
 ایشته خلفای راشدین بویه جزئی بر تخصیصات ایله قناعت ایدرک وظیفه
 مودوعه لرینه کمال جدیتله و بین الامت مساوات و عدالتله صوک درجه رعایتله
 ایفای وظیفه بیوردقلرندن طولای ایدی که یکریمی اوتوز سنه ظرفنده شمس
 منیر اسلامیت بتون جزیره العربی انوار عدالت و مساواتله تنویر ایلدکن
 سوکرا حدود چیندن بحر محیط اطلسی به قدر اولان معموره جهانک کافه سنی
 دخی و ایددار فیوضات ایلدی . فاعتبروا یا اولی الابصار ! . . .

صراط مستقیم : ۲ تشرین اول ، ۳۲۴

اسلام و ترقی

ادیان موجوده ایچنده دین اسلام قدر اخلاق ، اجتماعی ، اداری ، سیاسی
 اساسلره استناد ایش بر دین دهها موجود اولدیبی ، بودینک احکام اصلیه
 و فرعی سنه واقف صرفداران حقیقت اولان ذواتک معلوملریدر . فقط بر جوق
 عصر لردن بری کابوس استبدادک عالم اسلام اوزرنده اجرا ایده کلدیکی تحریکات
 مدهشه تیجسی اوله رق اهل اسلامک هر یرده ، هر خصوصده اقوام سائرندن

کیری قلمش اولسی و بو یوزدن برچوق جکومات اسلامیه ک متقرض اولمش اولسی و عالم اسلامه مبار تسلی و استناد کاه اوله جق یالکیز عثمانلی حکومتی قلمش ایسه ده آنک ده استبداد سیئه سیله بین الحیات و الممات بر در کیه دوشمش اولسی و بو حکومت قدرت و مکتبی اعاده ایتمک امیدیه استحصال مشروطیت ایدمش ایسه ده اعلان مشروطیتی متعاقب ظهوره کن احتراصات داخلیه و خارجیه سیله مملکت هر طرفه نفاق و شقاق بتون دهشتیه باش کوسترمسی و بو احوال فلاکت استمالک نهایت بالفانلر حربته سیدیت و یردرک، دولت عینک خاطر و خیاله کیان بر مغلوبیتیه نتیجه لمتسی دین اسلام علمینده بر طوق افکار پخته نت انتشارینه میدان و یرمشدر .

دین اسلام مانع ترقی ایمش .. نه بیوک بر افتراء، نه عظیم بر بهتان! زیرا دین اسلام مانع ترقی دکل، بالعکس امر ترقی، سائق تعالیدر. چونکه بودین بر مملکت تمدن و ترقی ایتمسی ایچون اقتضا ایدن اصول و اساسانک جمله سنی حاویدر که بونلردن بعضیلری بر وجه آیدر :

سورای امت :

فی الواقع بو اساساندن بری سورای امتدر. سورای امت مشروطیتی قرآن کریمت: هر ایشده امتیکه مشاوره ایت و بتون مسلمانلرک ایسی ینلرنده شورادن عبارتدر. یعنی مسلمانلر کافه امور و معاملاتی صول مشورته حل و فصله مأموردر. مآلنده کی ایکی آیت کریمه سیله نابت اولمش و بنه علیه حضرت پیغمبر بو امر الهی به امتالا بتون مصالح مهمه متی مشورت اصولیه حل و فصله اهتم بیوردقلری کبی کنسیدن صکره الحاقی ده بو اثر عالی به بالاقتضا کافه مصالح مهمه عبادی اصول مذکوره ایله حل و فصله صولک درجه اعتنا ایتمش ایدی .

فی الواقع دین اسلامک وضع ابتدیی سورای امت زمانزده کی سورای امت ضرزنده دکل ایدی . فقط نتیجه اعتباریه شمیدیکندن دها نافع ودها عالی ایدی . دها نافع ایدی : زیرا نوزمانک ارکان شورایی وظائف و طنبه لری حال جدیدله و بلا اجرت ایفا ایده کاری خالده زمانزک ارکان شورایی وظائف مودوعه لری مهم بر مقدارده نافع اولان اجرت مسابنده ایفا ایتمکدرلر . دها عالی ایدی :

چونکه آنرا احتیاجات شخصی و یا قومیه دن و منافع خسیسه دن بالکلیه بری
ایکن شمذیکیلردن برچوقلری اوکی خصائل مذمومه دن کندیلرینی بردرلو
خلاص ایدمه مکده درلر و بو یوزدن منفعت برینه مملکته مضرتدن خالی
قاما مقده درلر .

بو ایکی شورا آردسند بشفقه برجهتدن ده فرق عظیم واردر . زمانزده
شورای امتک محل انعقادی مرکز سلطنتده احضار ایدیلان بر مکان مخصوصه
و مدت اجتماعی سنه نك برقاچ آینه منحصر اولدینی حالده اوزمانلرده شورای
امتک محل اجتماعی بتون محله مسجدلری ، جمعه و بایرام جامعلری و نمازگاهلری
وسنده برکره عالم اسلامک هر طرفدن کن و حجاجک اجتماعگاهی بولتان عرفات
طاغی اولوب بونلرک هر بری بر دارشورا ایدی .

زیرا بو ذکر اولان محللر یالکنز عبادته منحصر دکل ایدی . بونلر مصالح
امتی ده رؤیته محل ایدی ؛ فقط مرور زمان ایله عالم اسلامک باشنه چوکن کابوس
استبداد بومهم دارشورالری یالکنز عبادت و دعا یه حصر ایلدی . و بو صورتله
بتون امتک دینی باغلادی . ایشته بونک نتیجه سی اوله رق نهایت عالم اسلام
درلودرولفلاکتله معروض قالدی . خلاصه : دین اسلام ، مدنیتک اس الاسنی
تشکیل ایدن شورای امت اساس متینی واجب الرعا یه برقاعده مهمه اولمق اوزره
غایت واسع بر صورتده وضع ایش ایکن مع التأسف صکره دن ظهور ایدن
مستبدلرک بو اساس متین ایشلرینه کلدیکندن بو کوزل قاعده بالکلیه لغو ایدلش
و آنک برینه اداره کیفیه اقامه ایدلش درکه عالم اسلامک باشنه کن فلاکتلرک
یکانه سبب ده بو در .

حزب :

اساسات اسلامیه دن بری ده حزبتدر . دین اسلامک حزبت کله سندن مقصدی
النسایتک باعث فلاکتی ، مدنیتک اذ مددهش آفتی اولان حیوانی برحزبت
اولیوب النسایت و مدنیتک سبب تکمل و تعالیسی اولان علوی برحزبتدر .
اوده بشقه سنک حقوقه تجاوز اتمامک شرطیله ، ولوکه بر حکمدرادن صادر
اولسون ، هر هانکی برحقیق معامله یی رده و هر هانکی برحقی مدافعه یه بتون
ملتت صلاحیتدار اولسندن عبارتدرکه عقل و حکمتک قبول ایتدیکی حزبت ده

بود. ایستہ دین اسلامک بخش ایتدیکی بوحریت سایہ سنده ایدی که بین المسلمین حقسز بر معامله یه پک اندر تصادف اولتور، اوده در حال ازاله ایدیلور ایدی . حتی آحاد ناسدن برفرد بیله حقسز اولدیغنی ضن ایتدیکی بر مسئله یی بالذات حضرت پیغمبردن ویا خلیفه سندن استیضاح ایدیور، آنک بو استیضاحی در حال قبول اولتور، ایضاحات لازمه اعطا ایدیلرک صاحب استیضاح اولان ذات اقناع ایدیلور ایدی . اکثریا بو استیضاح و ایضاح مسئله لری حضرت پیغمبر ویا خلیفه سنک جمعه، بایرام و عرفات خطبه لرینی ایراد ایتدیکی ائشاده وقوعه کلیور ایدی .

ینه بوحریت سایه سنده ایدی که وضعیت اجتماعی سی اعتباریله ادنا بر مرتبه ده بولنان برفردک لدی الایجاب خلیفه زمان ایله حضور حا کده مد افعه لری بلا مشکلات اجرا ایدیلور ایدی . نسکیم حضرت علینک خلافتی زمانده برهودینک خلیفه مشارالمهک علیهنده اقامه ایتدیکی برزده دعواسی اوزرینه هر ایکسی ده قاضی شریحک محکمه سنه دعوت اوله رق حضور قاضیده مدعی علیک قیاموایان یانه اوله رق مرافعه لری اجرا ایدلمش ونتیجه محاکمه ده حضرت خلیفه نک علمنه حکم صادر اولمش ایدی . وبو حال هیچ کیمسه نک نظر دقتی جلب اتمامش ایدی . چونکه اوزمانلر بوکی احوال امور عادیه وطبیعه دن معدود ایدی .

دین اسلامک بخش ایتدیکی حریتک درجه قوتنه و مرتبه علوتنه باقبکزر که حضرت پیغمبر بر حدیث شریفنده بر حکمدار ظالمه فارشو دوغری سوز سوشکی افضل جهاد اولمق اوزره خبر ویردیکی کبی دیگر بر حدیث شریفنده ینه یویله بر حکمداری اجرای عدالته و ظلمدن مجانبته دعوت ایدوبده آندن دولانی او حکمدار طرفدن قتل اولسان هر هانسی برفرد غیور ایله عم عالیلری سید الشهداء حضرت حمزه بن سید الشهدا اولمق مرتبه علو سنده مساوی طوتمشدر که حق و حقیقتی محافظه ومدافعه اوغرنده حریت کلامیه یه بوندن دها زیاده رواج ویرمک امکان خارجنده در .

عمرالت :

اساسات اسلامیه دن بری ده عدالتدر . بلا استثنا بتون اهل اسلام هر خصوصده و صورت مطلقه ده اجرای عدالته و هر نوع ظلمدن مجانبته دسا مأمور و مجبوردر .

بویاده شرفوارد اولان آیات قرآنیه واحادیث نبویه حددن افزوندر . بناء علیه بزبوزاده یالکیز دین اسلامک عدالته عطف ایتدیکی اهمیتک درجه سنی و ظلمه قارشو کوستردیکی شدت و نفرتک مرتبه سنی ایضاحه کفایت ایددجل بعض دلائلک بوجه آتی ذکریله اکتفا ایدیورز .

قرآن کریمک [مشرکله اولان شدت بغضکیز سزنی آنلر حقنده عدالتسزلمکه سوق ایتسون . آنلر حقنده دخی اجرای عدالت ایدیکزکه نفسکیزی حقسز برمعاملهدن، ظلم وجوردن صیانته الک یقین واسطه، عدالتدر] و [جناب حق امامتی اهله تادیبه وتودیع ایتکیزی و بین الناس عدل ایله حکم ایتکیزی سزه امر ایدیور . یعنی بونی سزه واجب قیلور] مآلنده کی ایکی آیت کریمه سی و حضرت پیغمبرک [بر ساعت اجرای عدالت ایتک برسنه عبادت ایتکدن افضلدر] و [بتون سماوات آنحجق عدل ایله قائمدر .] مفادنده کی ایکی حدیث شریفی ضن ایدیورمکه بتون کائنات نظرنده دین اسلامک بواصل ایتینه نه درجه اهمیت ویردیکنی ایضاحه بالغاً مابلغ کافیدر .

دین اسلامک ظلمه قارشو کوستردیکی شدت و نفرته کنجه : قرآن کریمک [ظالملر ایچون اصلا فلاح ونجات یوقدر] و [هیچ کیمسه نه قارشو عدوات جائز دکدر . فقط ظلمه بو حکمدن مستنادر . یعنی آنلره قارشو اعلان خصومت و اظهار عدوات جائز و بلکده واجبدر] و [ظالملر بیه عهدمه یعنی نایمه اجرای حکومته و احراز خلافته نائل اولمغه لایق دکدر . بومهم وظیفه بی درعهده ایددجک ذواتک شائبه ظلمدن میرا اولسی لازمدر .] مآلنده کی اوچ آیت کریمه سی دخی بومطلبی صورت و افصحده اثبات ایتکدهدر .

مسارات :

اساسات اسلامیه دن بریده مساواتدر . دین اسلامک بوکله دن مقصدنی دخی علی الاطلاق مساوات اولیوب حقوقده وسائر باجمله معاملاتده مساواتدرکه ذاتاً بشریت رفاه وسعادتی تأمینه اساس اوله یله جک مساواتده بودر . فی الواقع انسانلر باجمله حقوق ومعاملاتده نظر قانونده مساوی اولمق لازمدر . زیرا اوله اولماز ایسه حقوق ناس ضایع اولور . قویلر ضعیفلرک حقوقه تجاوز

ایدر. بالنتیجہ تمدن و ترقی قابل اولماز. حالوکه تمدن اولینجه حیات بشریہ نیک بقا و دوامنه امکان قالماز .

ایشته بونک ایچوندرکه حقوق و معاملاتده بین البشر مساوات رعایت ، ارکان اسلامیہ نیک بیک برکننی تشکیل ایشدر .

حضرت پیغمبر بومساواته تمامیله رعایت ایشدر و امتده کندی ذات رسالتناهیله کبی رعایت ایتلرینی فرمان بیورمشدر ایدی .

ایندی بیک اوچوز بوقدر سنه اول دین اسلامک تاسیس ایتدیکی قاعدۀ مساوات اودرجه عالی و واسع ایدیکه شو عصر حاضر مدنیتده بیله هیچ برملت بودرجه مساواته نائل اوله مامش و بوندن صکرده نائل اوله میهنی شهیدن وارسته بولمشدر . [حریت - مساوات عنوانلی مقاله مزده بوبانده دها زیاده تفصیلات واردر.]

اخوت :

اسلامیتک مهم اساسلرندن بری ده اخوتدرکه برملتک حیات و بقاسی ایچون برنجی درجه ده الزم اولان شی ده بودر. زیرا انسان طبعاً مدنی اولوب پک چوق احتیاجاته معروض بولندی و حالوکه محتاج اولدیغی شیلرک بردانسنی بیله یالکیز باشته تدارکدن عاجز بولندی جهته یشامق ایستیان برملتک افرادی ارسنده غایت صمیمی براخوتک تأسسنه اشد لزوم واردر.

دین اسلام قرآن کریمک [مؤمنلر قرداشدر] مآئده کی برآیت کریمه سیله و حضرت پیغمبرک مدینه منوره نی تشریف بیوردقلرنده هر شیدن اول بین المسلمین عقد اخوتیه مباشرت بیورمش اولمسیله و او زمانلر بواخوتک میرانه قدر تأثیر ایش بولمسیله بین المسلمین اخوت اساسی تاسیس ایشدر .

دین اسلام بومهم اساسی غایت متین برصوتده وضع ایتدکن صکره بونی الی الابد محافظه ایدجک اسبابی ده احضار ایشدر. بودینده زکاتک ، تعاون و تناصرک فرضیت و مشروعیتی ، عداوت و خصومتک ، غیبت و بهتان و بلاتک ، نفاق و یشفاقک ، تفرقه ، فتنه و فسادک ، ادعای قومیت و جنسیتک سدیداً ممنوعیتی هپ اخوت اسلامیہ نی الی الابد محافظه ایدجک اسباب جمله سندندر. فی الواقع برملتک فقراسی اولملک اغناسندن معاونت کورمز و هپچ اولماز

ایسه آنک ثروتندن لاقول قرقرده برنستنده استفاده اتمز ایسه اویله برملتک بتون افرادی آردسنده صیممی وجدی بر اخوتک تأسسنه امکان قالماز . کذا بر مات عداوتدن ، خصومتدن ، غیبتدن ، بهتاندن ، یلاندن ، نفاق و شقاقدن ، تفرقه ، فتنه و فساددن ، ادعای جنسیت و قومیتدن شدته منع ایدلرسه اوملت آردشده اخوتدن اثر بولنه ماز و بناءً علیه اویله برملتک یشامسی ده قابل اولماز .

*
*
*

اعداد قوت :

اسلامیتک اساسات مهمه سندن بری ده اعداد قوتدر . بواساس قرآن کریمک [دشمانلریکزه قارشو اقتداریکز بتدیکی قدر قوت حاضر لایکنز] ماننده اولان بر آیت کریمه سیله بتون مسلمانلر ده فرض اولمشدرکه بالجمله ترقیاتک اسباب حصولنی تأمینه کافی براساسدر . زیرا برشی فرض اولنجه آنک توقف ایتدیکی شیلرک دخی بالطبع فرض اولسی لازم کلدیکندن اعداد قوتک فرضیتی آنک موقوف علیهی اولان استحصال ثروتک فرضیتی واستحصال ثروتک فرضیتی ده آنک توقف ایتدیکی معرفت ، صنعت ، تجارت ، زراعت ، فلاحت کبی شیلرک کافه سنک فرضیتی تضمن ایتکده در . شو حالده دین اسلام دشمنه قارشو اعداد قوتی بتون مسلمانلر ده فرض قلمش اولسیله آنک موقوف علیهی اولان ثروت ، معرفت ، صنعت ، تجارت ، زراعت و سائر ده کبی شیلرک کافه سنی دخی فرض قلمش اولور دیمکدر . سعادت بشرینه ک تأمین اچون کش اولان بر دین سواوینک انسانلر حقده یابه جفی ابولک ده ایشته بو قدر اوله بیلور . بواساس مینانی تطبیق و موقع اجرا به وضع ایسه انسانلرک کندی غیرت و فعالیتنه منوط بر کیفیتدر .

بونک اچوندرکه صدر اسلامده عظالت اصلا کور و لمبور ایدی . بتون مسلمانلر متبادیاً چالیشورلر ، یشامق و یشامق اچون علی الدوام اوغراشیورلر ایدی . سنه ده ایکی بایرام کونلرندن ماعدا آنلرک ایام تعطیلیه لری یوق ایدی . حتی جمعه کونلرنده بیله کسب و تجارتنه اشتغاله مأمور ایدیلر . نسکیم قرآن کریمک [جمعه اذانی اوقوندیقی وقت ادای صلاته سرعتله کیدیکز و پوانساده بیع و شرایی ترک ایدیکز و نمازی ادا ایدنجه در عقب داعیلوب ینه بیع و شرا ایله بالاشتغال الهک سزه فضلندن تقدیر ایتدیکی رزق کیزی طلب واستحصاله

چالیشپیکنز آ ماآلنده کی برآیت کریمه دخی بو حقیقی قطعی بر صورتده بیان
ایتمکده در .

ایشته صدر اسلامده مسلمانلر دین اسلامک کندیلمینه بخش ایلمدیکی
بروجه بالا درج ایتمدیکنز اساسات مهمه یه صوگ درجه رعایت ایتمدیکندن
دولاییدرکه یکریمی ، و توز سنه ظرفنده شمس منیر سلامت بتون جزیره
اغربی انوار فیوضات بخشاسیله تنویر ایتمدکن صکره حدود چیندن بحر محیط
اطلاسی یه قدر اولان معموره جهانک کافه سی دخی و یه دار فیوضات ایتمشدر .

ضامه :

تجددی « دین اسلام مانع ترقیدر » دین ذواته صورارم : بو مقاله مزده
بین ایتمدیکنز اساسات مهمه دین اسلامدن بشقه هانکی دینده وهانکی ملتده واردر .
ومت اسلامیه نك كندی عظامت وجهالتلری یوزندن اوغرادقلری فلا کتلك اسبابی
اوقدر علوی اولان دین اسلامده آرامق موافق انصافیدر؟ لطفاً بو سؤالدریمه جواب
ویرملرنی کندیلمدن بکلرم .

اسلام شموععی : ۲۷ شباط ، ۳۱۹

قونفرانسیر

کتاب الامیہ ننگ احتیاجات عصرہ کوردہ اصلاح و تالیفی

بین المسلمین مذاهب مختلفہ ننگ توحیدی

مدرسہ لردہ تدریس ننگ اصلاحی [۱]

صدر اسلامدہ یالکیز احادیث و آیات معانی ظاہرہ سیلہ اکتفا اولنوردی .
بالخاصہ پیغمبر من زمانندہ هر کس شہہ ایتدیکی مسئلہی بالذات حضرت رسولہ
صوزار ، حل ایدردی . کتاب یازمغہ ، او قومغہ نروم یوقدی . کرک دینہ ،
کرک دنیایہ عائد شیلر ، هر نیا اولورسه اولسون ، ہی بویله حل اولنوردی . کتاب
تالیفنه نروم کورولمزدی .

صوکر تالیفین زمانندہ اختلاف ظهور ایتدی . بونک اوزرینه اتحاد اسلام
ایچون کتابلر یازمغہ باشلانندی . چونکه اگر تشتت آرا وقوع بولورسه ،
اختلاف آرا حاصل اوله حق ؛ اهالی اسلامیه آرسندہ تفرقه میدانہ کلجبت ،
حالبوکه تفرقه میدانہ کلججه قوت زائل اولوب صوکر معاذ الله بتون امت محو
اولوله جق ایدی . بونک ایچون اختلافلری قلدر مه یه چالیشدیلر . حتی باطلدن تفرقه
اوغراشدیلر . ایشته اووقت کتابلر تالیفنه باشلانندی .

بالخاصہ علم کلامه دائر کتابلر یازیلدی . ارباب بصیرت اولانلر حتی قبول
ایتسون ، دینلدی . وفائدہسی کورولدی .

فقط بونلرده فلسفہ دن بحث یوقدی . زرا علوم فلسفیہ هنوز اسلامه انتقال
ایتمه مشدی . هر مسئله بر آیت ، بر حدیثله اثبات اولنوردی . علمای مقدمینک
مسئلکی بو ایدی . چونکه احتیاج اولنستندہ ایدی .

صوکر علوم فلسفیہ عربجه یه انتقال ایتدی . ترجمه ایدیلدی . بونک اوزرینه
برچوق مسلککمر ، مذهبیلر دها ظهور ایتدی . مثلا اووقه قدر « مشائون »
مذهبنی بیلمزلردی . چونکه اوکا دائر بحث یوقدی . اولاو ، میدانہ چیقدی .
صوکر « طبعیون » ندیمک اولدیغنی کیمسه بیلمیوردی ، بویله بر فکر یوقدی .

[۱] بوقونفرانس ، ۲۰ اگستوس ۲۲۵ ده شهزاده قلوبنده ویرلشد .

بوفکر لر ایشته عپ اومسلک لرك اچنده گورولدی . سالیکی اولانلرده اولدی .
اما آز ایدی . صوکر ا مشائیون مسلکی اک چوق میدان آلدی . اکا سالاک
اولانلر پک چوغالدی . بوجهته اولنره قارشی دینی مدافعه لازم کلدی .

بویله کرك اشراقیون ، کرك مشائیون مسلکارسنه قارشی دینی مدافعه لزومی
حس ایدیلنجه او یولده کتابلر یازلمغه باشلاندى ؛ یعنی علم کلامه فاسفه قاریشدیریلدی ،
چونکه اویله ایجاب ایتدی . ایشته عامای متأخرینک علم کلامی بودر .

فقط بو ، نصل اولدی ؟ اولا علما او علملری تحصیل ایتدیلر ، صوکر اعتقاد
اسلامیهنی فلاسفهیه قارشی مدافعه ایلدیلر . او یولده کتابلر یازدیلر .

برخیی زمان بویله دوام ایتدی . صوکر الری اشراقیون مذهبی پک رواج
بولهمدی . اک چوق مدافعه مشائیونه قارشی ایدی .

نهایت مشائیون مسلکی ده منقرض اولدی . یعنی فلر دیکشیدی ، فلر
دیکشبنجه مشائیونک استنادکاهی اولان اساسلرده آلت اوست اولدی . بناء علیه
اولنره قارشی مدافعه دهده بر فائده قالمادی .

چونکه او فلرک ماتریمی یوق ، اومسلکی التزام و ترویج ایدن کیمسه
بولونمایور ؛ که اولنره قارشی مدافعه لر میدانه قویلمده اوصورتله احکام دینی
محافظه ایدلم .

بونلر منقرض اولونجه رینه « مادیون » قائم اولدی . طبعیون مسلکی ده
کرکی کبی رواج بولدی . شیمدی بونلره قارشی مدافعه لازم کلدی .

نصل که عامای متکلمین وبالخاصه متأخرین هم طبعیون ، هم مشائیون ،
هم اشراقیونه قارشی مدافعه ده بولوندیلر ، وموقوده اولدیلر ؛ شیمدی بزده
زمانمزددهکی معارضلره قارشی مدافعه ده بولونمق لازم کلیر .

— بز کندیمزدن برشی قانارسه ق نصل اولور ؟ بز اولنرک مدافعاتی تعقیب
ایدلم ، کیدلم ...

دینیرسه ، دیرزکه : — پکی ، فقط کیمه قارشی ؛ شیمدی بومسلکده ارباب
علومدن ، تعبیر آخراله فلاسهندن هیچ برفرقه یوق که اولنره قارشی بومدافعاتی
سرد ایدلم .

« بوعالم اون اوچ کردهدن عبارتدر . ایشته برنجیسی طوبراق ، ایکنجیسی

صو، اوچنجیسی هوا، دردنجیسی نار، طقوزده افلاك وار. بونلر بربرینک ایچندهدر. وبوافلاك ازلی وابدی در. سائرلری ده نوعاً و جنساً ازلی وابدی در. بو صورتله عالم، قدیم در.»

شیمدی بویله دین برآدم یوق. اوخالده اسلامی مدافعه ایده جکزر دیه:
«خایر، سنزك قدیم دیدیککز طوغرودکادر، بلکه حادث در. بویله کندی کندمزه باغیردم. نه حیقار؟ بوکونکی فلاسفه بزم دیدیکمز کبی دیبور:
— اوت، کره ارض حادث در. واوزنده کی مخلوقات ده حادث در.

صوگرا: «افلاك دیدیکمز شی، اویله بطالمیوسک دیدیکی کبی طقوزی بربرینک ایچه کیرمش دکادر. بویله افلاك ده یوقدر. بزم: وارد دیم، کیم دیکلز؟ خصم برکره افلاك وجودنی قبول ایتورکه «حادثر» دیه آنی الزام ایدم. شیمدیکي فلاسفه نك اعتقادی:

«شو فضا نامتاهی در. ایچنده بولونان اجرامده کذلک نامتاهی در. وبو اجرام من حیث الصوره حادث در. یالکمز قدیم اولان اجزای اصلیه سی، اجزای فردیه سی در. بو عالمده هیچ برصورت یوقدرکه حادث اولماسون، هپسی حادث در؛ لکن اجزای فردیه ابدی در.»

ایشته بوکونکی فلاسفه نك فکری بو. شیمدی قانتوبده بونلره قارشی: «افلاك قدیم دکادر، حادث در.» دیرسهك بزه کولرلر.
— نه سویلیورسک؟ دیرلر.

— صوگرا انسان قدیم دکل، حادث در.
— البت حادثر. ارض برچوق طبقاته منقسم در. طبقه علیاده انسان حادث اولمشدر. سنک دیمک علم ارضی ده ییلدیکک بوق. بو بدیهی برشی. کیم دیمش: انسان قدیمدر؟

— بیلمم ایشته وقتيله دیمشدر. اوکا قارشی سویلیورم.
— اونلری بولده اونلره قارشی سویله...
دیرلر. شو حالده کورولیورکه زمانمزده درسنبری بوکا کوره صلاح لازم در.
زمانمزده کی فلاسفه نی رد ایده جک کتابلر تألیفنه احتیاج شدید واردر.
اما: — نداولورایسه اولسون تراولجه سویله ن سوزلری تکرار ایده جکمز...
دینیرسه، اوباشقه. فقط اونکله دین مدافعه ایدیلمش اولماز.

صوکرما مشائیون جناب حَقِّک وجودینی مصدر قدر : « الله واردر ، البت بو کائناک علت اولاسی واردر ، که واجب الوجود در . فقط او واجب الوجود فاعل موجب در ، فاعل مختار دکل . بونک ایچون عالم قدیم در . چونکه فاعل موجبدن صدور ایدن شی ازلی اولور . بناءً علیه الله موجب ، عالم قدیم در . چونکه عالم اوندن صدور ایتمش وبالایجاب صدور ایتمش ... » دیورلردی .

بز بوکا قارشی اوزمانلر دیمشدک که : « خایر ، الله فاعل موجب دکل ، فاعل مختار در ... » شیمدی فلاسفه حاضره یه قارشی بونی سویلر سه ک بزه کولر لر : — سز نلر سویلور سکنز ؟ دیر لر .

اونک نظر یاسنجه الله یوق . زده قالدی که موجب ، یاخود مختار اولسون . شو حالده بونلر قارشی فاعل موجب ، فاعل مختار مسئله لرینی ذکرده فائده یوق . اسکی حکما دیمش لکه : « جناب حَقِّک صفاتی یوق در . کندیسی واحد حقیق در . بناءً علیه اونده بر طاقم صفت تصوری باطلدر . مادام که واجب الوجود در ، احتیاجدن وارسته در . اگر کندیسنده صفات اولور سه نصل واحد حقیقی اولور ؟ صوکرما صفاتده احتیاجی لازم کایر . حال بوکه احتیاج واجب الوجوده منافی در . اوبداته قائم ، بذاته عالم ، بذاته قادر ، بذاته مرید در . الخ . . علم ، ذاتک عینی ، قدرت ، ذاتک عینی ، بتون صفات دیدیکمز شیلر ذاتک عینی در . »

معتزله ده بوکا سالک اولدیلر . قبول ایتدیلر . شیمدی بو بولده مدافعه ده بولنسه ق : « خایر ، جناب حَقِّک صفاتی واردر ؛ الله علمیه عالم ، قدر تیه قادر ، حیاتیله حی در . اراده سیله مرید در ، کلامیه متکلم در . »

دیه معارضلرمزه قارشی سوز سویلیه جک اولور سه ق بزه دیر لر که :

— بز اساسی قبول ایتبورز . زده قالدی ، صفات مسئله سی ...

خلاصه بو کون بزم معارضلرمز ، یعنی فلاسمنه الوهیت ونبوتی قبول ایتبور لر . واقعا طبیعیندن بعضیلری الوهیتی قبول ایتش لر . لکن اونده تعمیق ایدر سه ک آنلرک الله دیدیکی شی ینه طبیعت اولیور .

سوحالده بزه ک لازم جهت ، علم کلام کتابلرینی احتیاجات حاضره یه کوره تألیف ایتک در . بوده نایله اولور ؟

بر کرد معارضلرمزک فتوتی بیامکله اولور . بیانمزه اونلره قارشی سوز سویلیه مز . نته کیم علمای سلف اویله یابدیلردی : زمانلرنده کی فلاسفه نک فلرینی تحصیل ایتدیلر ، صوکرما اونلرک سوزلریله اونلری الزام ایتدیلر .

شیمدی بز قالداده معلومات حاضرده مزله مدافعه یه یلته نیرسه ک کولونج اولورز. چونکه بیلیمورز. اولا اوفلری تحصیل ایدلم. سوکرا اوفلرک اساساتی دأرئرسنده اسلامی مدافعه ایدلم.

آرتق بو احتیاجی حس ایتلی بز. بو خصوصده تعصب کوسترمنه نك فأنده سی یوقدر. بالمکس مضرتی واردر.

ایشته آثار کوستریبور که بتون اعصاردهده اویله یابدیلر. بتون علما هر عصرک احتیاجنه کوره کتاب یازدیلر.

شوخالده متکلمینک متأخرینی نصل فلسفه نك عربجه یه انتقالیله اوزمانکه علم کلامک اصلاحنه لزوم کوردیلر؛ اوعلمه طبیعتدن، الهیاندن برچوق مباحث علاوه ایتدیلر ایسه بزده عینی احتیاجده بز. بزده زمانمزک احتیاجنه کوره علم کلام کتابلرینی اصلاح ایتلی بز.

* *

اوندن باشقه فرق اسلامی آرئنده برچوق نزاعلر اولمش، اسلام تفرقه یه دوشمش. برچوق مذهبلر چیتمش. اومذاهبدن برقسمی الآن باقی. مثلا: شافیه، حنبلیه، مالکیه وار. بونلر اهل سنت اولتقه برابر احکام فرعیده بزده مخالف در، هپسنده دکاسهده برچوغنده مخالف در. واقعا اسانده اختلاف یوق، فقط بعض فروعهده وار.

بو اختلافی یکدیگرمزه فارشی خصومت صورتنده کوسترمنه ملی بز. مثلا شافیی کئدمزه فارشی برخصم عد ائمه ملی. اونلر اویله یابار، بزده بویله. احتمال که بز، احتمال که اونلرک یابدینی موافقدر. بونلر مسائل اجتهادیده در. حالبوکه مسائل اجتهادیده ادله ظنییه مستندر. هر ایکی طرفکده دلائلی ظنی در، قطعی دکلدر.

شوخالده اجتهادلر آرئنده بر فرق اوله ماز. انک ایچون دیرلر که: اجتهاد ایله اجتهاد نقض اولونه ماز.

مثلا: حقی مذهبده بولونان برقییه بالا اجتهاد بر مسئله حقیده بر حکم ویرر. سوکرا دیگر مجتهدک او حکمی بوزمغه حقی یوق. حتی بر شافیییه کوسترمنه اوده بوزده ماز. امضیه مجبور اولور. نندن؛ چونکه کندی اجتهادی اوته کینک اجتهادندن فضله دکل که. اوده ظنی، اوده ظنی. شوخالده «بزاو مسئله حقیده بویله اجتهاد

ایتمش؟ فلان ده شویله اجتهاد ایتمش، اما خلط ایتمش، او قدر ایلری کتسه ملی.»
دیمک حماقت اولور.

ایشته بوحل، تفرقه یه سبب اولمشدر. قوت، اسلامک قوتی طاغلمشدر. شایان تأسفدر. ای برشی دکل. الله زه اتحادی امر ایتمدیکی خالد کندی کندمزه اختلافلر حقیقارتمش، کندی کندمزی طاغتمش. بررمزی خصم کورمه ملی یز. برمذهب دیگر مذهب اهلی قطعاً خصم غد ایتمه ملی. آرتق بو احتیاجی اکلامی یز. یعنی بو احتیاجی بیلملی یز که آرامزده کی بو اختلافلری ازاله یه چالیشه لم.

مثلا بساله حتمده حنی شافعی نی اکفارا یتمز. چونکه ایکسینکده دللیلری قوتلی. هر ایکی طائفه دیگرینی معذور کورور.

صوکر ا برشیعی مذهبی وار. شیعیلرله سنی لر آردسنده کی خصومت، عادتاً عداوت درجه سنه وارمش. بلکه ده شدتلی. شبه یوقکه بو، ای برشی دکل. هله بوکون بو خصومتی قانیر ملی. بوکون بتون اسلاملرک اتحادی لارمدر. قطعاً وقایطه بویهدر. چونکه بو اتحادی پایه مازسه ق قطعاً بیلملی یز که ده یارم عصر سورمز اوروپالیلر یز بلع ایله جکدر، بتون مسلمانلر محو اوله جق در. یز محافظه ایچون اتحاددن باشقه چاره یوقدر.

شیعی اولسون، سنی اولسون، دکلمی که (لا اله الا الله محمد رسول الله) دییور، کندی مسلمان عدایدیور؛ اونی دأرّه اتحاده آلی در.

اوت خطالری واردر، یوق دکل، فقط خطالری اصلاح ایددم. یکدیگر مزه قارشی اعلان عداوت ایلمیه لم. خطالری وارسه اخطار ایدرک دأرّه انصافه دعوت ایددم. اما خصمانه دکل، حسن نیله. هر کسک عقلی، فکری وار. البت تصحیح افکار ایدر. آرقه دن آرقه یه تراونلری تضلیل، اونلری تضلیل... بونلر چوجق آیشلری در، بویله شانلی برأتمه یاقیشماز.

اونلری دعوت ایددم، قارشی قارشی یه کله لم، علماسیله کوروشه لم، انساجه سنه قوشه لم، آکلاشه لم:

— هیمز مسلمانز. ندر بینمزده کی بوججادله، بوقاوغا؛ بر مجلس مناظره تشکیل ایددم. بینمزده کی اختلافی مسئله لر نه ایسه حل ایددم...

خلاصه شیعی علماسنی دعوت ایلملی بز . بر مجلس تشکیل ایدرک اختلافلی
حل ایتملی بز . بوحال تفرقه یه نهایت ویرملی بز . والسلام
ایکمزده قرآن اوقوروز ، ایکمزده اللہ بز ، پیغمبر حق اعتقاد ایدرز .
صوکرآ آنلره کوره بز باطل ، بز کوره اونلر باطل . قوتک ظاغیلمسی ،
مسلمانلرک انحطاطی بوندن نشأت ایتدی . بوفکرلر بوگونکی احتیاجله
متناسب دکادر . ادب دائر مسنده مناظره ایتملی . طوغر و سنی بودر . مباحثه
ایدرسهک بن امیم که اونلر دائره انصافه کلجکدر .

بن سزه شیعی علماسندن بریله ایتدیکنز بر مباحثه نی حکایه ایدریم ، مأمول
ایدرمهکه سزدهده بو امنیت کابر . هم غایت متعصب بر شیعی ایدی ؛ فقط عالم ، جدی
بر ذات ایدی دیدم که :

— نادر سزک بزمله اولان صل محل نزاعکز ، خلافتکز ؛ ندرسه ایدر سکز ؛
— اصل خلافت مسئله سنده . . . دیدی .

— اونده نزاع ایدر جک برشی یوق . بکا قالیرسه نزاعه دکمز .

— یوق ، غایت مهمدر . اسلامی بو مسئله ، بیتر مشدر محو ایتمشدر .
دینی آلت اوست ایتمشدر . . . پیغمبردن صوکرآ خلیفه علی اولملی دی . . .
دیدم که : — « خلافت پیغمبردن صوکرآ علی یه عأندر » سوزی بر دعوادر .
دلیل ایستر . بوکا دلیلکز ندر ؛

اوبر جوق شیلر صایدی ، دوکدی . اماهینسی واهی . دیکلدم ، دیکلدمه .
نهایتنده دیدم که : — بوسوزلرک هیچ بریسی دلیل دکل . بونلر هپ ظن افده
ایدر . سن اورته یه بر دعوا قویدک که مطالب یقینینه درر . مسائل اعتقادیه دن
برشی ظنی شیلرله اثبات اولنه مز . هایدی مسئله فرعیه اولسونده ظنی دلیلرله
اثبات اولنه بیلسون . ینه اویمایور .

صوکرآ بشقه شیلره صایدی ؛ سویلیدی ، سویلیدی . فقط هپ واهی شیلر .
نهایت دیدم که :

— حضرت پیغمبردن خلافته دائر ، یعنی کندیسنندن صوکرآ کیمک
خلیفه اوله جفته دائر قولاً هیچ برشی صدور ایتمه مشدر . بو ، قطعی درر . دلیل ؛
اگر حضرت پیغمبرک کندیسنندن صوکرآ مقام خلافته کیم کلجکته دائر
کندیسنندن بر قول صریح شرف صدور ایتسه یدی بو مسئله ده اصحاب گرام اختلاف

ایتمز لردی . چونکه اصحاب کرامک حضرت پیغمبره درجه اطاعتی هر کسبجه معلوم . حتی حضرت پیغمبرک ارحمال داربقا بیوردقلری کون انصار ایله مهاجرین خلافت مسئلهسنی مذاکره ایتدکاری صررده بیلر ننده اختلاف ظهور ایتدی . انصار کرام : برامیر بزدن برامیر سزدن اولسون ، دیدیلر . صدیق حیقوبده (الائمةمن قریش) حدیثی اوقویجه انصار طور دیلر :

— مادام که پیغمبر بویه بیورمش ، بزم بوندن سوکرا نراعمز یوق ، کندیکز انتخاب ایدیکز ! .. دیدیلر ...

کورولور که حضرت رسولدن سوکرا کیمک خلیفه اوله جغه دائر کندیسندن صراحت قولیه شویله طورسون ، ایمان قولی بیله یوقدی . دیمک که حضرت پیغمبر بومسئله یه دایره هیچ برشی سو بلمدی . خسته اولنجه صدیق امامته کچیرمشدی . بوندن استدلال ایتدیلر : امامته بونی لایق کوردی که کچیردی ، دیدیلر . فقط حضرت علی حقتده بویه برشی ده اولمادی .

خلاصه بومسئله حقتده حضرت پیغمبرک کندیسندن هیچ بر حدیث شرفصدور ایتامش اولدیغندن اول امرده اصحاب کرام مقام خلافته کیمک تعین اوله جفی حقتده اختلافه دوشدیلر . نهایت بالا جتهاد صدیقه قرار ویردیلر . سوکرا حضرت صدیق عمری ولی عهد یاپدی . حضرت عمرک وفاتندن سوکرا برشوری یاپلیدی . شوراده حضرت عثمانی انتخاب ایتدی . سوکرا حضرت علی مقام خلافته کلدی . شیمدی بونک اساس دینه تعلق نه ؟ « دین محو اولمش ... » بو ، نصل لاقیردی ؟

سوکرا صدیق خلافته ککش ، نه یامش ؟ مسلك رسولی تبدیل می ایتمش ؟ سزده بیلیرسکیز که مسلك رسولی حرفیاً تطبیق و محافظه ایتشد . سوکرا عمرده اوله یامش . بتون فتوحات اسلامییه یاپان حضرت عمردی . حتی سزی اسلام ایدن اوایدی . بو قدر فتوحات اولمش ، حضرت عمر زماننده نیجه بلاد فتح ایدیلمش و یوز ملیونه قریب نفوس حوزده اسلامه کیرمش . بونکله برابر ابتدای زمانده حال ندایسه نهایتده ده اوایدی . اکثریا یالین آیاق کزردی که آیاق قابلری اسکیمسونده بیت المال متضرر اولماسون . شو حالده « دین محو اولدی » نک معناسی نه ؟

بویه سو بیلنجه مناظر من طوردی . برشی دیمدی . سوکرا علاوه ایتدم :-

ایشته بوذوات گرام مسلك نجی حرفیاً تطبیق ایتدکلرندن بزاونلری تقدیس ایدرز. ذره قدر انصافی اولان برمسلمانده اویله یایمق لازم کلیر. عقول سلیمه اربابی بونک خلافتی رد ایدر.

— حضرت علی پک عالم ایدی، پک فاضل ایدی، اسرار قرآنه واقف ایدی.

— طوغرو. اوکا شهبه یوق.

— اویله ایسه یچون خلیفه او اولمامش؛

— سن مسئلهی دیکشدریورسک: علی دها فاضل، دها عالم اولدیغی ایچون لایق اولان او اولمیدی، دیمک استیورسکز. او حالده سزجه دین اساسندن بوزولمامش. اولی اولان شی ترک ایدلمش، دیمک اولیور. بوندن «دین اساسندن صارصیدی» دیمک اولورمی؟

بونی سویلینجه: — برادر، دیدی، سن لاف سویلتمیورسک. حضرت علی اسرار قرآنه دها زیاده واقف اولدیغی ایچون ایلك خلیفه او اولسیدی نیجه خدمت یاپه جقدی. یعنی اسلام پک چوق تعالی ایده جکدی. مقصدم بودر. دیدیم: — سن دعواکی دیکشدرک. مع هذا صوکارا کنیدیسه خلیفه اولدی. بیلمدیکمز برشی وارسه نه یه میدانه چیقارمدی؟ باقیلرسه، سزک دعواکزه کوره، علی خلیفه اولونجه عالمبتون بتون باشقه لاشملی ایدی...

ایشته بویولده دها برچوق شیلر سویلدک. اونک اوزرینه بوذات دائره انصافه کله رک: — طوغروسی، بوسیاسی برمسئله در، آده مزه تفرقه قومق ایچون وقتله قورولمش برلاندر، دیدی.

ایشته کوریلپورکه اونلر منصف آدملر در. کوروشورسک، مداوله افکار ایدرسک طبیعی برلشه جلاز. ملل غیر مسلمه یه قارشو بیله اظهار خصومت جائر دکدر. زدهه قالدی کندی دین قاردا سمزه قارشو جائر اولسون. بوحال پک مضر در. بوکا ارتق نهایت ویرمی. افکار مضره یی قالدیرمی، تألیف بینه چالیشملی. بزم ایچون بوکون باشقه چاره یوق. هر کسسه اتحاد. احتیاجات زمانیه یی تقدیر ایتلی، اکلاملی ده اوکا کوره هر کس کندی وظیفه سیله مشغول اوللی.

الحاصل بر حقوق نقطه نظر دن علم کلام کتابلمری اصلاح واکمل ایتلی بز .
 بالخاصه عصر حاضرده کی فلاسفه نك مذاهبنی او قومی، او کر نملی . عقائد مزه
 مخالف اولان نقطه لره قاشی کندیمزی مدافعه ایتلی . . فقط هر درلو مدافعه مزی
 «وجادلهم بالتی هی احسن» حکم جلیله توفیق ایتلی بز . یعنی ادب دائره سنده مباحثه،
 مناظره ایتلی . اختلاف لری قالدیر ملی . چونکه حضرت پیغمبرده بویه یا پار دی .

شیمدی مدارسمک اصلاحی جهته کلنجه، او، دوشونولمکده در . الویررکه
 سز اصلاحک لزومی تقدیر ایده سکیز . [طلبه :- بدیهی بر حقیقت . اصلاحنه
 غیرت اولنمسنی رجا ایدرز] سز مخالفتده بولنورسه کنز بزده برشی یا پامیه جغز .
 سزونی تقدیر ایدک . بز بواسلا حانی یا به جغز . هر شیدن اول بواسلا حانی یا پامیه مجبورز .
 بوکون ، ظن ایدرم که علوم جدیددن مدارسه هیچ اولمازسه بش التی درس
 قومی . شیمدی به قدر تعقیب ایتدی کمز اصولدن بر چوقلرینی تعدیل ایتلی .
 مثلا : حاشیه ، حاشیه اوزرینه تعلیقات . . . بر کره اولنری قالدیر ملی . متلری
 کوز بجه او قومی . فقط لغت وادبیاتله برابر او قومی .
 او حاشیه لر ، تعلیقاتلر ندر ؟ بیادیکمز برلسانک قواعدی حتمده یازیلمش
 تنقیدات ! اولا بر کره لسانی بیلملی .

— ای اما بز عربجه او قومورز ، بلکه عربی لسان اوزره یازلمش برطاق علملر
 او قورز . . . دینیور . بونه دیمک ؟ بز کتابمزی کتاب اللهمزی بیلمیه جکزمی ؟
 ندیاده هیچ بر قوم یوقدر که کتابنی بیلمسون . نورانی یهودیلر بیلیر ، چونکه
 کندی لسانلریله یازلمش . قرآن کریم بزم لسانمز اوزره نازل اولماشدر . او
 حالده ترجمه ایدلم . بیادیکمز برلسان واریا ، اولسانه ترجمه ایدلم . ترجمه ایچون
 نهلازم ؟ عربجه ای بیلمک ، اگر عربجه ای بیلمزسه ای ترجمه ده اولماز .
 بناء علیه علمانک عربجه بیلمنی ضروری .

شو حالده « بز عربجه او قومایورز ، عربجه یازلمش علملری او قورز » سوزی
 سوزمی ؟ ادبیاتی او قویه جغز ، قواعدینی متوندن بلله به جکیز . ایجاب ایدرسه
 بعض شرحلر او قورز . حتی بکا قالیرسه طلبه کندی کندینه شرحلری مطالعه
 ایتلی . ذاتا اسکیدن اویله ایدی . بیلم نصل اولمش ده متن بر اقلمش ، شرح
 او قومغه باشلامش .

نه تحف حاله کلمش : اولاً بر شرح ، سوکرا بر حاشیه ، بر حاشیه دها ، سوکرا بر تعاقبات دها . . . بویه بر کتابی الحق بش ای سنده وقویه بلیز سوکرا : بوکتابدن نه آکلادک ، نه کی مسائل و کربندک ؛ ده سورسهک . هیچ برشی یوق . بوندن ماعدا عریجه بریتک برهصراعنی کلامق ساندن دکل . چونکه بتون زمان مناقشانه کجدی . عصام شویله دیدی ، عبدالغفور بویه دیدی ، یوق بیلمم کیم بوراده « ففهم دیمش . وجه نفهم نه ایتس : هپ دیمش دیمش . هپ فال ، قیل . پک اعلا . فقط بز نه وقویه جزر : عریجه تنقیدانی می : اولاً ادیبانی بیلنه ز . هنوز قواعدی اوکره که حاشیه یوزر . سیمدی عبدالغفورک ، عصامک صیرده سی می ؟

بونلر ؟ ندر ؟ دوشونمک لازم گلزمی ؟ بری بر متن یازمش . قواعدی خلاصه ایتس . تحصیل لسان ایچون قولایق یتمش . سوکرا بری چیتمش . اومتی تنقید ایتس . ایده بیایر . سوکرا بری دها چیتمش ، او تنقیدی تنقید ایتس . پک اعلا ، بوده بر مباحثه در ، وارسیونلر قواعد متخصصلری اوغراشسونلر . طبیعی بو تنقیدات او قواعدک فلسفه سی دیمکدر . بونلرله اشتغال ایده جک ائوده بولنه بیایر . فقط هنوز لسان اوکره که باشلایان بر آدمک او لسانک قواعد فلسفه سیله ، عصام ، عبدالغفور قوغاسیله وقت کچیرمی طوغروسی هیچ عمده صیغماز برشی در .

اعتراضکنز وارسنه سویلیک ، بز متن او قویه جقدق . نه بلله یه جکدک ؟ قواعد . نه یه عاید : عریجه . بکی او قویه . ولزم . فقط سوکرا او قویه عند اوزرینه بر کتاب یازتمش . واقعا بر شرح ، اما اوده تنقیددن عبرت . چونکه اعتراضلر ، [قال ، قیل] لرتولو . سوکرا اونک اوزرینه حاشیه لروار . بونلر ده فلان شویله دیدی ، فقط بن حقایم ، اودکل ، او کلاماش ، طوغروسی نهم دیدیکم در . . . تنقیدک تنقیدی ، تنقیدک تنقیدینک تنقیدی . فلسفه نک فلسفه سی ، فلسفه نک فلسفه نک فلسفه سی . . .

واقعا بو ، پک بوش دکل . لکن بونه وقت اولور ؟ بر کرد لسان بیلملی . سوکرا بونلر مطالعه کتابی اوللی . اصول تنقیدی ، دها طوغروسی اصول انتقادی اوکریمک ایچون بر طاق فلسفه دوشونملر ؛ بونلری بر رب ایتملر .

مقصودی بیلبلی ده اوکا کوره تحصیلده بولغلی . هر شیک صردسی وار ، زمانی وار ، فقط مع التأسف بز بوسردنی ، بوزمانی بیلمیوروز .

ایشته انک ایچون عربجه بیلمیوروز . بریت کایر ، شاشوب قالیرز . نه عبدالغفوردن امداد وار ، نه عصامدن . هایدی قاموسه مراجعت . لغتلی حل ایددم . اونکده آرامهسی ایچون برچوق زمان غائب ایدیوروز . نه ایسه بولدق ، فقط اومایور . تحف شی . چونکه اولغنی لایقیله اکلامق ایچون ادبیات لازم .

خلاصه بودرسلری اصلاح ایتملی . منترله برابر لغت و ادبیات اوقوملی . صوکر لایقیله فقه اوقومیوروز . زیرا وقت بوله میوروز . تفسیر ، حدیث اونلره هیچ اهمیت بیله ویرمیوروز . بونصل تحصیل ؟ بویله شی اولماز . بوتون طلبه برره کلیلسکنز . ایشته بواحتیاجی سزه سویلوروم . سزده دوشونملی سکنز . زیرا آرتق بو حاله نهایت ویرملی . چاره لر تحری ایتملی . مثلا مصرده کوزل پروغرام پامشله ، اونی کتیرتملی . نصل پامشله ، او پروغرامی کورملی . دوشونملی . احتیاجات حاضرده کوره بر پروغرام ترتیب ایتملی . بر کره بو عربجه جهتی تأمین ایتملی ، صوکر اده قون جهتی صوگ درجه نظر دفته آلملی .

— ای اما بز نصل کچنه جکوز؟

اوجهتی بز دوشونونه جکوز . اوراسی سزه عائد دکل . امین اولوکز سزک حاصلاتکنز پک چوقدز . فقط اوته کئک ، بریکنک الندد قالمش . طلبه نک محضات وقفه سی کندیلرینه تامیله ترک اولنسه بشیک طلبه وارسه ظن ایدرم ایدد اوچرلیرا دوشر . بوندن ، باشقه ملتکده سزده قارشى فدا کارلق کوستره چکی محققدر . الویرکه سز بر موجودیت کوستره سکنز . شبه یوقکه استقبال امین در . یالکوز سزه عائد شی ، بواحتیاجی بیله رک بوئی دفعه چالیشمقودر . صوکر ا براجنی لسان لازم در . بو خصوصده تعصب کوستره ملی در . باشقه چاره یوقدر . هم بونده برأسده یوق . چونکه معلوم یا — عقلمز وار ! دوشونوز — دیانته مخصوص و منحصر بر لسان اولماز .

مثلا عربجه اتی بیک سنه لک بر لساندر ، دین اسلام ایسه بیک کسورسنه لک بر دیندر . اولیله دکللی ؛ برده از جمله کریدده مسلمانلر وار ، هیچ ترکجه بیلمزلر ، عربجه ده بیلمزلر . بونلرک لسانی روحه در . شیمدی بونلر مسلمان

دکلمی؟ بونلره مسلمان دیمه جگمی بز؟ سوکرا بز ترجه قونوشیورز. قرآن کریمک نازل اودینی برسان دکلم بو. قونوشایم... اولورمی؟ سوکرا عرب یهودیلری عربجه قونوشیورلر. فقط دینلری اسلام می: خایر.

شوحده فرض ایدلم بز دیمزه مخصوص اولان لسان، عربجهدر. پکی، نهدیمک ایسته نیور؟ مادام دیانت اسلامیه به مخصوص لسان، عربجهدر، حسب الدیانه باشقه لسان تکلم ایتمه جگمی؟ «ایتمه جگمز» دینورسه او حالده بز آتم اولدق. بونی هانکی عقل، هانکی منطق قبول ایدر؟ هانکی آیت، هانکی حدیث بونی سویلر؟

ایشته ترجه نه ایسه فرانسزجهده، انکلیرجهده اودر. اودر عربجه تک غیری برسان در. ترجه جائز اولیورده انکلیرجه نهدن جائز اولماسون. کذلک جامده ترجه ایسه درس اوقونشور. کناه اولیورمی؟ خایر. پکی فرانسزج سویسه ک نه اولور؟ عربجه به نسبتله ترجه نه ایسه فرانسزجه باشقه برشی می؟

شوحالده نهدن مدرسه ده اجنبی برسان تحصیل ایدیسون؟ ترکلر مسلمان اولمشلر، ترجه ای اولمش، دینورسه ایخده مسلمان اولمان ده چوق. ایشته چین بتون ترکلر. حالبوکه اکثریسی مشرکلر.

دیمک که لسان مسئله سی دینه قاریشدیر ماملی. دین باشقه، لسان باشقه، بونلری تفریق ایتلی. چونکه هم عیبدر، همده گسولوخ اولورز. بورده تعصب، اظهار جهالتدن باشقه برشی دکلدر.

صراط مستقیم: آغستوس ۲۲۵

قوتک اساسی اتحاد رتفاقدر

— بالیکسریده وبرلین برقونفرانسدن —

افندیلر،

برقومک، برملنک بقا و تعالیسی انجق قوت ایلدر. اگر برملنده، برقومده قوت واریسه او قومک بقا و تعالیسی محققدر و اوقوت موجود اولدقجه متعالیدر. قوت یوقسه او قوم باقی دکلدر، دائماً انقراضه، محوه محکومدر. بو؛ بدیهی

بر مسئله در . مع هذا بدیهیاتک خفی قسمنددر . بناءً علیه بونی ایضاحده
فأئده واردر .

دیدک که « بر قومک بقا و تعالیسی انحق قوتله در . » زیرا قوت اولمازسه
و قوم داخلی و خارجی دشمنلرندن کنیدی محافظه ایده من . یعنی نه آسایش ممالکتی
محافظه ایده بیلیر ، نه ده خارجدن او نملکته وقوع بولان مجاوزانه قارشی کله بیلیر .
بناءً علیه قوت اولمالی که هم آسایش محلی بی تأمین ایتسین ، هم ده خارجدن واقع
اوله حق مجوزانه قارشی کله بیاسین . ایشته بونک ایچون برملتک بقاسی انحق
قوتله در . قوت ایسه او قومک اتحاد و اتفایله خاصلدر . احضار قوتک
اس الاساسی اتحاددر ، اتفایدر .

بوده بدیهی بر مسئله در . چونکه اگر بر قومده اتحاد اولمازسه او قومک محتاج
اولدیفی شیلر وجوده کلز . مثلاً داخلده اسباب انضباطیه ، خارجه قارشی اسباب تدافیه
نه دن عبارت ایسه بونلر حاصل اولماز . زیرا بونلر برملتک ، ایچندن بر قسمنک
یا بجهتی شیلر دکلدز . بونلر اولیه شیلردر که بتون ملت بریره کله رک چالیشسه
انلر میدانله کله بیلیر و بواسابدن قوت حاصل اولور . بناءً علیه قوتک احضاری ایچون
برملتک متحد و متفق بولمسی لازمدر .

ایشته بو حکمته منیدر که پیغمبر صلی الله علیه وسلم افندمن حضرتلری مکهدن
مدینه ی تشریف بیوردقلر نده ایلک ایشی بین الاسلام اتحاد خصوصنه چالیشق
اولدی ، اول بونی یاپدی . مسلمانلری بر برینه قرده ش ایتدی . مهاجرلرندن
هر ذاتی انصاردن هر بذات ایلله قرده ش ایتدی . سیرده بوکا (عقد مؤاخاة) دیرلر ،
یعنی قرده شلق عقدی . نهایت کنیدی ذات رسالتیناهیلری ده حضرت علی
(کرم الله وجهه) ایلله عقد مؤاخاة ایتدیلر . بو اخوت او قدر قوتلی ایدی که
میرانه قدر تاثیر ایدیوردی . او قدر شلر بر برینه وارث اولیوردی . بونی ایچون
یا پیوردی ؟ زیرا بو یانمازسه (اتحاد) اولیه حق ، اتحاد اولما بجه (قوت) اولیه حق ،
او اولمازسه وظیفه ایفا ایدیه میه جک . چونکه وظیفه سی غایت کوچ ایدی . وظیفه سی
تبلیغنه مأمور اولدیفی احکام شرعی نی خلقه قبول ایتدیرمک ایدی . انک ایچون
اول باول قوتک تدارکی چاره سنی دوشوندیلر . قوت ده انحق اتحاد ایلله اوله جفندن
اول باول آنی یاپدیلر . (کتاب الله) ده بونی تأیید ایتدی : (انما المؤمنون اخوة) آتی

نازل اولدی . بونک مائی (مؤمنلر انحق قرده شدر) دیمکدر . شاید بیلر نده
برفئالقی ظهور ایدرسه (فاصحووا بین خوبیکم) یعنی (بیلر بی اصلاح ایدک)
بیورلدی .

ایشته اسلامیت بواساس متین اوزرینه ، یعنی اخوت و محبت اوزرینه تأسیس
ایتدی . بومهم اساسی محافظه ایچون دها برچوق شیلر لازمدی . چونکه بر
اساس قوریلور ، فقط صکره ضایع اوله بیلیر . او ، عارضیه اوغرار . او ، ایدی
قاله ماز . بناء علیه اخوت اساسی قیامته قدر محافظه ایتک ایچون برچوق احکامک
وضعی لازم ایدی .

اولا شونی سویلهیم که : انسانلر طبعاً منفعتپرستدر . منفعت ذاتیه سنی هر شیئه
ترجیح ایدر . هر نه یاپارسه مطلقاً اندن اول کندی منفعتی دوشونور . بو ، طبیعی
برحالددر . انک ایچون علمای متکلمین « افعال عباد معلل بالاغراضدر . » دیرلر .
حقیقهً انسانک غرضدن ، عوضدن خالی برفعلی یوقدر . انسانلر غرضسز ، عوضسز
برشی یاپمزلر . بوغرض ، عوضده انسانک ذاتیه ، نفسنه عائد اولمق لازمدر . انسانلر
طبعاً بویله اولدیغندن تأسیس اولئان شواساس قوی بی الی الابد محافظه حکمتیه
بناءً جناب حق قرآن کریمنده (تعاون) ی امر ایتدی : (تعاونوا ...) آیت
کریمه سی نازل اولدی ، (ای مسلمانلر بر بریکزه ایلیک خصوصنده یاردیم ایدیکیز)
دیه طرف الهیدن امر بیورلدی . کذا فقرا یه اعطای زکات و صدقه فطر و سایر
صدقات فرض و واجب اولدی . بونلرک حکمتی ، حکمت دنیوییه سی ایشه (اخوت)
اساسی تأیید ایدی . چونکه انسانلر بر برینه دائمناً نصرت و معاونت ایدرلر ایسه
بیلر نده کی (اخوت) زائل اولماز .

صکره اهل اسلام بهتاندن ، افترا دن ، غیبتدن ، قومیتدن شدتله منع اولندی .
زیرا انسانلر اکر بر برینی غیبت ایدرسه ، یکدیگری علمبنده افترا و بهتانه
بولنورسه ، قومیت تفرقه لرینه دوشرسه وواخوت اساسی محو اولور ، اخوت برینه
خصومت ، عداوت قائم اولور . بویله اولنجه (قوت) کیدر ، قوت زائل اولنجه
طبیعی ملتده محو اولور .

دها بویله برچوق اوامر الهیه ابه اخوت اساسی تأیید اولندی . حق او
اساسی محافظه ایچون برذات عالیقدر حقیقه نازل اولان آیت کریمه ده بیام بونرک
خطا اوله رق [حال بوکه خطا و نسیان بوامدن مرفوع ددر . آندن مسئول دگا ددر .]

یابدینی برایشدن طولانی (ان جاءکم فاسق نبأ...) بیوردی. اوذاته (فاسق) اطلاق ایدیلدی. بونک تفصیلی: (بنی مصطلق) قیله سندن زکات شرعیه بی تحصیل ایچون، صاحب رسالت افدمز حضرتلری برینی کوندردی. آنلر بوذاتک کلدیکنی خبر آلدیلر. هبسی استقباله چقدیلر. او ذات بونلری کورنجه قورقدی، ظن ایتدی که کندیسنی اولدیرمه که کلورلر. درحال کیری دوندی، قوشه قوشه مدینه یه کلدی. دیدی که: «قیله زکات ویرمه مک ایچون سلا حلامشله، آرفالدی بی اولدیرد جکلردی.» بوخبرین المسلمین فوق العاده غلیانی موجب اولدی. آرفالدی قتال وقوعه کله جک ایدی. صکره دن ایش آکلاشدی که اویله برشی یوق!

بونک اوزرینه (ان جاءکم...) آتی نازل اولدی (سزه بر فاسق کلیرده فنا بر خبر ویررایسه اوخبری ای تحقیق ایدک. بلا تحقیق برشی یابه جق اولورسه کز سزه مصیبت اصابت ایدر، صکره نادم اولورسکز) بیوردی. حال بوکه اوذات؛ صحابدن ای بر آدم ایدی، فاسق دکلدی. فقط بیلیمه رک کتوردیکی خبر پک فنا بر خبر ایدی. اخوت اسلامیه بی اخلال ایدیور ایدی. بوندن دولایی آنک حتمده بونظم شریف نازل اولدی. ایتدی برکیمسه بیلهرک بویله برشی یاپارسه؟ آرتق آنک تعیری نه اوله جفی دوستونلسون.


ایشته بوکچی ده برچوق آیات بینات ایله بودیدیکمز اساس متین محافظه ایدیلدی و بوسایده آرزومان ظرفنده مثلا ۲۰، ۳۰ سنه ظرفنده یوزمیلیندن زیاده نفوس حوزه اسلامه داخل اولدی. فقط انسانلر دایما برحالد بولنیور. اخلاق کیتدکجه بوزولمغه باشلادی. بین المسلمین فتنه، فساد، نفاق و شقاق ظهور ایتدی. اندن صکره مسلمانلر بللر بی دوغرولده مادیلر. دنیانک پک چوق برلرنده حکومتلر تشکیل ایتدیلر. ده حکومتلری پایدار اوله مدی. کافه سی جانب استیلاسنه معروض فالدی.

مثلا (اندلس) بیوک برحکومت اسلامیه ایدی. نهایت محو اولدی. سببی؟ بیلرندکی نفاق و شقاق... ناهار حکومتی ای مهم برحکومت ایدی. نهایت نه اولدی؟ اوده محو اولوب کیتدی. دهها بویله برچوق حکومتلر نفاق و شقاق یوزندن محو اولدی. سببی؟ بین المسلمین ظهوره کن نفاق و شقاق! یتش میلیون نفوس اسلامیه بی حاوی اولان (هندستان) محو اولدی؛ انکلز حکومتک

زیرا در سنه کیردی . ایسته زمانم زده کور سیورس کیز که (فاس) حکومتی بو کون فرانسه نك حمایتی کیردی . سبب نه ؟ - تحقیق ایدک - نفاق و شقاق ... ایران حکومتی ایجه بر حکومت ایدی . حتی مشروطیتی بزدن اول آنلر اعلان ایتشلر ایدی . بز آنلره غبطه ایتشدک . آفرین ایرانلره ، بزدن دها زیاده کوزلرینی اچشلر ، عقلمرینی طوبیلامشر ، نهایت مشروطیت اداره نی استحصال ایتدیله ، دیتشدک و سونمشدک . صکره نه اولدی ؛ بو کون ایکی دولت استیلاسنه معروض اولیور . بر طرفدن بردوات عظیمه ، او طرفدن دیگر بردوات عظیمه کشمش ، بونلری تمامیه استیلا ایتشد . سبب ؛ نفاق و شقاق ! بشقه هیچ برشی دکل ! ... اودوتلر ایرانه دیدیلر که : سز واقعا مشروطیتی استحصال ایتدیکیز ، اما آسایشی تقریر ایدم دیکیز . بویله دایما قتال ، دایما جدال اوله ماز . بز آسایشی محافظه ایدم جکیز ... بویله دیدیلر ، مداخله ایتدیله .

ایسته بونلر بزم ایچون بیوک بیوک عبرتلردر . دیمک اولیور که عموم کرده ارضه موجود ۳۰۰ میلیونی متجاوز مسلمانلرک بر ملجأی قالمش ایسه اوده بورا سیدر . ارتق بورادن بشقه اسلام ایچون بر ملجأ یوقدر . مقرض اولان حکومت اسلامی نك اسباب انقراضی نه اولدیغی آکلاشدی . بو حالده بو مرضک تدویمی چارده سنه چالشمق جمله مزک بورجیدر .

بالکسیری : ۱۸ مارث . ۳۲۸



متنوع مقالات قلمه عله :

لروم دیانت

حیات مدنیه دیانتله قائمدر . زیرا حیات مدنیه نك حصول و بقای انسانلرک بلدیگینه معاونت وهر خصوصده عدل وحقانیه رعایت اتمه لرینه نوقف ایدر . چونکه اگر اوله اولمازسه ، انسانلر بر بیک حقوقه تجاوز ایدرک ، مدنیته حاصل اولسه بیله ، آن زمان طرفنده وحشته انقلاب ایلر .

انسانلرک بر برینه معاونتی وهر شیده عدالت وحقانیه رعایتی ایسه ؛ آنجق دیانتله اولور ؛ حب انسانیت ویاخود خوف سیاستله اولماز . زیرا هر شیده مجرد

منافع شخصی به خدمت و خطوط انسانی به مجلویت فطرت بشریه مقتضیاتند اولنغله؛ هیچ بوجهه مسئولیت مادیه ترتب اتمه چکی یقیناً معلوم اولان خصوصاً صولدره صاحب دیانت اولیان کیمسه نك حدود عدالتی محافظه ایدرک کندی منافع و مطالبی ایچون لدی الایجاب غیرک حقوقه تجاوز اتمه می ممکن اوله ماز. قلبنده نور ایماندن اثر بولنمیان برمنگری بوکچی خصوصاً صولدره خیانتدن، کذبندن، غدرندن، نفاقندن هانکی شی منع ایلر. . . .

بو عالمک غیری بر عالمک ثواب و عقابنه؛ حساب و عتابنه ایمان اتمه مش برملجدی، قبایحنی ستره مقتدر اولدیغی و طریق مظلومه سلوکنده کندیسی ایچون بر منفعت حاضره دخی کوردیکی حلاله افعال قبیحنی ارتکابندن و اعمال سیئه به انهما کدن هانکی شی نهی ایلر. ؟

هانکی برسائق آنی هیئت اجتماعیه نك لوازمندن اولان معاونت، مرحمت، مروت، عدالت کچی اخلاق عالییه سوق ایدر ؟

حالبوکه دیانت، انسانلری دائماً امور خیریه و نافعیه سائق اولدیغندن حقیقه دیندار اولان بر کیمسه هر حال و کارده و بتون افعال و اطوارنده حقایق و استقامت اوزره حرکت ایدر. علی الدوام قلبنده قوم و قبیله سنه جدی بر محبت و بتون هم نوعه صمیمی بر اخوت حس ایلرکه مدینتک اسباب اولیه سی دخی ایسته بوکچی شیلردن عبارت اولنغله حیات مدینه نك آنجق دیانتله دوام ایده چکی و معاملات بشریه نك آنکله انتظام پذیر اوله جننی پداهت حکمنی آیلر.


حیات شخصییه کلنجه: بوده آنجق دیانتله قائم در. زیرا انسان جنسندن زیاده، روحیه انساندر. بناء علیه بر حکیمک دیدیکی کچی انسان کندی حسیات قلبیه و ادراکات روحیه سی اقتضاسیجه هر آن بر کلک غایب سنه وصلت آرزوسنده بولور. اگر آرزوایتدیکی کماله و اصل اوله مازسه صولک درجه معذب اولور. شو حالده، عجباً هر کلک متهمانی اولان حقیقه حقایقی، اصل مؤثر عوالمی غائب ایدرک شو کون هائلده بر صمت مدعش، بر سکوت مهیدن باشقه برشی کورده مزسه نه یاپار ؟

کندیسی هر جانبدن محیط و نامتناهی عوالمک بر سمیع و مجیدن خالی اولدیغنی، شو عوالمده تضرعات قلبیه و مناجات روحیه سی ایشیده چک برشی بولمیدیغنی توهم ایتمک و اویله اعتقاد الیمک انسانه الم و کدر و یرن شیلردن دکلده نادر ؛

من القديم انسان ایمانی دائماً زمان مصائبده کندیسنه برمعین اشفق ، بر
 ظهیر ارحم اولمق اوزره تلقی ایتمشدر. اگر ایمان اولسهیدی آلام ومصائبله مضطرب
 نیجه یوزکلر پاره پاره اوله جق، نیجه جگر لر یانه یانه ارییوب کیده جکدی.
 انسانی نهایت فانی ولاشی اوله جفته و دیار عدمه کیدوب اوراده ابدیاً قاله جفته
 دائر غایت مزعج فکر لره سوق ایدن وحقی لذائد جسمانیه دن آرزو ایتدیکی
 بر لذته نائل و یا خود مطالب مادیه دن تعقیب ایلدیکی بر مطلبه واصل اوله میان
 نیجه کیمسه لرده فکر انتحار تولید ایلین شی ، بتون صفات کمالیه فی جامع قادر
 متعاله عدم ایماندن بشقته نهدر ؟

شوحالده دیانت لوازم انسانیه و ضروریات حیاتیه دن اولمازمی ؛ و « آئی کیم
 غائب ایدرسه بتون دنیا به مالک اولسه بیله لذت حیاتیه فی غائب ایتمش و هر کیم
 آئی حائر اولورسه دندانته احتیاج شدید و پنجه فقر مدید آلتده بولنسه بیله راحت
 ابدیه نائل اولمش اولور » دیه حکم ایتماک لازم کلمزمی ؛

مصباح : ۳ تشریح اول ۲۲۴





بیاننامہ

اسلامده جهاد

بالجمله ارباب علم و عرفانك و ذوق آشنای حقایق بیناك معلوملری اولدیغی اوزره بتون عوالم، علویات و سفلیاتیه، کلیات و جزئیاتیه اول حکیم لایزال و علم ذوالجلال حضرت تیرینك مظاهر اسماء الهیه و آثار صفات جمالیه و جلالیه سندن عبارتدر. نوع انسان ایسه بومظاهر و آثارك خلاصه و زبده سیدر.

بونك ایچوندرکه انسان (لمدخلقنا الانسان فی احسن تقویم) آیت کریمه سینك منطوق منیفنجه صورت و شکل اعتباریه احسن مصنوعات و (و علم آدم الاسماء...) نظم جایلی مفاد منیفنجه سیرت و صفت جهتیله اعلم مخلوقاندر. انسانك روی زمینده خلافت کبرای الهیه ایله ممتاز اولسی و نظام عالمك بقاسی نوع انسانك بقاسنه وابسته بولنسی ده ایشته بو حکمته مبنیدر.

فقط انسان زبده کائنات و خلاصه موجودات اولمق اعتباریه جامع الحقایق اولوب بالجمله آثار جلالیه و جمالیه الهیهك مظهر تامی اولدیغندن جسم انسانی اجزای مختلفه و عناصر متضاده و بهمیت، ملکیت کی ایکی نوع قوای متباینه دن تشکیل اتمش و بویکی نوع قوانك یلدیگرله علی الدوام جدال و نزاعنه معرکه کبرا اولمشدر.

حالبوکه انسانده عمارت ارض و سیاحت ناس کی سر خلافتك تمامی تجلیسی و بوضورتله نظام عالمك وجه اکل اوزره بقاسی انسانك حاز اولدیغی او ایکی نوع قوانك توازن و تعادل اتملرینه و بو توازن و تعادلک حصولی ایسه انسانلرك خالفه عبادت، هر خصوصده عدالته رعایت، بی نوعنه معاونت، ضعفایه مرحمت و عموم مخلوقانه شفقت و اولوالامرله اطاعت مثللو مکارم اخلاق ایله تخلق و دیانت حقه ایله تدین اتملرینه وابسته اولدیغندن جناب حکیم متعال حضرت تیرلی مجرد الطاف سبحانیسی آثارندن اوله رق عبادینه بو وظائف قدسیه بی تعلم و آنلری حقیقت انسانیه ایله متناسب بر صورتده تدین حکمتنه مبنی انسانلری باشی بوش بر اقیوب ابتدای خلقت بشردن اعتباراً بو وظائف عالیه ایله مکلف بجه انبیا و مرسلین حضرت اتی بعث و ارسال بیورمش و نهایت (اما بعثت لاتم مکارم الاخلاق) حدیث شریفك دلالت صریحیه بی وجهله بو وظائف قدسیه بی آخر الزمان و پیغمبر ذیشان افندمن حضرت تیرینه امام و اکمل ایتدیرمشدر.

فی الواقع بتون انبیاء عظام حضراتی تبلیغ احکام وارشاد انام وظیفہ سبیلہ مکلف اولادقلری وآنحجق بوصورتہ تکملات بشرینک حصولہ ساعی بولندقلری جہتلہ اول امرده بتون ہمتلری ، بتون قدرتلری یا لکنز ارشاد انام و تبلیغ احکام جہتلری نہ صرف ایلہ اکثرا ایشلردر .

فقط انسانلردہ حسب الفطرہ ہوسات حیوانیہ ملکات انسانییہ غالب وبناء علیہ انسانلر علی الاکثر تغاب و تحکم طریقہ جمع اموالہ راغب اولادقلرندن انبیاء عظام حضراتنک بومساعی خدا پسندانہی لایقی وجہلہ ثمر ددار اولہ میوب بعشترندہ کی مقصد علوینک حصولہ مانع اولمق ایچون اکثرناس کرک کنندیلری نہ و کرک دعوتلری نہ اجابت و امرلری نہ اطاعت ایش اولان امتلری نہ اظہار خصوصتدن و مال و جانلری نہ تعرضہ جرأتدن خالی قلمدقلری ایچون انبیاء عظام حضراتدن بعضیلری بالآخرہ طرف سے جانیدن جہادہ مأمور اولوب بوصورتہ نشریہ مکلف اولادقلری دین الہی بی اعلا و اعزازہ و امتلرینک سعادت و سلامتلری تآمینہ موفق اولمشلردر .

شارع تعالیٰ حضرت تلمیذ ہر امر ایتدیکی شیدہ بہسہ حال یا بالذات و یا خود بالواسطہ برنوع حسنک بولنسی لابد اولوب حالو کہ جہاد حد ذاتہ قتل عباد و تخریب بلاددن عبارت اولغلہ اندہ بالذات حسن اولماتلہ برابر بالواسطہ حسنک موجود اولدیغی و او واسطہنک کلمہ الہی اعلا دن و دفع شرور اعدادن عبارت بولندیغی و مع هذا بورآدہ واسطہ ایلہ ذی الواسطہ آرہندہ مفہوم جہتلہ مغایرت وار ایسہدہ وجود خارجی اعتباریلہ یکدیگرینک غیر اولمدیغی و بو سبیلہ جہادک ایمان و صلاحہ کبی حسن ذاتی بی حائر اولان مأمور بہلرہ التحاق ایلدیکی علماء علم اصولک بالاتفاق بیاناتی جملہ سندندر .

ایشته بروجہ معروض اسبابہ منی امر جہادہ مأمور اولان اولوالعزم انیادن بری دہ سرتاج ابتہاجز، صوری و معنوی باعث فوز و نجاتز، فخر الانبیاء و قافلہ سالار اصفا علیہ اکل التحایا اقدمز حضرت تلریدر . سائر انبیاء عظام حضراتی کبی رسول اکرم صلی اللہ تعالیٰ علیہ وسلم اقدمز حضرت نلری دخی ابتدای بعشترندہ مکہ مکرمہدہ اون اوچ سنہ یالکمز فضائل اسلامی، مکارم اخلاقی تعلیمہ بذل اہتمام و ادع الی سبیل ربک بالحکمتہ و الموعظۃ الحسنہ و جادلہم بالحق ہی احسن ایت جلیلہ سنک احکام منیفہ سنہ اتباعاً حکمتلہ موعظہ حسنہ و مناظرہ مستحسنہ الہد قومنی ارشادہ

صرف اقدام بیوردقلری جالده قومندن پک آز ذوات اول حضرت تک بوتعالیم الهیه سندن مستفید وارشادات نورانیه سندن مستفید اولوب قومنک اکثریت عظیمه سی اوزرنده ایسه شوتعالیم علویه وارشادات نورانیه هیچ بروجه ایله حسن تأثیر اجرا ایتدکدن بشقه انلرک اول حضرت واصحابه قارشی بغض وعداوتلری وعیظ وکیلری جاب ایتمش وبو بغض وعداوت وعیظ وکیلر کوندن کونه تراید ایدرک اول حضرت واصحابی حقدده انلرک انواع اذوجنایی روا کورملریته ونهایت اووجود اقدسی زعم باطلارلجه اورتاندن فالدرمغه قرار ویرملریته سبب اولمش ایدی . بونک اوزرینه آرتق اول حضرت تک مکده اقامت ایتسندده هیچ برفانده اولهمیه جغی تحقق ایتمش وحابلوکه هر سننه موسم حج وسیله سیله مدینه دن مکیه کلمکده اولان حجاج ایله مناسبتده بولنه رق آنلردن بر چوق ذوات مهمیه دین مین اسلامی قبول ایتدیرمش وبو واسطه ایله اول حضرت تک مدینه منوره ده صیت نبوتی عظیم برتأثیر اجراسنه باشلامش واول بلده مبارکه ده دین مین اسلامک سرعتله انتشارینه پک زیاده مساعد بر زمین احضار ایدلمش اولدیغندن با امر الهی رسول اکرم افدمز حضرتلری وطن اصلیسندن قطع علاقه ایله مدینه منوره دی شرف قدوملریله مشرف قیلمشلردی .

فی الواقع رسول اکرم افدمز حضرتلری مدینه منوره دی تشریف بیوردقدن صکره پک جزئی بر زمان طرفنده اهل اسلامک عددی تکثر وقوتی تراید ایدرک نور اسلامک اطفا سنه بتون قوتلریله علی الدوام چالیشان دشمنلردن اخذ انتقام زمانی آرتق حلول ایتمش اولدیغندن ﴿ وقاتلوا فی سبیل الله الذین یقاتلونکم ولا تعتدوا ان الله لایحب المعتدین ﴾ و ﴿ وقاتلوهن حیث ثقتنوهن واخلرنهن من حیث اخرجوکم والفتنه اشد من القتل ﴾ و ﴿ من اعتدی علیکم فاعتدوا علیه بمثل ما اعتدی علیکم واتقوا الله واعلموا ان الله مع المتقین ﴾ و ﴿ وافقوا فی سبیل الله ولا تلغوا بآبیدیکم الی التهلکة ﴾ و ﴿ کتب علیکم القتال وهو کره لکم وعلی ان تکرهنوا شیئاً وهو خیر لکم وعلی ان تحبوا شیئاً وهو شر لکم ﴾ و ﴿ وما لکم الا لقاتلون فی سبیل الله والمستضعفین من الرجل والنساء والولدان ﴾ و ﴿ یا ایها الذین آمنوا مالکم اذا قیل لکم انفروا فی سبیل الله انما قلتم انی الارض ارضینم بالحیوة الدنیا من الآخرة فامتاع الحیوة الدنیا فی الآخرة الاقلیل ﴾ و ﴿ انفروا خفافاً وثقالاً وجاهدوا باموالکم وانفسکم فی سبیل الله ﴾ کبی نیجه آیات قرآنیه تک نزولیه حضرت رسول اکرم افدمز دخی جهاده مأمور اولمشدر .

جهادك مشروعت و فرضیتی حتمه شرفیوز و لوب بالایہ درج ابتدائیکمز شو آیات جلیله قرآنیہک افده ابتدائی معانی و احکامہ برار تدقیق ایدیلور ایسه دین اسلامده فرضیت جهادك ناکھی فیود احترامیه واحوال ضروریہ وقواعد اخلاقیہ ومسائل حقوقیہ ایلمتید بولمیدی ویشہ علیہ جهادك فرضیہ سہاوتی آردسندہ هیچ بروجه ایلمه منافه بولمیدی بالاسک تحقق ایدر .

زیرا برنجی آیتده (ای مسلمانلر! سزکله و سزکله ایلمدیہ جرات ایدن دشمنلر ایله فی سبیل الله جهاد ایدیکمز . فقط حدی تجاوز یعنی اخذ نلرله ، قدر نلرله ، چوجتلرله و سزکله معاهد اولان ملترله تعرض ایتیکمز که جناب حق بویله حدی تجاوز ایدنلری سومز) بیوریلور وایشته بو آیتله اهل اسلامه جهادك فرضیتی اول امرده دشمنلرینک کندیلرله مقالیده ماشرت ایتلرله قیید و انسی جهادده مجاهدین اسلام حدی تجاوزدن منع اولتیور که بویله برحاکم و وقوعده هر هانکی برملک دشمنه فارشو حربیه کیریشمی و دینی ، وطنی ، عرضی ، ناموسی ، مانی ، جانی محافظیه غیرت ایتیمی وظائف انسانیہ واحوال ضروریہ اجتماعی واردوی اسلامک انسی محاربهده عاجزلرله ، بیطار فلرله تعرضدن ممنوع اولسی ده عصر لردن بری حقوق دول علمانک چالیشه حالیشه نہایت گوج حال ایله بالیکمز نظری اولار قی دولترله قبول ایدر بیلدیکاری قورده نامی تطیقی هیچ بریسمدن کوردمدیکاری حرب حتمه کی حقوق بین الدولک اسلامده جهادسنددر .

ایکنجی آیتده (ای اهل اسلام! دین و وطنکزه تعرض ایدن و سزی و ظلملر بکزدن چیقاران دشمنلر بکزی زرده بولورسه گز قتل ایدیکمز و آنلری سزی چیقاردقلری لرلر دن چیقاریکمز که آنلرک سزی و وطنکزدن چیقارمش اولملری برفته اولوب فتنه ایسه قلادن اشددر .) بیوریلور که برملک دینه ، مال و جانیه ، وطنیه تعرض ایدن و اوماتی وطن صلایسندن اخراج ایدن دشمنیه جهاددن و دشمنک ید استیلاسه کچمش اولان وطنی سزدهده می و غیردن دها معقول و دها مشروع برشی اولامیه جفتی اثباته حاجت یوقدر .

اوجنجی آیتده (هر هانکی بر قوم سزده تعرض و تجاوز ایدرسه سزده آنلرله متابله بالمثل صورتیه تعرض و تجاوز ایدیکمز واللهدن قورقوب کندیلرله محاربه به

مأذون اولدیغکنز کیمسه لره تجاوزدن اجتناب ایدیکز و جناب حقت بویه مہیاندن اجتناب ایدنلر ایله برابر اولدیغنی بیلیکنز) بیوریلور و بورادده برنجی آیتک حکمی تأیید و تأکید اولنهرق اثنای حربده بیله عدالتہ صوڪ درجه رعایت اولغنی و محافظه موجودیتہ ممکن اولدیغنی قدر غیرت ایدلمکه برابر مهمامکن مصائب حربک تحدید و تخفیفی جهتہ کیدلسی صورت قطعیه ده فرمان بیوریلورکه دنیا طوردرجه ، بشریت شو احتراصاتیلہ دوام ایتدیکجه عقلتک ، حکمتک ، مصلحتک ، ناموس و حیثیتک ، حقوق و عهدوک خلاصه مقتضایانده بوندن عبارتدر .

احضار قوتک فرضیتنه و بونکه برابر دشمن صاحبه طالب اولورسه اکا قارشو ایدیلجک معاملهک کیفیتنه دائر شرفنازل اولوب (ای مسلمانلر ! دشمنلریکزه قارشو و سعنز یتدیکی قدر قوتلر و باخصوص سواری الایلری تشکیلی ایچون آخورلرده باغلانمش اولان نجیب آتلر حاضرلیکنز . زیرا بونلر ایله اللهک و سزک معهود دشمنلریکزی واللہک بیلوبده سزک بیله مدیککنز دیکر دشمنلریکزی قورقودرسکنز و فی سبیل الله جهاد ایچون اموالکزی بذل و انفاقکنز مکفاتی بلا نقصان کوررسکنز و بوبابده اصلا غدر و ظلمه اوغرامازسکنز . بوندن صکرده شاید دشمنلریکزر احضار ایتدیکنز قوتدن قورقوبده صلح و مسالمتک دوامنی سزدن طب ایدرلرسه جهاده حاجت قالمیجغدن سزده آنره موافقت ایدیکز . یعنی آرہ کنزده صلح و مسالمتک دوامنی سزدخی التزام ایدیکز) مآلنده اولان (واعدوا لهم ما استطعتم من قوة ومن رباط الخیل ترهبون به عدو الله وعدکم و آخرین من دونهم لاتعلمون ان جنحوا للسلام فاجتنبوا لها) آیت جلیلهسی دخی دشمنلره قارشو اعداد قوتک لزوم و وجوبی و بوندن ده مقصد دشمن طرفدن تعرض وقوع بولسون بولسون ہممه حال حربہ مباشرت دکل ، دشمنلره القاء خوف و خشیت و بوضورتله محافظه موجودیت و استقلالیت اولدیغنی و دشمنلر صاح و مسالمتی طالب اولورلر ایسه بوجهتک التزامی لازم کلدیکنی افاده ایتمکدرکه بکون دخی محافظه موجودیت و استقلالیت خصوصده بتون اقوام متمدنهک التزام ایتدیکی اصولده بوندن عبارتدر .

دردنچی آیتده (دشمنلر بکیزله فی سبیل الله جهاد ایچون اموال کیزی انفاق ایدیگز . بو خصوصده بخل وامساک ایله کندیکیزی تهلکه اسارت و مصائب ذلته القا ایتکیز) بیورلیور و بو آیتله لدی ایجاب دشمن دین و وظفه حرب ایتک ایچون لوازم حربیه و وسائط جهادیه بی تدارکه هر مسلمک قدرتی . بتدیکی قدر اشترک ایتسی و عکسنی التزام ایله کندینی تهلکه اسارت و مصائب ذلته القادن اجتناب ایسی فرض عین قیلنورکه بونک ده بر قومک حیات و بقای ایچون تقدر لازم بر حکم قوی و بر اساس متین اولدیغی بیاندن مستغیدر . اکر بو کون دنیاده موجود اقوام اسلامیه و قتیله بو کی احکام جلیله قرآنیه ایله عامل اولسه ایدیلر شبه یوق که هیچ بر حکومت اسلامیه استنلانی غائب ایتمه جک و تهلکه اسارت و مصائب ذلته گرفتار اولیه جق و هر اسلام دولتی قیامته قدر حاکمیتی کمال شان و شرفله محافظه ایله جال ایدی .

بشنجی آیتده (ای اهل اسلام ! سزه جهاد فرض قلندی . حالبوکه جهاد سزک ایچون کریهدر . فقط سزک کریه کوردیکیز و خوشلانمدیغیز بر جوق شبلر واردرکه سزک ایچون خیر ایدر . و سزک سودیکیز بر جوق شیلر ده واردرکه انلرده سزک ایچون شر محضدر) بیورلیور . فی الواقع جهاد بذل اموالی و فدای جانی ایجاب ایتدیکی جهته شبه یوق که منافی طبیعت و فقط دشمنک تجاوز و تعرضنه قارشو مملکتک مدافعه سی ، دین و ناموسک محافظه سی ، و ملیتک بقای ایچون ده موافق مصالحتدر . چونکه حیات ملی و حیات دینی حیات شخصی یه مرجحدر . ایشته بو آیت کریمه دخی بو حقیقتی بر صورت اعجاز کلایده بیان ایتکدهدر .

آلنجی آیتده (ای اهل اسلام ! سزه نه اولدیکه دشمنلر بکیزک نحت قهر و اسارتنده بولمان رجال و نسوا و صبیان کی ضلما و مظلومی خلاص ایتک ایچون فی سبیل الله جهاد ایتورسکیز ؟) بیورلیور و بو آیتله اعداء دینک ربقة اسارتنده قائلش اولان ضمای مسلمانک تخلیصی ایچون جهادک لزومی تدارک اولنورکه بویه بر حاله قارشو لاقید فالیوبده همان جهاده مادرتک متضای حمیت و شیمه انسانیت اولدیغی انکار ایده جک هیچ بر ملنک وجودی متصور دکادر . زیرا

اعدانك تحت قهرنده و ربقه اسارتنده قلمش و انواع مظالمه معروض بولمش
اولان همدين و همعرقك، باخصوص نسا و صبيان كې بچاركانك فریاد و امدادینه
باشمك ایستیمان برملتك انسانق دفترنده یری یوقدر .

* *

یدنجی آیتده (ای اهل ایمان ! سزه نه اولدیکه دین و وطنکزه سوء
قصد ایدن دشمنلریکنز ایله جهاده مسارعت ایدیکنز ! دنیلدیکی زمان بوتکلیفی
پك آغر کوریور، جهاده کیتیموب اولریکنزده اوطورمغه میل و رغبت
کوستریورسکنز ؟ یوقسه حیات ابدیه بدل شو موقت و محدود اولان حیات
صورییه راضی می اولدیکنز ؟ حالبوکه نعم حقیقه ابدیه نسبتله شوراحت
صوریه دنیویه انجق برشی قیلیدن عبارتدر .) بیوریلور و بوآیت جلیله ایلهده
دینه، وطنه سوء قصد ایدن اعدایه قارشو سریعاً جهاده کیتمنك و جوبنه دائر
وقوع بولان تکلیفی بالاستتقال بویله برزمانده جهاده کیتیموبده اولرنده
اوطورمغه میل و رغبت کوسترنلر صورت شدیددهده تقییح و توییح اولنیورلرکه
بونكده نه قدر مصیب و محق اولدیغنی انکار ایده جك هیچ بر فرد عاقلک بولنه میه جفی
بدیهیدر . چونکه استقلالیت و حاکمیتنه، شرف و حیثیتنه دشمن طرفندن
سوء قصد ایدیلان و یا خود ایله جکی محقق اولان و کندیلرینه « کندیکزی
مدافعه ایچون دشمنلریکنز ایله جهاده قوشوکنز » دیه وقوع بولان تکلیفیده
حسن تاقی ایتموب حالا اولرنده اوطورمق جهتی محافظه دیانت و مدافعه مملکت
اوغرنده فدای مال و جانه ترجیح ایدن بر قوم و بر ملت شبهه یوق که هر وجهله
تقیحه، تویحه سزادر .

* *

سکنزنجی آیتده (ای امت محمد ! کنج، اختیار، پیاده، آتو الی سلاح
طوتان تقدر آدملریکنز وار ایسه جمله کنز تهاجم اعدایه قارشو کمال سرعت
و جدیتله نفسکنز و مالکنز ایله فی سبیل الله جهاد ایدیکنز) بیوریلور و بونکلهده
اعدا طرفندن وقوع بولان تهاجمه قارشو نفر عام صورتیه جهادک و جوب و لزومی
کوستریوریور که بونكده موافق مصلحت و ایجاب ضرورت اولدیغنده شبهه یوقدر .
زیرا بوکون دخی بویله برحاله معروض فالان هر هانکی برملت ایچون یا یله جق
معامله نك بوندن بشقه برشی اوله میه جفی شبهه سزدر .

* *

ایشته رسول اکرم افدمز حضرتلری معانی عالیہ واحکام منیفه سی بر
 چوق قیود احترازیه و حقوق انسانیه واحوال ضروریه والجات طبیعیه ایله
 مقید اولوب بالاییه درج استدی کمز آیات جلیله قرآنیه ده مندرج اوامر الهیه
 حرفیاً امثال ایدوب جهاده مأمور اولدیغی کوندن اعتباراً ارتحال دار بقالریه
 قدر مرور ایدن سکز طقوز سنه ظرفد بکرمی سکز کره دشمنلرله جهاد
 ایش و جمله سنده بعایتہ تعالی احراز مظفرتله عصرلردن بری بتون جزیره
 العربده کمال دهشتله حکم سورن وحشتلره ، ظلم و تعبلرله ، هب و غارتلره
 نہایت ویرمش و اوحوالی نی لوٹ کفر و بلیه ظلمدن بالکلیه تطهیر و اودن میلیونی
 متجاوز برکتله بشریه سفیلہ نی نور هدایت و شعاع مدیتله نور و بوصورتله
 اوقطعه مبارکده دنیاده مثلی کورلماش برمدیت فضله تأسیس ایش ایدی .

ذات رسالتناھیلردن صکره خلفای راشدین حضرتانی دخی بو تعالی
 نبوییه حرفیاً اقتفا ایش اولملری سایه سنده اوتوز قرق سنه ظرفده معموره
 ارضک ال معہم قطعانی فتح و استیلایه و یوز میایونه قریب نفوس بشریه نی دائره
 منجیہ اسلامه ادخاله موفق اولدقلری کبی آنلردن صکره کلوبده بو طریق
 نجاته اتباعی کندیلری ایچون اقدم وظائف بیان و (واعدوا لهم ما استطعتم ...)
 آیت جلیله سی حکم منیفه توفیق حرکتله دشمنلره قارشو وسیعی یتدیکی قدر
 احضار قوتله لدی ایجاب جهاددن کیر و طور میان ملوک و سلاطین اسلامیه دخی
 بوسایده بجه بلاد جسیمه نك فتحه و بوصورتله ممالک اسلامیه نك ساین حیرت
 برشکلده توسیعنه و اهل اسلامک اوچوز میایونه قریب معہم بر مقدار قدر
 تکشیرینه و بو ممالکک تجاوز اعدادن بحق محافظه سنه موفق اولمشلر ایدی .

فقط و انشا که ایکی اوچ عصردن بری هر رده اهل اسلامه عارض اولان
 فساد اخلاق ، اسلامک جدیدی سفاهته ، فعالیتی عطالتله ، غیرتی مسکته ،
 استقامتی سقامته ، عزتی ذلته تبدیل ایش اولدیغدن بوحوال مؤسسه نك
 نتیجه طبیعیه اوله رق اکثر ممالک اسلامیه برر برر اعداه کجش و اسلام
 حکومتلری نك بر قسمی بالکلیه محو و بریشان اولمش ، نفسی ده استقلالتی غیب
 ایشدر . اولردن بالکمز بری استقلالتی محافظه ائده بیامشدر که اوده بوز لرحه
 میلیون اهل اسلامی تحت اسارتلرنده بولدیران و دین اسلامک دشمن بیامانی

اولان روسیه وانکلتره و فرانسه دوتلریله بوگون حال جهاده بولان دولت علیه عثمانیه در.

شوصرده دولت علیه مزك بودولتره فرشی اعلان جهاده مجبور اولسنگ سبی ایسه؛ جهادك فرضیتی حقهنده نازل اولوب بالایه درج ایستدیکمز آیات جلیله قرآنیه نك احکام منیفه سنه اتباعاً:

اولا؛ بوگون آوروپاده اشتعال ایدن نأثره حربك بتون اقطار جهانه صاحبقده اولدیغی اومدهش شراردلریله فرشو کندوسنی قورومندر.

ثانیاً؛ جناب حقلک عنایت سبحانیه سیله ظهور ایدن شوفرصندن بالاستفاده هم کندی استقلالیتی متین و امین اسلامده ربطه چالشمق، عمده عصر لردن ری بودولترک ربقه اسارتده بولان یوزلرجه میابون مسلمین مظلومینک دوچار اولدقلری ظلم وغدر لردن ممکن اولدیغی قدر خلاصلریله برچاره بولمغه اوغراشمقدن.

زیرا بوخائن دولترک اوتدنبری غایه امللری عالم اسلامک یکانه استنادکاهی اولان مقرر خلافت اسلامیه مزه هرمانکی روسیله ایله تعرض ایتمک و کندیلر نجه مناسب بر زمانک حلولیله همان بومقام معلانی اورتدن قلدرمغه جرأت ایتمک و بومقصد ملعتسکارانلریتمک حصولندن صکره آرتق بز عثمانیلری دخی تحت حاکمیت ظالمانلریله آلهزق کره ارضده موجود بتون اسلامی ایستدکاری کی ازمک و محو ایتمکدر.

اعلان منبر و مطبوعه بدایتده بودولترک آغوش معاونتلیله کمال خلوص و ینتاه التجا ایستدیکمز و حتی اوصرده انکلتره دولتمک درسعادته کوندردیکی بر سفیرینی اوزمانه قدر هیچ بر سفیر حقهنده کونسترامش اولان فوق العاده بر صورت تمشعهده استقبال ایستدیکمز و یه اوصرده بودولترک ملکتتمزده انک چوق اعمدلری فرامش بولان ذواتن بر قایمه تشکیل ایستدیکمز و بوقایمه نیت ریستتهده تم معناسیله انکلتر طرفداری اولان بر ذتی کتیردیکمز حاده بزم بوصمیانه محبتلریتمزه، خالصانه تسلیمیتلریتمزه، معصومانه آقیشلریتمزه اهمیت و برمیوب بوقدر نظاهرات جدید مزه فرشی آله اوکوندن اعتبارا الریله تسلیم ایستدیکمز کندی سلاحزله بوغزلی اورمغه باشلامش و تدویر ایستدکاری بر

دولاب تزویرایه بر «کشوف» مسئله‌سی میدانہ چقارتمش و بونی متعاقب حیات مملکتہ و استقلال دولته متعلق بر چوق مسائل مهمہ ظهورینہ سببیت و یرمش و بومسائلک کافہ سنی علیہمزه حل ایتدیردک تامیت ملکیہ مزہ مدہش برضربہ دہا ایتدیرمش و بونکلہده قعات ایتیموب مشروطیتمزی بسبتون حکمسر براقق ایچون میلیونر صرفیله خارجدن و داخلدن بولدقلری پرووغانداچیلر واسطہ سبیلہ مشروطیت ازکانی علیہرینہ خاطر و خیالہ کیمن انواع تزویرات و مفتریانہ باشلامش و بوصورتله دزت سنہ ظرفندہ مملکتک هر طرفنی عادتا بر فتنہ و فساد اوجانچی حالته کتیردک و بتون اہالیمزی یکدیگرینہ دشمن ایتدیردک مملکتک قوای مدافعہ سنی کوکندن صارصمش و نہایت بالقان اتحادینی تأسیس ایتمش و اوزمانہ قدر مملکتمزده او یاندردقلری اومدهش فتنہ و فسادلرہ رغماً و طیلرینی حالا کمال حرارتله مدافعہ ایدن اتحاد و ترقی قابینہ سنی استظاہر یرلینہ کنندی اسکی مجلری و مروج املاری اولان و بودولنک آنجق ائتلاف مثلث دولتیرینک تحت حمایت و حاکمیتدہ یا شاہیہ بیلہ جکی قاعتندہ بولنن ذواندن بر قابینہ تشکیل و بوقابینہ یہ مجلس ملی بی سد و روم ایلمدہ بولنن یوز یکرمی بیک معلم عسکری میزی ترخیص ایتدیردکن صکرہ بالقان حکومتری اوزریمزه هجوم و بوحکومات اوردولرینہ بتون روم ایلی قطعہ سنی یکرمی اوتوز کون ظرفندہ تا استانبولک سورلرینہ قدر استیلا ایتدیرمش و بواسطیلا ایتسندہ روم ایلیک هر طرفندہ نهرلرکی آفان اسلام قانلرینہ و معصوم و مظلوم یوزیکارچہ اهل ایمانک و مخدرات اسلامک و اطفال و صبیانک عیوقہ چیقان آد و ایتلرینہ ، الحاصل اوزمان بوازدرولر طرفدل روم ایلی اہالی اسلامیه سی حفظندہ روا کوریلان و شمدی یہ قدر دنیادہ مثلنہ تصادف ایدلیان و بوندن صکرده تصادف ایدیلہ جکینہ احتمال و یرلیان ظلملرہ ، استکنجہ لرہ ، وحشتلرہ فارشی لاقید بیلہ فالہ میوب کمال شطارت و مسرتلہ اظہار شادمانی ایلدمش و بوکرده آتی سنہ نیری یوزواللی فقیر ملتک دیشندن طرناغندن آرتیروبده کوچ حال ایلد استقراسنہ موفق اولدنی سلطان عثمان و رشادیہ دریتوت لریمزی هیچ بر سبب مشروع و معقول بوق ایلن مجرد بزی حیانتی قورنارہ جق مهم بقوندن محروم اتمک متصد خانہ سبیلہ غضب ایتمش اولملری ، انگلیز حکومتات بوغصبانی دیگر رفیقارینک نہ موافق کورملری کی بزہ فارشی ابراز ایتدکاری و اتمکدہ بولدقلری عجب احوال مؤمنہ

وحرکت غیر لایقہ لرندن هر بری دخی بودنی دولتک غایه امللری خلافت اسلامیہ بی
 بای حال اورتدن قالدرمق و دنیاده موجود بتون اهل اسلامی همه حال محو
 ایتمک جهتنه معطوف بر برهان جلیدر .

بناءً علیہ بومدهش دشمنلریمز طرفدن معروض اولدیغمز شو تہلکہ
 عظامدن دینیزی، وطنہیزی، خلافت کبری اسلامیہ مزی، دنیاده موجود بتون
 اخوانیزی قورتارمق ایچون بوصرده آنلره فارشو اعلان جهاد ایتمک احکام
 دینیہ و منافع اسلامیہ من ایجاباتندندر .

فی الواقع جهادک فرضیتی قدرت و قوتیله مشروطدر . قوتی اولمین بردولتک،
 برملتک قوت و قدرت صاحبی اولان بردشمن ایله جهاد اتمی ممنوعدر .
 چونکہ : بودرلو جهاد حیات ملیہ و نفوس اسلامیہ بی بتون معناسیله تہلکہ بی
 القادر . بوایسہ قطعاً باطلدر .

شو حالده عجباً بوکون بزہ جهاد فرض اولمق ایچون شو مدهش دشمنلری ایله
 جنگ و جهاد قدرت و قوتیز وارمیدر ؟ اوت واردر .

زیرا : بوکون بودشمنلر دنیانک ال بیوک والک قوی ایکی دولتیلہ حربہ شلامش
 و آمل جهانکی برانہ لرینک حصولی ایچون بتون قوتلری ایوا یکی دوات معضلیہ
 توجیہ ایتمش اولدقلرندن و معاذاللہ نتیجہده غالب کاورلر ایسہ او عظیم قوتلری
 بزده توجیہ ایدرک اوزمن بلاستک عالم اسلامک وجودیتہ خانہ چکچکلری
 درکار بولندیغندن بوصرده نده ظهور ایدن بیوک برفرست بزہ الویرمش، بناء علیہ
 المزدہ کی موجود قوتلہ بونلر ایله جنکشمک امکانی بزم ایچون حاصل اولمش و بو
 امکانک حصولیلہ جهادک فرضیتہ متعلق اولوب بالایہ درجہ ایتدیگمز خطبات
 الیہ بزہ ارتق قطعاً توجہ اتمشدر .

بوکون اسلام دشمنی اولان بواوچ دوات ایله جهاد یا لک بزہ دکل ، افغان ،
 ایران ، فاس کبی بوائاده او ظالم دولتلری ایله جنکشمک امکانی کندیلری ایچون
 حاصل اولان بتون اسلام حکومتلریہ و بتون اسلام ملتلریہده فرض اولمشدر .
 شو حالده بوکبی حکومتلر و ملتلرده بزدقیقہ قوت ایتوب من او سلام خانی
 اولان دولتلرہ فارشو اعلان جهاد اتملی و بتون موجودیتلریله جالیشه رق
 کندیلری آنلرک تحکملرندن ، تغیلرندن قورتارمق در .

زیرا: اگر بویہ یا ہمزلسہ شو فرصت بردها ظهور ائیمہ جکندن ہم کندیلری بودولتلك تحکم ظالمانلری آئندہ محو اولوب کیده جان، همده او دولتلك کندی بیوک دشمنلریہ صوک درجه مشغول اولدقلری بویہ بر زمانده آنرا ایہ جنکشمک و دینلری، مملکتلری، ملتلری خالص ایتمک امکانی وار ایکن ترک جهاد ایستدکرندن طولانی طرف سبحانیدن عقاب شدیدہ مستحق اوله جقلردر .

سوزیمی بوراده خلاصه ایدوب دیرم که اسلامیتک خصم جانی وبتون اهل اسلامک جلاد بیامانی اولان انکلترده، روسیه، فرانسه دولتلری بوکون آلمانیا و اوستریا کی دنیانک اک بیوک واک قوتلی ایکی دولتیله حربہ کیریشمش وبتون قوتلری بیویکی دولتک اوزرینه توجیه ائمش وزعم باطللرنجه بو ایکی دولتی مغلوب ایستدکن صکره خلافت اسلامیه مزى دخی اورئیدن فالدر بر درق بتون جهانه حاکم اولغنی و مسلمانلری ده بالکلیه محو ایتمکی تحت قراره آئمش اولدقلرندن و حالبوکه عالم اسلامک خلاص و استقبالنک تأمین ایجون بو اوچ دولت ایله جنکشمه رک بتون اهل اسلامی بونلرک ظالملرندن قورتارمق امکانی ده حاصل اوله رق اولدقجه قوت و قدرت صاحبی اولان نه قدر اسلام حکومتی و نه قدر اسلام ماتی وار ایسه جمله سنه بودولتله قارشی بالایه درج ایستدیکمز آیات جلیله قرآنیه نک احکام منیفه سی موجبنجه جهاد فرض اولدیغندن بوکون خلیفه اسلام حضرتلری بو اوچ دولت ایله مستعیناً بالله تعالی جهادی اعلان ائمشدر .

بناء علیه، ای افغانده، ایرانده، فاسده و سایر محللرده بولنوب ده سو صرده مذکور اوچ دولت ایله جنک و جداله کندیلرنده امکان حاصل اولان امت محمد! عصرلردن بری دوچار اولدیغکز اساتلردن، اوضراد یغکز فلاکتلردن قورتلق و بوظالم دشمنلریزدن انتقام المق و بعدد کمال سان و شرفله یاسامق و جهاد ایله وقوع بولان اوامر الهیه بی آرتق یرینه کتیرمک زمانی حلول ائمش اولدیغندن شو مساعد زمانی بر دقیقه فوت ایتمیوب همان اثر حضرت خلیفه یه اقتفاء بو ظالملره قارشو اعلان جهاد ایدیکز که معینکز الله ورهبریکز رسول اللهدر .

بیاننامه

و بحسب الانسان ان یترك سدى آیت کریمه سی منطوق میفترجه انسان بهایم کبی باشی بوش اوله رق ترك ایدلمش دکادر. انسانک طرف باریدن احسن تقویم اوزره یار ایدلمش و صفات کبلیه لهیه به مظهرتی حسیله امانت کبرای سبحانیه بی حائر بولنمش و بقای شخصی و نوعیسنک تأمینی حکمتنه مبنی بوباده اقتضایدن اسباب ماده و معنویه نك کندیسنه احضار ایدلمش بولنمش و بتون کلیات و جزئیاتک ادراکنه و انواع صنایع و اختراعاتک انکشاف و انجلاسنه محل اولمش و بوسایه ده هر عصرده او عصرک مقتضیانه کوره نجه آثار عامیه و مدنیه بی وجوده کتیرمه که موفق بیورلمسی کبی عد و احضادن خارج نم جلیله الهیه به مظهریتدن طولایی مجرد بونعمتله قارشی لاشی حکمنده اولان بر مقابله شکرانیه اولمق اوزره رجوق و وظائف عبودیه و احکام دینه ایله مکلف اولمشدر.

شو مقابله شکرانیه به «لاشی» حکمنی و یریشمز موافق نفس الامردر. زیر اجناب فاطر کائناتک بی بشره احسان بیوردینی نم جلیله نك و حییه شکرانی ادایه اساساً امکان یوقدر. چونکه حقه قارشو ایفا ایدیله جک و وظیفه عبودیت بر کره حقت عبودینه احسان بیوردینی قوت و قدرت سایه سنده در. اگر او قوت و قدرت اولماسه انسانک هیچ بر وظیفه بی ایفا ایدمه چکی بیاندن مستعیدر.

رده انسانلرک خالق ذیشانه ورب ذوالجلالنه قارشو وظائف عبودیتی ایفایه مسارعتلری ینه کندیلرینک خیر و سعادتلرینه عائددر. جناب واجب الوجود هر شیدن مستعیدر. عبادات و طاعاتک مکافاتی، معاضینک مجازاتی هپ عباده راجعدر. شو حالده جناب رب کریمک عبادینه احسان بیورمش اولدینی نعمتله قارشی ادای شکران متصدیایه عباد طرفندن ایفا اولونه جق عبادات و طاعات، ضعیفایه مرحمت، مخلوقات الهیه به شمتت و هر خصوصده حقانیت و عدالته رعایت کبی مکارم اخلاقه تربین ذات و صفات ایتسنه سبب مستقل تشکیل ایتدیکنندن عبادک ایفا ایتدیکی بتون عبادات و طاعاتک منافی کندیسنه و بی نوعنه عائد اوله جغنده ترده محل یوقدر. بناءً علیه دین مبین اسلامک احکام عالیسنه توفیق حرکتله اخروی و دنیوی، صوری و معنوی اکتساب سعادتیه غیرت بالعموم مسلمانلرک منافی ایجابنددر.

دین مبین اسلامت احکام عالی‌سنة نوبق حرکتله اُخروی و دنیوی اکتساب سعادت غیرت بالعموم مسلمانان ایچون و جاهدند . علی الخصوص خلافت مجله اسلامیة و دوات معظمه عثمانیه‌نک تعالیٰ دین و دولت و محافظه حیات ملت ایچون اعلان جهاد و هر حال و حرکتله عنایت جایله صدایه استناد ایتدیکی و نه الحمد و المذم مجاهدین اسلامیة و عساکر عثمانیه‌نک غزاساحلرلنده بجه توفیقات سبحانیه بظهور اولدیقی دوشونیلنجه و وظیفه عبودیتک نادرجه کسب اطمینت ایلدیکی کابلله تطاهر ایلدیجکی شبهه‌مزدور . سو حانده منم حقیق و محسن اولینک الطراف جایله انبیه‌سنة فارشی قلمسوزدن و دینسوزدن شکر و محمدی برلظه آیبرمامق و هر خصوصده رضای باریسنی استحصاله چالشمق و وظیفه‌مزک بک مقدس اقسامی تشکیل ایلدیکی آزاده بیاندور .

الطاف و عنایاتنه پایان اولیان حضرت خداوند رحیم طاعات ایله مألوف قوللرینه و سع و یسرنی قرآن کریمده تبشیر بویورمقدوره . وادی معصیتده پویان اولانلرک حاللری ایسه دنیا و آخرتده بک و خیم و الیدر .

غفران الهی ایله مبشر بولونان شهرصیام تجلیساز اوله‌جنی معالیاتدن بحق حصه‌مند اوله‌جق صورتده امراره غیرت بالعموم مؤمنین و مؤمناتک سعادت ذاتیه‌لری مقتضیانندندر . اعلائی شان اسلام ایچون قائلرینی ایشاره آماده بولونان و بیکندر لومشاق سفریه‌یه کوکس کرن سو کیلی عسکر مزک آنجق فریضه جهادی ایضاده عجز طریبان خوفیله بعده قضایاتک شرطیله علنی اولیه‌رق افطار ایللری جائز اولدیغنه نظراً اهلنک فریضه صومی اداده قطعاً قصور ایتمه‌لری لازمدر . تقدیر علویته امکان اولیان صلاتک وقت و زمانیه اداسنده کی وجوب قطعی ایسه درکاردر . مکالم اخلاقی تمیم ایچون بعث بویوریلان فخر کائنات علیه اکمل التنجبات اقدمز حضرت تلمینک امت پاکیزه‌سی هر یرده و هر زمانده محاسن اخلافت انمودجی اولوق کورکدر . زهد و صلاح اسلامیتک لازم غیرمفارقیدر .

نسوان اسلام عفت و عصمتک ذی حیات تمثالیدر . تسترده کی حکمت و قیمت پان بالاتریندر . مخدرات اسلامیة بو حکمت علویته انجایاتنه رعایتده دره قدر قصور ایتمه‌لیدر . استقبال مملکتک مهد حیاتی آنلرک دست فضیلتنه مودوعدر . ملتلرک شوکت و عظمتلرینی تأمین خصوصنده حسیات دینیة و فضائل اخلاقیه‌نک تأثیری بک مهمدر . دینمزک علویتی ، ملتمزک نجاتی سرمدی سعادتلر مزدر .

شعائر دینی مزه تمامیه رعایت و فضائل ملیه مزی حقیقه ابرازه غیرت ، معنا و ماده^۱ تعالی و ترقیمزک الٰه متین اساس لر بدر . هر زمان او امر الٰهیه مطاوعت و نواهی صمدانیه دن مجانبت ایملری مقتضی بولونان مؤمنین و مؤمناتک رمضان مغفرت نشأده صوم و صلاة کبی فرائض مبجله بی حسن ادایه صوک درجه اهتمام ایله وعد جلیل صمدانی یه احراز ایاق و ماتمزمک موقع بلند اخلاقیسنی هر کس نظر نده ائبانه بذل مقدرت ایملری شریعت غرای اسلامیة نامنه توصیه اولونور .

۲ رمضان ۱۳۳۴ ، ۲۰ حزیران ۱۳۳۲



بیاننامه

حقایق اشیا بی تخری و تدقیق ایله اشتغال ایدن ذوات معالی صفاتک معلوملری اولدینی اوزره بو عالمده تصادفی و عبث اوله رق وجوده کیش هیچ برشی یوقدر . هر شئیک خلقی برسبیه مستند و هر خلقتیه برغایه مترتبدر ، حتی هر ذره بیله بر قانون و انتظام دائر دسنده کندی خلقتیه متناسب بر وظیفه ایفا ایتمکده و ایفا ایتمدیکی او وظیفه برغایه ترتب ایله مکده در .

سر تکلیفک ذراتدن شموسه قدر بوتون اشیا یه سرایتی و هر شئیک طبعاً و فطرته^۲ مکلف اولدینی وظیفه بی حسن ایفایه مجبوری و اجناسک انواعده ، انواعک افرادده کمال انتظام اوزره تجلی یه مظهریتی سایه سنده احتوا ایتمدیکی بی نهایت محاسن و بدایع ایله شو سلسله کائناتک ساحه آرای وجود اولدینی شه دن وارسته در . بو عالمده وجود بی اصلاحس ایدمه دیکم زهر هانکی بر ذره نک بیله سر تکلیفدن آزاده اوله رق وجوده کله مدیکی ثابت اولنجه صورت اعتباریله زبده کائنات ، سیرت جهتیله ده اکمل مخلوقات اولان انسانک هر نوع تکلیفدن وارسته اولمق اوزره قدم نهاده عالم دنیا اوله مدینی اولویته ثابتدر .

« وان من شیء الا .. الخ » آیت کریمه سنک دخی شهادتی وجهله بوتون اشیا لسان حالریله رب لری تی تقدیس ایتمکده لر ایکن ملائکه نک بیله مسجود و مطاعی اولان انسانک خالقنه قارشی لاقید قالمش اولسی ممکنیدر ؛ شه یوق که انسانک دخی خالقنه قارشی ایفاسنه مجبور اولدینی بر چوق وظائفی واردر . مع هذا بو وظائفه ترتب ایدن فواید حاشا خالقنه دکل ، کندیسنه عانددر .

چونکه بوتون عوالمدن غنی اولان جناب فاطر کائنات ، رب العالمین و ارحم الراحمین

اولدیغدن اسما و صفاتک مظاهری اولان شو عوامده هر شیک کندی استعدادیه
متاسب تکامله خدمت ایده جک بر قانون و بر وظیفه تعیین اییدیکی کبی انسانک ده
کندی خلقت کامله سیله متناسب ، تعالی و ترقیسنه مدار اوله بیله جک بر جوق
احکام شرعیه و وظائف دینیہ وضع ایله مش و بو صورتله انسانک قدر و شرفنی
برقات ده اعلایتمشدر .

فی الواقع جناب رب العزتہ عبادت و اوامرینه اطاعت و نواهیسندن مجاہت
ینه انسانک سعادت و اعتلاسنه خادم ، دنیا ده و آخرت ده مسعود اوله بیلمک الحق
وظائف عبودیتی ایفا ایله قائمدر . بالخاصه دین مبین اسلامک احکام عالیہ سی
سعد و نجاتک ارکان علویہ سیدر . چونکه شریعت غرای احمدیہ محاسن اخلاقک ،
فضائل و کمالک ، مادی و معنوی ترقیات و تعالیاتک کافل اکیدر .

بونک ایچوندرکه دیناً مأمور اولدینی وظائفی ایفا ایدن ونهی اولوندینی
شیلردن اجتناب ایله بن هر هانکی بر مسلم هر وجهله مسعود و هر یرده مدو حدر .
ذیرا دین مبینمزلک امر اییدیکی هر شیک منفعت محضه ونهی ایله دیکی هر فعلک
مضرت صرفه اولدینی بوکون جهانک مسلمیدر .

حام ، تواضع ، عدالت ، حقوقه رعایت ، عرض و ناموسه حرمت ، ضعیفایه
مرحمت ، فقرایه معاونت ، هر مخلوقه شفقت ، هر فعل و قولده صدق و استقامت ،
صوری و معنوی بوتون امورده جدیت ، اسراف و تبذیردن قطعاً مجاہت ، هر
خصوصده اقتصاده رعایت و هر زمان سعی و عمله اقدام و غیرت و نفسی لغویات
و فحشیاتدن و هر درلو سفاهتدن صیانت و امام المسلمینہ خیرایله دعا و محبت و اوامر
حکومتہ اطاعت و کمال طهارت و نظافتله خالته عبادت کبی شیلرک موجب سعادت
و اضدادینک باعث فلاکت اولدقارینی انکار قابلیدر ؟

کمال طهارت و نظافتله رب العالمینہ فارشی ایفاسی لازم کلان تعظیباتک اک
مقبول و اک معتول اشکانی جامع اولان صلاتک بحق ایفا ایله دیکی تقدیرده روحه
و زردیکی معنوی لذت و قلبه بخش اییدیکی صفوت و زراعت و بدنه تأمین ایله دیکی
تحت قدر سعادت متصور میدر ؟ کندیسنده ریواسه نیک مداخلهسنه امکان اولمیان
و بوسیله عبادات بدنیہ آردسنده ممتاز بر موقع احراز ایدن صومک لذتد معنویہ سی
حظوظات مادیہ ایله قابل قیاسیندر ؟

خلاصه مادی و معنوی بوکسلمک ایچون طاعات و عبادتده هیچ بر زمان

قصور ایتما میدر . علی‌الخصوص جناب خداوند کریمت غفران ایله تاشیر بیوردیغی مبارک رمضانده وعد جلیل الهی به احراز لیاقت ایچون صوگ درجه چالشمیلیدر . بلامعذرت ترک صلوات و نقض صوم فضاحتی ارتکابدن حذر ایتلیدر . هله قصدا و عاناً نقض صیامدن اجتناب قطعاً لازمدر . چونکه بوحال، هم خالقه معصیت، هم آداب عمومیة اسلامییه سرکشانه برخالفت، ده‌ها طوغریسی حال صیامده بولونان بوتون مسلماندره بویوک برحقارتدر .

زیرا نقض صوم ایچون بهمه حال علی ملاءالناس بیوب ایچمک مجبوری اولدیغی، چونکه اکل و شربک هر هانکی تنها بر محله دهخی اجرا سنده هیچ بر مانع بومدیغی خالد مسلمان عنوانیله قصدی وعلنی اولهرق بوتون اهل اسلامه فرشی نقض صیامه جرأتک هم صومی استخفاف، هم دهده حال صیامده بولونان بوتون اهل اسلامی استحقار مقصدینه ایتنا ایدهجکی شهه سزدر و بو حکمته مبتیدر که شریعتن بلامعذرت علی ملاءالناس عمداً نقض صیام ایدنلری بک اغیر جزالره لایق کورمشدر .

هیچ بر مسامان بوکبی احواله جرأت دکل، تنزل ییله ایتمه میدر . زیرا آداب اسلامی فضائل اخلاقیه ایله نوأم اولدیغدن مکارم اخلاقی تمام ایچون بعث بویورلمش اولان بر نبی ذیشانک امتی محاسن اخلاقک تمثالی اولمق کر کدر .

نسوان اسلامک دهخی بوجهتی کمال اهمیتله نظر دفته آللری لازمدر . بالخاصه عفت و عصمت، نسوان اسلامک زینت ممتازه سیدر . ملت و مملکتتمزک ترقی و تعالیسی تأمین ایددجک خصائل مدوحه خاتلمزک دست تربیتنده یتیشه جکدر . حالبوکه هر تربیه فضائل اخلاقیه و حسیات دینه اساسانه استناد ایتلیدر . چونکه حسیات دینه و محاسن اخلاقیه تعالی مات و ترقی مملکت خصوصنده اک مهم عاملدر .

بناء علیه بالعموم مؤمنین و مؤمناتک صوم و صلوة کبی فرائض مجلهبی وسائر باطنیه و وظائف دینهبی حسن ادایه بکل مقدرت و بتون شعائر اسلامی مزه تامیله رعایت و فضائل ملیه مزی حقیقه ابرازد غیرت ایددرک تعالی دین و دولت و محافظه ملک و ملت ایچون اعلان جهاد ایدن و دائماً عون جلیل باری به استناد و روحانیت مقدسه پیغمبریدن استمداد ایدین حکومتتمزک ظفر نهائی به مظهرتی و ملتتمزک، مملکتتمزک هر وجهله رفاه و سعادت و وسائل معنویه سنی احضاره کمال جدیتله مسارعت ایتلری دیانت جلیله اسلامی و ملت نجه عثمانیه نامه توصیه اولونور .

رمضان ۱۳۳۵ ، ۲۱ حزیران ۲۲۳

فهرست

مدنیت صحیحہ — دیانت صفہ

مدنیت صحیحہ الحق دیانت حقہ ایلہ حصولہ کلہ بیلیر	۵
دینسز برقوم تشکیل مدنیت ایدرک رفاه وسعادته یاشایہ ماز	۶
مدافعت نفس ، شرف نفس ، حکومت کبی شیلرمدار مدنیت اولہ بیلیر می ؟	۹
دینی حمایہ ایچون بر حکومت مشروعہ یه احتیاج	۱۲
دینک تعریفی	۱۳
قانون الهی وضعنک و اوقانونی خلقه نشر ایچون انبیا ارسالنک حکمتی	۱۳
قانون الهینک احکامی	۱۶
احکام توراتیه حقندہ بعض انتقادات	۱۹
احکام انجیلیه حقندہ بعض انتقادات	۲۲
نسخ مسئله می	۲۴
بعثت محمدیہ اولان احتیاج طبعی	۲۷
اعجاز قرآن	۲۹
معارف کونیه و حقائق فیهی محتوی اولان قرآن جلیل سعادت بشریه	۳۳
و مدنیت صحیحہ یه نصورته تأمین ایشدر ؟	

متنوع مقالات

فضائل علم	۳۹
عقائد دینیہ و عبادات شرعیہ	۴۱
حسن مطلق و ذوق سلیم	۴۶
حکمت تفاوت خلقت	۶۵
واسطه مدنیت و لسان عربی	۶۸
حامی مدنیت	۷۱
بر مطالعة حکمیہ	۷۵
بیان حقیقت	۸۰

ہیئت اجتماعیہ ومدنیّت صحیحہ نیک انسانلری	۸۴
انسان نادر؟	۸۷
علم انسانہ دائر بر ایکی سوز	۹۶
مسالك ارشاد	۹۹
عدالت	۱۰۲
علم نادر؟	۱۰۶
لزوم دیانت	۳۰۵

اسلامدہ فلسفہ

مسلك حدود اوزره اثبات واجب	۱۱۵
مسلك انكار اوزره اثبات واجب	۱۲۵
مسلك غایت اوزره اثبات واجب	۱۲۸
مسلك اختراع وابداع اوزره اثبات واجب	۱۳۰
اثبات حقائق اشیا	۱۳۲
ابن رشدك مسلك فلسفیسى وامام غزالی ایله بعض مسائل حقدہ مناظرہ سی	۱۳۹
ازلیت عالمه دائر مناظره	۱۴۰
ابدیت عالمه دائر مناظره	۱۵۳
فلاسفہ نك «الله صانع عالمدر» قوللرنده کی تلیسی	۱۵۸
فلاسفہ نك عالم ایچون برضائع اثباتدن عجزلری	۱۶۳
فلاسفہ نك معاد جسمانی بی انكارلری	۱۶۸

مدافعات دینیہ

برنصراینك قرآن جلیل حقدہ کی اسناداتنه زدیه	۱۹۹
تلاوت و حفظ قرآن مسئلهسی	۲۰۰
تورات وانجیلك حفظ اولنه مامسی	۲۰۲
جمع قرآن مسئلهسی	۲۰۵
قرآنك یدی لغات اوزرینه تلاوت وتعلیمی	۲۱۱
کتب تورانیه وانجیل حقدہ کی آیات قرآنیه واحادیث شریفه نك توف	۲۱۴
وتشریحی - اصل تورات وانجیل ایله محرف تورات وانجیلك تفریق	

زیرا: اگر بویله یا پمز لرسه شو فرصت بردها ظهور اتمیه جکندن هم کندیلری بودولتلك تحکم ظالمانلری آئنده محو اولوب کیده جک، هم ده او دولتلك کندی بیوک دشمنلریه صوک درجه مشغول اولدقلری بویله بر زمانده آتلرایه جنکشمک و دینلرینی، مملکتلرینی، ملتلرینی خلاص ایتمک امکانی وار ایکن ترک جهاد ایتدکلرندن طولای طرف سبحانیدن عقاب شدیدده مستحق اوله جقلردر.

سوزیمی بوراده خلاصه ایدوب دیرم که اسلامتک خصم جانی و بتون اهل اسلامک جلاد بی امانی اولان انکلتره، روسیه، فرانسه دولتلری بوکون آلمانیا و اوستریا کی دنیانک الک بیوک واک قوتلی ایکی دولتیله حربه کیریشمش و بتون قوتلرینی بو ایکی دولتک اوزرینه توجه ایش وزعم باطلارنجه بو ایکی دولتی مغلوب ایتدکلر صکره خلافت اسلامیه مزی دخی اورئدن قالدیره رق بتون جهانده حاکم اولغنی و مسلمانلری ده بالکلیه محو ایتمکی تحت قراره آیش اولدقلرندن و حالبوکه عالم اسلامک خلاص و استقبالنک تأمین ایچون بو اوچ دولت ایله جنکشمه رک بتون اهل اسلامی بونلرک ظلملرندن قورنارمق امکانی ده حاصل اوله رق اولدجقه قوت و قدرت صاحبی اولان نه قدر اسلام حکومتی و نه قدر اسلام ماتی وار ایسه جمله سنه بودولتله قارشی بالایه درج ایتدیکنز آیات جلیله قرآنیه نک احکام منیفه سی موجبنجه جهاد فرض اولدیغندن بوکون خلیفه اسلام حضرتلری بو اوچ دولت ایله مستعیناً بالله تعالی جهادی اعلان ایشدر.

بناء علیه، ای افغانده، ایرانده، فاسده و سایر محللرده بوتوب ده شو صر ده مذکور اوچ دولت ایله جنک و جداله کندیلرنده امکان حاصل اولان امت محمد! عصر لردن بری دوچار اولدیغکنز اسارتلردن، اوضراد یغکنز فلاکتلردن قورتلق و بوظالم دشمنلریزدن انتقام آلق و بعدد کمال سان و سرفله یاسامق و جهاد ایله وقوع بولان اوامر الهیهی آرتق رینه کتیرمک زمانی حلول ایش اولدیغندن شو مساعد زمانی بر دقیقه فوت ایتوب همان اثر حضرت خلیفه اقتفاء بو ظالملره قارنو اعلان جهاد ایتدیکنز که معینکنز الله ورهبرکنز رسول اللهدر.

بیاننامه

و بحسب الانسان ان یترك سدى آیت کریمه سی منطوق میفنججه انسان بهایم کبی باشی بوش اوله زرق ترك ایدلمش دکادر. انسانک طرف بازیدن احسن تقویه اوزره دیار ادمش و صفات کجایه الهیه به مظهر تی حسیله امانت کبرای سبحانیه بی حائر بولمش و بقای شخصی و نوعی سنک تأمین حکمتنه مبنی بو باده اقتضاییدن اسباب مادیه و معنویه نك کندیسنه احضار ایدلمش بولمسی و بتون کلیات و جزئیاتک ادراکنه و انواع صنایع و اختراعاتک انکشاف و انجلاسنه محل اولمسی و بوسایده هر عصر ده او عصرک مقتضیاتنه کوره نجه آثار علمیه و مدنیه بی وجوده کتیرمکه موفق بیورلمسی کبی عد و احصادن خارج نم جلیله الهیه به مظهر یتدن طولای مجرد بونعمتله فارشی لاشی حکمندده اولان بر مقابله شکرانیه اولق اوزره بر جوق و وظائف عبودیه و احکام دینه ایله مکلف اولمشدر.

شومقابله شکرانیه به «لاشی» حکمنی و یریشمز موافق نفس الامر دره. زیراجناب فاطر کائناتک بی بشره احسان بیوردینی نم جلیله نك و جیه شکرانی ادایه اساساً امکان یوقدر. چونکه حقه قارشو ایفایده جک و وظفه عبودیت بر کره حقت عبادینه احسان بیوردینی قوت و قدرت سایه سنده دره. اگر اوقوت و قدرت اولماسه انسانک هیچ بر وظیفه بی ایفایده میه جکی بیاندن مستغیدر.

برده انسانلرک خالق ذیشاننه ورب ذوالجلالنه قارشو وظائف عبودتی ایفایه مسارعلمی ینه کندیلر نك خیر و سعادتله ینه عائددر. جناب واجب الوجود هر شیدن مستغیدر. عبادات و طاعاتک مکفاتی، معاصینک مجازاتی هپ عباده راجعدر. شوالده جناب رب کریمک عبادینه احسان بیورمش اولدینی نعمتله قارشو ادای شکران متصدیه عباد طرفدن ایفا اولونه جق عبادات و طاعات، ضعیفیه مرحمت، مخلوقات الهیه به شفقت و هر خصوصده حقانیت و عدالته رعایت کبی مکارم اخلاقه ترین ذات و صفات ایتسنه سبب مستقل تشکیل ایتدیکنندن عبادک ایفا ایتدیکی بتون عبادات و طاعاتک منافعی کندیسنه و بی نوعه عائد اوله جغنده ترده محل یوقدر. بناءً علیه دین مبین اسلامک احکام عالیسنه توفیق حرکتله اخروی و دنیوی، صوری و معنوی اکتساب سعادتله غیرت بالعموم مسامانلرک منافعی ایجابنددر.

دين ميمن اسلامت احكام عاليه سنه توفيق حر كته اخروي و دنوي كنسب
 سعادت غيرت بالعموم مسلماننر ايچون و جا بندر . على الخصوص خلافت و بحاله
 اسلاميه و دولت معظمه عثمانيه نك تعالى دين و دولت و محافظه حيات ملت ايچون
 اعلان جهاد و هر حال و حر كاتنده عنايت جليله صمدانيه به استاد ايتديكي و له الحمد
 و المنه مجاهدن اسلاميه و عساكر عثمانيه نك غزاساحه لرنده بجه توفيقات سبحانيه به
 مظهر اولديني دوشونيانجه وظيفه عبوديتنك به درجه كسب احميت ايلديكي كجاليه
 تظاهر ايله چكي شبهه سزدر . شو خالده منع حقيق و محسن ازلنك الطاف
 جليله الهيه سنه فارسي قابزون و ديترون نكر و محمدن بر لحظه آير مامق و هر
 خصوصه رضاي بارسيني استحصاله چالشمق وظيفه نرك پك مقدس اقسامني
 تشكيل ايلديكي آزاده بياندر .

الطاف و عنايتنه پايان اولميان حضرت خداوند رحيم طاعات ايله مألوف
 قولر ينه و سع و يسرني قرآن كر منده بشير بر جوره مقدمه در . وادي مصيبتده بوين
 اولانرك حالري ايسه دنيا و آخرتده پك و خيم و اليدر .

غفران الهی ايله مبشر بولونان شهر صيام تجلیساز اوله جفی معالیان دن بحق
 حصه مند اوله جق صورتده امراره غیرت بالعموم مؤمنین و مؤمناتك سعادت
 ذاتیه لری مقتضیا بندر . اعلاي شان اسلام ايچون فانلريني ايتاره آماده بولونان
 و بيك در لومشاق سفر به به كو كس كرن سو كيلي عسكرك نرك الحق فريضة جهادي افزاده
 عجز طرياني خوفيله بعده قضايانك شرطيله عاني او ميده رق ابطار ايللری جائز اولديغنه
 نظراً اهانتك فريضة صومي ادا ده قطعياً قصور ايتمه لری لازم در . تقدير علوتنه
 امكان اولميان صلاتك وقت و زمانيله ادا سنه كي وجوب قطعي ايسه در كار در . مكارم
 اخلاقي تميم ايچون بعث بو يوريلان فخر كائينات عليه اكل التحيات افندمز
 حضرت تلي نيك امت پاكيزه سي هر رده و هر زمانده محاسن اخلاقك انو ذبحي اولمق كر كدر .
 زهد و صلاح اسلاميتك لازم غيره مفار قيدر .

نسوان اسلام غنث و عصمتك ذي حيات تمايلدر . استرده كي حكمت و قسوت
 پك بالاتريندر . مخدرات اسلاميه بو حكمت علويه نك الحجابانه رعایتده ذره قدر
 قصور ايتمه ميلدر . استقبال مملكتك مهدي حياتي انلرك دست فضيلته مودو عددر .
 ملنلرك شوكت و عظمتلری تا مین خصوصه حسيات ديمه و فضائل اخلاقه نك
 تأثيری پك مهيدر . ديننك علوتی ، ملت نك نجاتی سرمدی سعادت لرمزدر .

شعاً ردینیه مزه تمامیه رعایت و فضائل ملیه منزی حقیقه ابرازہ غیرت ، معناً و ماداً تعالی و ترقیمزک الک متین اساسلریدر . هر زمان اوامر الہیہ مطاوعت و نواہی صمدانیہ دن مجاہت ایلمری مقتضی بولونان مؤمنین و مؤمناتک رمضان مغفرت نشاندہ صوم و صلاۃ کبی فرائض مجلہبی حسن ادایہ صوک درجه اہتمام ایہ وعد جلیل صمدانی یہ احراز لیاقت و ماتمزمک موقع بلند اخلاقیسنی هرکس نظرندہ اثباتہ بذل مقدرت ایلمری شریعت غرای اسلامیه نامنہ توصیه اولونور .

۲ رمضان ۱۳۳۴ ، ۲۰ حزیران ۱۳۳۲

بیاننامہ

حقایق اشیائی تحریری و تدقیق ایہ اشتغال ایدن ذوات معالی صفاتک معلوملری اولدینی اوزره بو عالمده تصادفی و عبث اوله رق وجودہ گلش هیچ برشی یوقدر . هر شئیک خلقتی برسبیه مساند و هر خلقته برغایہ مترتبدر ، حتی هر ذرہ بیله بر قانون و انتظام دائرہ سندنہ کندنی . خلقتیله متناسب بر وظیفہ ایفا ایتمکده و ایفا ایتمدیکی او وظیفہ یہ برغایہ ترتب ایلمکده در .

سر تکلیفک ذراتدن شמושہ قدر بوتون اشیایہ سراشی و هر شئیک طبعاً و فطرۃً مکلف اولدینی وظیفہ بی حسن ایفا یہ مجبوری و اجناسک انواعده ، انواعک افرادده کمال انتظام اوزره تجلی یہ مظهری سایسندنہ احتوا ایتمدیکی بی نہایہ محاسن و بدایع ایہ شو سلسله کائناتک ساحہ آرای وجود اولدینی شہدن وارستہ در . بو عالمده وجودینی اصلاحس ایده مدیکہ زهر هانکی بر ذرہ نک بیله سر تکلیفدن آزادہ اوله رق وجودہ کله مدیکی ثابت اولنجه صورت اعتباریله زبده کائنات ، سیرت جہتیله ده اکمل مخلوقات اولان انسانک هر نوع تکلیفدن وارستہ اولمق اوزره قدم نہادۃ عالم دنیا اوله مدینی اولویتله ثابتدر .

« وان من شیء الا .. الخ » آیت کریمہ سنک دخی شہادتی و جہله بوتون اشیا لسان حالریله رب لری تقدیس ایتمکده لر ایکن ملائکہ نک بیله مسجود و مطاعی اولان انسانک خالقنه قارشی لاقید قالمش اولمسی ممکنمیدر؟ شہہ یوق کہ انسانک دخی خالقنه قارشی ایفاسنہ مجبور اولدینی بر چوقوظائفی واردر . مع هذا بو وظائفہ ترتب ایدن فوآئد حاشا خالقنه دکل ، کندیسنه عأئدر .

چونکہ بوتون عوالمندن غنی اولان جناب فاطر کائنات ، رب العالمین و ارحم الراحمین

اولدیغندن اسما وصفاتک مظاهری اولان شو عوامده هر شیک کندی استعدادیه متناسب تکاملنه خدمت ایدجک بر قانون و بروضیفه تعیین ایتدیکی کبی انسانک ده کندی خاقت کامله سیله متناسب ، تعالی ترقیسنه مدار اوله ییله جک بر چوق احکام شرعیه ووظائف دینیہ وضع ایله مش و بو صورتله انسانک قدر و شرفی برقات ده اعلایتمشدر .

فی الواقع جناب رب العزتہ عبادت و اوامرینه اطاعت و نواهیسیدن مجابت ینه انسانلرک سعادت و اعتلاسنه خادم ، دنیا دده و آخرتده مسعود اوله بیلمک آنجق ووظائف عبودیتی ایفا ایله قائمدر . بالخاصه دین مبین اسلامک احکام عالیہ سنی سعدونجائک ارکان علویہ سیدر . چونکه شریعت غرای احمدیه محاسن اخلاقک ، فضائل و کمالک ، مادی و معنوی ترقیات و تعالیاتک کافل اکلیدر .

بونک ایچوندرکه دیناً مأمور اولدیغی ووظائفی ایفا ایدن ونهی اولوندیغی شیلردن اجتناب ایله ین هر هانکی بر مسلم هر وجهله مسعود و هر یرده ممدو حدر . زیرا دین مبینمک امر ایتدیکی هر شیک منفعت محضه ونهی ایله دیکی هر فعلک مضرت صرفه اولدیغی بوکون جهانک مسلمیدر .

حلم ، تواضع ، عدالت ، حقوقه رعایت ، عرض و ناموسه حرمت ، ضعیفیه مرحمت ، فقرايه معاونت ، هر مخلوقه شفقت ، هر فعل و قولده صدق و استقامت ، صوری و معنوی بوتون اموره جدیدت ، اسراف و تبذیردن قطعاً مجابت ، هر خصوصده اقتصادده رعایت و هر زمان سعی و عمله اقدام و غیرت و نفسنی لغویات و فحشیا بدن و هر درلو سفاهتدن صیانت و امام المسلمینه خیرایله دعا و محبت و اوامر حکومه اطاعت و کمال طهارت و نظافتله خالقہ عبادت کبی شیلرک موجب سعادت و اضدادینک باعث فلاکت اولدقارینی انکار فایمیدر ؟

کمال طهارت و نظافتله رب العالمینه قارشی ایضاًسی لازم کلان تعظیباتک اک مقبول واک معقول اشکانی جامع اولان صلاتک بحق ایفا ایدلدیکی تقدیرده روحه و یردیکی معنوی لذت و قلبه بخش ایتدیکی صفوت و نزاهت و بدنه تأمین ایله دیکی صحت قدر سعادت متصورمیدر ؟ کندیسنده ریابوسه منک مداخله سنه امکان اولمیان و بو سیله عبادت بدنیہ آردسنده ممتاز بر موقع احراز ایدن صومک لذائد معنویسی حظوظات مادیه ایله قابل قیاسمیدر ؟

خلاصه مادی و معنوی بوکسلمک ایچون طاعات و عبادتده هیچ بر زمان

تصور ایتما میدر . علی الخصوص جناب خداوند کریم غفران ایله تشریح بیوردینی مبارک رمضانده وعد جلیل الهی به احراز لیاقت ایچون صومك درجه چالشمیلیدر . بلامعذرت ترك صلات و نقض صوم فضاحتی ارتکابدن حذر ایتلیدر . هله قصداً و عاناً نقض صیامدن اجتناب قطعاً لازمدر . چونکه بوحال، هم خالقه معصیت، هم آداب عمومیة اسلامیة به سرکشانه برخلافت ، دهه طوغریسی حال صیامده بولونان بوتون مسلمانلره بویوک برحقارتدر .

زیرا نقض صوم ایچون همه حال علی ملاءالناس بیوب ایچمک مجبوری و مدینی ، چونکه اکل و شربک هر هانکی تنها بر محله دهخی اجر اسنه هیچ بر مانع بولومدینی حالده مسلمان عنوانیله قصدی وعلنی اوله رق بوتون اهل اسلامه ورشی نقض صیامه جرأتمک هم صومی استخفاف ، هم دهه حال صیامده بولونان بوتون اهل اسلامی استحقار مقصدینه ابنا ایده چکی شبهه سزدر و بو حکمته مبتیدر که شریعتن بلامعذرت علی ملاءالناس عمداً نقض صیام ایدنلری پک آغیر جزالره لایق کورمشدر .

هیچ بر مسلمان بویکی احواله جرأت دکل، تنزل بیله ایتمه میلیدر . زیرا آداب اسلامیة فضائل اخلاقیه ایله نواام اولدیغدن مکارم اخلاقی تمام ایچون بعث بویورلمش اولان برنی دیشانک امتی محاسن اخلاق تمثالی اولوق کر کدر .

نسوان اسلامک دهخی بوجیتی کمال اهمیته نظر دقه آللری لازمدر . بالخاصه عفت و عصمت ، نسوان اسلامک زینت ممتاز دسیدر . ملت و مملکتتمزک ترقی و تعالیسی تأمین ایده جک خصائل مدوحه خاملر مزک دست تربیتنده یتشه چکدر . حالبوکه هر تربیه فضائل اخلاقیه و حسیات دینه اساسانه استناد ایتلیدر . چونکه حسیات دینه و محاسن اخلاقیه تعالی ملت و ترقی مملکت خصوصنده الک مهم عاملدر .

بناءً علیه بالعموم مؤمنین و مؤمناتک صوم و صلوة کبی فرائض میجله نی وسائر بالجله وظائف دینی حسن ادایه بدل مقدرت و بتون شعار اسلامیة مزه تمامیله رعایت و فضائل ملیه مزی حقیه ابرازد غیرت ایدرک تعالی دین و دوات و محافظه ملک و ملت ایچون اعلان جهاد ایدن و دائماً عون جلیل باری به استناد و روحانیت مقدسه پیغمبریدن استمداد ایله این حکومتتمزک ظفر نهائی به مظهریتی و ملتتمزک ، مملکتتمزک هر وجهله رفاه و سعادت و وسائل معنویه سنی احضاره کمال جدیتنه مساعرت ایتلری دیانت جلیله اسلامیة و ملت نجه عثمانیه نامه توصیه اولونور .

رمضان ۱۳۳۵ ، ۲۱ حزیران ۳۲۳

فهرست

مدینت صحیحہ -- دیانت حقہ

مدینت صحیحہ، الحق دیانت حقہ ایہ، حصولہ کلہ بیلیر	۵
دینسز بر قوم تشکیل مدینت ایدرک رفاد وسعادتلہ یا شایدماز	۶
مدافعہ نفس، شرف نفس، حکومت کبی شیرمدار مدینت اولہ بیلیرمی؟	۹
دینی حمایہ ایچون بر حکومت مشروعہ یہ احتیاج	۱۲
دینک تعریفی	۱۳
قانون الہی وضعنک و اوقانونی خلقہ نشر ایچون انیا ارسالنک حکمتی	۱۳
قانون الہینک احکامی	۱۶
احکام توراتیہ حقندہ بعض انتقادات	۱۹
احکام انجیلیہ حقندہ بعض انتقادات	۲۲
نسخ مسئلہ سی	۲۴
بعثت محمدیہ اولان احتیاج طبعی	۲۷
اعجاز قرآن	۲۹
معارف کونیه و حقائق فیهی محتوی اولان قرآن جلیل سعادت نشریہ	۳۳
ومدینت صحیحہی نہ صورتلہ تأمین ایتشدرد؟	

متنوع مقالات

فضائل علم	۳۹
عقائد دینیہ و عبادات شرعیہ	۴۱
حسن مطلق و ذوق سامع	۴۶
حکمت تفاوت خلقت	۶۵
واسطہ مدینت و لسان عربی	۶۸
حاجی مدینت	۷۱
بر مطالعہ حکمیہ	۷۵
بیان حقیقت	۸۰

- ۸۴ هیئت اجتماعیہ ومدنیت صحیحہ نیک اساسلری
 ۸۷ انسان نهدر ؟
 ۹۶ علم انسانہ دائر بر ایکی سوز
 ۹۹ مسالك ارشاد
 ۱۰۲ عدالت
 ۱۰۶ علم نهدر ؟
 ۳۰۵ لزوم دیانت

اسلامده فلسفه

- ۱۱۵ مسلك جدوت اوزره اثبات واجب
 ۱۲۵ مسلك انكار اوزره اثبات واجب
 ۱۲۸ مسلك ثبات اوزره اثبات واجب
 ۱۳۰ مسلك اختراع وابداع اوزره اثبات واجب
 ۱۳۲ اثبات حقائق اشیا
 ۱۳۹ ابن رشدك مسلك فلسفیبی وامام غزالی ایاه بعض مسائل حقنده مناظردهسی
 ۱۴۰ ازلیت عالمه دائر مناظره
 ۱۵۳ ابدیت عالمه دائر مناظره
 ۱۵۸ فلاسفه نك « الله صانع عالمدر » قوللرنده کی تالیسی
 ۱۶۳ فلاسفه نك عالم ایچون برصانع اثباتدن عجزلری
 ۱۶۸ فلاسفه نك معاد جسمانی بی انكارلری

مراعات دینیه

- ۱۹۹ بر نصرا نینك قرآن جلیل حقنده کی اسناداتنه ردیه
 ۲۰۰ تلاوت وحفظ قرآن مسئلهسی
 ۲۰۲ تورات وانجیلك حفظ اولنه مامسی
 ۲۰۵ جمع قرآن مسئلهسی
 ۲۱۱ قرآنك یدی لغات اوزرینه تلاوت وتعلیمی
 ۲۱۴ کتب توراتیه وانجیل حقنده کی آیات قرآنیه واحادیث شریفه نك توضیح
 وتشریحی - اصل تورات وانجیل ایاه محرف تورات وانجیلك تفریق

سیاسیات اسلام

صفحہ


- ۲۴۳ اسلامدہ اصول مشورت و حریت
 ۲۴۸ حریت مطلقہ وارمیدر ؟
 ۲۵۱ حریتی تقید ایدن شیلر: (قوانین موضوعه عادلہ - قواعد صحیحہ)
 عادات مستحسنه ملیہ)
 ۲۵۳ تستر نسوان
 ۲۶۱ تعدد زوجات
 ۲۶۴ طلاق
 ۲۷۰ عادات مستحسنه ملیہ منزی ترک ایله اوروپائی تقید ، اسارتی موجودر
 ۲۷۴ مساوات حقتده اسلامک نقطه نظری
 ۲۷۸ اسلام وترقی
 ۲۷۹ شورای امت حقتده اسلامک نقطه نظری
 ۲۸۰ حریت » »
 ۲۸۱ عدالت » »
 ۲۸۲ مساوات » »
 ۲۸۳ اخوت » »
 ۲۸۳ اسلامدہ قومیتک ممنوعیتی
 ۲۸۴ اعداد قوت

قونفرانس


- ۲۸۹ کتب کلامیہ نک احتیاجات عصره کوره اصلاح و تألیفی
 ۲۹۳ بین المسلمین مذاهب مختلفه نک توحیدی
 ۲۹۸ مدرسه لژده تدریساتک اصلاحی
 ۳۰۱ قوت اتحاد و اتفاق

یانا مزل

- ۳۱۰ اسلامدہ جهاد
 ۳۲۲ ارکان و شعائر اسلامیہ نک وجوب محافظه حی
 ۳۲۴











3 1761 07294474 7